





17



40

11 E 8

I

Ioachimi Perio-

NII BENI
Com

DE IAL A LIB.III

AD
REVERENDIS N
nem Bellai



CVM PRIVILEGIO



Parisiis, ex officina Ioannis Lodoici Tilc-
tani ex aduerso Collegij Remensis.

. 1 5 4 4 .

Carthusie

Romane.

12. 34. E. 6

John Smith

1604

1604

1604

1604



CAM. M. V. LEGIO

Ex libris Johannis Smith

1604

1604

1604

Ioanni Bellaio

CARDINALI IOACHI-
mus Pericinus Benedictinus Cor-
mæriac. S. P. D.

Si initio priorum opinionis earum
quas pro Aristotele Petrus Ra-
mum scriptas, ad te cum his
de dialectica libris misi, quibus
etiam id facere, minime exposui, equi-
dem vereretur, ne hoc factum meum, & insti-
tuta vita & studiis quæ secutus sum, alie-
num bonis videretur. Nunc cum ita neces-
sarium hoc munus esse docuerim ut præter-
mitti à me sine scelere non potuerit, ita eis
satisfactum esse arbitror, ut hanc culpam
iam vereri non debeam. Quod si qui sunt,
qui illud ipsum nimis audax & arrogans in-
terpretentur, præsertim in tanta eorum mul-
titudine qui multa de dialectica literis mæ-

ã ij



darunt, ij velim sic habeant, me nunquā de
hac arte quicquid scripturum fuisse, nisi hac
vel similis tēpestas incidisset. Quod satis
argumēti est me ab illa suspitione esse alie-
nissimum. Quanquā si hoc extimescendum es-
set, multi etiam dacti huiusmodi hanc culpā
vitare non possent, praesertim cum eorum nu-
merus qui hanc arte scribunt, constitui
certus nullo modo possit. Atque hac quidem
ad eos oratio est, quorum in reprehensione
possunt errare. Quae autē sequitur, mei
in te causas continet. Epistola quae
ante priorem orationem posita est, aperte
illa quidē indicat, & duas illas orationes,
& hos de dialectica libros à me in tuo no-
mine divulgatos esse, quod testatiora tua in
me beneficia esset. Quoniam autem hi libri
separatim nunc à me, ut commodè emi pos-
sint, eduntur: ne cuius in nomine apparerēt
ignorari posset, id mihi his literis ab homi-
num obliuione vindicandum censui. Quan-
tum quidem lucis dialecticae attulerim, non

dico: maloque aliorum de hac re iudicium
 interponi, quàm meum. Illud autem non du-
 bitabo confirmare, me cum nonnulla in lo-
 corum inuentione, tū in ea parte quæ iudi-
 cij & dispositionis est, multa docuisse, quo-
 rum auctorem non inuenerim. Nam qui lo-
 corum inueniendorum formas omneis, &
 quemadmodum iidem per treis dispositio-
 nis formas tractari possent, exposuerit, in-
 ueni certè neminem. quorum utrumque ali-
 qua ex parte præstiti. Nec verò solis Diale-
 cticis, sed etiā Rhetoribus hæc iūstra ali-
 quid adiumenti afferent. de quo tu in pri-
 mis pro ea quæ in te summa est, dicendi co-
 pia, poteris iudicare. Quod si ita tibi vide-
 bitur, tum etiam atque etiam vehementer
 te rogabo, ut quo adhuc animo libros qui à
 me scripti sunt, accipere solitus es, eodem
 hos etiam accipias. Vale Cardinalis
 amplissime, Lutetiæ Parisiorum Calendis
 Iulij M. D. XLIIII.





12-34-E-6

AMC
12-34-E-6

IOACHIMI PERIONII
BENEDICTINI COR-
mæriaceni de Dialectica Lib. I.

DI A L E C T I C A, est ars de
quaque re proposita probabiliter &
in utranque partem differendi. Cum
enim ars omnis habeat aliquid pro-
positum, in quo tanquam in materia
uersetur, hoc Dialectica differt à cæteris, quòd uel nul-
lum certum genus tractat, uel probabiliter de eo disputa-
tat. Nam reliquæ omnes, excepta Rhetorica, de qua po-
sterius differemus, aut in certo genere cernuntur, ut
Geometria in magnitudinibus, Arithmetica in nume-
ris, Musica in sonis, ceteræq; generis eiusdem: aut si in
omni re uersentur, at certè nō ad uerisimilitudinem, sed
ad ueritatem, omnem orationem dirigunt: ut prima phi-
losophia, quæ eadem & Sapientia, & Theologia uo-
catur. Atque hæc quidem plena est atque perfecta
definitio. Illa autem Ciceronis quæ posita est in secun-
do de oratore libro, Dialectica est ars bene differendi,
idem ea quidem, quod superior, ualet, sed quoniam non
explicat quibus de rebus, & quemadmodum disse-
rat, non tam aperta aut plena alicui uidebitur. Et si enim
bene differendi artem eam uocat, tamen quoniam pri-
ma etiam quam dixi, Philosophia, bene differendi est
ratio, errorem quendam aut obscuritatem disputanti-
bus asseret. Quis enim illam negabit esse bene differē-



di scientiam atque rationem, cum eam Plato Dialecticam appelleret? Quod si ita est, certe minus plene Dialecticam definiunt ij, qui eam omnino differēdi rationem esse constituunt. Neque enim illud, bene, additum est à Cicerone, nisi ut Dialecticam ab alia quæ non bene sed malè differit separaret. Hæc igitur teneamus, quæ sic rem quæ definitur, exponit, ut eius sit propria, nullamque in rem aliam transferatur. Differere autem probabiliter, est aliquid probabili argumentatione concludere. Probabilis porro argumentatio ea est, quæ efficit aliquid ex ijs quæ aut omnibus probatur, ut parentes colendos esse: aut plurimis, ut mundum providentia gubernari: aut certè sapientibus, ut deū curare res humanas. atq; sapientibus, uel omnibus, ut quod modò dixi: uel plurimis, ut uirtutem non satis esse ad bene beatèque uiuendum: uel ijs, quorū perspecta est & cognita sapientia, in quo genere sententiæ sunt probabiles philosophorum, quos cuiq; imitari placet. Quòd si Dialectica ars est de quaq; re probabiliter differendi, probabiliter autem differimus, argumentatione probabili aliquid concludendo: certè probabilis argumentatio, Dialecticæ finis sit necesse est. Et quoniam quicquid in quaq; arte traditur, id ad finem spectare debet, ut eo finem assequamur, hoc loco nobis propositū est docere quibus rebus eam poterimus adipisci quā querimus probabilem argumentationem. Hanc autem ita facillimè adipiscemur, si eas partes ex quibus constas,

cognitas habuerimus. Neque enim melius cognosci potest, quid sit homo, quam si quid sit corpus, quid animus, quotq; sint utriusq; partes intelligatur. Possum igitur sit, quod post dicetur accuratius, argumentatione esse oratione quae ex quibusdam propositionibus id quod uult efficit: quae ex definitione argumentatio ex propositionibus constare intelligitur: propositiones item ex uerbis simplicibus constant. Ita primum de minutissimis partibus argumentationis dicendum est, deinde de maioribus, cuiusmodi sunt enunciationes & propositiones. Ex quo perspicuum est, nos in tradenda Dialectica id docendi genus tenere constituisse, quod à Græcis σύνθεσις dicitur: à nobis constructio, siue compositio dici potest. De quo & alijs pauca dicenda sunt necessario. Neq; enim fieri potest, ut cur quicq; in qua, que arte præcipiatur, intelligas, si ordinem quem is qui artem tradit, seruet, ignores: præsertim cum quicquid docetur, id ad finem artis spectare ac referri debeat. Magnis quidem auctoribus tria docendi genera placet esse. Vnum, σύνθεσις, ut dixi, græci uocant: nos constructionem uocare possumus. Alterum, ἀνάλυσις, id est dissolutio, dicitur. Tertium, διαίρεσις, id est, diuisio. Primum genus naturæ consentaneum est maxime. Vt enim natura non repente aut simul opus suum totum efficit, sed à partibus orsa, sigillatim progrediendo, totum tandem absoluit: sic artes quæ naturam & imitantur & adiuuant, singulatim & pedeten-

tim tum absoluuntur optimè, tum etiam traduntur: ut qui ordo earum fuit inueniendarum & efficiendarum, is demum etiam tradendarum optimus esse uideatur. Est igitur siue compositionis siue constructionis ordo, quædam à partibus minutissimis ad maiores, inde ad alias quoad ad finem perueniatur, progressio. Hic ordo ualde probatus est Aristoteli, què in hac questione potissimū sequemur. Dicemus enim primum quæ sint, quotq; uerba simplicia, ex quibus omnis cõstet et propositio et enunciatio: deinde quid enunciatio sit, quotq; eius genera: postremo quæ ac quot sint argumentationis. In quo duas Dialecticæ partes, quæ inuentionis & iudiciij nominibus appellantur, persequemur. Dissolutionis autem ordo omnino est superiori contrarius. Ut enim illic à partibus ad finem, sic hic contra à fine ad partes fit progressio. Diuisionis autè ordo est, cum primo id de quo queritur & disputatur, de finitione declaratur: deinde in suas formas distribuitur: rursusque formarum diuiduntur formæ, quoad diuidi possunt. Hoc plurimum usus est Cicero, ut in libris de Officijs, de Finibus bonorum & malorum, in libris de Diuinatione, alijsq; permultis, ob eam causam maximè, quòd is, ut ipse scribit, Platoni probaretur. Ac de his tribus quidem tradendarum artium generibus hætenus. Ea autem in primis præceptores & tenere ipsi debēt, & initio interpretationis librorum suis tradere, ut sciāt quò quicq; referatur. Nunc cõmodè ad institutum nostrum

aggrederemur, sed quædam antè dicenda sunt, quæ cū
ad multa alia. tū ad definitionē Dialecticæ intelligen-
dam cognoscendāq; conducent. *Primiū enim quæ-
rendum est, Sit ne ars Dialectica: deinde, de eius ma-
teria & fine accuratius disputādum est: tum quo mo-
do inter se affectæ sint Logica & Dialectica, itēq;
Rhetorica & Dialectica.* Ac prima quidem illa quæ-
stio, nisi artis cognita definitione, explicari nullo modo
potest. Qui enim quid ars sit ignorabit, aut aliud esse
artem atque sit opinabitur, is Dialecticam multis mo-
dis artem non esse cōfirmabit. *Nam artem omnem &
in certis rebus uersari dicet oportere, & semper finem
quem propositum habeat, adipisci: & sic officiū suum
tueri, ut nemo qui ea non sit præditus, id facere possit,
& earum rerum esse quæ sciantur, & opus quod ef-
fecerit, conseruare, non euertere: quæ & pleraq; alia cū
Dialectica non conueniant, effici contendet in artium
numero non esse habendam Dialecticam.* Hæc uno
fere modo refelli possunt omnia, quoniam ferè ex artis
definitionis ignoratione nata sunt. Sit igitur ars quæ-
dam ex multis perceptionibus ac notitijs usu & exer-
citatione acquisita, & in unum exitum ac finem spe-
ctantibus, animi habitus constitutus, uel earum coa-
ceruatio. Hic cum habitum esse artem statuo, ad eas
quibus quisq; præditus est refero: cum coaceruationem
dico, ad eas, quæ libris continētur. Hæc autē ex multis
locis Aristotelis collecta definitio est. *Principio enim*

primæ philosophiæ dicit, tum denique artem nasci & oriri, cum ex multis exercitationis atque experientia perceptionibus, uniuersa quædã similitum notitia nascitur. Vt si quis obseruauerit alicui hoc morbo laboranti illud profuisse, atque alij & sigillatim alijs eodem modo, usus est: At si omnibus eiusmodi, in uno certo genere idem profuisse animaduernerit, iam artis est. Itaque principio artis Rhetoricæ, opus artis esse dicit, cum id quod sub artem cadit nonnulli temere ac casu, alij exercitatione & consuetudine faciunt, cur id faciant, notare. Nam hoc inscius qui usu ualet ab artifice differt, quod ille non potest asserre causam cur ita fiat, hic potest. Cicero quidem eadem in secundo de Oratore libro de Arte & dicit & sentit. Huius rei, inquit, scientiam si quis uolet magnam quandam artem esse dicere, non repugnabo. Etenim cum plerique temere ac nulla ratione causas in foro dicant, nonnulli autem propter exercitationem aut propter consuetudinem aliquã callidius id faciant, nõ est dubium, quin si quis animaduernerit quid sit quare alij melius quã alij dicunt id possit notare. Ergo id qui toto in genere fecerit, is si nõ planè artẽ, at quasi artem quandam inuenerit. In IIII. autẽ Acad. quæst. hoc modo: Ars uero, inquit, quæ potest esse, nisi quæ non ex una, aut ex duabus, sed ex multis animi perceptionibus constat? quam si subtraxeris, qui distingues artificem ab inscio? Non enim fortuito hunc artificem dicemus esse, illum negabimus: sed cum al-

terum percepta & comprehensa tenere uidemus, alterum non item. Hac artis constituta definitione facilis est locorum contrariorum refutatio. Nam cum artis uis & natura certam rem in qua consistat & uersetur, non comprehendat, Dialecticam ob eam causam non habendam esse artem quod in certo genere non uersetur, id falsum est. Illud autem quod de fine obiectum est, cum de fine huius artis paulo post differemus, refelletur. Nam inscios artis munus præstare, & Aristoteles & Cicero superioribus uerbis confirmant. quod quidem declarat artem omnem à natura proficisci. Reliqua autem duo quæ obiecta sunt, longiorem desiderant orationem. Nam prius illud, *Artem earum rerum esse quæ sciuntur*, in secundo de Oratore libro explicatum est his uerbis, *Ars enim earum rerum est quæ sciuntur*, *Oratoris autem omnis actio opinionibus*, non scientia continetur. Nam & apud eos dicimus qui nesciunt, & ea dicimus quæ nescimus ipsi. Itaque & illi aliàs aliud iisdem de rebus & sentiunt & iudicant, & nos contrarias sæpe causas dicimus: non modo ut Crassus contra me dicat aliquando, aut ego contra Crassum, cum alterutri necesse sit falsum dicere, sed etiam ut uterque nostrum eadem de re aliàs aliud defendat, cum plus uno uerum esse non possit. Atque hæc quidem Antonius apud Ciceronem obijcit, nec diluit. Nos autem ad ea quæ nobis obijci possunt, respondeamus. Sic enim tractari potest argumentatio, *Ars*

omnis earum rerum est quæ sciuntur: Dialectica autem earum non est quæ sciuntur. Nam cum in differendo posita sit, & is qui contra disputat, sæpe contra alterum, & ille contra hunc dicat de iisdem rebus disputantes, alterutrum necesse est falsum dicere: Non est igitur ars Dialectica. Facile ad hoc responderi potest. Nam cum Dialectica nõ ueritas, sed uerisimilitudo proposita sit, non si ij qui inter se disputant, iisdem de rebus aliud sentiant et dicunt, et alteruter falsum dicat, idcirco Dialectica earum rerum est quæ nesciantur. Disputamus enim exquirenda ueritatis gratia (neque enim quæstionem poneremus) in qua exquirenda si periti sumus artifices, ex certis initijs quod uolumus peruenimus. Sunt enim sua cuiusque artis principia. Vt Dialectica, Contraria in iisdem rebus sita esse. Contrarijs contraria conuenire. Cui definitio conueniat, rem etiam quæ definietur cõuenire: aliãq; permulta generis eiusdem. Ex quibus si quid alter rectè cõcludat, nõ certe alter, si modo doctus sit, repugnabit. Ita earum etiã rerum quæ sciuntur, Dialectica est. Cum autem Dialectica definitur esse probabiliter differendi ars & ratio, tũ ex maiore parte argumetorum ex quibus aliquid cõcludit, eius uis & natura spectatur. Quod si uelimus solum tenere, profectò huic loco ita satisfaciamus, ut illud primum, Ars earum rerum est quæ sciuntur, negemus, si tantummodo earum esse intelligatur. Nam & Rhetorica ars est, & medicina & Astrologia, & pleraq; alia, quæ non

semper earum rerum sunt quæ sciuntur. Scientia autem hoc loco pro certa comprehensione, quæ opinioni & dubitationi contraria est, sumitur. Nam illud alterum quod reliquum est ex ijs quæ obiecta sunt, ex eo Dialecticâ nō uideri artem esse, quia euertat opus suum, quod ars conseruare debet: facile est ad explicandum. Neq; enim is qui contra disputat, id sibi habet propositum in refellendo, ut uerisimilem disputationem quæ Dialecticæ opus est, tollat aut uerisimilitudinē, sed potius eam ut inueniat, inxētāmq; stabiliat atq; confirmet. Quod si falsis rationibus nec probabilibus prudens & sciens utatur, ijs quidem in disputationibus quæ non ad periculum faciundum conferuntur: is profectō non iam Dialectici officio fungi uidebitur. Quāquam ne in illis quidem hoc licitū esse fieri ratio ipsa patitur. Est enim tentandi ars pars quædā, ut uult Aristoteles, Dialecticæ, quæ cum in probabilibus rebus tota uersetur, etiā pars uersetur necesse est. Sequitur ut de materia Dialecticæ accuratius quàm initio fecimus, differamus. Res quidem omnes quæ in disputationem incidere possunt, Dialecticæ propositas esse tanquam materiam, iam dictum est. Quod Aristoteles multis locis & in Topicis, & in Reprehensionibus Sophistarum docet. Nos autem id ipsum hac etiam ratione confirmare possumus: Dialectica aut in nullis rebus uersatur, aut in certis, aut in omnibus. In nullis rebus eam dicere uersari, amentia est, cum ars isto pacto & inscitia idem ualere. Si in

certis uersetur, quæ tandē illæ erunt? Grammatica ne? At id nemo concedet. An arithmetica? astrologia? musica? geometria? Multo minus. Nam de Rhetorica mox erit differendum. Quòd si artes singulæ, in suis quæq; & uniuersa in omnibus rebus cernantur, & Dialectica certas sibi res propositas habeat, in omnibus uersetur necesse est. Atque id nomen ipsum indicat. Dialectica enim omnino dicitur, nullumque genus rei nomine suo complectitur, ut ferè omnes complectuntur quæ in certis rebus uersantur. Nam & arithmetica numerum, & astrologia astra, & geometria terram, & physica naturam, ceteraque certa genera quæ proposita habent, cõplexu suo continent. Sed ut hæc uera sint, in certis rebus nullis uersari Dialecticam, tamen hinc magna quædam existet quæstio, quemadmodum de rebus omnibus, quæ sunt illi cum singulis artibus communes, differere possit. Nam si de geometria, musica, medicina, ceterarumque artium rebus dicat & differat, tot illæ artes superuacaneæ uidebuntur, hæc una necessaria. Ita reliquæ tollendæ erunt, hæc una retinenda. Hæc mihi quæstio duobus modis explicari posse uidetur. Quæ enim artes certum habent genus propositum quod tractent, eæ quoniam non interrogant, ut etiam uult Aristoteles, in utrâq; partem non disputant de rebus suis. Neque enim uerisimilitudinem spectant, sed solam ueritatem: Dialectica autem uerisimilitudinem sibi propositâ habet. Ita cum illa ueritatem

ſpectent, hæc probabilitatem in differendo, non ſi hæc in rebus omnibus uerſetur, idcirco locus nullus futurus eſt cæteris. Alio etiã modo huius & reliquarum artium diſſimilitudo concludi poteſt. Dialectica de rebus omnibus illa quidem probabiliter diſſerit, ſed ita, ut ex cõmunibus ſibi cum cæteris artibus initys progrediẽdo quod uult efficiat: reliquæ autem ex ſuis quæq; ac proprijs. Nam ſi in rebus aliarum artium dialectica uerſatur, eas concludat neceſſe eſt aut ex proprijs earũ principijs, aut ex communibus. Non ex proprijs, quoniam iſto modo reliquarum nulla erit, ſed hæc una neceſſaria, aut certẽ dialectico comprehendenda & tenenda erit perfectã rerum omnium ſcientia. quo nihil abſurdius. Ex communibus igitur artium omnium principijs in aliqua re concludenda, progrediatur neceſſe eſt. Hoc Ariſtoteles in eo libro qui eſt de Reprehenſionibus ſophiſtarum docet, his uerbis, Ita fit, ut ratio tentandi nullius ſit certi generis ſcientia. Itaque omnibus in artibus uerſatur. Omnibus enim artibus communes quidam loci propoſui ſunt. Quocirca omnes etiam idiotæ & ignari differendi, tentandiq; ratione quodammodo utuntur. quoniam eſt quatenus omnes defendere ac reſellere conantur. Atque hæc ille. Nobis autem dicẽdum eſt, qui ſint communes loci omnium artium, quiq; ſingularum proprij, ne errore fallamur. Loci quidem maioris minoris, paris, comparationum, ſimilitudinis, diſſimilitudinis ac differentia, cauſarum, effe-

etorum, generis, formæ, cæteriꝑ; eiꝛde generis communes sunt omnium. Est enim ars nulla, quæ non ex his locis aliquid cõcludat: ueluti ex maiore, in phisicis, hoc modo, Si puluis sursum à uento fertur, & pluma. In philosophia morali, Si liberalitas uirtus est, multo magis magnificentia. Itẽmque hoc modo, Si diuitiæ in bonis sunt, & uirtus est. Quod eodem modo de alijs iudicandum est. Quocirca in primo libro de arte rhetorica hos locos communes uocat Arist. quod ijs artes omnes utantur. Proprii autem dicuntur iij, qui ad artem aliam transferri nequeunt. Cuiusmodi sunt dialecticorum iij, qui ex generis, proprii, definitionis, accidentisq; proprietatibus eruuntur. uersatur enim omnis dialecticorum ars in his quatuor. Oratorum sunt, æquitatis & iniuriæ, uirtutis & uitij, utilitatis & damni loci. Geometrarum iij qui ex magnitudinum, astrologorum qui ex astrorum, arithmeticorum qui ex numerorum, musicorum qui ex sonorum proprietatibus naturisq; sumuntur. Sed de his alio loco differemus pluribus. Nũc enim satis est intelligi, dialecticam hoc à cæteris differre artibus, quod dialectica ex communibus locis omnium progreditur, ut efficiat quod uult: cætera autem etsi his etiam locis cõmunibus utuntur, tamen proprios habent. Quod quo facilius intelligeretur, qui essent loci omnium communes, quos adhiberet dialectica, & qui singularum proprii, exponendum fuit. Atque hæc quidem de dialectica materia dicta sunt. Nunc quis ei

*finis propositus sit dicendum est. Coniuncta est officij
 finisq; quaestio. Officium quidem dialectici nō est pro-
 babiliter concludere, sicuti nec medici curare, nec ora-
 toris persuadere: sed omnia praeſtare quae ad id efficiē-
 dum conducant. Finis autem ei propositus, est proba-
 bilis conclusio. medici finis est curatio & ua-
 letudo, oraſio, gubernatoris secunda na-
 uigatio, imperatoris uictoria: sic dialectici probabilis
 conclusio. Quicquid enim in omni arte eiusmodi est,
 quod non cadit in deliberationem, in eo finis artis est.
 Nam cum finis sit ad quem omnia referantur, si finis in
 deliberationē caderet, rursus ad finem aliū referretur.
 Quicquid enim in deliberationem cadit, aliō refertur.
 Nunc nec imperator de uictoria consultat, nec medicus
 an curet, nec orator an persuadeat. Quae cum ita sint,
 probabilis conclusio finis sit dialectica necesse est, cum
 dialecticus de illo, an probabiliter concludat, nō soleat
 cōſultare. Quae autem de officio & fine dialectica di-
 ximus, sunt apud Aristotele in Topicis, in arte rhetorica,
 & in libris de moribus ad Nicomachu filium. In
 Topicis haec, Sed huius rei tum demum perfecta in no-
 bis erit ratio, cū id accideret nobis quod ijs qui arte rhe-
 torica, medicina, ceterisque artibus sunt praediti. id est
 cum ex ijs quae erūt in nostra potestate, efficiemus quae
 uolumus. Nam nec orator omnibus modis persuadere
 solet, nec medicus curationē adhibere: sed si nihil pra-
 termittat eorum quae adhibere possit, tum denique &*

peritum eum & artificem iudicamus. In principio artis rhetoricae, Illud ergo perspicuum est, artem rhetoricam & in nullo certo genere uersari: sed ut dialectica uersatur, sic eam in omnibus uersari, & eam esse utilem. Hoc etiam constat, non esse eius officium persuadere, sed obseruare in quaq; re, quod ad faciendam fidem. Id quod in cunctis rebus animaduerti licet. Neque enim medicinae est curare, sed quoad licet, eò peruenire. Fieri enim potest, ut apte curentur ij de quorum salute desperetur. Cicero autem principio artis rhetoricae quae uetus dicitur, quid inter officium & finem intersit, scienter exponit his uerbis: Inter officium autem & finem hoc interest, quod in officio quid fieri, in fine quid officio conueniat, consideratur. Vt medici officium dicimus, curare appositè ad sanandum: finem, curatione sanare. Officiū ergo, ut res in pauca cōferam, commodè interpretabimur, id quod artifex facere debet. ut dialectici officium dicamus, accommodatè ad probabilitatē de quaq; re proposita disserere, quoniam id facere debet: Finem autem, probabiliter de quaque re proposita disputare. Quo autem modo inter se affecta sint Logica & Dialectica, dicamus. Diogenes quidē Laërtius in Aristotelis uita, ab illo philosophiā distributā esse dicit in partes duas, in eā quae cognitione & scientia, quam *θεωρητικὴν* uocant Graeci: & in eā quae actione cernitur, quam *πρακτικὴν* nominant. Huius eā quae est de moribus, de Rep. et de re familiari

subijcit. Illam in duas rursus partes diuidit, in naturæ obscuritatem, quæ φυσικὴ græcè dicitur: & in dicendi rationem, quæ λογικὴ vocatur. λογικὴς multas partes esse dicit, αἰαλυτικὴν, & philosophiam eam scilicet quæ prima dicitur, quibus ueritatē propositam esse confirmat: dialecticam & rhetoricam, quæ spectent uerisimilitudinem. Ita Logica ad dialecticā sic affecta est, ut pars ad totum. In ijs quidem libris qui extant Aristotelis, nulla talis earum dissimilitudo reperitur. Ex quo perspicuum est, si Diogenis uera est sententia, hæc ab eo reperta esse ijs in libris, quibus caremus. Nā in ijs quos habemus, nomen logicæ me legisse non memini, sed solum λογικὸς οὐ μογισμὸς, id est logicas ratiocinationes, idque in primo libro de arte rhetorica, pro dialecticis. Quocirca utroque nomine in eadem re utamur licet, nisi forte stādū Laërtij iudicio putamus.

Illa autem mihi difficilior uidetur quæstio, quonam modo Rhetorica affecta sit ad Dialecticam. Difficultatem enim augēt rationes, quæ ab Aristotele sumptæ sunt. Si enim utraque & in rebus omnibus uersatur non in certo ullo genere, & eundem finem habet propositum, uerisimilitudinem, & uerisimilem persuasionem: profectò nihil inter eas intererit. Sed quò facilius quid de hoc tenendum sit, intelligamus, hoc ponendum est, si artes duæ in ijsdem rebus uersentur, non effici continuo, ut eadem sint. Multa enim præterea debent concurrere, ut idem finis, ut eadem probandi ratio, ut ma-

terix eiusdem eadē cōsideratio, aliāq; permulta. Nam prima philosophia in rebus omnibus uersatur, quēadmodū dialectica: sed quia alium finē habet sibi propositum, scilicet ueritatem, & res aliter spectat atq; dialectica (res enim quatenus sunt spectat, dialectica quatenus uerbis significantur) ob eam causam aliud est prima philosophia, aliud dialectica. Quæ an rhetoricæ cōueniant, uideamus. Aristoteles quidem principio artis rhetoricæ eam dicit quasi ex altera parte respondere dialecticæ: quod paulo post ita explicat, ut illā esse dicat quandam eius partem & propaginem, & similitudinem. Quod si ita est, aliud sit rhetorica, aliud dialectica necesse est. Aliud enim totū, aliud pars est. Sed hoc fieri posse uel Aristotele auctore, minime uidebitur. Cum enim eodem loco utranque dicat eas res tractare quæ ceteræ artes tractāt, profectò rhetorica pars non erit dialectica. Vrget hoc argumentum, neque refelli nisi distinctione ullo modo potest. Rhetorica quidē non est sic dialectica pars, ut homo animalis pars, id est forma & species dicitur: sed ut Cicero artē rhetoricam principio eius artis quæ uetus uocatur, partem ciuilem scientiæ dicit esse, non quia omnis rhetorica ciuile sit scientia, sed quia ad eam referatur: sic rhetorica dialectica pars habenda est. Neque enim aliter illa Aristotelis sententia defendi posse mihi uidetur: nisi forte dialecticam eo loco pro logica sumi putemus. Nam quod ait Cicero, hoc inter dialecticam & rhetoricam

interesse, quòd illa sit contractior, hac latior, id sic intelligendū est, ut dialectica in eo quod probat & concludit, certis quibusdam terminis quasi litoribus coercita sit, extra quos egredi ei non liceat: rhetorica autem liberè tanquam plenus & redundans alueus in medios campos sic in omnem partem excurrat & uage-
tur. Quæ quidem distinctio & differentia nō à natura rerum, sed à fortuna potius profecta est. Neque enim annis cum æstatis caloribus & siccitatibus uel omnino exhaustus est uel decreuit, alius est atque tum cum nimia aquæ copia hyeme redundaret. Quapropter difficillimum est quæ earum sit dissimilitudo explicare, ut tibi naturæ ac rei proponas differentiam. Est enim utriq; idē propositus finis, in iisdēq; rebus uersantur, quas eodem modo, id est, probabili ratione concludunt. Quāquam autē hac difficilis est quæstio, tamen danda opera est, ut explicetur. Mihi quidem hæc duæ artes ut in omnibus rebus uersentur, non tamen in iisdem eodem modo uersari uidentur. Rhetorica enim in omnibus uel æquitatem & iniuriam, uel honestatem & turpitudinem, uel utilitatem & damnum exquiris, atq; ferè in rebus singulis uersatur. Itaque causarum, id est *ἑρμηνεύει* oratores tria genera ponūt, in quibus omnis eorum consumitur oratio. *Σκοπεῖς* autem, id est consultationes, non admodum adhibent, nisi quoties causa postulat, ut ad eas causæ tanquam ad fontes & capita reuocentur. At dialectica *Σκοπεῖς*, id est propo-

sita ferè tractat, rebúsq; singulis, nisi raro, non utitur: res uerò non solum ad ea tria dirigit, sed ad solam etiã scientiam, ut, sit ne animal rationis particeps hominis definitio? Quod etsi oratores interdum faciunt, cum in nomine uersatur disputatio, tamen id præterea aliò ut ad uirtutem uel uitium referunt, dialectici autem in his contenti sunt scientia. Hæ igitur artes duæ hoc differunt, quòd uel in iisdem rebus non uersentur, ut dialectica in rebus uniuersis, facultas dicendi in rebus singulis uersetur: uel si easdem res tractat, non tamen eodem modo eas consyderent. Hoc enim posterius satis esse ad rei distinctionem hinc intelligi licet, quòd cum arithmetica & musica in iisdem rebus, id est in numeris uersentur, tamen distinctæ artes dicuntur esse, propterea quòd illa numerum per se, id est quatenus est numerus, habet propositum: hæc quatenus inter se iunctus & compositus, sonum aptum gratumq; reddit. Atque hæc quidem distinctio quæ est Aphrodisieï satis est ad hanc explicandam quæstionem. Nam aliæ præterea explicari possunt, cuiusmodi sunt eæ quas ex harum artium distinctis definitionibus licet sumere. Est enim rhetorica bene dicendi ratio: Dialectica autẽ bene differendi. Quæ cū sint diuersæ, res quoq; diuersæ erũt quæ definientur. Sed hæc distinctio eos tantum adiuuabit, qui confirmandi partes obtinebunt. Illa autem ualebit contra eos, qui argumentis superioribus uel alijs eiusdem generis nihil inter eas interesse cõcludent.

Hoc loco quæstio facilis illa quidem, sed quæ multos angere solet, dissoluenda est, quæ ex dialecticæ definitione existit. Dialectica definita est ars esse probabiliter de quaq; re differendi. Multa autem necessaria ratione concludit. ut cum à definitione, à genere, à forma alijsq; necessarijs locis argumenta sumuntur. Neq; enim si argumentum tractem hoc modo, Si homo est, rationis igitur est particeps: aut hoc modo, Si homo est, animal igitur: aut aliter eodem modo, probabili ratione concludo, sed necessaria. Ita dialecticæ vitiosa uidetur definitio, quæ non omnia complectatur quæ debeat. Ad hoc respondendum est, res omnes ex maiore parte spectandas esse, & ex eo quod fiat sepius. Nam & rhetorica & dialectica necessarijs utuntur rationibus, sed quia id raro faciunt, non exprimitur: id autem quod fere tractât, exprimitur. Hac ferè sententiâ est eius qui græcè artem rhetoricam Aristotelis interpretatus est.

Quoniam multas quæstiones, quæ & in omni arte tradenda poni solent, & ex dialecticæ definitione existebant, explicauimus, deinceps institutum nostrum quæadmodum polliciti sumus, persequamur. Dialectica *Dia definitio* est, ut diximus, ars de quaq; re in utranq; partem differendi. quod quoniam ut & Aristoteles, & Aphrodisieus, & Suidas tradunt, nō fit nisi quærêdo & respondendo, quid sit Quæstio Dialectica, & quot eius genera, & ex quibus uerbis constant, dicendum est. Quo loco dialecticæ partem eam, quæ inuentio dicitur, per-

Inuentio

sequi incipimus, tum iudicium docebimus. Est autem inuentio pars ea quæ à Græcis τομὴν uocatur, id est scientia & ratio locorum inueniendorum, ex quibus argumenta depromantur ad id probabiliter cōcludendum de quo queritur. Quæstio quidem dialectica in partes duas omnis distributa est: altera cognitionis est, altera actionis. Cognitionis est ea quæ ad ueritatem & scientiam pertinet, id est, ut Cicero exponit, cuius finis est scientia. ut si queratur, Sit nec ne mūdus sempiternus? In hac enim sola cognitio spectatur & ueritas, qua inuenta, animus noster conquiescit. Actionis autem ea est, quæ ad persequendum quid & declinandum, id est ad expetendum & aspernandum pertinet. cuius generis hæc est, Sit ne uoluptas in bonis, nec ne? Tertium genus addit Aristoteles, id quod adiumentum affert ad aliquid aliud utriusque generis. Quales sunt dialecticorum quæstiones propriæ, ut Alexander interpretatur, quæ uel ad rerum expetendarum & fugiendarum, uel ad ueri & falsi inuentionem cognitionemque conducunt. ut si queratur, Sit ne homo species nec ne? & si quæ sunt eius generis. neque enim earum est finis scientia, neq; sunt ad expetendum, sed ad ueritatem cognoscendam adiumentum afferunt. Nam cum sciero hominem esse formam, tum connectam hoc totū, homo est animal. quod iam uerum est. Quod cum in omnibus artibus eodem modo queri possit, non uideo cur potius hæ dialecticorum propriæ sint, quam cate-

rorum. Sed utcumq; res habeat, idem auctor eas quaestiones quæ cognitionis sunt, naturales: quæ ad expetendum quid aut fugiendum ualent, morales: quæ ad hæc adiumentum afferunt, eas dialecticas nominat. Aristoteles certè eodem primo Topicorum libro tria genera eodem modo questionum ponit his uerbis, Propositiones autem & quæstiones in partes treis distributæ sunt: partim enim ad uitam & mores, partim ad naturæ obscuritatem, partim ad differendi rationem pertinent. Ad uitam & mores, quales hæ sunt, Sit ne parētibus potius parendum, an legibus, si discrepent? Ad differendi rationem, hæ, Vtrum eadem ars in cōtrarijs uersetur? Ad naturæ obscuritatē, ut, Sit ne mundus sempiternus? In his autem tribus questionum generibus sola uerisimilitudo spectatur, de qua initio diximus. Itaque quæstionem dialecticam hoc modo licet definire, Quæstio dialectica, est quæstio probabilis. Nihil autem interesse uolumus hoc loco inter πέρτασις & πέρβλημα, & δέσις, quoniam & hæc indoctis scribimus, qui subtilitatem dicendi capere non possint. & Aristoteles nihil referre dicit quocumque nomine utamur. Itaque δέσις propositum & consultationem uocamus cum Cicerone, id est infinitam quæstionem, quæ dialecticorum & philosophorum est propria. Neque enim res singulas, ut dixi, ferè intuetur illi, sed uniuersas. Quæ autem definita est, ὁρίσθαι nominatur. Ea causa etiam appellatur, cerniturq; certis personis, locis,

b iiij.



temporibus, actionibus, negocijs, aut in omnibus, ut uult Cicero: aut in plerisque eorum, ut Sit'ne Socrati ducenda uxor hoc tempore & hoc loco? Atque hæc est quæstionis dialecticæ secunda diuisio. Tertia autem adhiberi hæc potest, ex superioribus originem ducēs, Alias esse quibus an sit, alias quibus quale quid sit queritur. Nam cum quatuor sint, ut Aristoteli placet, quæstionum genera, an sit res, quid sit, qualis sit, & quæ eius causa sit, nec illa qua rei natura queritur, nec illa qua causa rei, dialectica est. Dialectica enim quæstio, est responsionis petitio, ut uel propositio explicetur, uel pars altera repugnantiæ, quod in his duobus generibus fieri non potest. In neutro enim genere enunciatio continetur. Hoc autem recte intelligendum est. Neque enim uerum est omnino, eas quæstiones nullo modo ad dialecticum pertinere. Cui enim dubium est, quin disputando si de cuiuspiam rei definitione controversia sit, queri possit, quæ sit eius definitio? Aut si quis argumentum ex causa sumi dicat, & alter neget, quæ sit causa rei? recte queratur. Quocirca cum hæ dialecticæ negantur, hoc solū negatur, disputationē ab illis institui oportere. In media enim disputatione eis loci aliquid, si ita res ferat, relinquitur. Quæstionis autē qua queritur qualis res sit, duo sunt genera: unum, quo res simpliciter queritur: alterum, quo comparatē. Simpliciter, ut Sint'ne diuitie in bonis? comparatē, ut Sint'ne diuitie præponendæ officio? Hæc genera Cicero in *Topicis* est diligenter per-

secutus. Eam autē qua quæritur, an sit, idem auctor in quatuor partes distribuit, quæ in tres reuocari possunt, ut quæramus primū, si ne res aliqua re uera, ut si ne dolor reuera, an solum opinione sit: deinde quæ cuiusq; sit origo, ut, a doctrina, an natura profecta sit dialectica: postremo quæ sit cuiusq; rei mutationis aut interitus causa, ut an, mundus aliquando esse desinet? Atque hæc quidē in hoc genere simplices quæstiones sunt. In alijs autem comparatē aliquid quæri potest, ut plūs ne natura in dialectica possit, an ne doctrina? Ita hoc quoque genus quæstionum duobus modis diuidi potest. Sed ne cui mirū uideatur, eam quæstionem qua an sit res quæritur, in dialecticis numeratam esse a nobis, sic habeat, nos Alexandrum Aphrodisieum in hoc secutos esse, qui ex illis quatuor, quas Aristoteles principio libri secundi posteriorum analyticorum, ut supra dixi, numerat, duas has, an sit res, & qualis sit, dialecticis solas relinquit. Eius uerba si quis requirat, hæc sunt, Atq; dialecticæ quæstiones fuerint eæ omnes quæ referuntur ad eam quæstionē qua qualis res sit, & qua, an res sit, quæritur: quæ duæ sunt earum quatuor, quas principio secundi libri posteriorum analyticorum commemorauit ipse Aristoteles. Nam quæstiones eæ quarum altera quæritur, quæ rei causa sit, altera quid ipsa sit, non sunt dialecticæ. Hæc ille, quanquam non sine causa mirum uideri potest, cur illa sit dialectica quæstio, qua res an sit omnino quæritur. Nam si omnis quæstio dialectica,

ut mox dicetur, uel generis sit, uel definitionis, uel proprii, uel accidentis, propterea quod in omni quaestione aliquid eorum quatuor rei attributum esse aut non esse ponitur: in hoc autem quaestionis genere nihil eorum attributum est: profecto dialectica huiusmodi quaestio esse nullo modo potest. Cum enim quaeritur, sit ne dolor reuerens, est, uerbum secundum ponitur. Ita nec genus, nec definitio, nec proprium, nec accidens rei attribuitur. Quapropter non uidetur hac proprie quaestio ad dialecticos pertinere, si Aristotelis sequamur auctoritatem. At alijs contra esse uidebitur eiusdem sententia. Si enim dialectica quaestio est alterius partis repugnantiae petitio, ut iam diximus, illius sententia, repugnantiae autem pars altera quaeritur, cum haec quaestio ponitur, Sit ne sit dolor? certe quaestio haec sit dialectica necesse est. Praeterea cum dialectica omnis enuntiatio a quaestione dialectica profecta sit, haec autem enuntiatio, Deus est, dialectica sit: sit ut quaestio qua res ne sit quaeritur, ad dialecticos pertineat. Enunciationem autem illam esse dialecticam hinc intelligi potest, quod Aristoteles in libro de interpretatione enunciationes multas enumerat, in quibus est uerbum secundum collocatur. Atque haec quidem in utranque partem sunt a nobis disputata.

Utra autem pars propius ad ueritatem accedat, difficile est explicare. Mihi quidem haec quatuor quaestionum genera dialecticorum uidentur esse, non omnino quidem, sed si ea quae innoluta in eis sunt, explicentur.

ut si queratur, Quid sit homo, non dialectica uideatur: sed si hominis definitionem qua quid sit homo declaratur, in quaestionem uocemus, hoc modo, Sit ne homo animal rationis particeps mortale? Hac enim quaestione quid sit homo, si non uerbo, at re ipsa queritur. Nam cum definitione quid res sit breuiter explicetur, profecto cum hoc queritur, An sit homo animal rationis particeps mortale? etiam hoc quodammodo queritur, Quid sit homo? quod haec ad illam quaestio reuocatur. In hanc autem quaestionem mihi cadere ea uidentur omnes, quae in genere & definitione uersantur: in eam autem qua quale quicq; sit queritur ea omnes, quae proprii & accidentis sunt. quanquam Cicero proprietatis quaestionem ad eam refert, qua quid sit queritur, quod proprietatis rei quaedam sit eius definitio. Aristoteles autem illam separat, quod proprietatis non rei naturam, sed quod rei naturam consequatur explicet. Eam uero quaestionem qua res an sit queritur, quae eadem coniectura appellatur, ad eam qua quid sit queritur, reuocare debemus, id est, uel ad generis uel ad definitionis quaestionem. Cum enim querimus, Sit ne dolor reuera? quodammodo querimus, sit ne in decem summorum generum quopiam? Ita quae posita est, explicari debet quaestio. Reliqua est illa, qua quae cuiusque rei sit causa queritur. Ea ad id genus mihi reuocanda uidetur, quo qualis sit res queritur. Nam aut propria causa effecta sunt, aut aduentitia. Huius exempla sunt, An uirtus

beatam uitam efficiat? *An res quæ extra sunt, beatum efficiant, nec ne?* Hoc quartum genus questionum à reliquis, ut dixi, Aristoteles separat: Cicero autem ad illud genus refert, quo an sit queritur. Ponit enim hæc tria solū genera, ut dixi, An sit, quid sit, quale sit. Ad hanc autem questionum diuisionem facile, ut iam intelligi potuit, ea reuocari potest quam Aristoteles in Topicis tradidit. Vidit enim ille uir eadem animi acie qua rerum omnium causas & fontes uiderat, quicquid in disputationem incideret, in eo uel generis (ad genus autem & differētiam & formam eius accommodat) uel definitionis, uel proprii, uel accidentis questione contineri. Quæ quidem partitio utinam tam planè cognita esset nonnullis, quàm facile ab eis reprehenditur. Neque enim eam culparent, sed maximis laudibus efferrēt & probarent. Non enim uerum est quod Aristoteli obijciunt, his quatuor questionū generibus tantum queri proposito aliquo genere, sit ne rei de qua queritur genus: aut proposita definitione aliqua, sit ne rei propositæ definitio: aut proprio proposito, sit ne rei propositæ proprium: aut accidente, sit ne accidens: sed hoc uult Aristoteles, quicquid ad differendum proponatur, id eiusmodi esse, ut horum quatuor aliquo comprehendatur. Nam cum in omni questione dialectica duo sint ut minimum nomina, quorum posterius rem quam declarat, ei quæ priore significatur, conuenire, aut non conuenire enunciat, id profecto nisi duobus modis effici nō

potest. Quicquid enim alicui conuenire dicitur, id illi sic conuenit, ut aut in rem aliam cadere non possit, aut ne possit. Si non possit in ullam aliam rem cadere, id uel definitio erit uel proprium. Nam si rei naturam explicet, definitio est: si non explicet, proprium. Si in aliam rem transferri possit, uel genus erit, uel differentia, uel accedens. Nam si in rei definitione contineatur, genus erit uel differentia, quoniam omnis ex genere & differentia constat definitio. Si non inclusum sit in definitione, accedens sit necesse est. Quæ cum ita sint, aut ponant aliquam questionem aduersarij, in qua nullū horum quatuor collocatum sit, aut certè hanc diuisionem reprehendere desinant. Sed quemadmodum cœpi dicere, quod non intelligebāt, id, ut fere sit, reprehenderūt. Putauerunt enim, quod Aristotēs ea nominaret, semper in omni questione esse nominanda. Quos uel ipse coarguit. Accidenti enim ait attributas esse eas omnes questiones, quibus rerum inter comparationes continentur: ut propositis duobus quæ bona sint, utrum sit melius: quod de cæteris eiusdem generis iudicandum est eodem modo. Atqui in ijs nulla sit accidentis mentio. Eadem est ratio questionum, quæ ex genere, forma, differentia, proprio, aut definitione constant. Cum enim philosophi quærent, ut ait Gellius, sit ne uox corpus? ea in genere uersatur quæstio. Queritur enim, num uocis corpus sit genus. Itēmq; cum queritur, sit ne tēpus motus calis &c.? definitionis quæstio est. cū hoc, sit ne

homo solus natus ad percipiendā disciplinā? & solus
 ne ignis natura sua sursum feratur? prior differentia,
 posterior proprietatis quæstio est. Harum ego omnium
 pauca exempla posui, quòd ad eorum normam infinita
 omnes dirigere possunt. Ex quibus perspicuum est, du-
 plices quæstiones ex quoque horum quatuor posse con-
 fici. Nam ut de genere potissimū dicam, & hoc quæri
 potest, Sit ne corpus uoci genus? & hoc, Sit ne uox
 corpus, nec ne? Quod in cæteris etiam tribus doceri po-
 test eodem modo. Quoniam autem dialectica in quæ-
 rendo & respondendo omnis, ut docui, posita est: omnis
 autem quæstio quibus ex locis argumēta depromenda
 sint, admonet: quæstionum uis & natura diligēter &
 accuratè inuestigāda & cognoscenda est, ut nos eò sine
 errore deducant. Et quia uis quæstionis dialecticæ, ferè
 in eo sita est, ut quid cuiq; rei cōueniat, aut nō cōueniat
 sciamus (quæstio enim, ut ait Cicero, appetitio est cog-
 nitionis) quod autē cui rei cōuenire aut nō cōuenire dici
 potest, id in eorum quatuor aliquo est, quæ diximus:
 nunc quid quicq; eorum sit, definitione aperiendum est,
 ut posita quaq; quæstione statim cuius eorum sit, possi-
 mus exponere. Genus quidem est quod de multis,
 specie autem differentibus, in rei natura quærenda di-
 citur. ut animal genus est homini: quoniam si quærat
 quid sit homo, aptè animal respondebimus. Species
 est quod de multis quidem, sed numero tantum diffe-
 rentibus dicitur, in eadem quæstione, ut homo. Diffe-

Genus

species

Differentia

rentia est, quod in multis specie etiam differentiis, cum
queritur quale sit, dicitur, ut rationis particeps. De-
finitio est oratio, quæ quid res sit breuiter explicat.

Proprium est quod omni alicui rei, eiq; soli ac semper
conuenit. ut hincire omni equo soli semperq; conuenit.

Accidens est quod & inest rei & abest ab ea sine
ipsius rei cui inest interitu. ut uirtus in homine, & ni-
gror & cador in corpore sic insunt, ut ab eo sine illius
interitu abesse possint. Atque hæc quidem nunc planè
definimus, post autem accuratiùs eadem persequemur.
Hoc autem loco eorum omnium diligenter notanda di-
stinctio est, ne, ut ferè fit, eorum similitudine fallamur.
Eorum autem distinctione & dissimilitudinem ex his
eorum definitionibus facile intelligere possumus. Nam
genus hoc à specie differt, quod genus in multis, specie
autem differentiis intelligitur: species solù in numero
differentiis. à ceteris autem genus & species, quod
in quaestione qua quid sit queritur: illa, in quaestione
qua quale quid sit, aut quomodo sit affectus dicitur. ut
si sit homo albus, bonus, malus, paruus, magnus, queri
debet qualis sit homo. Si autem ualeat, si egrotus sit,
quomodo constitutus aut affectus sit, aut quo in statu
sit querendum est. Differentia autem à proprio distat,
quod illa uicissim retro non comitat, nec recipitur,
& id cuius differentia est: proprium autem, & id cui-
us est proprium, recipiuntur. Ut si sit aliquid parti-
cipe rationis, id hominem nõ necesse est esse: At si ho-

Definitio

Propriu

Accidens

mo sit, etiam ridens sit. & contrà, si ridens sit, etiam homo sit necesse est. Ab accidente autem differentia interest, quòd hæc nec elationem habet, nec summissi-
nem, illud autem habet. Vt nemo est homo qui altero sit magis rationis particeps, cum sit alius alio & maior, & breuior, & melior, & deterior. Restat solum ut quæ sit proprij & accidentis dissimilitudo, exponā.
Ea est permagna, quoniam proprium uni tantum formæ ac speciei cuius est proprium, conuenit, accidens autem multis formis conuenit. Candor enim non in solo homine, sed in multis etiam alijs formis & generibus animantium reperitur, cum soli homini sit ridendi uis data. Quāquam sola ea quam definitiones declarant, satis esse potest dissimilitudo. Nam proprium semper conuenit, accidens nō semper, cum natura sua abesse possit, si minus re, at certè cogitatione. Atque hæc quidem distinctiones per pauca illæ quidē sunt, sed tamen eiusmodi, quæ si teneantur, statim quid horum à quoque differat, nos admonere possint. Diligenter autem uidendum est, ne accidentis specie in quæstione fallamur. Multæ enim accidentis nō sunt, quæ uidentur esse, quæstiones. Vt hæc, Sit ne pallor color? Hæc enim accidentis uideatur esse, propterea quòd queratur an color qui est accidens, pallori attribuitur, & conueniat. Atqui generis quæstio est. Queritur enim, num pallori genus sit color. Vt autem hunc errorem uitare possimus, hoc primum intelligendum est, eas omnes esse accidentis quæ-

fiones, in quibus id quod subiectum uocant dialectici, naturam declarabit aut cōcretam aut simplicem, id est substantiam, & attributum est accidens. Deinde hoc notandum est, eas etiam esse accidentis, quarum tam subiectum accidens est quàm attributum: sed ita, ut attributum ipsum, & rei propositæ conuenire & non conuenire possit. Vt cum quæritur, possit ne cādor elui, aut linea diuidi, aut extremitas uideri? & si quæ sunt eius generis. Nam si conuenire non possit & non conuenire, non erit accidentis, cum accidentis illa sit definitio: sed uel generis, uel definitionis, uel proprii. Hæc enim tria sic conueniunt rei cuius sunt genus, definitio, & proprium, ut seiungi ab ea nullo modo possint. Ex quo perspicuum est, non si accidens in quæstione attributum sit, idcirco accidentis esse quæstionem. Vtrum autē idem in cæteris tribus coningat, quæri potest. Genus quidem si attributū sit in quæstione, semper ad ipsum quæstio accommodatur, si modo rei propositæ sit genus. Si autē non sit rei propositæ genus, & sit natura aliqua, id est substantia, generis erit. Vt si quærat, Sit ne animus corpus, generis est quæstio. Ex quo hoc præceptum elicere possumus, Quotiescunque quæstionis attributum genus est substantia, siue subiectum sit substantia, siue accidens, ea generis quæstio est. Nam quoniā substantia nec substantiæ fortuito conuenit, nec accidenti, non erit accidentis quæstio: non erit etiam proprii, cum proprium non in quæstione dicatur qua quid res sit quæri-

tur: nec definitionis, cū definitio genus & differentias cōplectatur. Relinquitur ergo, eam ad genus esse accommodatam. Alterum hoc est, Si attributum genus sit, nō autem genus rei propositæ, quæ eadem substantiam non declaret, interdum generis, interdum accidētis erit quæstio. Generis, ut hæc, Sit ne iustitia sciētia? Sit ne perturbatio habitus? Accidētis, ut hæc, Possitne color uideri? Possitne color tangi? Caterorū autem duorum quæstiones erunt, si alterū ex illis sit attributum. Ex definitione enim constat semper quæstio, in qua attributum definitio est: & ex proprio omnis, in qua proprium est attributum siue rei propositæ sint, siue nō sint, propriū & definitio. Vt si queratur, Sit ne uirtus habitus animi rationi consentaneus? uel, Sit ne uirtus ratio earum rerum gerendarum quæ ad nos pertinent? hæc sunt definitionis quæstiones. quāquam in posteriore, id quod rei propositæ attribuitur, eius nō sit definitio. Est enim definitio prudentiæ, non uirtutis omnino. Eadem est ratio proprij, quod facile doceri potest. Duo autem quæstionum genera hic notanda sunt. Aliæ enim sunt rectæ & naturales, in quibus hæc quatuor de ijs dicuntur, quæ illis natura subiecit. ut cum genus de specie quæ ei subest dicitur. de quibus mox differemus. Aliæ autem sunt alienæ à natura, quibus hunc ordinē omnem permiscere licet. Nam cum substantia nulla suapte natura ulli substantiæ accidere possit, aut genus, ei rei cui est genus, aut definitio rei quæ definitur, tamen hæc queri

possunt. An homini animal accidat? Et num homini animal rationis particeps mortale fortuito conueniat? quod perinde ualet, ac si queramus, fieri ne possit ut homini animalis nomen non conueniat? aut quod Cicero dicit, ut forma à genere seiungatur, id est non uerè de ea dicatur genus: quod fieri nō potest. Nam genus semper de forma si dicatur, per se dicitur. Ita non fortuito, quod dicunt per accidens. His igitur quasi elementis et notis facile cuius sit horum quatuor quæstio quacunque de re sit, poterimus internoscere. Itaque in ijs diligenter exercendi sunt pueri, ut unumquodq; quæstionam genus notum meditatūmq; habeant. Primam notare debent, quæ sint duo uerba quæstionis, ex eorūque posteriore quod ego attributum cum Cicerone appello, alij prædicatum, quæstionem appellari uel generis, uel definitionis, uel proprij uel accidentis: prius autem uerbum quod ὑποκείμενον in enunciatione uocatur, nunquam dare ipsum quidem quæstioni nomen, sed tamen interdū id mutare. Deinde quot modis illa duo uerba inter se affici possint in quæstione. Possunt autē duobus modis, ut dixi, et si attributa illa quatuor ad rem sibi subiectam accommodentur, qui modus naturalis est: et si ad rem alienam, quem modum à natura dixi abhorreere. Ac generis quidē, si ex eo quæstio nominetur, species cuius genus est, subiectū naturale est: definitionis, uel genus uel proprium uel accidens, quorum est propria definitio: proprij, species cuius est pro-

Attributū
Prædicatū

primum: accidentis, cetera tria. Nam & de specie tum genus tum differentia per se dicuntur, & hæc quatuor definitione declarari possunt, & accidēs eisdem quatuor conuenit, & speciei conuenit proprium. Non naturalis autem ordo dicitur, cum is, quem modo exposui, inuertitur. ut si queratur, Sit ne perturbatio habitus? aut temperantia scientia? erit generis illa quidem, sed non naturalis quæstio. quoniam nec perturbationi habitus genus est, nec temperantiæ scientia. Eodem modo queri potest, sit ne temperantia ratio rerū agendarum quæ nostro consilio geri possunt? Quod eodē modo de cæteris iudicandum est. Harum autem quæstionū aliæ alijs à natura magis discedunt, Vt si queratur, Sit ne homo expers rationis? Sit ne homo natura expers corporis? hoc tam absurdum uidebitur, ut statim explodatur qui hoc querat. Est etiam quarundam illius superioris generis tam perspicua ueritas, ut in disputationem incidere non debeant. Itaque quæ inter hæc duo genera locata sunt, eæ proponi debent ad disputandum. Ex quo factum est, ut quarū est præposterus ordo is quem dixi, neq; is facile internosci potest, de ijs potissimum disputetur. Sed quoniam satis multa diximus de toto & uniuerso genere quæstionum, quemadmodum unū quodque à cæteris distinguatur: nunc de singulis separatim subtiliūsq; dicēdum est. Ac primum de genere dicamus. Genus quidē diximus esse quod de multis, specie autem differentibus in quæstione quid est di-

Genus

citur. Distribuitur autem genus in treis partes. Aliud enim genus summū est, aliud medium, aliud infimū. Summum est, id quo nullum est prius & antiquius, ut substantia. Infimum est, cui nullum subest, ut animal. Medium, quod & priori generi subijcitur, & posterius subiectum habet, ut corpus. Corpore enim substantia antiquior est, animal posterius. Sed hoc interest, quòd si medium genus cum priore conferatur, non genus eius, sed siue forma, siue species, siue pars uocatur: sin cum posterioribus, eorū genus dicitur. Hoc autem loco genus tractandum est, non quatenus argumentum ex eo ducitur, sed quatenus ex eo conficitur quæstio. Quod nonnulli ignorantes, uehementer errarunt. Nam hæc quatuor de quibus omnis instituitur disputatio, & decem prima genera quæ Categoriæ uocantur, de quibus mox differemus, in locis numerāt, cum eos Aristoteles refellat, qui cū hæc omnia primo Topicorum libro exposuerit, eodem extremo deinceps locos propositurum se pollicetur, qui ad ipsas quæstiones accommodandi erunt. Neque uero uim uerborum iſdem diſtinguere uidetur. Aliud est enim quæstio, aliud locus. Quæstio enim, ut ait Cicero, admonet, quibus utendum sit locis. Locus autem argumētum suppeditat, quo rem eam quæ ad disputandum proponitur, uel confirmemus, si negata sit: uel si cōcessa, refellamus. Nec leuior est eorum error, qui hoc in Aristotele reprehendunt, quòd genus & tria reliqua quæri dixerit in omni dis-

putatione, cum ab ijs argumenta sumantur. Neq; enim Aristoteles hæc quatuor uult ob eā causam in omnem disputationem incidere, quòd ea semper in omni quæstione suis nominibus appellentur: sed quòd de re nulla quæri possit, quin in eorum aliquod cadat. Id quod supra satis demonstratū esse existimo. Nunc ad alia pergamus. Generi quidem primum attributa est differentia (id enim est quod Aristoteles γενῶς differentiam dicit) deinde forma, ut Alexādro placet. Differentia est, quod, ut dixi, de multis, specie autem differentibus in quæstione quale quid est, dicitur, ut rationis particeps tam de homine quā de deo dicitur, qui specie differunt, si quærat quales sint. Differentiæ quæstio est, ut an mundus ratione utatur? quam Cicero longa tractat oratione in libro secundo de natura deorum. Differētia autem duplex est: altera, quæ speciem confici definiēdo: altera, quæ genus in suas partes diuidit. ut speciei animalium effectrices hæ sunt duæ, animatum & sentiens. Est enim animal, natura animata sentiēs. hæ autem animalium genus partiuntur, primum, rationis particeps, & rationis expers: deinde mortale & immortale, ut uult Porphyrius: tum uolucres, terrenum & aquatile: item hæ, bipes, quadrupes, & serpens. Animantium enim aliud est rationis particeps, aliud expers: Animantium aliud uolatile est, aliud terrenum, aliud aquatile: Itēq; aliud est bipes, aliud quadrupes, aliud serpens. Hoc autem inter hæc duo differentiarum genera in-

tereſt, quòd efficientes formarũ antiquiores ſunt ea forma quam conficiunt: diuidentes autem ei omnes ſubijciuntur. Itaque de forma effectrices eius uniuerſæ dicuntur, diuidētium autem nulla dicitur. Sed de his cum de locis qui accommodandi ſunt ad quæſtiones, quibus quaeritur, Sit ne genus aliquid, differemus copioſius. Suo enim quicq; & idoneo loco tractandum eſt. Differētias, cateraq; quorum quæſtiones ſunt, eatenus hoc tractamus loco, quatenus de his proponuntur quæſtiones. Generi etiam, ut dixi, ſpecies attributa eſt, Alexādrī ſententia. Nam ſi Ariſtotelis ſentētiam ſpectemus, nulla ſpeciei infimæ quidem (de ea enim loquor) quæſtio uidetur eſſe. quippe cum eam non nominet, & nominet differentiā. Præterea cū dialectica in ῥῆσι, id eſt propoſito & infinita quæſtione ſine certis perſonis, alijsq; eiſdem generis, ut docui, uerſetur: ſpecies autem niſi rebus ſingulis attribui non poſſit: proſectò dialectica eſſe nulla eius quæſtio poteſt. Qui Alexādrī ſententiam defendere uolet, facile hæc poterit refellere. Nam & generis nomine ſpeciem comprehendī, cum in quæſtione quid eſt, dicatur: & dialecticā in cauſis & definitis quæſtionibus interdum uerſari, cum enunciationes ex rebus ſingulis repugnantes Ariſtoteles ipſe tradat in libro de interpretatione, & principio libri 2. Topicorum dicat eſſe de ſingulis rebus quæſtiones.

Species quidē quid eſſet, iam diximus. Eius quæſtionis exemplum erit eiſmodi, Sit ne Socrates homo?

Atque etiam ea generi attributa sunt quaestiones, quibus comparatè aliquid de genere quaeritur. Cuiusmodi haec sunt, Sit ne temperantia scientia, quemadmodum dialectica, an ne aliud? Et utrum animus sit harmonia, quemadmodum diapente, an aliud? His enim quaestionibus si non uerbo, at re ipsa quaeritur, sit ne scientia genus temperantiae quemadmodum est dialectica, an aliud. Quod etiam de differentia et forma queri potest. Ita generis duplex erit quaestio: una, qua quaeritur simpliciter hoc modo, Sit ne animus harmonia? altera, qua comparatè, ut, Sit ne animus harmonia, quemadmodum Dorica, an aliud? Nam duo alia quaestionum genera, haec, Sit ne animal hominis genus? Et, An homo sit animal? aut, An animus sit harmonia? supra dixi fusae esse per omne genus quaestionum. Atque de generis quaestione, ei quae attributis, haec tenus. Definitio autem est, ut supra dixi, oratio, quae id quod definitur explicat quid sit. Aristotelis est haec ex primo Topicorum definitio, quam Cicero totidem uerbis in Topicis exposuit. Hoc loco dicendum non est, qui sit definiendi modus, et quot sint definitionum genera. haec enim ad tractationem argumentorum quae ex definitione ducuntur, pertinent. Itaque ad eum locum haec sunt reijcienda omnia. Nunc tantum dicamus, quae sint definitioni attributa. Definitionis quidem quaestio talis est, Sit ne mundus animal rationis particeps? Mihi autem uidetur omnis quae ex definitione existit quaestio, sepa-

Definitio

ratim ad generis & differentiae quaestionem posse reuocari. Itaque Cicero eam quam modo proposui quaestionem, in libro secundo de natura deorum tractat separatim. Querit enim primum, Sit ne mundus animas? quae generis est: deinde sit ne particeps rationis? quae à differentia ducitur quaestio. Definitioni autem primum attributae sunt quaestiones eae, quibus an oratio sit orationis definitio quaeritur, id est cum non simplex uerbum, sed copulatum quod uno uerbo exprimi non potest, definitione explicatur: ut si quaeratur, Sit ne animal uolatile, animal id quod natura sua in aëre caloque libero uersatur? Deinde eae quibus quaeritur an unum uerbum, aut duo idem ualeant quod alterum, ut si quaeratur, Sit ne id honestum quod deceat? In hoc autem genere uidendum est, ut id uerbum, quod attributum appello, alij praedicatum, sit quam subiectum & clarius & notius, ut id illustrandae rei causa factum esse uideatur. Alter enim à generis, & accidentis quaestionibus distare non uidebitur. Definitioni etiam subiicitur omnis quaestio quae de eodem & alio est. Itaque hoc genus Cicero formam quandam definitionis appellat. ut si quaeratur, idem ne sit temperantia & continentia? magnificencia & liberalitas? Hoc postremum quaestionis genus definitioni est illud quidem attributum, sed tamen à definitione longè multumq; distat. Neque enim si idem est hoc quod illud, idcirco eius definitio est.

Proprium autē est, quod rei uim atque naturam non

Attributum

Proprium

declarat, in soloque inest, uicissimq; de re dicitur. ut ridere hominis proprium est, & artem percipere. Eius exemplum est, Solus ne homo artem percipere potest? Solus ne ignis sursum celerrimè fertur? Propria ne sit hominis oratio? Hoc autem intelligendum est, oratores aliosque scriptores saepe proprij pro differentia abui nomine, ut si quærat, Sit ne ratio hominis propria? differentia erit, non proprij quæstio. Itaq; diligenter ea proprij ac differentia & notanda, & tenenda distinctio est, quam supra exposuimus. De proprij autem generibus idoneo loco dicemus, tū cum quæadmodum ad proprij quæstionē accommodandi erunt argumentorum loci, docendum erit. Restat ut de accidente dicamus.

Accidēs.

Est autem accidēs, quod cadere in aliquam rem potest, & non cadere. Ut ambulare, ut sedere, ut discere, ut docere. Qui enim ambulat, nō ambulare potest: & qui non ambulat, ambulare. Hoc autem intelligendum est, dummodo natura non conueniat. Calor enim ignis accidens est, cum interea in eum non possit non conuenire. Itaque hoc, uocant accidens inseparabile: illud autem, separabile. Accidentis autem duplex est quæstio. Nam aut simpliciter aliquid queritur, ut, Sit ne bonum expetendum: aut comparatè, hoc modo, Sit ne id quod honestum est magis expetendum, an quod utile? Atque hæc quidē quæstio latissimè patet. Complectitur enim omneis rerum inter se comparationes. quæ quia ferè in disputationem incidunt, in hoc genere multum uersant.

dum est. Ac de ijs quatuor quæstionibus, ijsq; quæ illis attributa sunt, diximus. Intelligendum est autem & superiores quæstionum partitiones omneis ad hanc postremam, & hanc postremā ad illas esse reuocandam. Vt enim quæstio omnis & quæ cognitionis est, et quæ actionis, & quæ adiumentum ad illas affert, aut generis, aut definitionis, aut proprii, aut accidentis est: sic uicissim omnis quæ generis, quæ definitionis, quæ proprii & accidentis, uel cognitionis est, uel actionis, uel ad illas adiumentum affert. Quod de illa partitione qua quæstio diuisa est in *ῥῆσις* & *ὁ λόγος*, id est quæstionem infinitam & definitam, iudicandum est eodem modo. Omnis enim quæstio quæ horū quatuor est, generis dico, definitionis, proprii, et accidentis, aut infinita est, aut definita. quāquam definita, quæ singularis uocatur, raro in disputationē incidit. Hæ autem omnes rursus in decem alia genera tribuuntur. Quicquid enim queritur, id uel naturam atque substantiam declarat, uel quantitatem, uel relationē, uel qualitatem, uel facere, uel pati, uel locum, uel tēpus, uel situm, uel integumentum. Substantiā quidē, ut si queratur, Sit'ne animus natura corporea, aut omnino natura & substantia? Quantitatē, ut Sit'ne sol maior terra? Relationem, ut Sit'ne dimidium dupli dimidium? aut num magnus mons ex minore magnus intelligatur? Qualitatem, ut Sit'ne mundus rotundus? sit'ne ars dialectica? Facere, ut, Cernamus'ne emittendo aliquid? Satis'ne habeat præsidij uirtus ad

bene uinēdum? Pati, ut an uideamus aliquid recipien-
 do? Sit' ne mundus interiturus? Locū, ut Sintne animan-
 tia in igne uiuētia? Sintne animātes qui partim in aquis,
 partim in terra uiuant? Sintne alicubi hippocentauri,
 satyri, sphinges? Tēpus, ut Sit' ne aurora, apta studijs?
 aut nox ad quietem, dies ad laborē hominibus datus?
 Situm, ut Solus' ne homo reclusus est? Solus' ne sedet? an
 alia etiam animantia? Integumentum, ut, pręstat' ne
 hyeme pellibus uestiri, an lana tantum? Sint' ne ali-
 qui homines uillis tecti ut bestię? Atque hęc exem-
 pla quędam sunt horum decem generum: ex quibus
 intelligi licet, quā sit hęc Categoriarū decē disciplina
 utilis. Nihil enim omnino queri potest, quin ab horum
 aliquo quasi fonte sit hauriendum. Et quoniam multi
 hęc totam disciplinam, ut minus necessariam, atq; adeo
 inutile contēnunt atq; improbāt, quōd eius usum igno-
 rēt, omnem diligentiam adhibere institui, ut eius utilitas
 intelligatur. Illud igitur intelligēdum est, in has decem
 quęstiones superiores quatuor incurrere: ita tamen, ut
 nulla horum sit pręterquā accidentis quęstio, quę non
 generū decē esse possit. Nā & genera in ijs omnibus
 sunt, & differētia, et species, & propria, et definitione
 omnia explicari possunt. Accidentis autem quęstio in
 substantia nulla est, quōd substantia substantia, ut iam
 dixi, fortuito non conueniat, ut accidens, sed per se &
 natura sua. In ceterā nouem incidit accidentis quęstio.
 Quod nemini mirum uidebitur, horum decem uim atq;

naturam consideranti. κατηγορεῖν δὲ enim, unde nomen
κατηγορεῖσθαι ductum est, quasi κατηγορεῖν δὲ dici-
tur. Est autem ἀπορεῖν δὲ dici, & appellari: dici au-
tem & appellari nihil potest ullo nomine, nisi id no-
men sit tertium uerbum enunciationis, quod alicui con-
ueniat: ut, hic appellatur Cicero, ille est Plato. Ita sit, ut
liber cum inscriptus sit Categoria, profiteatur discipli-
nam eorum omnium quæ cuiq; rei attribui & conue-
nire possint. Quanquam me non fugit uerbum hoc κα-
τηγορεῖν δὲ à foro trāslatum uideri ad dialecticos, unde
κατηγορεῖσθαι nomen sit ductū, quod Porphyrio placet.
Quod si hæc decem genera de omnibus rebus ita di-
cuntur, ut nihil queri possit quod in eorum aliquod nō
cadat, omnis certè quæ ab ijs proficiscetur quæstio, eius
esse dicetur, cuius fuerit attributum. Si enim attribu-
tum in categoria substantiæ collocatū sit. substantiæ ac
naturæ quæstio erit: si in qualitatis categoria, qualitatis:
itēmq; in cæteris. Quæ cum ita sint, non mirū est in sub-
stantiæ Categoria accidētis nullam esse quæstionem, cū
& in omni accidentis quæstione accidens, & in omni
naturæ quæstione natura siue substantia sit attributum.
Quod certe de uera & naturali substantiæ quæstione
intelligi debet, quæadmodū antè dictū est. Quæri enim
potest, fortuito ne substantia substantiæ conueniat. ut
possit ne homo desinere esse animal, aut rationis parti-
ceps? Accidens enim definitum est esse id quod conue-
nire potest & non conuenire. Posita autem quæstione

Categorie

primum uidendum est, sit ne generis, definitionis, proprii, aut accidentis. deinde ubi inuenerimus cuius sit, querendum erit, in quo horum decem sit collocata. Hoc quemadmodum inuenire possimus, exposui. Sed hoc in loco existit quaestio, quo in genere quaestio differentiae, proprii, definitionisq; collocabitur. Alexandro quidem placet in eo esse in quo res est cuius differentia, proprius & definitio explicetur. Si enim substantia quaeretur differentia, quaestio illa adhibebitur ad substantiam: si qualitatis, ad qualitatem: eodemq; modo de ceteris iudicandum est. Alij autem sunt, qui proprium ad qualitatem putant pertinere. Sed difficilior alia ex hac nata quaestio est. Neq; enim definitio, & propria multa quae sunt non simplicia uerba, sed copulata, ad ullum horum decem elementorum uidetur pertinere. Si enim coniuncta uerba in his nulla numerantur, definitio autem omnis coniuncta uerba complectitur, certe nulla definitio ad horum ullum pertinebit. Nulla autem uerba coniuncta et copulata ad haec pertinere, hinc sciri potest, quod Aristoteles ipse initio libri qui Categoriae inscriptus est, solis uerbis simplicibus uult haec decem declarari. Non alienum puto, argumentis dialecticorum more aliquid confirmare, aut refellere, quod & facilius pueri differere ipsi possint, & habeant de quo & quemadmodum disputent. Scio equidem multas impeditam hanc uideri quaestionem propter locos duos Aristotelis qui pugnare uidentur: quorum alter positus est in categorijs, alter in

primo Topicorum libro. Quò libentius quid de ea sen-
 tiam, explicabo. In primo Topicorum Aristoteles ita
 aperte definitionem in his decem reponēdam esse dicit,
 ut nemo possit negare. Itaque uidendum est diligēter,
 quæ sit alterius illius loci sentētia. Mihi quidē uidetur
 Aristoteles de ijs copulatis uerbis loqui principio cate-
 goriarum, quæ non unum quid, sed multa efficiant atq;
 declarent. Quod illius auctoritate confirmari potest.
 Nam si enunciatio est, eius sentētia omnis oratio, in qua
 definitio enunciat: omnis autem enunciatio ex aliquo
 aut ex aliquibus horum decem constat: certē eiusdem
 sententia definitio in eorū decem aliquo sit necesse est.
 Atque hoc ille in libro de interpretatione cōfirmat his
 uerbis, Sed quoniam alia coniūcta & copulata sic di-
 cuntur, ut unum fiat $\kappa\alpha\tau\alpha\lambda\omicron\gamma\omicron\varsigma\mu\alpha$, id est attributum, ex
 ijs quæ separatim dicuntur, alia non: quæ hoc loco di-
 stinctio & dissimilitudo est? querat aliquis. Nam &
 animal de homine separatim uerè dicitur, & bipes se-
 paratim: atque ea pro uno habentur. Item homo &
 albus quæ eadem unum sunt. Si homo & bipes, unum
 fiunt, ut uolunt, $\kappa\alpha\tau\alpha\lambda\omicron\gamma\omicron\varsigma\mu\alpha$: $\kappa\alpha\tau\alpha\lambda\omicron\gamma\omicron\varsigma\mu\alpha$ autem &
 $\kappa\alpha\tau\alpha\lambda\omicron\gamma\omicron\varsigma\mu\alpha$ idem ualēt: profecto totū hoc, homobipes,
 in aliqua sit categoria necesse est. Sin minus, multa erūt
 genera quæ ad nullum horum decem pertinebunt. cu-
 iusmodi sunt quæ uno nomine exprimi non possunt. Iā
 uero cum enunciatio omnis cuius attributum est defini-
 tio, sit dialectica, ut placet Aristoteli, absurdū est enū-

ciationem esse aliquam dialecticam, cuius attributum
 nō ad decem illa rerum attributa referatur. Quinetiam
 isto pacto fiet, ut uerbum unum non satis latinum, si duo-
 bus aut tribus idem efficientibus exprimatur, a decem
 his rerum attributis hac sola mutatione excludatur:
 quo nihil esse potest absurdius. Si enim ij qui rationalis
 uerbo utuntur, ipsum in natura esse sicuti est, confirmēt:
 cur non etiam hoc totum, rationis particeps, quod idem
 ualet, in eodē genere reponent? Hoc igitur confirman-
 dum & tenendum est, definitionē & proprium multis
 uerbis explicatū, ad aliquod horum decē pertinere: idq;
 ob eam causam maxime, quod pro uno uerbo habentur,
 cum unum declarent. Nec uero si qua duo uerba
 unam rem declarent, propterea ad unam categoriam
 referenda sunt. Nam hoc totū homo albus, & similia,
 unam rem significant: cum interea nō ad unum genus,
 sed ad multa pertineant. Sed de his haecenus. Nunc de
 singulis his generibus dicendum est. Substantia est
 duplex. Vna, quae propriē substantia dicitur, uocaturq;
 prima. Altera secūdo loco substantia & impropriē uo-
 catur. Substantia quae propriē & primum uocatur, est
 ea quae nec de subiecto ullo dicitur, nec in subiecto ullo
 inest. Dici autem de subiecto est in multis intelligi una
 eadēq; significatione, ut animal de homine, & boue,
 alijsq; animantium generibus, homo de Cicerone, &
 Socrate, alijsq; singulis hominibus, una significatione
 dicitur: at Socrates de nullo alio, nisi de Socrate dici-

Substantia 2.

tur. Inesse autem subiecto est aliud nihil, nisi sic inesse
in re aliqua, ut non sit pars eius, nec ab ea separari se-
iungiq; possit. ueluti dialectica sic in animo inest, ut non
sit eius pars, nec ab eo seiungi queat. Dialectica enim
sine animo constare nullo modo potest. Ex quo perspi-
cuum est, omne quod in subiecto inest, esse accidens. Ita
hæc posterior pars primam substantiam ab accidente
distinguit, prior autem à secundis substantijs. Secunda
enim substantiæ de subiecto dicuntur. Sunt enim secū-
da substantiæ, quæ de subiecto dicuntur, nec in subiecto
ullo insunt. Cuiusmodi sunt genera & species huius
categoriae. ut corpus, ut animal, ut homo, ut equus. Sed
queret aliquis, cur tu res singulas primas naturas uo-
cas, genera autem & formas secundas substantias?
cum potius hæc primæ, illæ secundæ appellari debeant?
Quæ enim ratione intelliguntur, ea priora sunt. Si igitur
genera & species sola ratione intelligantur, res
autem singulæ sensu percipiantur: profecto illis potius
dabitur principatus. Ad hoc respondendum est, aliquid
esse prius duobus modis: uno, cum prius naturæ ordine:
altero, cum prius ratione & sententia nostra, id est or-
dine eo quo res intelligimus, dicitur. Non est autem du-
bium, quin primum res eæ quæ sub sensum cadūt, per-
cipiantur & cognoscantur à nobis: deinde eæ quæ ra-
tione intelliguntur. Ita cum hoc in libro de uerbis ijs sit
differendum, quæ aliquid significat, & primum imposita
sint ijs rebus, quæ à nobis primum cognoscuntur: or-

dinem illum nostrum intelligendi secutus, primas natu-
 ras uocaui res singulas: secundas eas, quæ non sensu, sed
 intelligentia continentur. Sed quàm latè pateat hæc ca-
 tegoria, uidèdum est, ut quæ res ex ea ad disputandum
 & querendum depromi possint intelligamus. Quoniã
 natura siue essentia, siue substantia omnis huic cate-
 goria attributa est, ut certũ quid habeamus de quo dis-
 putetur, omnium naturarũ genera quæ sint, intelligen-
 dum est. Naturarum autem siue essentiarum duo sunt
 genera prima: unum earũ, quæ cerni tangi ue possunt:
 alterum earum, quæ sola ratione intelliguntur. Secundi
 generis partes pauca sunt. Solus enim deus, soli angeli,
 & animi hominum hoc genere continentur. Illius au-
 tem primi numerus est infinitior. Earum enim natu-
 rarum quæ cerni tangi ue possunt, aliæ animatæ sunt, ut
 arbores, ut frutices, ut herba, ut cuncta animãtia: mani-
 mæ aliæ, ut lapides, & omnia quæ è terra eruuntur.
 Hæc duo genera rursus in partes distribui solent. Nam
 & naturarum quæ animo prædita sunt, quibusdam
 sensus à natura datus est, quibusdam non est datus. ut
 datus est animantibus, negatus arboribus, fruticibus
 & herbis: & earũ quæ inanimæ sunt, multa sunt ge-
 nera, ut lapides, ut quæ metalla nominantur. Rursus
 natura sentientes aliæ rationis sunt participes, ut homo:
 aliæ eius expertes, ut bestie, quarum sunt innumerabi-
 lia pene genera. Nam hominum unum est modo genus,
 ut generis pro specie, oratorũ more, nomine abutamur.

Hic igitur resistendum est, quòd iam nulla rerum genera reliqua sint, sed solæ res singulæ, quas nos primas substantias vocauimus. Hæc nos genera in suas quodque partes quoad potuimus, diuisimus, quòd facilius omnia quæ ex hac categoria elici possint ad disputandum, cognosci possent. Et quanquam illud primum genus satis esse potuisset, alias res cerni posse, alias ratione sola intelligi, tamen hoc libentius ea in suas partes distribuimus, quòd genera & species & differentię quæ ad hunc locum pertinent, intelligi minime potuissent. Alio etiam modo hæc distribui licet, ut naturas alias corporeas dicamus esse, alias expertes corporis: corporeas quasdam simplici corpore, quasdam concreto: simplici corpore præditas, ut ignem, ut aërem, ut aquã, ut terram: concreto ex his, eas omnes quæ in terra sint, quæ in aqua, quæ in aëre, quæ in igne & cælo. Sed quòd hæc facilius perspici possint, in tabula quadam ea proponi & describi est melius.

SVBSTANTIA SIVE NATVRA.

Corporea		Experts corporis
	Corpus	
Animatum		Inanime
	Corpus animatum	
Sentiens		Non sentiens
	Corpus sentiens siue animal	
Rationis particeps		Rationis experts
	Rationis particeps homo.	

In hac tabula quedã quasi arbor descripta est, cu-

ius rami diffusi sunt in utramque partem. Quæ in medio locata sunt, genera: quæ in utraque parte, differentie nominantur. Atque hic quidem rerum descriptus ordo observandus & notandus est. Magnum enim ad id de quo agitur, affert adiumentum. Nam & proposita de quaque natura quæstione facile quid respondendum erit, intelligemus: & quævis enunciatio sit vera, an falsa, iudicabimus. Sed de his posterius dicendum erit. Nunc satis est intelligi, quæ res huic Categorie sint attributa. Res enim omnes quæ per se constant, cernique & non cerni possunt, eâ continentur. Itaque Deus huc pertinet: ut si queratur, Sit ne Deus expers corporis? & animus, ut si queratur, Sit ne animus immortalis? Quæ circa non sunt audiendi, qui deum ab hoc genere excludunt. Etenim si dei nomen in enunciatione & quæstione dialectica, collocari potest, certè ad aliquod horum decem capitum & quasi elementorum pertineat necesse est. Dei autem nomen in enunciatione dialectica collocari posse hinc intelligi potest, quòd ipsum Aristoteles in secundo Topicorum libro collocat. Hanc enim quæstionem ponit, Deus ne iniuriam faciat? Nec uideo cur forma ex qua omnes naturæ constant, ei subiici non possit, si modo animus huc referri debeat. Quòd si ut animus, sic forma in hoc genere reponi debet, cur non etiam materia? An quia subiectum esse non potest? At qualitas, quæ nisi in re constare non potest, subiectum interdum est, ut in hac enun-

ciatione, Grammatica est scientia. An quia non est res
 quæ per se constat, quod suppositum appellant? At isto
 modo, nec genera, nec species, nec substantiarum par-
 tes, ut brachia, ut manus, & cætera eius generis, cum
 per se non constent, ad hanc Categoriā pertinebunt.
 Deum igitur & animum, & formam, & materiam
 in hoc genere collocemus: præsertim cū de his omnibus
 quæri multa possint, quæ adimi non debeant dialecticæ,
 quam de rebus omnibus differendi rationem Aristo-
 telem secuti definitione explicauimus. Nam qui deum
 propterea esse in substantiæ Categoriā negant, quòd in
 deum accidēs cadere nullum potest, ij non satis perspe-
 xisse uidentur Aristotelis sententiam. Is enim & de
 deo quæri à Dialecticis uult quædam, ut iam docui, &
 ipsum expertem esse omnis mutationis docet. Cum igi-
tur deū in hoc genere reponit, non hoc uult, aut ad eum
 aliquid accedere, aut ab eo decedere: sed modo quodā
 quem exprimere non possimus, ei conuenire quæ alia-
 rum Categoriarum sint propria, ut uirtutem, ut nume-
 rū, ut actionem. Quoniam quæ res subiectæ sint huic
 Categoriæ dictum est, sequitur ut quot quæstionum
 genera ex ijs existere & quemadmodum ab alijs in-
 ternosci possint, dicendum esse uideatur. Cum autem
 genera quæstionum dico, genera illa quatuor dico, quæ
 dialectico dixi proposita esse sola ad disputandum. Ge-
 neris quidē, definitionis, & propr ij in hoc genere tra-
 ctari quæstio potest. Generis, ut si quærat, Si ne ma-
 d ij

teria substantia? aut, Sit ne animus immortalis? prior enim generis est, posterior differentie, quæ generi attributa est. Definitionis hæc sunt exēpla, Sit ne sol animal rationis particeps? Proprii, hæc, Sit ne hominis solius loqui? Accidentis autem quæstio ex hoc genere nulla est, quemadmodum supra docui, nisi sit à natura aliena, ut si queratur, Sit ne homini aduētitiuus animus? possit ne homo esse & carere ratione? possit ne materia forma carere? Hæc quidē quæstiones, à natura abhorrentes cū Alexandro uoco: illas, naturales. Naturæ autē quæstiones omnes siue genus queratur, siue differentia, siue definitio, siue propriū, à cæteris distingui poterūt duobus modis. Nam si sit generis, attributum: sin reliquorū, subiectū ad hoc genus pertinebit. Quamquā hoc simplex & unū præceptū est. Diximus enim & differentiam, & definitionem, & propriū ad eandem Categoriā pertinere ad quā ea quorū sunt differentia, definitio, & propriū. Ita ex attributis quæstio naturæ intelligenda est: ut si huius Categorie sit attributū, naturæ essentiæq; sit quæstio. Sed de substantia hæctenus.

Quantitas

Sequitur Quantitas, cuius duo sunt genera. Est enim deiuncta quantitas alia, alia continuata. Deiuncta ea est, cuius partes nullo certo termino cohererent, ut numerus, ut tempus, ut oratio. Numeri enim, exēpli gratia, ternionis, partes, quæ sunt duo & unum, aut tres uniones, nullo inter se nodo & quasi uinculo colligatæ sunt, sed omnino separatæ. Continuata autem

ea dicitur, cuius partes cōmuni termino cōiunctæ sunt, ut linea, ut extremitas, ut corpus. Linea enim partes cum puncto, extremitatis cum linea, & corporis cum extremitate coherent. In priore genere (ut hæc ad rem accommodem) rei multitudo, in posteriore magnitudo queritur. Et priori generi numeri omnes subiecti sunt, uocæque omnes: posteriori magnitudines. Ita quæ quatuor artes præstantissimæ tractant, arithmetica, musica, geometria & astrologia, omnia hæc Categoria continet. Quicquid autem per se magnum est, aut linea est, aut extremitas siue superficies, aut corpus, aut locus, aut tempus. Linea est longitudo in qua nulla sit latitudo, nec crassitudo. Extremitas siue libramentum, magnitudo crassitudine carens. Corpus, magnitudo in qua sit lōgitudo, latitudo, & crassitudo. Vnumquodq; horum multas in partes distribuitur. Nam & linea longa ac brevis dicitur: & extremitas lōga ac brevis, lata, angusta: & corpus longum aut magnum, breue aut paruum, aut exiguum, latum, angustum, crassum, gracile aut exile aut rariū. Atq; hæc quidem nomina sunt incertæ magnitudinis. Certæ autē sequuntur. Corpus longum pedes, aut cubitos, aut digitos, aut passus. Quæ non sunt hoc loco enumeranda omnia: tantum intelligi satis est, hæc ipsa & similia, hoc magnitudinis genere contineri. Numerus etiam multa genera cōplectitur. Alius enim multus est, alius paruus aut paucus: alius par, alius impar dicitur: alius perfectus,

linea

Extremitas

Corpus

Numerus

alius imperfectus. Atq; hic quidem incertus est. Certus numerus est, ut unum, duo, tria, quatuor, & quæ sequuntur, qui cardinalis: primus, secundus, tertius, qui ordinalis: uni, bini, terni, quaterni, qui distributivus: simplex, duplex, triplex, siue simplus, duplus, triplus, quadruplus, qui multiplicativus dicitur. Quæstiones autem ex his infinitæ possunt existere, quas ex attributo spectare debemus. Si enim aliquod multitudinis aut magnitudinis nomen sit in quæstionis attributo, ad hoc genus pertinebit. ut si quærat, Sit' ne unus mundus, an plures? Sit' ne unus deus, an plures? Sint' ne novem celi: hæ enim sunt multitudinis. Magnitudinis autem hæ, Sit' ne sol maior terra? Sit' ne orbis lunæ minimus omnium? Oratio quæ index & interpres animi dicitur, quæq; in uoce est, ad deiunctâ quantitatem, & locus atque tempus ad continuatam refertur. Sed diligenter, ne Categorias confundamus atque permisceamus, uidendum est. Sunt enim permulta uerba quæ ad multas pertinent, ut locus & ad hanc, & ad eam quæ locus proprio nomine uocatur, refertur: itémq; simplum & duplum, tum huic attribuitur, tum ijs quæ cum aliquo comparantur: sed aliâ atque alia ratione & sententia. Nam locus eatenus ad hanc pertinet, quatenus interuallum locorum exquiritur, ut si quærat, an absit longius à nobis sol, quàm luna? ad eam autem quæ communi loci nomine appellatur, eatenus pertinet, quatenus ubi fieri, aut esse aliquid dicatur, querimus. ut si quæ-

ratur, Sintne hirundines hyeme in Gallia? aut aliquid eiusdē generis. Eodem modo tum deniq; duplum simplum & similia hic spectantur, cum rei multiplex ratio quæritur: ut si quæritur, Sit ne triplex dicendi genus? hoc enim nihil aliud ualet quàm si quæritur, An sint tria genera dicendi. In ijs autem quæ cum aliquo conferuntur, hæc eadem uersantur, quoties quæ sit numerorum inter se proportio querimus. Itaque Categoriarum uis & natura probè noscenda est, ne quo errore ducamur. Huius quidem ea uis est & natura, ut partes rerum quæ ei attributæ sunt, cum aliquo termino copulentur, uel non copulentur. Est enim duplex, ut dixi, quantitas: una continuata, cuius sunt quinque genera, linea, extremitas, corpus, locus, & tempus: altera diiuncta, quæ in duas partes distributa est, in numerum & orationem. Quantitatis etiam alia partitio est. Alia enim constat ex partibus, quæ suum certum habent, cuius sunt genera quatuor, linea, extremitas, corpus, & locus: Alia constat ex partibus quæ suum nō habent, cuius genera tria sunt, numerus, tēpus & oratio. Nam horum partes ubi sitæ sint, nemo explicare potest, quandoquidem orationis & temporis partes continenter fluunt atque labuntur: numeri autem partes, et si non fluunt, tamen nusquā sitæ sunt. Numeri tamen & temporis partes ordine constant, ut unū antecedit duo, & tria quatuor. itēmq; præteritum tēpus præsens antecedit: & hoc, futurum. Illorum autem partes sitæ
d iij

sunt, ut proposito corpore, ubi quæq; pars eius sita sit, ostendi potest. Hoc autē intelligendum est, ea sola quæ adhuc cōmemorata sunt à nobis, per se ac ui sua quāta esse, reliqua omnia eorum interuentu quanta dici. Cum enim duos homines esse dico, propter duo dico: cū laborē diurnū dico, multū tēporis interiectū esse significo. Eadē est ratio cæterorum. In hac autem Categoria eorū quatuor quæ solent quæri, quæstiones esse possunt: Generis, ut si quæatur, Sit ne tēpus numerus? Definitionis, ut sit ne tēpus numerus motus, priori ac posteriori respōdēs: sit ne numerus unionū multitudo? Proprii, ut si quæatur, an sola quātitas sit æqualis aut inæqualis? Accidētis hmōi exēpla sunt, sit ne tēpus æternū? Sit ne sol bipedalis, ut uidetur esse? Sit ne luna minor terra?

Qualitas

Qualitas autem uocatur, ex qua quales, ut albi, ut nigri, & alio modo, aliqui nominantur. Eius genera sunt quatuor prima, quæ inuenta sunt. Vnum, habitus & affectio: alterum, naturalis uis ad aliquid facile gerendum, aut non patiendum, aut contra ad eadem imbecillitas: tertium genus conficiunt patibiles qualitates & perturbaciones: quartum figura & forma. De quibus nobis singulatim dicendū est. Habitus, qualitas est stabilis & permanens, quæ nisi agrè euelli non potest. ut uirtus, ut uitium, ut scientiæ omnes & artes. Affectio autē, qualitas est quadam imbecilla, quæ facile euelli & extirpari potest. ut calor, ut frigus, ut morbus, ut bona ualetudo, & si qua sunt generis eius.

Habitus

Affectio

dem. Interdum affectio latius patet, ut habitus etiam cōplectatur. Afficimur enim & uitijs & uirtutibus. Itaque habitum licet definire adhibito uiciniore genere affectionis. Affectioni autem quæ contraria ex parte qualitatem paritur, quædam subiecta sunt, quæ ad naturam habitus temporis diuturnitate transferri possunt, cuiusmodi sunt morbus & ualeitudo. morbi enim quidam, nisi celeriter curentur, aut si negligantur, eas radices agunt in corporibus, ut uix aut ne uix quidem expelli curariq; possint. Itemq; scientiæ, artes, & uirtutes quas in habituum numerum ascripsimus, primum affectiones modò sunt: deinde cum lōgo usu & exercitatione constitutæ confirmatæq; sunt, habitus nomen & uim obtinent. Alterum genus qualitatis uim naturalem ad aliquid faciendum aut nō patiendum, & ad eadē imbecillitatem nominari. Hoc à superiore distat, quòd illud aliquid aduentitium, & assumptum dicit: hoc, insitum & innatum. Naturalis enim uis, est quædā insita nobis aut innata potius qualitas, qua apti sumus ad aliquid agendum, non patiendum, aut accipiendum. ad aliquid agendum, ut bellicosi ad pugnandum, pugiles ad castibus contundendum, athletæ ad certandum, cursores ad cursum: ad non patiendum, ut ualentes dicuntur ij qui facile resistere possunt ijs omnibus quæ extrinsecus occurrunt. Et dura illa dicuntur, quæ possunt impedire, quominus facile secari & diuidi possint: Ad accipiendum, ut omnes homines aptos

Valentes

Dura

animos habent ad percipiendas & uirtutes & scientias. Ex contrario definiuntur ij qui hac ipsa adiumenta à natura non habent. Vt enim sunt qui natura ualent ad cursum, sic sunt nonnulli qui non ualent. Imbecilli etiam sunt ij qui natura nihil ualent ad facile obstandum impulsionebus quæ extrinsecus incidunt, ut ij qui ad morbos proclines sunt. Tenerum & molle id est, quod non habet uim naturalem impediens quo minus diuidatur. Intelligendum est autem ea omnia quæ ui naturali prædita sunt ad aliquid agendum, eo ipso imbecillitate earum rerum carere: ut qui ualet uiribus ad luctandum, ei uirium negata imbecillitas est. Tertium qualitatis genus patibiles qualitates ac perturbationes efficere diximus. Patibiles autem qualitates dicuntur eæ, quæ uel sensum mouent, uel à perturbationibus ortæ sunt. Duo enim sunt patibilium qualitatum genera. Alia enim ob eam causam patibiles qualitates dicuntur, quod sensus ipsos afficiunt & mouent, cuiusmodi sunt sapor, odores, soni ac modi, & quæ tactu percipiuntur qualitates. Alia autem eo dicuntur patibiles, quod ortum habent ab affectionibus quæ nix tolli possunt, in quo genere colores sunt stabiles & diuturni, corporisque ac animi perturbationes generis eiusdem. Nam quæ perturbationes ut cito nascuntur, sic celeriter occidunt, cuiusmodi est pallor ex metu natus, & rubor ex pudore, eas qualitates dici Aristoteli non placet. Quanquam non uideo cur eijcere possimus pallorem

Imbecilli

Tenerum

Molle

qui ex metu ortus sit, & alia eiusdem generis, à qualitatibus finibus, quin eijclamus etiam affectiones. Quam enim rationem ad habitus affectiones habent, eandem habent etiam repētini motus ad diuturnos & permanentes: nec frigus aut calor interdum diutius quā re-
pentina ira, pallorue durat. Aut igitur utrumq; retinē-
dū est, aut utrumque repudiandum: nisi fortē Aristote-
les de ea perturbatione loquatur quæ duret ad pūctum
temporis. De patibilibus qualitatibus satis multa dicta
sunt. Perturbationes autem eā alteram huius tertij ge-
neris partem efficere videntur, quæ ex repentinis subi-
tisq; nascuntur: ueluti cum repente aliquis irascitur, cō-
suetudine adhibita iracundus efficitur, quod etiam in
cæteris contingit. Illud autem notandum est, quod in
superiore Categoria admonui, easdem res eadēq; no-
cabula multis Categorijs esse attributa, alia atque alia
ratione atque cogitatione. Quod in hac est multo etiam
euidētius. Nam cum tria adhuc eius genera exposue-
rimus, tamen easdem res eadēq; uerba in duorū nu-
merum ascripta esse animaduerti potuit: quippe cū ca-
lorē & frigus tum primo generi subiecerimus, tū ter-
tio. Sed primo generi ea attributa sunt, quòd facile tolli
euelliq; possint: huic autem, quòd sensum moueant. Vt
autem dixi hoc interesse inter habitum, & uiri na-
turalem, quòd habitus assumptus est, industriāq; &
studio nostro eget: uis autem naturalis, innata & insita
est: sic patibilis qualitas, & perturbatio affecta est ad

uim naturalem. Hæ enim sine industria, & opera hominis constare non possunt. Reliquum est quartum genus qualitatis. Hoc efficiunt, ut dixi, figura & forma. Est autem figura, una aut multis lineis comprehensa qualitas: ut triangulum, tribus constat, quadratum, quatuor. Forma uero, apta est quedam compositio uel membrorum ut in animantibus: uel partium, ut in mutis rebus, ex qua res pulchræ & formosæ nominantur. Alia etiâ subiecta sunt huic generi, ut rectum, obliquum, & si quæ sunt talia. Sed uidendum est diligenter, ne quo hic errore labamur. Sunt enim multæ res quæ uidentur esse huic Categoriae attributæ, nec sunt, & quæ ad alias & ad hanc pertinet. In quo genere sunt crassa & tenuia, læuia & aspera quæ ad situm pertinent, cum ad qualitatem pertinere uideantur. Id quod ex definitionibus intelligi licet. Crassa enim ea sunt, quorum partes propè coherent. Tenuia, quorum partes distractæ disstanteque sunt. Læuia ea, quorum partes in rectum directe sunt quodammodo. Aspera, quorum partes aliæ eminent, aliæq; superantur. Hæ autem definitiones suus rationem uimq; continent. Contra sunt quedâ quæ huius sunt Categoriae propria, cum interea quantitatis uideantur esse, ut rectitudo, & obliquitas. Nam cum linea in qualitatis numero à nobis reposita sit, & differentiam dixerimus ad eandem Categoriâ pertinere ad quam genus, illa duo ad quantitatem referenda uidentur, quæ lineæ uideantur esse differentie. Nam li-

figura

forma

Rectū
ObliquūCrassa
Tenuia

Læuia

Aspera

nearum alia recta est, alia obliqua. Sed hæc subiecti in accidentia, non generis in differentias, partitio est. Nam si quis roget qualis sit linea, aptè & propriè rectā aut obliquā esse respondebimus. Quòd si quantitatis esset, quanta esset, quæri oporteret. Atque hæc quidem quatuor genera sunt qualitatis. Cum autem eorum omnium tū uel maximè primi generis uis & natura tenēda & cognoscenda est. Nam cum de expetendis & fugiēdis rebus, de æquo & iniquo, disputare ferè omnes soleāt, hæc in eo genere latēt omnia. Quæstiones autem eorum quatuor quæ in omni quæstione, ut dixi, tractari solent, in hac etiam Categoria existant. Nam & genus quæri potest, ut, *An sint uirtutes scientiæ?* Sit' ne continentia uirtus? & differentia, ut si quærat, *ut si quærat, Sit' ne uirtus uoluntaria?* & definitio, ut, *An perturbatio sit habitus uoluntarius à ratione auersus?* & Sit' ne continentia uirtus quæ uoluptates gustatus & tactus cōprimat? & proprium, ut, *Sola' ne uirtus cum in quo est bonum efficit?* *Sola' ne temperantia libidinem uincit?* Sit' ne solius sapientis providere res futuras? Sed accidentis maximè triæ sunt & usitatæ quæstiones, eaq; duplices. Nam & simpliciter quæritur, *Sit' ne uoluptas expetēda?* Sit' ne expetenda gloria? & comparatè, ut si quærat, *Sit' ne magis expetenda prudentia quàm iustitia?* Horum quatuor quæstiones internosci poterunt eodem modo, quo in quantitatis Categoria præscripti.

Ea autem cum aliquo conferuntur, quorum uis &

natura omnis idem est quod ad aliquid affectum esse quodammodo: ut *pater* & *filius*, *dominus* & *seruus*, *uir* & *uxor*, *gener* & *socer*. Horum enim omnium *uis* & *natura* ad aliud refertur. Nam & *pater* quicquid est, id *filius* est: & *cōtrā*, quicquid est *filius*, id *patris* proprium est. Vt enim *pater*, *filius* *pater* est: sic *filius*, *patris* est *filius*. Quod in cæteris omnibus contingit. *Gener* enim intelligi non potest, nisi cum *socero*, nec *uir* siue *maritus* nisi cum *uxore* conferatur. Huic generi subiecta sunt *cognitionū*, *affinitatum*, *contractuū*q; nomina: *cognitionum*, & *affinitatum*, ut *pater* *filius*, *uir* *uxor*, *gener* *socer*: *contractuum*, ut *uenditio* & *emptio*, *locatum* & *conductum*, *datum* & *acceptum*, *commodatum* *sumptum*, & siqua sunt eiusdem generis. Quædam etiam numerorum nomina huc referuntur, ut *simplum*, *duplum*. Quædam nomina usitata nō sunt, ut *sesquitercium* in usu est, quod ei respondeat non est. Raræ autem ex hoc genere existunt quæstiones, duntaxat dialecticæ. Generis hæc erit, Sit ne triplum multipulum? Sit ne genus in ijs quæ cum aliquo conferuntur? Definitionis, ut si queratur, An sit genus id quod de multis, speciei autem differentibus in naturæ quæstione dicitur? Proprii, ut, Solane ea quæ cum aliquo conferuntur eiusmodi sunt, ut eorū neutrum sine altero cognosci possit? Accidentis, hæc, An sex sint dupla? An homo sit pater? In his autem omnibus semper attributū huic Categoriæ subijci debet, quemadmodum in alijs de-

monstrauimus. Ac superior quidem definitio eorum. quæ cum aliquo conferuntur, huius Categoriae est propria. Altera autem quæ Platonis dicitur esse, omnia omnium Categoriarum, præterquam substantiæ, nomina complectitur. Ea enim cum aliquo dicebat conferri, quorum uis & natura alterius esset, aut quæ quoquo modo cum alio conferrentur.

Reliquæ sunt nobis Categoriae sex, quarum quatuor ut facere, pati, situm esse, & habere, uerbis modi infiniti illæ quidem exprimuntur, sed tamen ad modum indicandi etiam referuntur: non quia uerba sunt, sed quia attributi uim obtinent. Vt cum hanc enūciationem pronuncio, homo gignit, uerbum hoc gignit idem ualeat quod hoc totum, est gignens. In uerbis igitur quæ his quatuor Categorijs attributa sunt, non uim uerbi, sed attributi quod complectuntur spectare debemus. Primum de faciendi, deinde de patiendi Categoria dicemus: tum de ea qua aliquid situm esse significamus: postremo de ea qua aliquo amictu tectū esse aliquid dicimus. Qui certè ordo naturæ consentaneus est. Ordo enim naturæ id postulat, ut primum sit aliquid quod faciat, deinde quod patiatur: tum ut hæc duo sita sint, ut stēt, aut erecta sint, aut aliquo alio modo composita: postremo, uel pelle tecta, uel alio integumento. Hæc quatuor reliquæ duæ rectè sequentur, propterea quòd superiorum uis & ratio quo tempore & loco sit, aut intelligatur, deinceps rectè quari & disputari potest. Atque

Ordo nature

Agere

Pati

Accusare

hæc quidem de ordine dicta sint. Nunc de singulis dicamus, ac primum coniunctè de faciendi patiendique Categoria. Agere hoc loco aliud est nihil, quàm uim suā in aliud quod eam accipere possit, inducere: ut cum ignem dico accendere materiam, hoc dico, ignis uim accendendi in materiam immitti. Pati autem est eam uim accipere. Ita nihil omnino agere intelligi potest, quin sit aliud quod patiatur. Sed hoc duobus modis fieri potest. Nam quædā reuera agunt, id est, uim quādam in aliud immittunt, ut ignis calefacit, quod calorem afferat & gignat: alia nō reuera immittunt, sed superiorum solum forma dicuntur. Vt cum accusare quempiam dicor, non formam aliquam, seu uim ei affero, sed solum hoc ipso agere aliquid dicor, quod non quiesco. Prius quidem genus dialectici ferè tractant. Atque eius sex sunt genera prima, quorum duo naturæ & substantiæ sunt, ut generare, & interimere: duo quātitatis, ut augere, & minuire: unū qualitatis, ut commutare: unum loci, mutare locum. Quoniam autem uerba desunt, generandi & interimendi uerbis in quantitatis qualitatisq; ortu atq; interitū declarādo uti cogimur. Nam & uirtutes nasci, oriri, in generari, ac interire dicimus, & magnitudines. Eodem modo amplificare & minuire dignitatem, honorem, uirtutesq; dicimus. Rursus unumquodq; eorum in multas partes distributum est. Generare enim, & interimere, generari & interire aliquid & natura & cōtra naturam dicitur: ut homines qui ita ut natura in

stituit, nascuntur, natura generari dicuntur, qui aliter ac
 natura instituit, ut monstra, ut abortus, contra naturam.
 Sic qui legitimo & à natura constituto tēpore intereūt,
 eorum naturalis mors & interitus est: qui autem mor-
 bo, aut ui, aliōne casu moriuntur, cōtra naturam dicen-
 tur interire. Atque etiam generandi alia sunt genera.
 Nam alia semine tantum propagantur, ut homines: alia
 semine & traduce, ut arbores & stirpes: alia putredi-
 ne, ut culices: alia alijs modis. Interius alia est ratio.
 Intereunt enim alia morbo, alia senectute, quādā pu-
 trefactione, alia alio modo. Augendi etiā et diminuēdi
 genera sunt multa, eāq; fere ad superiora renocari pos-
 sunt. Nam & natura & contra naturam quaedam tum
 crescunt, tum decrescunt. In crescendo etiam atque de-
 crescendo notari certa magnitudo potest. Sed hæc non
 natura, uerū accidentis potius diuisio est. Commutā-
 di etiam genera plura sunt. Commutari autem id dico
 quod alijs alterari, id est ex qualitate mutari in quali-
 tatem, ut ex calore in frigus, ex nigrore in candorem,
 ex metu in spem, ex gaudio in mœstitiā. Genera au-
 tem exponi omnia non possunt, frigesfacere, calefacere,
 tepesfacere, letificare, tristitia afficere, perterrefacere, in
 spem conijcere, docere: cuius sunt etiam multa genera,
 ut docere grammaticā, dialecticā, aliāsq; artes: &
 eius contrarium dedocere. Loci mutatio in multas par-
 tes est distributa. Mouere enim & ferre aliquid sur-
 sum, & deorsum, antè, ponè, dextrorsum & sinistror-

sum possumus. Loci etiam mutatio uel continuata est,
 uel interrupta. Atque hæc sunt prima sex agendi &
 patiendi genera, & singulorum partes: uerbo autem
 mouendi hæc subiecta sunt omnia. Motus enim genera
 sex sunt, ut ortum & interitum motus nominemus.
 Atque ut in pauca rem conferam, uerba omnia quæ
 actiua & passiua grammatici uocant, communia item
 & deponentia, quæ cum eisdem casibus iunguntur, his
 duabus Categorijs attributa sunt. Nomina quoque ab
 ijs deducta eodem referri debent, ut actio, perceptio,
 motus, motio, ortus, interitus, accessio, decessio, commu-
 tatio, immutatio, & quæ his subiecta sunt. In quibus
 ne fallamur, uidendum est diligenter. Neque enim no-
 mina omnia ab his ducta uerbis huc pertinent, sed ea
 modò quæ rem inchoatam imperfectamq; declarant.
 Non enim adificium subest, sed adificatio: neq; doctri-
 na, sed opera quæ in docendo suscipitur, quam doctri-
 nationem uocant: nisi forte hoc etiam doctrina & disci-
 plina significat. Eodem modo iudicandum est de his no-
 minibus, frigus, calor, tepor & alijs eiusdem generis.
 Neque enim his generibus continentur: sed hæc, frige-
 factio, calefactio, tepesfactio, si modo usitata sunt. Quod
 ut internosci possit, uis & natura actionis spectanda
 est. Est enim in eo posita, ut quod agitur aut fit, non sit
 omnino, sed partum sit, partim non sit. Nam si generis
 ea sit uis & natura, eadē formatū sit necesse est. Sed
 actionis primæ ac maxime propriæ hæc, ut iā dixi, est

Et ratio Et definitio. Quoniam quæ res his duabus
 Categorijs subiectæ sint, exposui, deinceps quæstiones
 proponamus quæ de ijs tractari possunt. Quatuor qui-
 dem illis quæstionum generibus, de quibus dictum est,
 in his locus relinquitur. Generis enim magnæ quæstio-
nes poni solent, ut si quæatur, Sit ne iudicare, sentire?
 siue iudicium sensus? quod idem ualet, ut si quæatur,
 an sit sentire iudicandi, Et sensus iudicij genus? Gene-
 ris etiam huiusmodi exemplum est. An uidere facere
 sit an ne pati? de quo magna est inter Platonem Et
 Aristotelem dissensio. Item hoc, sit ne mouere agere,
 Et motus actio? Et sit ne ortus motus? Definitionis ta-
 le exemplū est, Sit ne motus actus eius quod potestate
 est, quatenus est potestate? Et Sit ne motus ex cōtrario
 in contrarium mutatio? Proprietatis tale erit, Solāne
 actio eiusmodi est, ut eius pars sit, absit altera? An soli
 orbes stellarum sint per se uolubiles? Accidētis autem
 Et plurimæ sunt Et maximæ, ut Habuit ne ortū mun-
 dus? Et sit ne aliquādo interiturus? An quod natū est,
 id omne necesse est occidere? An terra moueatur? Sol-
 ne moueatur? Fluant ne Et labantur cōtinenter omnia.
 Et sexcēta generis eiusdē. Neq; enim est quòd nume-
 rum persequi conemur, contentiq; sumus, si nonnullas
 ponamus, ad quarum regulam si reliquæ dirigantur,
 aut ex ijs spectentur, facile earum perspiciatur Et di-
 stinctio Et dissimilitudo. Quam ad rem magnum ad-
 iumentum afferent ea quæ supra de quæstionum disse-

rentia diximus. Sūt enim generalia quādam praecepta
fusa per Categoriarum genera omnia. Sed nō erit alie-
num quemadmodū ad superiores, ita ad has eadem ac-
commodare. Omnes quidem cuius sint eorum quatuor
quae quari solere dixi, ex attributo illa quidē spectan-
tur, & aestimantur: sed tamen ne generis & accidentis
quæstiones nos fallant similitudine, cauendum est. Ne-
que enim si quæstionis attributum genus est, idcirco
generis est quæstio. hæc enim, *An terra mouetur?* acci-
dentis est, cum interea genus sit attributum. Hanc au-
tem ab illa ita facillimè distinguemus, si accidentis
& generis tenebimus definitiones. Sed hoc loco repe-
tenda etiam sunt ea praecepta quae suprà tradidi.

Sitū esse

Situm esse, est ita locatas esse partes rei, ut neq; agat
quid, neque patiatur, sed neutro modo se habeat. Itaq;
uerba omnia quae neutra a grammaticis uocantur, ad
hanc Categoriam pertinent: ea duntaxat quae situm
declarant, ut stare, sedere, accubare, supra & infra ali-
quem accumberere, supinum esse, pronum, & si quae
sunt generis eiusdem. Raro hæc in disputationem inci-
dūt, quò breuiores erimus. Mihi quidē hæc Categoria
magna ex parte actioni cōtraria uidetur. Nā cum motū
magna ex parte propositum, ut docui, illa habeat, hæc
fere in statu tota uersatur. Statum autē uoco motus con-
trarium, ut cum dicimus *stare solem*, aut *nauem*, id est
non moueri. Itaque hæc Categoria uel stare mihi ap-
pellari posse uidetur, uel cum hoc magna societate con-

iūgi. Nā quicquid stat, id aut sedet, aut iacet, aut accubat, aut alio aliquo modo situm est. Quanquā rationem situs corporum non quietis habendam esse in hac Categoria, dici posse non nego. Vt cūq; res habeat, certē non animantium modo, sed rerū etiam mutarum situm complecti & declarare mihi uidetur, ut urbs spectare orientem dicitur, in planicie, aut in colle edificata. Nam cum de situ urbis aut loci quæritur, ex his atque aliis eiusdem generis situs spectatur distinctio. Nomina autem quibus hæc uerba ducta sunt, ad hanc Categoria continent, ut situs, accubatio, statio, sessio, deflexio, proclinitas, aliq; generis eiusdem. Nam quod ait Aristoteles, hæc in ijs quæ cum aliquo conferuntur, habenda esse, id de Platonis dixit sententia, cuius correxit definitionem. Rara autē sunt, ut dixi, huius generis quæstiones. Generis tale exemplum est, Statne is qui surgit? Definitionis, ut An Stare sit ita compositū esse, ut corporis moles tota in cælū pedibus fulta erigatur? Proprii huiusmodi, Solūmne hominē ex animantibus natura erexit? Accidentis, possintne industria hominum bestia recte incedere? Hæ etiam ex attributis intelliguntur. Si quæ enim ex hac Categoria quæstio ducatur, eius attributum illi subiiciatur necesse est.

Habere, ut Categoria est, ad ea modo refertur, quæ corpus tegunt, ut uestes, ut arma, ut ulla, ut coria in bestijs. Quod enim homini uestis est, id sui est seta. Ita habendi genera sunt plura. Prima duo genera sunt, habere
e iij

re uestem, & habere arma duntaxat, quæ ad homines pertinere dicuntur. Hæc autem duo latinè dicuntur, uestitum esse, & armatū uel in armis esse. prius uestium, posterius armorum genera omnia complectitur, purpuratum esse, sericatum, holosericatum, auro & argento fulgere, quæq; sunt eiusdem generis. Armis etiā subiecta est lorica, galea, thorax, caligæ, brachia, aliæ quæ hinc loricati milites. De his duobus generibus utriusq; partibus dialectici disputare non solent. Deinde autem quæ belluarum sunt, nonnunquam disputant, cum eorū cognitionem à physicis hauserint. Aliæ enim uillis uestitæ sunt, aliæ spinis hirsutæ, quædam pluma rectæ, nonnullæ squama, aliæ testa. Nomen autem à quo habēdi uerbum ductum est, non habitum dici uolo, sed potius integumentū. Habitus enim uestē alicuius generis hominū uniuersam complectitur: ut cū dicimus, statuā alicui positā esse habitu militari, habitu muliebri, habitu regio, quod Cicero ornatu militari solet dicere. Huic autem generi subiecta nō sunt uestium integumentorūq; nomina: pertinent enim ad naturā, aut substantiæ Categoriā. Itaq; sola ab ijs ducta nomina, quæ concreta dialectici appellāt, & adiectiua grāmatici, ut loricatus, uestitus, togatus, palliatus, ceteraq; eiusdem generis, ei sunt attributa. Quanquam & illa huic subiecta uideri possunt, ut ea considerare mus, non quia res sint per se coherentes, sed quia cōparata sint ad tegendum. Est enim hæc huius Categorie uera significatio.

Habitus

Nōia concreta

In loco esse, facere, aut pati aliquid, est loco circumscribi & definiri tum naturam rei, tum eius actionem: ita ut certo in loco ea sit, agat, aut patiat-
 tur, non in alio. Quemadmodum hac Categoria à loco qui quantitati subiectus est, differret, ibi exposui. Hac autem Categoria latissimè patet. Complectitur enim primam hanc rerū uniuersitatem: aut potius in hac rerū uniuersitate esse, & in loco, idem ualent: præser-
 tim cum extra cælum nullus sit locus. Quoniam autem uniuersitas primum superiores, deinde inferiores natu-
 ras complectitur, duo prima genera huius Categoriae erunt, in superis esse, & in inferis. Plures sunt partes singulorum, ut in cælis esse, in igne habitare, in aëre, in aqua degere, in terra uersari. Cæli siue orbis multi sunt, ut nouē, uel decē. Si quid in aqua uiuat, queri potest, in marine, an in flumine, in lacu, an in stagnis, an in puteis, alijsq; eiusdē generis. Si in mari, Oceano, an Adriati-
 co, an Caspiō, an Rubro, an Indico & si qua sunt eius-
 dem generis. Quod in nominibus amnium, lacuum fon-
 tiumq; cōtingit. Terræ autē quò plures sunt partes, eo plura genera ea ex parte in Categoria huius quæstio-
 nes conuenient. Nam cum treis in parteis omnis sit di-
 tributa, in Asiam, in Africā, & in Europam, ac una-
 quaq; rursus in partes innumerabiles diuidatur, nō est id quidem dubium, quin singulæ magnam quæstionum
 copiā suppeditare possint. Atque etiam illa loci genera
 huc referuntur, ut supra, & infra, à tergo, seu ponē, &

antè, à dextra & à sinistra. Nec dubiū est quin ea omnia quæ tribus reliquis loci aduerbijs significatur, ut quò, quā, & unde, eodē pertineāt. quæ mihi propterea omiſſiſſe uidetur Aristoteles, quòd uel facile intelligi possent, uel raro aut nunquam inciderent in disputationem. Generis quidem quæſtiones ex hac Categoria rare possunt existere, nec ferè dialecticorū sunt propriae, ut si queratur. Qui habitant in Turonibus, sintne in Aquitania? Et qui accolunt sequanā, sintne in Belgica Gallia? Hæ enim geometrarum sunt. Plurimæ autem accidentis in hoc genere uersantur, ut si queratur uiuātne aliquod animal in igne? Sit'ne aliquod animal quod partim in aqua, partim in terra uiuat? Sintne stellæ in octauo orbe? sol in quarto? luna in primo? An ros in media aëris regione oriatur? Sint'ne hyæne in Gallia hirundines, an aliò se conferant? An in celo animi uersarētur antequā in corpora intrarent? Comparatè etiam multa queruntur, ut si queratur, utra suauior & præstantior sit uita, eāne quæ in solitudine, an quæ in celebritate degatur? quæ rure, an quæ in urbe? Proprij autē & definitionis quæſtiones hinc facile internosci possunt: & cuius sunt eorum quatuor quæ queri posuimus, eodē modo quo in superioribus, ex attributis intelligatur.

Reliqua est ea, quæ in tempore aliquid fieri declaratur. Eius sunt tria genera prima, in instanti & præſenti, superioribus, & conſequenti siue futuro. In singulis rursus spectantur hæ partes, annis, mensibus, die-

bus, horis: uere, æstate, autumnò, hyeme. Calêdis, Nô-
 mis, I dibus. Generis erit quæstio huiusmodi, Qui instâ-
 ti tempore agit aliquid, agâtne in tempore? Rara sunt
 generis. Accidētis cōtra sunt creberrimæ, ut, An quod
 mouetur, in tēpore moueatur? Num triginta annis Sa-
 turnus cursum suum cōficit? Tutūmne sit hyeme nau-
 igare? Atq; hæc quidem & alia eiusdem generis sim-
 pliciter quærentur. Comparatè autem illa, An beatus
 malit uno die optime uiuere, an multis bene? Sit ne ca-
 rior doctrina quæ in senectute, quàm quæ in adolescē-
 tia traditur aut discitur? Proprii huiusmodi erit exem-
 plum, Sit ne insipientis in diem uiuere?

Atque hæc de singulis Categorijs dicta sint. Quæ
 autem earum sit & dissimilitudo & distinctio, pri-
 mum ex singularum definitionibus intelligi licet, dein-
 de ex earum notatione, & proprietatibus. Definitio
 quæ cuiusq; esset, exposui, in eòq; ne similitudinis specie
 erraremus, cautiones adhibui. Notatione autē rerū ad-
 hibita, multo etiam erimus cautiore. Est quidem sub-
 stantia, quam naturam appello, quasi fundamentum:
 cætera autem res tanquam additamenta, quæ natura
 nitantur. Vt enim cætera quæ fundamento adiungun-
 tur ædificando, sublato fundamento, corruunt & con-
 cidunt: ita sine substantia reliquæ res coherere nullo
 modo possunt. Præterea substantia est tanquam stirps,
aut truncus, cætera sunt instar propaginis. Nam quem-
 admodum è trunco frondes, & folia nascuntur: sic ex

Substantia

substantia reliqua Categoriae eueniunt. Si enim corporea sit natura, aliqua sit magnitudine necesse est, sit alba, aut nigra, aut alio colore tincta, aliud efficiat, sui simile aliquid patiatur, partes, aut membra, aut totum corpus habeat compositum, & tectum, idque aliquo loco circumscribatur, & tempore. Nunc de proprietatibus aliquid dicendum est. Substantiae primum illud proprium est, nec elationem accipere nec submissionem, id est non dici cum magis & minus aduerbijs: ut homo alius alio magis aut minus homo non dicitur. Cetera autem Categoriae illa recipiunt. Nam alius alio & maior, minorue dicitur, & albior aut atrior, & pater magis aut minus, & plus minusue agere aut pati, & erectior, melius uestitus aut armatus, & in maiore aut minore loco, & diutius aut minus diu uiuere. Deinde illud etiam natura aut substantiae proprium est, non inesse subiecto, cum in subiecto cetera insint omnia. Inesse autem in subiecto, est ita in aliquo inesse quippiam, ut nec sit eius pars, nec ab eo seiungi possit, ut uirtus qua est aliquis praeditus, in eo inest, non ut pars: & ab eo separari non potest, id est sine eo non potest in rerum natura manere. Si omnia naturarum genera persequi uelimus, earum nullam in subiecto inesse reperiemus. An autem humana natura quae species est, aut Socratis natura sic in homine, aut in Socrate insit, ut nec sit pars eius, nec sine eo constare possit, magna quaestio est. Sed nihil est tam substantiae proprium, quam eam cum una eademque

maneat, accipere posse contraria. Cætera enim recipiunt illa quidem contraria, sed uel non eadem numero manent, uel non mutantur accipiendis contrarijs. Nam nec color unus atque idem manens, candor & nigror dicitur, & oratio eadem uera ac falsa illa quidem dicitur, sed tamen cum ita dicitur, nulla eius sequitur immutatio. At substantia una eademq; numero manens, immutatione sui contraria accipit. Socrates enim una hora ex calido fit frigidus, cum sit unus & idem, idq; sui mutatione, quonia nunc frigidus est, qui paulo antè calidus fuit. Atque hæc quidem sunt naturæ proprietates, quæ eam à cæteris Categorijs facile seiungunt.

Quântitas autè hoc à cæteris differt, quòd æqualis, aut inequalis, par aut impar dicitur, cætera aut nò dicuntur omnino, aut habita illius ratione dicuntur. Nam cum aliquid æquale tribus modis appelletur, aut quod tam lōgè, aut quod tã latè, aut quod in omnes partes æquè pateat: quorū in primo lōgitudinis, in altero latitudinis, in tertio altitudinis & crassitudinis habeatur ratio: hæc autem in solis magnitudinibus intelligantur, profectò solæ magnitudines, ut lineæ, ut extremitates, ut locus, ut corpora, æquales inequalesue dicuntur. Quod eodem modo de numeris, qui soli pares aut impares dicuntur, intelligendum est. Nam cætera, paria & imparia, æqualia & inequalia ex ijs nominantur. Vt pares duo homines siue æquales dicuntur, quòd sint pari magnitudine. Quanquam multis in rebus his uerbis

Quântitatis differe
ntie

abutimur, ut duos homines pari uirtute, id est simili præditos dicimus. Inter qualitatem autem & cæteras categorias hoc interest, quod ex qualitate aliquid simile aut dissimile nominatur, ex cæteris non nominatur, ut qui iisdem lineamentis oris præditi sunt, similes appellantur: in quibus iisdem mores sunt, eadem uirtutes, similes moribus uirtutibusq; dicuntur. Hoc etiam distant ea quæ cum aliquo conferuntur, à cæteris, quod si quis norit unum eorum quæ cum aliquo conferuntur, simul cognoscet alterum: quod in alijs non est necesse. Nam cui exploratum erit aliquid duplum esse, cuius sit duplum etiam intelliget. Sed hoc in ijs modò quæ certa sunt & definita, atque id in numeris intelligendum est. ut si quis cognoscat dupla esse quatuor, is statim duorum esse dupla cognoscet, in alijs autem huius generis necesse non est. ut si quis, certum hominem sciat patrem esse, is filij quidem patrem esse sciet: cuius autem filij, non poterit dicere. Quapropter hoc potius ea quæ cum aliquo conferuntur, à cæteris distingui dicentur, quod neutrum simpliciter, sed solum comparatè cognoscitur, simpliciter autem reliqua cognoscuntur omnia. Patrem enim aliquem esse nemo intelligere potest, nisi eum cū filio: nec duplum, nisi id simplum cuius duplum sit: nec maius aliquid esse, nisi cum minore conferat. Cætera autem omnia simpliciter cognoscuntur: ut substantia quid sit, ut intelligamus, non ad aliud referre cogimur, sed ipsam per se consideramus. Quod

eodem modo de quantitate, qualitate, reliquisq; categorijs iudicandum est. Quòd si prius illud horum proprium efficere uelimus, hoc solum dicendum est, cognitum uno eorū quæ huic sint categoriæ attributa, alterum etiam cognitū esse necessario. Nam cum rei natura quæ sit, nisi ex definitione cognosci non possit, in eorum autem quæ cum aliquo conferuntur, utroq; de finiendo alterum adhiberi oporteat, nec definitio nisi cognitū uerbis omnibus ex quibus cōstat, possit intelligi: profecto unum si cognitum sit, alterum etiam sit necesse est. Reliqua autem sex categoriarum genera & facile inter se, & à reliquis internoſci poſſunt. Nam actio & perpeſſio hoc ab reliquis differunt, quòd reliquæ præter tempus & orationem totæ & uniuerſæ eodem tempore permanent, ipſæ autem nunquā totæ. Veluti actio, exempli cauſa, uirtutis, aut uirij continenter fluit & labitur: ita ut nec cum incipit, iam ſit, nec cum peracta eſt, eius pars ulla reliqua ſit: quod eodem modo de motu iudicandum eſt. At ſubſtantia eadem tota diu perſeuerat, tota quantitas, tota qualitas, totus etiam aliquis diu accumbit, in certo loco, & tempore, etiam ueſtitus eſt. Nam quod tempus excepi & orationem, ea excepi quia ad quātitatem perimeant: à quibus actio & perpeſſio hoc diſtant, quòd tēpus ſit numerus motus primi celi quod mouetur, oratio autē ſit in uoce, hæc autē in faciendo & patiēdo ſint. Inter actionē autem & perpeſſionem hoc intereſt, quòd illa à faciente, hæc in

patiente nascitur. Neque enim re ipsa differunt, sed sola
 cogitatione. Amor enim & actionis & perpeſſionis
 est. actionis quatenus ab aliquo proficiſcitur: quatenus
 in alterum extat, & ab eodem accipitur, perpeſſionis.
 Itaque quatenus actionis est, agendi: quatenus perpeſ-
 ſionis, patiendi uerbo explicatur, ueluti amor meus, is
 quo te amo dicitur: amor tui, quo amaris. Reliqua qua-
 tuor hoc à cæteris differunt, quòd nullā habeant emi-
 nentiam, id est non sint re uera, sed rerum quædam sint
 affectiones, & ut uulgo appellāt, habitudines, illæ au-
 tem re uera sint. Neque enim aliud est re ipsa hominē
 accūbere, in loco eſſe, decem annis uiuere, aut uestitum
 eſſe, aliud hominem eſſe omnino: sed re ipsa eadem sunt,
 uerbo autē solo & cogitatione differūt. Ex quo perſpi-
cūū est quinq; eſſe tantū genera rerū. Nam quicquid re
 uera est, id uel substantia est, uel quantitas, uel qualitas,
 uel relatio est, uel actio. Quanquā non omnis re ipsa re-
 latio est. Ita hæc decem prima capita & genera non
 omnia inter se re ipsa differūt. Quapropter non hæc di-
 ſtinxit genera Aristoteles, nisi quòd quicquid alicui
 attribueretur, tot modis attribui poſſet, ut nō rerum, sed
 uerborum quæ dicerentur, aut dici poſſent in aliquo
 diſtinctiones, rationē habuiſſe uideatur. Itaque princi-
 pio libri qui inſcriptus est Categoriæ, quæ ſimplicia ſint
 uerba, ea uel substantiam, uel quantitatem, uel qualita-
 tem, aliāue categoriam ſignificare dicit: & ex ijs
 conſtare enunciationes. Quo autem modo poſtrema

Amor meus

Amor tuus

Affectiones

Habitudines

Rerū gna gna

eadem quatuor categoriæ inter se differant, facile est dictu. Nam *Et* situm esse, significat rem totam aut eius partem pariesne aliquas aliquo modo positas esse *Et* collocatas: *Et* teclū esse aliqua re aduētitia, aut quasi aduētitia munitum amictumq; esse contra ea quæ extrinsecus occurrunt. Et in loco esse, uel agere, uel pati, est loco definiri naturam ipsam, aut eius actionem, aut perpeſsionem, uel aliam affectionem. Et in tēpore esse, agere, aut pati, est certum aut incertum tempus, uel rem ipsam, uel actionem eius uel perpeſsionem, aut aliquam affectionem metiri, quorum omnium facilis est distinctio. Hæ autem categoriarum inter se dissimilitudines diligenter notandæ sunt. His enim cognitis, facile unaquaq; proposita quæſtione, cuius sit categoriæ, poterimus dicere. Ac mihi quidem uideor satis docuisse, quid sit quæſtio dialecticorū propria, quōtq; eius sint, *Et* quæ genera, *Et* quemadmodum internosci possint. Proximum est, ut de argumentatione, quæ ubi quæſtio posita est, tractari solet, disseramus. Quoniā autē argumentatio omnis ex enūciationibus constat, *Et* enūciatio ex uerbis simplicibus, à partibus minutissimis, ut polliciti sumus, ordiamur. Illud quidem intelligendum est, non solum quæſtiones ex illis quatuor quæ in disputationem sola incidere docui, *Et* ex decem categorijs, quarum in quaq; illa quatuor inhaerent, uerum etiam enūciationes omneis constare. Nam cum ex quæſtione enūciatio, sublata nota interrogationis, ferè efficiatur,

nec res ulla confirmetur aut refellatur, nisi quæ propo-
 sita sit ad disputandum, profecto ex iisdem uerbis tanquã
 partibus quæstio, enunciatio, & argumentatio constet
 necesse est. Itaq; quam fecimus quæstionum diuisionẽ,
 eandẽ etiam enunciationũ faciamus licebit, ut dicamus
 alias esse generis, alias definitionis, alias proprii, alias
 accidentis: & earum unãquãq; aut substantiæ esse, aut
 quantitatis, aut qualitatis, aut eorũ quæ cum aliquo cõ-
 ferantur, aut actionis, aut perpeßionis, aut situs, aut in-
 tegumentĩ, aut loci, aut tẽporis. Sic enim in ueri & falsi
 diiudicatione minũs aberrabimus. Nam cum hoc loco
 hæc omnia nominis & uerbi nominibus appellentur,
 ita facillimẽ de ueritate & falsitate iudicare poterim-
 us, si nomina ex quibus constant enunciationes, quo
 quasi à capite arceßita sint, intelligemus. Si enim tan-
 tum scias esse nomen id quod attribuitur alteri, aut
 aberrabis à uerò: aut si attingas, id casu, non ex arte
 facere uidebere. At si id, exẽpli causa, genus esse scias,
 & teneas quæ tradidi, sine ullo negotio uerẽ ne an fal-
 so rei subiectæ attribuat, intelliges. Sint ergo hæc o-
 mnia quasi materia enunciationum. Quoniã autem hæc
 iam à nobis explicata sunt, & hoc, ut dixi, loco nomi-
 na & uerba appellantur: primum quid sit nomen, quid
 uerbum dicamus: deinde quid oratio & enunciatio.

Nomen

Nomen uox est ex instituto significãs, sine tempore,
 cuius pars nulla quicquã declarat separatim. Quoniam
 omne dialecticorum institutum est, ut alicui in disputã-

do, disputare autem sine uocis & orationis munere nemo potest, fit ut nomen uoci subsit, ut eius species & forma. Ita quæ uerba uel scripto constant, uel animis nostris impressa sunt, ea nō sunt propriè nomina dialecticis. Quod autem dixi, ex instituto significans, idem ferè ualet quod ex impositione: quibus uerbis eæ uoces excipiuntur, quæ natura aliquid significant, non ex hominum instituto & quasi compositione. Eiusmodi uoces sunt eiulantium, ridentium, & peregrinarum aut etiā barbararum nationum. Quod autem sequitur, sine tempore, uerba, id est ἄχρονα excludit. Nam & uoces sunt, & ex instituto hominum significant, sed quia tēpus adsignificāt, nō sunt nomina. Hæc enim nomina, annus, dies, hora, non adsignificant tempus, sed planè significāt. Aliud est enim adsignificare tempus, quod alij cum tempore significare dicunt: aliud significare. Adsignificare enim tēpus, est tēpus ad significationē quæ iā est, quasi sociū adiungere, ut amo uerbum agere aliquid significat, & præterea illud notat in instāti tēpore fieri. Significare autem tempus, est primum illud declarare non sequi, ita ut tempori tanquam eius pars subijciatur. Postremum autem illud, cuius pars nulla quicquā declarat separatim, reijcit orationem. Nomina autem iuncta, quæ grāmatici cōposita uocant, hac definitione continētur. Esi enim in hoc uerbo, præpotēs, præpositio aliquid significare uidetur, tamē separata nihil significat omnino. Addūt etiā nomina infinita dia-

lectici, secuti Aristotelem, quod mihi non placet, nisi in nominibus ijs quæ concreta ipsi, grammatici adiectiua nuncupant: quo in genere hæc sunt, non iustus, non dignus. Vt in hac enunciatione, Omnis ornatus est non dignus uiro. Nam in hac, Non homo est rationis expers, non puto ferendum: sed si hoc modo dicas, id quod non est homo, non est rationis particeps. Obliqui autem casus, ut hominis, homini, hominem, homine, non in nominum numero reponuntur, quoniam placet Aristoteli ex nomine & est uerbo constare enunciationem, quod in his minimè contingit. Neque enim hoc totum, Hominis est, enunciationis nomen obtinet. Ita nominis definitio complenda erit hoc modo, Nomen est uox significans ex instituto, sine tempore, cuius pars nulla quicquam declarat separatim, sed ita ut cum est uerbo enunciationem efficiat. Atque hæc quidem de nomine.

Huius definitio

Verbu'

Verbum autem uox est tempus præsens ad significans, cuius pars nulla quicquam separatim efficit: semperq; ea declarat quæ de alio dicuntur, ut amo. De uerbis infinitis eodem modo quo de nominibus infinitis iudicandū est. Ab hac definitione excluduntur præterita & futura, uerba etiam imperantis, optantis, & infiniti modi, quod ea quæ alijs attribuuntur, non indicant, & quod omne uerbum iunctum cū nomine pronunciatum efficit. Ita sola indicandi modi uerba sunt, duntaxat quæ præsentis sunt temporis. Cum autem enunciationem dico, eam dico, qua aliquid de aliquo dicitur. Nam in ijs

quæ connexa dicuntur, subiunctiui & optatiui modi uerba habentur, itémque præterita & futura, ut in hac, Si cras terra lunæ obijciatur, cras luna deficiet.

Oratio autem est uox significans, cuius pars aliqua seiuncta illa quidem significat, sed ut nomen, non ut affirmatio. Hac ab Aristotele traditur definitio, qua mihi uidentur excipi orationes connexæ, ut hæc, Si sol lu-
cet, dies est. Quod certè eius instituto consentaneum est. Nam cum de enunciationibus quibus aliquid de aliquo dicitur, in libro de interpretatione differere cõstituiſſet, et in prioribus analyticis de ratiocinatione simplici, quæ *κατηγευὸς συλλογισμὸς* uocatur, profectò de oratione cum disputat, de illa differere uidetur. Quod etiã definitionis uerba illa, non ut affirmatio, declarât. Nam hoc totum, dies est, separatum ab hac enunciatione, Si lu-
cet, dies est, ut affirmatio significat.

Nos autem quoniam de utroq; enunciationis genere dicere instituimus, orationem definiamus hoc modo, Oratio uox est, cuius pars aliqua separata significat. Vel hoc modo, Oratio est multarum dictionum siue uerborum ex instituto significantium comprehensio. Orationum autem genera sunt duo. Alia enim perfecta est, alia imperfecta. Perfecta est ea, quæ perfectam sententiam in animo audientiũ imprimi, ut homo est animal. Imperfecta contrã ea est, quæ non imprimi & parit, ut hæc, Socrates & Plato. Hac enim prolata oratione, animi auditorum nõ conquiescunt, sed aliquid præterea

desyderant. Perfecta rursus duplex est, alia quæ enun-
 ciatio est, alia quæ non est enunciatio. Enunciatio illa est,
 quæ uerum quid falsum ue declarat, cuiusmodi hæc est,
 homo est rationis particeps. Enunciatio autem nō est ea
 quæ uerum aut falsum non significat, ut orationes im-
 perantium, aut optantium, aut rogantium, & admirā-
 tium. Ita orationes indicandi modi dialecticis solæ reli-
 ctæ sunt, duntaxat simplices. Quoniam autem uerum
 aut falsum quid esse dicitur duobus modis, & simpli-
 citer, ut homo est animal, & ex adiunctione, ut si sol
 lucet, dies est, duo enūciationum genera extiterunt: unū
 simplex dicitur, quod uerū aliquid absolute aut falsum
 complectitur, ut hæc enunciatio, Animus est immorta-
 lis, simplex appellatur, quod simpliciter, non ex aliqua
 adiunctione uerum exprimit. Alterum dicitur tum cō-
 nexum à Cicerone, tum copulatum, ut si quid currit, id
 mouetur. hoc *ἁπλοῦς* græci appellant. Id autem
 connexum pronunciatū est, quod uerū aut falsum quid
 esse declarat ex adiunctione, ut cum dico, Si homo cur-
 rit, mouetur, non simpliciter aut omnino hominem mo-
 ueri dico, sed ex cōnexionione hac, si currit. Hæc duo ge-
 nera multas habent partes, de quibus nobis dicendum
 est sigillatim, ac primū de simplicium generibus. Sim-
 plicium primum genus est, cum utrunque nomen enun-
 ciationis simplex est, aut iunctum. Simplex, ut in hac,
 iusti sunt boni: iunctum, ut iniusti sunt improbi: aut cum
 alterum iunctum est, quod duobus modis fit, ut impij

sunt mali: Boni sunt ferè inopes. Alterum genus est cū
utrunq; copulatum est, aut alterum. Copulatum autem
sive coniunctū appello extremū, quod ex multis cōstat
uerbis. Id quod duobus modis fieri potest. Nam aut
coniuncta uerba sunt sine coniunctione, aut cum con-
iunctione. Si sine coniunctione, id fiet solum uno modo:
si coniunctio addatur, duobus. Nam aut, uel, ue, &, ac
atque, que, coniunctiones possunt nomina copulare. Pri-
mi generis pronunciatorum exempla erunt huiusmodi,
Animal rationis particeps, est capax discipline. Homo
est animal rationis particeps mortale. Homo malus est
homo. Eodem adduntur relata, ut in hac, Virtus bonos
eos in quibus inest efficit. Secūdi hac, Homo uel bellua
rationis est particeps. Deus & animus sunt immorta-
les. Eadem commutari possunt tot modis quot superio-
ra pronunciata. Nec uero in ijs modo pronūciationibus
quæ ex est uerbo constant, hoc contingit, sed in ijs etiam
quæ ex alijs quæ adiectiua nominantur à dialecticis.
Ut in his, Homo & angelus ratiocinātur, Sapiens re-
bus suis consulit & alienis. Virtus uel uitium bonos ef-
ficit. De connexis dicemus postea. Antè autem quàm
ad alia pergo, quò hæc facilius intelligantur, non alienū
erit enūciationis simplicis partes quæ, & quot sint, ex-
ponere. Omnis quidem pronuntiatio ex nomine &
uerbo, aut ex nominibus constat. Si ex nomine uno tā-
tum, id subiectum erit semper, & in uerbo attributum
totum intelligetur. Si ex nominibus, id duobus modis

usuuenire potest. Nam aut est uerbum, aut aliud enun-
 ciatio complectitur. Si est complectitur, tum id nomen
 cuius uis alteri conuenire, aut non cōuenire dicitur, solū
 attributi, id est prædicati appellatur nomine. Si alio ex
 uerbo constet effatum, ipsum illud uerbum partem sibi
 attributi uendicabit. Horum omnium exempla erunt
 huiusmodi, Deus est, Deus est bonus. Deus curat res
 humanas. In prima enim enūciatione dei uerbum sub-
 iecti nomen obtinet, est autem uerbum simul & uerbi
 & attributi. Cum enim dico, Deum esse, deū ab ijs se-
 paro quæ nulla sunt, eiq; statum tribuo. Cum autē eum
 dico bonū esse, deo bonitatem attribuo, ita boni uerbiū
 solum erit in attributo. At cū eum dico res curare hu-
 manas, nō ei res humanas attribuo, sed rerū humanarū
 curam & providentiam. Atque in his distinguendis
 exercendi erunt studiosi differēdi, quod sine his uerum
 à falso uix aut ne uix quidem possunt internoscere. Id
 autem quò facilius efficere possint, primum sic habeāt,
Omni simplici enunciatione aliquid alicui uel uere uel
falso attribui: quod attribuitur, id appellari attributū,
sive prædicatum: cui quid eo modo attribuitur, id sub-
iectum uocari. Deinde ut facile alterum ab altero sepa-
 rare possint, hoc intelligāt, duplicem esse ordinem ora-
 tionis: unum, qui à natura: alterum, qui ab arte sit pro-
 fectus. à natura autem eum profectum esse, quo natu-
 ra sua quisq; duce simpliciter animi sensa exprimit: ab
 arte eum, qui cōuersus est. Nam naturalis est sermo hu-

Orōis ordo dūp.

iusmodi, Deus prospicit hominibus: conuersus hic, Homi-
nibus deus prospicit. Et, Deus hominibus prospicit,
& Hominibus prospicit deus. Naturalis huiusmodi,
Deus est præpotens omnium rerum: Artis & uersus
hic, Deus est rerum omnium præpotens. Et, præpotens
est deus rerum omnium, & rerum omnium præpotens
est deus, & rerum est omnium præpotens deus. Ex
quibus perspicuum est, eum sermonem qui simpliciter
ac uno modo à natura nobis tributus sit, multis modis
artificio esse commutatum. His cognitis uidendum erit
diligenter, sit ne sermo naturalis is qui erit propositus,
an ne cōuersus. Si erit naturalis, ea omnia quæ uerbum
antecedent subiecti: quæ sequentur, attributi aut eius
partis nomen obtinebūt. Si artis erit, & uersus, ad na-
turalem reuocandus erit, atque ex eo quæ subiecta erit
res, quæ ei attributa, erit æstimādum. Huius autem rei
præceptum generale est, Omnia nomina quæ uerbum
enunciationis à fronte asciscāt ad subiectum: quæ à ter-
go, ad attributum pertinere. Sed de his hætenus. Nunc
ad institutum reuertamur. Atque etiam simplicis e-
nunciationis alia genera sunt. Omnis enim simplex, aut
ait quid, aut negat, id est, aut affirmatio est, aut negatio.
Affirmatio est enūciatio, quæ ait quid, ut hæc, Iustitia
uirtus est. Negatio est enūciatio quæ quid negat, ut, Iu-
stitia non est uirtus. Quoniam autem cum quid confir-
mamus, & negamus, id uel de toto genere facimus,
uel de parte incerta uel de certa, uel etiam de aliqua re
f iij

Affirmatio
Negatio

singulari, efficitur ut tam affirmatio quàm negatio in quatuor partes sit distributa. Prima dicitur affirmans uel negans uniuersè, uel in totum: altera affirmans uel negans ex parte aliqua: tertia affirmans aut negans ex incerta parte: quarta affirmans aut negans singularis. Affirmatio autem quæ dicit quid de toto genere, ea est enūciatio, qua aliquid omni rei propositæ conuenire dicitur. Vt hæc, *Omnis iustitia uirtus est*. Negatio autem totius generis est enūciatio, qua aliquid toti rei propositæ conuenire negatur, ut nulla iniustitia uirtus est. Affirmatio autē incertæ partis est ea, qua aliquid incertè parti rei propositæ conuenire dicitur, ut uirtus est per se expetēda. homo currit. Negatio indefinita est, quæ quid negat conuenire indefinitæ parti rei propositæ, ut homo non uigilat. Affirmatio cuiusdam partis, est enūciatio, qua quid alicui rei propositæ parti cōuenire dicitur, ut, *Aliqua uoluptas est bonum*. Negatio autem alicuius partis, est enūciatio qua alicui parti rei propositæ quid negatur conuenire, ut, *Aliqua uoluptas nō est in bonis*. Harum duarum notæ sunt eæ quæ partem aliquā declarant, cuiusmodi hæc sunt, *Aliquis*, *Quidam*, nonnullus, & quæ sunt generis eiusdem. Affirmatio rerum singularum est enūciatio, qua alicui rerum singularum quid attribuitur, ut *Aristoteles est Philosophus*. Philosophia enim ei attribuitur. Hic iustus est. Negatio autem rerum singularum, enūciatio est, qua rerum singularum alicui propositæ quid negatur conuenire: ut

Aristoteles non uiuit. ei enim uita negatur conuenire. Hic non est iustus. Has autē definitiones qui uolet, ad attributa & subiecta accommodare poterit, ut dicat affirmationē totius generis, eam enūciationem esse, cuius attributū toti subiecto conuenit. itemq; in ceteris. Quod ut uerū sit, tamē quæ sequūtur partitiones nō in uerbis, sed in rebus ipsis necessario intelligūtur. Omnis enūciatio siue simplex sit, siue aiat quid siue neget, uera aut falsa est. Vera illa est quæ id quod res est, declarat, ut homo est rationis particeps. Hac enim hominē esse rationis participem significat, quod uia est. Falsa autem ea est, quæ aliter rē atq; est, declarat, ut homo nō est rationis particeps. Et quoniam enūciationis omnis ueritas & falsitas ex eorum conuenientia seu consensione, aut dis-iunctione iudicanda est, quot modis res conspirare, & dissidere inter se possint, uideamus. Hoc enim ad diu-dicandā enunciationum ueritatem & falsitatem ualet plurimum. Tribus quidem modis res inter se affectus esse inuenio. Aliæ enim res sic coherent inter se, ut nūquam seiungi possint: aliæ contrā sic inter se disiunctæ sunt, ut coniungi nunquā possint. Quæ dā his interiectæ, interdum coniunguntur, interdū separantur. Primi generis eæ sunt omnes, quas cuiq; categoriæ attribuimus, si in enūciationibus semper ea quæ latius patent ijs tribuamus, quæ patēt angustius: aut si, ut rē in pauca cōferam, genus & differētia de suis formis, proprium de specie cuius est propriū, et de eo cuius uim declarat de-

Necessarie

finitio, dicantur. Ex his enim enūciationes existent: quæ
 propterea dicuntur necessarie, quòd aliter esse non pos-
 sit, atq; declarant. Generis huiusmodi erit exemplum,
 Homo est animal. Iustitia uirtus est. Virtus est habi-
 tus. Differentiæ, ut homo est rationis particeps. Virtus
 est uoluntaria. Proprii, ut hæc, homo capax est disciplinæ,
 enuntiatio uera est aut falsa. Definitionis, homo est ani-
 mal rationis particeps. Virtus est habitus animi uolun-
 tarius, rationi consentaneus. Hæc enim enunciationes sic
 ueræ sunt, ut in falsum conueriti nequeant. Secundi ge-
 neris enunciationes sunt earum rerum quæ in diuersis
 categorijs collocantur, & nominibus substantiuis ex-
 primuntur, aut in iisdem, sed non ijs generibus, quorum
 alterum alteri subest, continentur. ut, homo est uirtus.
 Animal est natura incorporea. Homo est lapis. Enun-
 ciationes autem quæ de his rebus sunt, Impossibiles uul-
 go appellantur, nos enunciationes de eo quod fieri non
 potest, ut Cicero, nominamus, propterea quòd fieri non
 possit, ut res ita habeat, ut significant. Atque hæc duo
 genera enunciationum aientia sunt. Negantes autem
 erunt enunciationes necessarie, si aientibus ijs quæ de
 eo quod fieri non potest, sunt, adiungatur negatio, &
 cōtrā negantes ex eo quod fieri non potest, si aientibus
 necessarijs, eodē modo negatio adiungatur. Vt enim hæc
 necessaria est, homo est animal: sic hæc impossibilis, ho-
mo animal nō est. Eodēq; modo hæc necessaria est, ho-
mo non est lapis, quæ erat ut nocēs impossibilis, sublata

Impossibiles

negatione. Sunt etiā alia quæ inter has, ut dixi, medium locum obtinent. Quæ de ijs sunt enunciationes, nec sunt necessarie, quòd aliter res se habere potest, atque significat, nec, ut uocant, impossibiles, quòd fieri potest, ut res ita habeat, ut indicant. Contingentes eas uocant Dialectici, quòd fieri possit ut ita & res sit, & nō sit, ut illæ significat. Accidētis autem sunt hæ omnes pronunciationes, quandoquidem accidens id esse definitio-
ne explicauimus, quod conuenire & non conuenire potest re in qua inest salua & integra. Quod etiam hinc sciri potest, quia cum quicquid alicui attribuitur, id aut genus sit, aut definitio, aut proprium, aut accidens: in quibus autem effatis genus attribuitur, definitio & proprium, ea necessaria, ut docui, habenda sint: profecto si qua enunciatio ex accidente nascatur, ea sit contingens, necesse est. Proprie autem accidentis & naturales enunciationes esse debent, ut etiam generis, definitionis, & proprii, cuiusmodi sunt ea omnes, in quibus hæc quatuor subiectis rebus tribuuntur proprijs atque naturalibus. Naturales porro accidētibus subiectæ res, sunt ea in quibus aut coherent iam, aut certè coherere possunt. Quarum aliquas nominemus, ut studioforum differendi aliqua ex parte laborē leuemus. Omne corpus, siue natura corporea, est quasi sedes colorum & magnitudinū propria: Homines soli ex animalibus artium, uirtutum atque uitiorum: Animalia omnia perturbationum omnium. Animalia rursus integumento

Contingentes

Accidentis

rum, situs, & relationum. Corpora primū ac maximē actionum & perpeſſionum, eadem cum numeris, ſedes ſunt figurarum atque formarum. Itaque ex ijs accidentis erunt omnes enūciationes. Vt calum caſum eſt. herba eſt uiridis. coruus niger, cygnus albus. Ariſtoteles fuit philoſophus. Nicomachus numerorum rationē tenuit. Hippocrates fuit medicus. Cicero orator & philoſophus. Ariſtides fuit iuſtus. Sapiens Socrates. omni uitiorum genere inquinatus Nero. Nec uero ſolæ affirmationes ſunt huius generis, uerum etiam negationes, ut, Ariſtoteles non fuit omnibus bonis artibus inſtructus. Cicero nō fuit orator. Si igitur hæc ita, ut dixi, collocabūtur in oratione, ex ijs accidentis exiſtent pronūciationes. Si autem accidentia eis rebus pronūciando tribuātur, quæ non ſunt eorum ſubiecta propria, affirmationes ſic falſæ erunt, ut ueræ nunquam eſſe poſſint. Ita in earum numero reponuntur, quæ impoſſibiles nominantur. Negationes autem quoniam ſic ueræ ſunt, ut in falſum commutari nequeāt, erunt omnes neceſſariæ. Hoc ita facillimē intelligetur, ſi ordinem eum quem paulo antè præſcripſi, commutabimus. Dixi corpora, ſiue naturas corporeas ſedes eſſe proprias colorū. peruertamus hūc ordinem, attribuamūſq; colores deo, animis & angelis, hoc modo, Deus eſt albus, aut niger: Animi ſunt rubri. Angeli ſunt uarijs coloribus tincti, nomen earum quæ uulgo impoſſibiles dicuntur, habere intelligemur: quibus ſi negatio adiungatur, erunt ne-

cessaria. Quæ cum ita sint, illud quidē perspicuum est, quod supra dixi, eorum quatuor quæ sola in disputationem incidere possunt, cognitionem plurimū ad ueri & falsi diiudicationem ualere. Qui enim enunciationem omnem quæ & genus suis formis attribuitur, & definitio rei quæ definitur, & proprium formæ cuius est proprium, non solum ueram esse perspiciet, sed etiā necessariā: & eandem, si negatio adiungatur, non modo esse falsam, uerum etiā in ijs esse quæ fieri non possint: itēmq; qui effatum omne in quo accidens proprio subiecto attribuatur, uerum esse, & falsum id quod neget: sed ita ut & in falsum ex uero, & ex falso in uerum mutari possit, cognouerit: is profectō ad differendum ueniet instructior, facileq; uera cōcedet, negabitq; contraria. Quocirca non solum in quæstionibus, sed etiā in pronunciatis quid horum quatuor cui conuenire, aut non conuenire dicatur, primum ac maximè uidendum est. Deinde eo cognito, sintne aientia an negantia, considerandum erit: tum aiāntne, aut negent omnino, an ex parte. De quo iam dicēdum est, ut hic locus absoluator a nobis. Nam cum de aientibus & negantibus effatis paulo antè differeremus, nihil locuti sumus, essent ne in totum, an ex parte aientia aut negātia, id est, ut uulgus dialecticorum loquitur, essent ne affirmatiuæ aut negatiuæ uniuersales an particulares, quod Aristoteles uocat, κατὰ φασεις, & ἀπὸ φασεις κατὰ μέρος, ἢ ἐν μέγεθ, ἢ κατὰ μέρος. Generis quidem, proprii, ac defi-

nitionis certa præcepta dare possum, accidentis non possum. Omnis enūciatio, in qua attributum genus est, & subiecta illius forma, si aiat siue de toto genere & uniuerse, siue de parte, uera est: si neget utrouis modo, falsa. Quòd si uera, etiam necessaria: si falsa, etiā in ijs erit quæ fieri non possunt. Hoc quanquam est perspicuum, tamen exemplis illustrandum est. ut enim hæc uera est enunciatio, Omnis iustitia uirtus est: sic illa, ac maiore quadam ratione est, Iustitia est uirtus, aut, Aliqua iustitia uirtus est. Itēq; quoniam hæc falsa est, ut in eodem exemplo maneā, Iustitia uirtus non est, illa quoq; falsa erit maiore quadam ratione, Nulla iustitia uirtus est. Quod eodem modo in differentiæ, definitionis, proprij q; enunciationibus contingit. Differentiam autem eam semper intelligo quæ formam efficit. Atque hoc quidem generale, ut dixi, præceptum est. De toto autē accidentium genere nihil certi possum tradere, duntaxat in aientibus, de parte possum. Omnis enim enunciatio qua accidens alicui subiecti proprij parti conuenire dicitur, uera est. Hæc enim uera est, Aliquis homo est dialecticus, ceteraq; omnes generis eiusdem. Contrā, non omnis uera est, qua accidens parti proprij subiecti negatur conuenire. Quædā enim accidentia in aliquibus rerum generibus in totum intelliguntur. ut omnis coruus niger est. Omne calum cæsi est coloris. omnis ignis habet uim caloris. Ita de accidente si ad totum genus rei in qua inesse solet accommodetur, nihil certi tradi

Differentia

potest. Non enim omnis eiusmodi uera est neque falsa. Si autem negetur omni ex parte cōuenire, aliquid certi tradi potest. Omnis enim eiusmodi falsa est. Nā quoniā quod accidit, id omne alicui parti rei sibi proposita, ut ostendi, conuenit, (Aliquis enim homo dialecticus est) falsum erit, nullum accidēs ulla ex parte rei conuenire, nisi fortē ita fingamus. Atque hæc quidem de natura-
libus effatis intelligenda sunt omnia. Nā de ijs quæ cō-
 tra naturā sunt, quales sunt ea, in quibus res diuersarū
 categoriarū aut etiā generum substantiis significatur,
 hoc dici in totum uerē potest, si aiant, siue aliqua, siue
 omni ex parte, eas falsas esse, & in ijs quæ fieri non
 possunt. Est enim ut hæc falsa, Omnis homo est lapis: sic
 hæc, aliquis homo est lapis. Sin negent utrouis modo,
 uerā erūt ac necessariae. Hæ enim duæ necessariae sunt,
 Nullus animus numerus est, Aliquis animus non est
 numerus. In quo non solum utile erit, sed etiam necesse
 ea repetere ac tenere omnia, quæ in categoriarum disci-
 plina tradidi. Nonnulla enim docui esse eiusmodi, quæ
 ad duas categorias pertinerent. Ita excipienda erunt, ut
 sit generale præceptum. Eodem modo de ijs pronūcia-
 tis iudicandum est, in quibus genus, proprium, definitio
 & accidens proprijs subiectis non erunt attributa. Si
 enim aiant siue in totum, siue quadam ex parte, falsa
 erunt omnia: uerā contrā, si utrouis modo negent.

Adhuc simplicium enunciationum ueritatem &
 falsitatem simpliciter spectauimus. Deinceps enuncia-

tiones inter se conferemus, ut quemadmodum & quot
 modis consentanea esse possint & repugnantes, intel-
 ligatur. Affirmationem quidem definiuimus esse enū-
 ciationem, qua aliquid alicui conuenire diceretur: nega-
 tionem eam, qua non conuenire. Hoc autem quatuor
 modis fieri licet. Nam & cōuenire aliquid cuiquam di-
 ci potest, quod cōueniat, & aliquid conuenire quod nō
 conueniat: & conuenire aliquid cuiquam negari potest,
 quod ab eo absit: & quod non absit, in eum conuenire.
 Hac exēplis docenda sunt. Hac enunciatione, Homo
 est rationis particeps, homini ratio attribuitur, quæ ei cō-
 uenit: Hac autem, Homo uolat, eidem uolatus conue-
 nire dicitur, qui ei negatus est. Hac porro, Homo non
 uolat, homini uolatus conuenire negatur, à quo etiam
 distat, abestq; plurimum: hac uerò, Homo non est ra-
 tionis particeps, in hominē ratio cadere, quæ cadit, ne-
 gatur. Quæ cum ita sint, profectò, nec affirmatio ulla
 esse potest, cuius non sit contraria negatio: nec negatio,
 cui non affirmatio repugnet. Nam si dicā hominem esse
 animal, ei repugnabit ea quæ eum esse animal negabit.
 Et si quis hominem uolare dicat, ei contradicet qui eum
 negabit uolare. Sed quoniā id cui quid attribuitur, aut
 detrahitur, uel in rebus est uniuersis, uel in singulis (res
 autē uniuersas uoco eas quæ in multis rebus suapte na-
 tura dicuntur, ut homo: singulas quæ in una tantum, ut
 Socrates) res autem uniuersæ uel ex omni parte uel ex
 quadam & cōfirmari possunt & negari: & singulæ

Ho
 Socrates

tantum sunt partes: certè tria genera enunciationū repugnantium sint necesse est. Quod quò facilius intelligi possit, primum dicamus quæ sint repugnantes & contrariæ. Contrarias autem appello ἀντιθέτους, vt Cicero, eas quas oppositas alij vocant. Sint igitur contrariæ enunciationes, affirmatio & negatio eiusmodi, quæ ex verbis iisdem, non ambiguis constant, remque eadem ex parte, eodem & modo & tempore comprehendant. Cuiusmodi hæc sunt duæ, Omnis homo est rationis particeps, Nullus homo est rationis particeps. In his enim verba eadem sunt omnia, eaque simplicia, non ambigua: res eadem ex parte, eodem modo, in eodem tēpore intelliguntur. Hæc autē omnia adeo necessaria sunt, vt si quid prætermissum sit, multa quæ nō sunt, contrariæ sint futuræ. Primum enim debent esse eiusmodi, vt vna aiat, neget aliter. Itaque hæc duæ nō sunt contrariæ, Aristides iustus fuit, Aristides iniustus fuit, aut fuit non iustus. Deinde eadem verba esse debent, quæ quoniam non sunt in his duabus, Aristides est iustus, Aristides non est bonus, idcirco non sunt contrariæ. Progrediamur longius, aliasque duas constituamus in quibus priora vna emendata erunt, sed alia nascemur. Constituamus has duas, Cancer serpit, Cancer non serpit. Negatio verè dicitur in sydere, & in morbo affirmatio. Proponi etiam possunt alie in quibus alia inerunt vitia, vt Oculus albus est, Oculus nō est albus: in albugine affirmatio vera erit

Contrariæ

Cancer serpit

Oculus albus est

Contrarij gna. 3.

in pupilla vera negatio. Eodem modo reliqua definitionis verba necessaria esse demonstrari potest. Quæcum ita sint, retinenda est illa definitio. Statui etiã hæc breuior potest. Contrariæ sunt, affirmatio & negatio repugnantes, vt repugnantium nomine illa omnia intelligantur. Tria autem inter se contrariarum genera esse primum ex notis quæ adiunguntur rebus vniuersis intelligi potest. Aliter enim hæc duæ affecta sunt, Omne bonum est laudabile, Nullum bonum est laudabile: aliter hæc, Omne bonum est laudabile, Non omne bonum est laudabile: aliter hæc, Aliquod bonum est laudabile, Aliquod bonum non est laudabile, Non possunt autem aliæ iugata repugnare. Nam & hæc duæ Omne bonum est laudabile, aliquod bonum non est laudabile, idem valent quod hæc, Omne bonum est laudabile, Non omne bonum est laudabile. & illæ duæ, Omne bonum est laudabile, Aliquod bonum est laudabile: aut illæ, Nullum bonum est laudabile, Non omne bonum est laudabile, non repugnant, quoniam non sunt affirmatio & negatio. Deinde ex vi & natura repugnantia id perspicui potest. Cum enim repugnare aliqua dicuntur, id fit, aut quia simul vera & falsa, aut quia simul vera tantum, aut quia simul falsa tantum esse non possunt. Neque enim quartum esse vllum potest. Hæc autem tria in his tribus reperiuntur. Quæ enim contradicentes sunt, nec simul vera, nec simul falsa esse possunt. Aduersæ simul veræ, quæ subcontrariæ, simul fal

sa esse nequeunt. Relinquitur ergo hæc tria genera repugnatum esse retinenda. De quibus singillatim dicendum est. Contradictorium duo sunt genera: vnum earum, quæ in rebus sunt vniuersis, alia quæ in singulis. Rerum vniuersarum contradicentes sunt enunciationes due ita contrariæ, vt quod vna ait omni ex parte, id aliqua ex parte neget altera: aut quod hæc vlli parti conuenire negat, id illa alicui conuenire confirmet. Sunt enim duo modi contradicendi, vnus cū aliquis dicit, exempli causa, omnem voluptatem esse in bonis: & alter ei contrā dicit, Aliquam voluptatem non esse in bonis: aut quod idem efficit, non omnē voluptatem esse in bonis. Is enim voluptatē quæ ex stupro percipitur opponet. Alter est, cum quis, vt in eodem exemplo maneam, nullam voluptatem bonum esse dicit, & alius contrā dicit, & cōtendit, Aliquā voluptatem bonum esse. Voluptatem enim quæ ex discēdo percipitur, honestam esse. In singulis autem rebus contradicentes sunt affirmatio & negatio ita cōtraria, vt id quod illa de rerum singularum aliqua dicat, hæc neget. Cuiusmodi hæc sunt, Socrates de cælo philosophiam moralem deuocauit, Socrates de cælo philosophiam moralem non deuocauit. Hæc autem contraria sic discrepant, quemadmodum iam dixi, vt vëra aut falsa simul esse non possint. Ita necesse est alterum verum esse, alterum falsum. Id quod Cicero confirmat in libro de fato, cuius locū eo libentius pro-

Contradicendi m



ferā, quòd ea effata, quæ vulgo cōtradictoria vocāt,
 contraria nominat. Ratio igitur euētus aperit causam,
 sed ex æternitate vera fuit hæc enunciatio, Relinque-
 tur in insula Philoſteies, nec hoc ex vero in falsum po-
 terat conuerti: neceſſe eſt enim in rebus cōtrarijs dua-
 bus (Contraria autem hoc loco ea dico, quorum alte-
 rum ait quid, alterū negat.) Ex his igitur neceſſe eſt,
 inuito Epicuro, alterum verum eſſe, alterum falſum,
 vt, Sauciabitur, omnibus antè ſeculis verum fuit: nō
 ſauciabitur, falſum. In iij. etiam Academicarum plu-
 ra ait diſcrepantia vera eſſe non poſſe, quod etiam de
 ijs intelligendum eſt quas aduerſas vocaui, quoniam
 euerſiæ aduerſa Cicero appellat, vulgo contrariæ no-
 minātur, de quibus dicendum eſt. Aduerſæ ſunt enun-
 ciationes duæ quæ ſic repugnant, vt quod vna de toto
 genere dicit, id de eodem neget altera. Cuiusmodi ſunt
 hæ, Omnis homo eſt rationis particeps, Nullus homo
 vel nemo eſt rationis particeps. Hæ non tam diſcre-
 pant, quàm ſuperiores. Poſſunt enim ſimul conuerti in
 falſum, ſi non ipſæ, at certè ſimiles, quod ſatis eſt. Qui
 autem reſiſtere volet, eum enunciationes ex accidente
 afferre oportebit. Quarum enim ea vis erit, vt ſimul
 falſæ eſſe non poſſint, ea omnes vel ex genere, vel ex
 proprio, vel ex definitione erunt, ſi modo ſint naturæ
 rerum conſentaneæ. Ita ab his ſolis præſidium erit pe-
 rendum. Afferamus ergo duas eiſdem generis, quæ
 falſæ erunt, Omnis hō eſt dialecticus, Nemo homo eſt

Aduerſæ

dialecticus. Omnis homo iustus est, Nemo iustus est.
 Innumerabiles aliae commemorari possunt, sed satis
 est id demonstratum esse, unde erui depromique pos-
 sint. Reliquum est tertium genus contrariorum, quod
 vulgo subcontrariae enunciationes vocantur, ob eam
 causam, quod in quadrato in quo haec genera describi
 solent, hoc genus infra aduersas, quae contrariae voca-
 tur, describitur. Eas definiamus licet hoc modo, Sub-
 contrariae sunt enunciationes quarum una ait quid de
 parte, altera negat. Quales sunt haec, Homo est rationis
 particeps, Homo non est rationis particeps: vel haec, Ali-
 quis homo est rationis particeps, Aliquis homo non est
 rationis particeps. Posterius exemplum posui, propterea
 quod Aristoteles priores ad contradicentium numerum
 vult pertinere, ut hoc genus efficiat tertium. Hoc cer-
 te in disciplinis omnibus animaduerti potest, eas enun-
 ciationes quae ex rebus vniuersis sunt, neque notam ul-
 lam habent, idem efficere quod eas quae vniuersales
 vocantur: veluti haec Epicuri apud Ciceronem enuncia-
 tio, Voluptas est bonum: & haec, Dolor est malum,
 idem valent quod haec, Omnis voluptas est bonum,
 Omnis dolor est malum. Hoc autem a superiore gene-
 re plurimum distat. Nam duae contrariae huius gene-
 ris nunquam falsae simul esse possunt: verae autem, aut
 ipsae, aut certe similes possunt. Tunc vero ipsae falsae si-
 mul esse non poterunt, cum erunt ex genere, ex defini-
 tione aut ex proprio. Diximus enim negationes ex ijs

subcontrariae

subalterne

in ijs esse quæ fieri nō possint, quòd affirmationes sint necessariae. Ita rursus ad enunciationes ex accidēte cōfugiendum erit, Aliquis homo est dialecticus, Aliquis homo non est dialecticus. Quidam homo est virtute præditus, Quidam homo nō est virtute præditus. Additur hoc loco genus quoddam enunciationum, quæ vulgo subalternæ vocantur, græcè autē ὑπὸ ἁλλήλων nominantur ea forma, qua genera quædam dicuntur ὑπὸ πολλῶν, quòd vnum ab altero continetur. Subalternæ igitur eæ sunt enunciationes, quarum vna alteram complectitur. Cuius generis hæc duæ sunt, Omnis homo est rationis particeps. Aliquis homo est rationis particeps: & hæc, Nullus homo est rationis particeps, Aliquis homo non est rationis particeps. Harum enim ea vis est, vt prima secundam, & tertia quartam complectatur. Itaque ex duabus eam quæ continetur, ex altera consequi oportet, non contrā. Quod in his contingit, Si enim omnis homo rationis est particeps, etiam aliquis sit particeps necesse est. Et si nemo est particeps rationis, efficitur, vt aliquis non sit particeps. At contra, non si quis est rationis particeps, idcirco omnis homo est particeps. Neque enim si quis est dialecticus, continuo omnes erunt. Sed hæc omnia genera in tabula describi est melius.

ADVERSAE

Omnis homo est ra-
tionis particeps

Nemo est ratio-
nis particeps

Subalterna.

CONTRA DICENTES
disparatae.

CONTRA DICENTES
seu

Subalterna.

SYB CONTRARIAE

Aliquis homo est
rationis particeps

Aliquis homo non est
rationis particeps

Ex hac descriptione quemadmodum affecta sint inter se hæc quatuor enunciationū genera, intelligi potest. Quod autē dixi, ex cōtrarijs, quas cōtradicientes seu disparatas voco, & ex aduersis, vnam veram, alteram falsam esse necessario, id de ijs intellectum volo, quæ sunt ex instanti & præterito tempore. Nam earum quæ de rebus futuris dicunt, non necesse est alteram certè veram esse vcl falsam. certè autem dico id quod greci dicunt, ὁμοτιμῶς aut ἀποτιμῶς. Sic enim vertit Cicero cum de rebus futuris & fortuitis in. 1. libro de diuinatione disputat. Nihil est enim tam contrarium rationi & constantiæ, quàm fortuna, ut mihi ne in deum quidem cadere videatur, ut sciat

quid casu & fortuitu futurum sit. Si enim scit, certè il-
 lud eueniet. Si certè eueniet, nulla fortuna est. Est autè
 fortuna, verum igitur fortuitarum nulla præsensio est.
 Atque hæc Cicero. Enunciationum ergo earum quæ
 de rebus futuris dicunt, non est vna certè, id est defi-
 nite vera, aut certè falsa. Si enim esset, definite vera,
 non posset conuerti in falsum. Si non posset ex vero
 conueri in falsum, definite ita eueniret: ita necessitate
 fieret omnia. At quædam res sunt quæ in alterutram
 partem cadere possunt. quo in genere sunt, primū res
 fortuitæ: deinde eæ quæ in nostra sunt potestate: postre-
 mo eæ quarum ea vis est & natura, vt & fiant &
 non fiant. De ijs enim rebus futuris hoc loco disputa-
 mus. Nam eæ futurae quæ necessario eueniunt, vt cum
 dicimus, Cras sol orietur, Socrates morietur, naturam
 enunciationū ex præsenti, & præterito imitantur. cer-
 tè enim euenient. Hæc autem quò facilius intelli-
 gantur, ponenda est hæc partitio, vt dicamus enun-
 ciationum tam verarum quàm falsarum, partim cer-
 tè veras, & falsas esse, partim non certè veras atque
 falsas. Certè veras & falsas eas primum omnes quæ
 ex præsenti & præterito sint: deinde eas quæ de re-
 bus futuris natura instituto dicunt. Non certè futu-
 ras eas quæ de rebus futuris illæ quidem dicunt, sed
 quæ fortuitæ sint, aut in nostra potestate, aut quarum
 ea vis est, vt eueniant & non eueniant. *Res au-*
tem fortuitæ sunt, quæ secus atque institueramus, eue-

Res fortuitæ

niant. ut si ad aliquem vesperi adire constitui, illū autem in via mane aliò interim proficiscens, inueniam, hæc enunciatio, Inuenies illum mane, de rebus futuris & fortuitis dicit, nec certè vera est, quoniam antè quam ille mihi factus esset obuiā, fieri poterat, ut non fieret. Res autem in nobis sitæ sunt, quæ consilio iudiciòque nostro geruntur. ut si consilium capiam cras in Germaniam proficiscendi, hæc enunciatio, Hic cras in Germaniam proficiscetur, nō est certè vera: quoniam fieri potest, ut mutem sententiam, aut maior potestas me impediāt, ita non ibo in Germaniam. Ex quo perspicuum est, eam certè veram non fuisse. Res autem quarum vis ea est, ut & eueniant & non eueniant, eæ sunt, quibus natura non dedit ut vnum possent. Is autem natura dedit ut vnum tantū possent, quæ semper agunt. ut ignis semper accēdit, sol semper lucet, cælum pulsu perpetuo agitur. Itaque sol non potest lucere & non lucere: Terra non potest stare & non stare. Ignis non potest accēdere, & nō accēdere. At gemma potest & frangi, & non frangi: vestis discidi & non discidi: vri, & non vri. Hæ igitur enunciationes, vestis hæc atteretur, gemma hæc non frangetur, Petrus cras non morietur: hæc inquam enunciationes nō sunt certè definitæ; vere, aut falsæ. Eæ autē enunciationes certè veræ & falsæ sunt, quæ in falsum aut verum cōverti nequeunt. Sed de his accurate disputare non est huius loci & temporis. Eatenus enim

hoc loco à nobis postulanda sunt, quatenus ad veritatem eorum plane & dilucidè aperiendam satis est.

Enunciationes simplices. Dixi enunciationes simplices esse eas, quibus veritas aut falsitas simpliciter spectatur, non ex adiunctione. Alio modo simplices vocantur ea, quarum verbum simplex est, nullaque nota insignitum est harum præsertim quatuor, necessario vel necesse, fieri potest, fieri non potest, accidit. Non simplices sunt, in quibus illarum notarum aliqua ponitur. ut necesse est discere eum qui velit doctus esse. fieri potest ut virtus alicui obsit. fieri non potest, ut calum non moueatur. Accidit sæpe ut res non cedant ex animi sententia. Atque hæc quidem & simplices dicuntur, & non simplices, sed alia atque alia ratione. Quo autem modo inter se affecta sint, id est quemadmodum contraria inter se efficiantur, videamus. Omnes efficiuntur, ut superiores, nisi quod nota adiungenda, non verbo, negatio est. ut omnis homo necessario est animal, Omnis homo non necessario est animal. Omnis homo iustus esse potest, Omnis homo iustus esse non potest. Contingit ut omnes senes discant, Non contingit ut omnes senes discant. Atque hæc quidem disparata sunt, seu contradicentes. Aduersæ autem hæc, Omnis homo necessario est animal, Omnis homo necessario non est animal. Omnis homo iustus esse non potest, Omnis homo iustus non potest non esse. Subcontraria sequuntur, Omnis homo potest esse animal, Omnis homo potest non esse animal,

Aduerse

subcontrarie

Omnis homo iustus esse potest. Omnis homo iustus potest non esse. Contingit ut omnis senex discat, Contingit ut omnis senex non discat, Aristoteles quartum genus addit ex τὸ ἀδύνατον, sed quoniam, Non impossibile est hominem esse album, & impossibile est, non ita latini sermonis consuetudo patitur, ut greci δὲ ἀδύνατον & ἀδύνατον, id mihi pratermittendum putavi. Qui autem eo uti volet, indicavi. Harum autem enunciationum contrariarum eadem sunt leges discrepantie quae superiorum. Describi autem hoc quadrato concludique possunt.

CONTRARIAE

Omnis homo necessario est animal.

Omnis homo iustus non potest non esse.

Omnis homo necessario non est animal.

Omnis homo iustus esse non potest.

SVBALTERNAE

CONTRA DICENTES
CONTRA DICENTES

SVBALTERNAE

SVBCONTRARIAE

Omnis hō potest esse animal Omnis hō potest non esse animal.
Omnis hō iustus esse potest Omnis hō iustus potest non esse.
Cōtingit ut oēs senes discant Cōtingit, ut oēs senes nō discant.

Ergo hoc quidem perspicuum est, hos modos necessario, necessario non: vel necesse est, & necesse est non, esse aduersos: hos autem contradicentes, necessario, & non necessario. Subcōtrarios autem hos, fieri potest, & potest non fieri. Hæ autem notæ quemadmodum inter se affectæ sint consideremus. Necesse quidem & fieri non potest, aduersa sunt: necesse est, & fieri potest ut non sit, contradicentia: & fieri non potest ac fieri potest. Subcontraria autem hæc, potest fieri ut sit, & fieri potest ut non sit. Hoc subiecta docebit descriptio.

CONTRARIAE.

Necesse est quicquid
natum est interire

Fieri non potest ut quicquid
natum est intereat.

SVBALTERNAE

CONTRA DICENTES
CONTRA DICENTES

SVBALTERNAE

SVBCONTRARIAE.

Fieri potest ut quicquid
natum est intereat

Fieri potest ut quicquid natum
est non intereat.

Atque hæc quidem enunciationes contrariæ siue oppositæ appellatur, non quod sunt affirmatio & negatio contrariæ, sed quia notæ ipsæ faciunt, ut eodem modo pugnent inter se, quo superiores. Veritas autem & harum & superiorum ex significatione notarum æstimanda est. Si enim vera sunt, ita res habere debent, ut notæ significant. ut hac enunciatione, *neceesse est omne quod ortum sit aliquando interire*, non solum significatur omne interiturum quod natum est, sed fieri non posse quin intereat. Ita si illa sit vera, sit necessaria oportet hæc enuntiatio, *Omne quod natum est, occidet*. Eadem est ratio cæterarum. Ea enim quæ de rebus dicit quæ fieri non possunt, vera est tum denique, cum ea res fieri non possunt. Nam si fieri possint, affirmatio falsa erit, vera negatio. Harum autem omnium cum in alijs plerisque rebus, tum in præteritis & futuris, de quibus paulo ante dixi, usus est plurimus. *Quæri* enim solet, num ex necessitate fiant quæcunque fiunt? num si quis in mari mortuus sit, eum necesse fuit ibi mori? An quicquid futurum est, id necesse sit fieri? alique innumerabiles quæstiones quæ omnium in philosophia sunt difficillimæ, ex his rebus oriuntur: quæ quidem nullo modo explicari possunt, nisi quæ res fieri possint, quæ non fieri, quæ necessario fiant, definitione aperiantur. *Necesse est quidem ea fieri, quæ nunquam* possunt non fieri, ut necesse est calum moveri. Ea autem contra fieri non possunt, quæ nunquam esse possunt.

questio

Quæ necessaria sunt fieri, ut non fieri

Inter has sunt locata alia, quæ nec necessaria sunt, nec, ut ita dicam, impossibiles, eundemque modum ab Aristotele dicuntur, Fortuita à nobis dici possunt, de quibus satis multa iam dixi. Res autem ea fieri possunt, vel quæ sunt iam, vel quas fieri nihil repugnat, etiam si non sint futurae. Duo autem sunt genera rerum necessariorum, et earum quæ fieri non possunt. Quædam enim omnino, simpliciter et absolute necessaria sunt, ut hominem interire, calum moueri. Alia autem ex adiunctione, quam conditionem vocant, ut dormire eum qui dormit, quandiu dormit necesse est, et spirare hominem quandiu vivit. Eodem modo absolute aliquid fieri non potest, ut homo volare nullo modo potest: aliud ex adiunctione fieri non potest, ut homo cum dormit ex adiunctione vigilare non potest. Qui Roma est, eodem tempore non potest esse in Gallia. Ita quod non potest fieri ex adiunctione, non pugnat cum eo quod fieri potest. De his autem rebus subtilius alias disputabimus.

Nunc ante quam ad coniuncta enunciata venio, de enunciationibus quæ conuersione, aut adiectione idem quod ea quas adhuc tractavi, efficiunt et valent, dicendum videtur. Nam quoniam omnis enunciatio aut vera aut falsa est, et de omni dicere institui, hoc genus pratermittere non debeo. Duo quidem genera sunt earum quæ idem declarant, quod superiores. Nam aut adiunctione negationis, idem valet, aut verborum conuersione. Primum de adiunctione dicamus. Hæc au-

Rerū necessariorum
duo sunt genera

tem disciplina tribus his præceptis constat. Propositis
 duabus disparatis seu contradicentibus enunciationi-
 bus, si alterutri adiungatur in capite negatio, idem effi-
 cient. Constituamus enim has duas, Omnis homo est
animal, Aliquis homo non est animal, præponamus-
 que priori non negationem, tum hæc enunciatio, Non
omnis homo est animal, idem quod illa efficiet, Ali-
quis homo nō est animal: aut si huic præponamus idē
 quod illa declarabit, ut, Non aliquis homo nō est ani-
mal, & Omnis homo est animal. Proponamus rur-
 sum has duas, Aliquis homo est animal, Nullus ho-
mo est animal, non negatione alterutri præposita, idē
 fiet. Nam hæc due idem valent, Nonnullus homo ani-
mal est. Aliquis homo animal est. & hæc, Non ali-
quis homo animal est, & Nullus homo animal est.
 Usitatus est autem ijs negationem præponere, quæ de
 toto genere vniuersæ dicunt. Neque enim admodū tri-
 tum est hoc dicendi genus, Non aliquis homo est ani-
mal. Atque hoc etiam in ijs verè dicitur quæ ex eo
 quod necesse est, aut quod fieri potest aut non potest
 constāt. Hæc enim due, Necesse est cælum moueri, &
fieri potest ut cælum nō moueatur sunt disparata &
 contradicentes, quarum si alterutri non negationem in
 initio adiungas, idem ambæ valebunt. Hæc enim, Nō
necesse est cælum moueri, idem quod illa, fieri potest
ut cælum non moueatur, efficiet: & hæc, fieri non po-
test, ut non moueatur cælū, idem quod illa valet, Nec-

cesse est calum moueri. In his autem non ita est, ut in superioribus. Nam utrunque genus etiam apud oratores tritum est. Prius illud perspicuum est. De posteriore autem, quis ita non loquitur? Non possum non deplorare vita humana calamitates. Atque de primo praecepto hactenus. Secundum autem est, Propositis duabus aduersis siue contrarijs enunciationibus, si alterutri negatio postponatur, id est subiungatur, idem valebunt. Hæ enim duæ idem declarant, Omnis homo non est animal, & Nullus homo est animal: Itemque hæ duæ, Omnis homo est animal, Nullus homo non est animal: cum hæ duæ sint aduersæ, Omnis homo est animal, Nullus homo est animal. In ijs etiam quæ modales vocantur, idem vsuuenit. Nam hæ contrariæ sunt, Necesse est calum moueri, & Calum moueri non potest, quarum alterutri si postponas negationem, idem efficient. Nam & hæ duæ, Necesse est calum moueri, Calum non potest non moueri: & illæ, Necesse est calum non moueri, Calum moueri non potest, eandem vim habent. Tertium praeceptum, Si duæ enunciationes quæ subalternae vocantur, proponantur, earumque alterutri ita gemina adiungatur negatio, ut una in principio locetur, altera in medio, idem declarabunt. Ut si his duabus, Omnis homo est animal, Aliquis homo est animal: vel his, Nullus homo est animal, Aliquis homo animal non est, utroque loco negatio adiungatur, eandem vim habebunt. Nam & hæ duæ,

om̃s hō nō est animal

Modales

subalternæ

Omnis homo est animal, Non aliquis homo non est ani-
 mal: & hæc duæ, Non omnis homo non est animal, A-
 liquis homo est animal: itémque hæc duæ, Nonnullus
 homo non est animal, Aliquis homo non est animal,
 idem ualent. Eadem est ratio earum, quæ Modales no-
 minantur. Constituantur enim hæc duæ ὑπὸ ἀλλήλων,
 id est, quæ inter se ita affectæ sunt, ut una alterâ com-
 plectatur, Necesse est cælum moueri, Cælum moueri po-
 test: earumq; alterutri duæ, ut dixi, negationes addan-
 tur, profecto idem ualebunt. Hæc enim duæ idem effi-
 ciunt, Necesse est cælum moueri, Cælum non potest nõ
 moueri: & hæc duæ, Non necesse est cælum nõ moueri,
 Cælum moueri potest. Quod etiam in his contingit, Cæ-
 lum impossibile est moueri, Cælum non moueri potest.
 Nam hæc duæ, Cælum non impossibile est non moueri,
 Cælum potest non moueri, idem efficiunt & declarāt.
Earum autem quæ subcontrariæ uocantur, nullum præ-
 ceptum tradi potest. Nam cum hoc uis negationis sola
 efficiat, negationes autem non plures quàm duæ enun-
 ciatis nouæ adiungi possint, quæ iam his additæ sint, cū
 alijs duabus compararentur, nec ex earum adiunctione
 uis eadem earum secuta sit (neque enim hæc duæ idem
 efficiunt, Non aliquis homo animal non est, Aliquis
 homo animal non est: aut hæc, Aliquis homo est animal,
 Non ullus homo non est animal) certè nihil certi de his
 potest præcipi. Præcepta autem hæc tria facile demon-
 strari possunt. Quem ego laborem, ut minus hoc loco

necessarium, prætermitto, ne de aliorum ingenijs uidear diffidere. Illud autem admonebo, si quis hæc omnia in anaquaq; nota dicat posse contingere, eum uehementer errare. Nam cū necesse est, ut de hac potissimū loquar, & non necesse est, aientia sint & negantia, id est contradicentia, si præponatur negatio, eadem erunt enunciationes. Hæc enim duo pronunciata, Necesse est omne quod natum est interire, Nō necesse est omne quod natum est interire, cōtradicentia sunt: quarum alteri, id est affirmationi, si negatio adiūgatur, eadem prorsus erūt, ut hæc, Non necesse est omne quod natū est interire, & non necesse est omne quod natū est interire. Nam cū de enunciationibus quæ idem ualeant, disputatur, nō queruntur enunciationes quæ negationis adiectione uel detractōne eadē sint omnino, sed quæ nec eadem sint, id est, quæ nō iisdē omnino uerbis cōstent, & altera alteri sit cōsequens. Quæ autem hoc loco proferūtur à nobis, quia eadē sunt, iisdēq; uerbis cōstent: nō ita idē ualere, ut hoc loco postulatur, existimāda sunt. Hæc autē quo facilius intelligi possint, in tabula describenda curauī.

★ Vitanda sunt autem in ijs enunciationibus quæ ex necessario alijsq; notis erunt, barbara uocabula, cuiusmodi sunt hæc, Possibiliter, Impossibiliter, Contingenter. Nam nec latina sunt, nec eis latina respondent. Itaque uerba pro his usurpāda sunt necessario. ut, Calum moueri potest, non, Calum possibiliter mouetur. Item hoc modo, Fieri potest ut moueatur calum. Tribus mo-

Possibiliter
impossibiliter
Contingenter

dis ex necessario enunciationes efferre possumus, ut
 celum mouetur necessario, & celum necesse est mo-
 ueri, & celum moueatur necesse est. Quæ enunciatio-
 nes idem ualeant, & quemadmodum effici possit, ut
 idem efficiant, & declarent adiectione, diximus. *Has æquipollentes*
æquipollentes uocant, idem efficientes, ualentes & de-
 clarantes, ut Cicero, appello. Sequitur ut de ijs quæ idē
 ualent cōuersione dicam. Conuersionem appello quam
 Aristoteles in analyticis prioribus αὐτὸς ὁ αὐτῷ nomi-
 nat: quæ quoniam & in enūciationibus spectatur, &
 in argumentationibus, de ea solum hoc tempore dicam,
 quatenus in enunciatis uersatur. Est igitur cōuersio, or-
 dinis uerborum quibus enunciatio constat, in praposte-
 rum præterquam notarum mutatio. ut hæc enunciatio,
 Nulla uoluptas est bonum, habet certū ordinem, quem
 si hoc modo mutem, Nullum bonum est uoluptas, erit
 conuersio. Hoc autem intelligendum est, enunciationes
 quasdam esse quæ recto ordine & cōuerso idē efficiant
 omnino, alias quæ non efficiant. Idem efficiunt primum
 eæ quæ ex parte aiunt. Vt hæc, Quidam amor obscæ-
 nus est. Quidā obscænum est amor. Deinde idem ua-
 lent eæ quæ negant omni ex parte, ut hæc, Nulla simu-
 latio uirtus est, Nulla uirtus est simulatio. Atque hæc
 præcepta generalia sunt. Generalia nō sunt quæ sequi-
 tur. Enunciationes quæ de toto genere uniuersè dicunt,
 non idem semper declarant recto & conuerso ordine.
 Interdum enim idem efficiunt, interdum non efficiunt.

Idem efficiunt eæ omnes, quæ sunt ex proprio & definitione, ut hæ, Omnis homo est ridens, Omne quod est ridens est homo: & hæ, Omnis homo est animal rationis particeps, Omne animal rationis particeps est homo.

Non idem ualent quæ ex genere & accidente existunt. Cuiusmodi hæ sunt, Omnis homo est animal, Omne animal est homo. Omnis cygnus est albus, Omne quod est album est cygnus. Omnis coruus niger est, Omne quod nigrum est, est coruus. Eadem est ratio earum quæ negant ex parte. Aliæ enim idem ualent, aliæ aliud. Idem declarant quæ sunt ex accidente, quod multis formis conueniunt, ut hæ, Aliquis homo non est albus, Aliquid quod album est, non est homo. Nam si ex accidente constant, quod uni tantum formæ conueniunt. ut doctrina soli homini, aut ex genere, non idem ualebunt. ut hæ non idem efficiunt, Aliquis homo non est eruditus græcis literis, Aliquis qui est eruditus græcis literis non est homo. Aliqua iustitia nō est uirtus, Aliqua uirtus nō est iustitia. Negationes etiam ex rebus singulis eodem modo se habent. Atque hæ sunt enunciationum simplicium quæ idem ualent conuersiones. Non simplices autem, quas modales nominant, idemne ualeant recto & cōuerso ordine, uideamus. Efficiunt idem eæ omnes utroq; ordine quæ ex necessario sunt, & ex omni parte negant, ut hæ duæ, Nullus homo necessario est lapis, Nullus lapis est homo necessario. Quæ autem uniuersæ aiunt quid, si sint ex proprio & definitione, idē ua-

lebunt. Cuiusmodi hæ sunt duæ, Omnis uirtus eū in quo est, necessario bonum efficit, Quod necessario bonum efficit eum in quo est, id uirtus est. Et hæ duæ, Necesse est omnem hominem esse animal rationis particeps, Necesse est omne animal rationis particeps hominem esse. Si autem sint ex genere, aut accidente, non idem declarabunt. Neque enim hæ duæ idem ualent, Omnis homo necessario est animal, Omne animal necessario homo est: nec hæ, Omnis coruus necessario niger est. Quicquid est nigrum, coruus est necessario. Quæ autem quadam ex parte aiunt, idem ualent quacunque de re sint, ut hæ, Aliquis homo necessario animal est, Aliquod animal necessario est homo. Aliquis cygnus albus est necessario, Aliquid quod album est, cygnus sit necesse est. Cum autem uel aio, uel nego aliquas enunciationes idem efficere, tam ueras quàm falsas intelligo. At eæ quæ ex parte negant, si ex proprio & definitione, & accidente communi sint, idem efficient: ut hæ duæ, Necesse est aliquem hominem non esse natū ad percipiendas artes, Necesse est aliquid quod ad artes percipiendas natum est, non esse hominem. Si autem sint ex genere & accidente quod uni tantum formæ conueniat, non idem ualebunt. Ut hæ non idem declarant, Necesse est aliquem hominem non esse animal, Necesse est aliquod animal non esse hominem. Prior enim falsa est, posterior uera. Si autem sint ex eo quod fieri potest, atque aiant ex parte, idem ualebunt,

quacūq; de re sint. *Hæ* enim idē declarāt, *Homo* potest esse albus, *Aliquid* quod album est, esse homo potest. Si autē omni ex parte aiant, solum idē ualebūt eæ, quæ erunt ex proprio & definitione. Quæ enim ex genere aut accidente sunt, non idem efficiunt. Cuiusmodi hæ sunt, *Omnis homo animal* esse potest, *Omne animal* esse homo potest. *Omnis homo albus* esse potest, *Omne* quod album est, esse homo potest. Eadem est ratio earum quæ ex cōtingenti sunt, cum id contingere dicitur, quod tam potest euenire quā nō euenire. Quod facile est & ad intelligendum, & ad probandum. In negatibus non est eadem ratio, sed in ijs demum, quæ ex ijs sunt quæ fieri non possunt, & ex accidente quod non sepe inest. Vt hæ idem ualent, *Fieri potest ut homo nō sit lapis*, *Fieri potest ut lapis non sit homo*. *Fieri potest ut uestis non sit nigra*, *Fieri potest ut quod nigrum est, non sit uestis*. Quod etiam de toto genere uerē dicitur. In ijs autem accidentibus quæ plerūq; conueniunt, aut in ijs quæ natura, sole eæ ex contingenti enunciationes quæ partem totius negant, utroq; ordine idem efficiūt: ut hæ duæ, *fieri potest, ut homo in senectute non canescat*, *Fieri potest, ut quod in senectute canescit, non sit homo*. Atque hæc est *Aristotelis* sententia. Ego autem non uideo cur si eæ quæ partem negant, idem ualeant, eæ etiam non ualeant quæ totum negant. Si enim duæ superiores idem declarant, hæ etiam duæ, *fieri potest ut nemo in senectute canescat*, *Fieri potest ut nihil eorum*

quæ in senectute canescunt, homo sit, idem declarèt necesse est. Nam si priores idem ualent propterea quòd nō est, ut uult, necesse hominem in senectute canescere, ob eamq; causam fieri potest ut non canescat: posteriores quoque eadem ratione idem ualebunt. Nam negationes quæ ex eo sunt quod fieri potest, si totum negent idem utroq; ordine semper efficiēt: si autem partem negent, non semper. Nam si sint ex genere, non idē ualebunt. Neque enim hæ duæ idem declarāt, Fieri potest ut aliquis homo non sit animal, Fieri potest ut aliquod animal non sit homo. Prior enim falsa est posterior uera. Sed hæc fortassis plerisq; accuratius et subtilius persequi uidebimur. quibus hoc respondemus, si subtilitatem cum utilitate conferant, eos nobis fore acriores. Nam cum in eo primum & maxime dialectica cernatur, ut uerum à falso distinguamus, non est dubium quin facile capiamur disputantes cum alijs, nisi quæ enunciationes idem ualeant quod propositæ, quæ non idem efficiant, intelligamus: quam nobis facultatem suppediet ea quam adhuc præscripsi disciplina.

Hoc autem loco ad enunciationum, ut admonui, ueritatem & falsitatem, conuersionum ratio omnis, non ad argumentationem accommodanda est, ne ante tempus de argumētis differere cogamur. Cum quid quāq; rem sequatur, docebimus, tum de illa enunciationum, seu conuersione, seu reciprocatione dicemus. Sed hic locus admonet, ut deinceps de pronūciatis copulatis, quæ

ὑποθετικὰ uocantur, differamus. Nam cum de enun-
 ciationibus instituerem disputare, duo eius genera esse
 dixi, alterū quod ὑποθετικὸν graci, ego simplex uo-
 co, de quo adhuc dixi: alterum ὑποθετικὸν quod co-
 pulatum Cicero uocaret. Est autem enūciatio copulata,
 ea quæ ex multis simplicibus adiuncta aliqua coniun-
 ctione constat, ut hæc, Si homo est, est rationis particeps.
 Aut dies est, aut nox est. Homo & animal est, &
 rationis est particeps. Eius enim tria tantum genera in-
 uenio, connexum, coniunctionem, & disiunctionem.
 Connexum est ea enunciatio, in qua si coniunctio (cōdi-
 tionalem uocant) adiungitur. Coniunctio, in qua & aut
 similis adhibetur. Disiunctio ea, in qua uel, aut, ue po-
 nitur. Cōiunctionem, uulgo copulatiuam: disiunctionem,
 disiunctiuam nominant. Cicero ὕσδεμ eas quibus ego
 nominibus appellat. In libro enim de fato scribit his
 ferere uerbis, Etenim si illud uerè connectitur, Si oriente
 Canicula natus est, in mari non morietur: primūq; quod
 est in connexo, Natus est oriente canicula, necessarium
 est. Paulo post sequitur interiecta sententia, Si igitur
 quod primum in eo cōnexo est necessarium est, fit etiam
 quod consequitur necessarium. Connexū uocat, id quod
 conditionalem uocant hodie Dialectici. Eodem libro
 coniunctionem uocat, eam quam copulatiuam nomi-
 nant. Ergo hæc quoq; coniunctio est ex repugnantibus,
 Et est Fabius, & in mari Fabius morietur.
Disiunctionem etiam uocat eodem libro, quam disjuncti-

Enunciatio hy-
 potetica

Etiam nominant, Nisi fortè uolumus Epicureorum opinionem sequi, qui tales enunciationes nec ueras, nec falsas esse dicunt: aut cum id pudet, illud tamen dicunt quod est impudentius, ueras esse ex contrarijs disiunctiones: sed quæ in ijs enunciata essent, eorum neutrum esse uerum. In Topicis, Reliqui dialecticorū modi plures sunt, qui ex disiunctionibus constant, Aut hoc, aut illud, hoc autem, non igitur illud. Sunt etiam multa alia genera, sed quia de superioribus ferè Dialectici disputant, non in hoc numero reponuntur. Eius generis hæ sunt, Quia sol lucet, dies est. Et si homo albus non est, non tamen niger est: prior enunciatio causalis, posterior aduersatiua nuncupatur. Addunt nonnulli rationalem, ut, homo est animal, igitur est: sed uehementer errant mea quidē sententia. Neque enim enunciatio ulla dicenda est, quæ non possit esse in argumentatione propositio, quod in hac minime cōtingit. Additur eodem hæc, Cum dies est, sol nobis accendit. Quas si probemus, infinitæ aliæ probandæ erunt, quæ ex aduerbijs constabunt & nominibus. Cuiusmodi hæ sunt, Quod est in mari trāquillitas, id est in aëre serenitas. Ut auis ad uolandum nata est, sic homo ad agendum. Qualis est hominis oratio, talis est homo. Quæ si non placent, retinendæ illæ tres sunt formæ, quas Ciceronem secutum uidemus. Reliquæ aut repudiandæ sunt, quia dialectici eas non probant: aut certè ad has reuocandæ sunt.

Error multorum

De ueritate autē earū dicendū est. Connexum qui-

dem uerum est, cum priore concessio, posterius necesse est concedere. Id Cicero docet in lib. 4. *Academicarum quaest.* Hæc Chrysippea sunt, ne ab eo quidem dissoluta. Quid enim faceret huic conclusioni? Si lucet, lucet: lucet autem, lucet igitur. Crederet scilicet. Ipsa enim ratio connexi cum concesseris superius, cogit inferius concedere. Falsum contra connexum est, cum superiore concessio, non necesse est dare inferius, ut, Si homo currit, mouetur, uerum est: contra falsum, Si homo mouetur, currit. In his autem uel utraq; enūciatio ait, uel utraq; negat, uel prior ait, & posterior negat: uel contra posterior, ait & prior negat. Primum quidem genus ita denique uerum erit, si in priore enunciatione species aut indiuiduum, in posteriore eius genus collocetur, ut, Si homo est, animal est. Si currit, mouetur. Si sentit, iudicat. Idem fiet, si priore loco ponatur id quod definitur, & posteriore definitio. Tale est exemplum illud Ciceronis in tertio *Academ. quaest. explicatum*: Si homo est, animal est mortale rationis particeps. Quod etiam contra ualeat. Eadem est ratio proprii & speciei cuius est proprium. In accidentibus autem hoc nihil ualeat, nisi in ijs quæ natura semper cōueniunt, ut in his, Si homo est, natus est. Si homo est, interibit. Si animal est, alitur. Verum autem connexum duarum negationum erit ex superioribus omnibus, præterquam ex genere & accidente. Hæc enim ueræ sunt, Si non est homo, non est animal mortale rationis particeps. Si non est homo, non est ridens. In

accidente autem falsæ sunt, ut, Si non est homo, non interibit. Si non est homo, non alitur, nec augetur. Hoc etiã, Si non est homo, non est natus, falsum est, & eiusdem generis omnia, propterea quòd ij qui nulli sunt, & fuerunt, etiam nati sunt, quanquam non sint hoc tempore. In ijs uero quæ ex genere constabunt, genus priore loco ponendum est, ut sit uerum connexum. Vt, Si non mouetur, non currit. Si non est animal, non est homo. Si non est uirtus, non est iustitia. Quòd si prior enunciatio aiat, & posterior neget, tum deniq; uerum erit cõnexum, cum utraq; ea quæ diuersorum generum sunt, si modo sint substantiua, complectetur, ut si homo est, non est lapis. Si homo est, non est qualitas. In contrarijs etiam hoc ualet, ut, Si ualet, non ægrotat: Si dies est, nox non est. Si bonus est, non est malus. Nam ea connexa, quæ ex genere, & specie sunt, ex definitione, & re quæ definitur, ex proprio & specie cuius est proprium, non sunt uera, sed falsa. Vt hæc, Si homo est, non est animal. Si homo est, nõ est animal rationis particeps. Quæ autem connexa ex accidente constant, primum si sint ex contrarijs, uera erunt omnia, ut dixi, deinde si ex ijs quæ cum aliquo conferuntur, ut, Si pater est, non est filius. Si similis est, nõ est is cui est similis. Si uero superius neget enunciatũ, inferius aiat, connexa erunt uera sola ex repugnantibus, cũ res proponẽtur, quibus attributa natura cõueniunt. Si non est nox, dies est. Si non ægrotat animal, ualet. Si non dormit, uigi-

lat, Si non est expers rationis, eius est particeps. Repugnancia autem sunt ea, quae non possunt una eidem convenire, ita tamen, ut alterutrum conveniat necessario. Ea partim in genere, ut differentiam generi attribuamus, partim in accidente reperiuntur. In his autem rem esse ponimus. Aliter enim falsa erunt connexa eius generis omnia. Vt hoc, Si hippocentaurus non est expers rationis, est eius particeps, falsum est, & cetera generis eiusdem. Nam quoniam omne effatum aut verum aut falsum est, & hoc falsum est, Hippocentaurus est expers rationis, verum sit contrarium seu disparatum hoc necesse est, Hippocentaurus non est rationis expers. In connexis autem nulla alia reperitur repugnancia, quam disparatorum & contradicentium. Fiunt autem contradicentia, ut in alijs, adiuncta primo loco non negatione. Vt haec duo connexa disparata sunt, hoc Epicuri, Si malum dolor est, carere eo malo satis est ad bene vivendum: & hoc Ciceronis ex secundo de finibus, Non si malum dolor est, carere eo malo satis est ad bene vivendum. In libro de optimo genere interpretandi in secundo membro docui propterea continuo, & idcirco à Cicerone poni solere, ut si dicamus hoc modo, Si canis in biuio utram lepus viam ingressus sit, indagando invenit, ratiocinatur, ita licebit contradicere, Non si canis in biuio utram lepus viam ingressus sit, indagando invenit, idcirco, vel propterea, vel continuo ratiocinatur. Quintilianus in hoc genere ideo addit, ut in primo li-

bro, Nec si quid discere satis non est, ideo necesse non est.
 Loquitur de primis elementis. Hac autem enunciatio-
 ne connexa, in qua primo loco negatio adiungitur, nihil
 aliud docetur, nisi in contraria non necessario effici in-
 ferius, superiore concesso. Vt illud Quintiliani quod
 paulo ante protulimus, hoc unum declarat, hoc conne-
 xum uerum non esse, Si quid discere satis non est, id ne-
 cesse non est discere. Neque enim priore concesso, poste-
rius cogimur concedere. Primas enim literas necesse est
 ei discere qui doctus esse uelit, cum interim non satis sit
 eas discere: aut contra, primas literas satis non est discere,
 & tamen eas discere necesse est. Hoc dicendi ge-
 nus planè & dilucidè explicauimus, quòd multos esse scio,
 quibus non est satis cognitum. Connexo etiam repugnat
 negantia quæ constat ex etsi, tamen si, quanquam, alijsq;
 eiusdem generis coniunctionibus. Vt hæc duo sunt con-
 traria, Si dolor est malum, carere dolore satis est ad be-
 ne beatèq; uiuendū, & Si malum est dolor, tamen ca-
 rere dolore non satis est ad bene beatèq; uiuendum. Sed
 de connexis hætenus. Nunc de coniunctionibus dicen-
dum est. Cōiunctiones uera sunt ea, quarū utraq; pars
 uera est. Falsa autem quarum uel alterutra pars falsa
 est, uel utraq;. Nam cum dico, cælum & rotundum es-
 se, & uolui, si alterutrum sit falsum, falsa etiā erit cō-
 iunctio. In coniunctionibus sola ea oppositio reperitur,
 quæ uulgo contradictio dici solet. Negationes autē pri-
 mo loco adiunctione fiunt disparatæ seu contradicen-

Coniunctioes

lat, Si non est expers rationis, eius est particeps. Repugnancia autem sunt ea, quae non possunt una eidem convenire, ita tamen, ut alterutrum conveniat necessario. Ea partim in genere, ut differentiam generi attribuiamus, partim in accidente reperiuntur. In his autem rem esse ponimus. Aliter enim falsa erunt connexa eius generis omnia. Ut hoc, Si hippocentaurus non est expers rationis, est eius particeps, falsum est, & cetera generis eiusdem. Nam quoniam omne effatum aut verum aut falsum est, & hoc falsum est, Hippocentaurus est expers rationis, verum sit contrarium seu disparatum hoc necesse est, Hippocentaurus non est rationis expers. In connexis autem nulla alia reperitur repugnancia, quam disparatorum & contradicentium. Funt autem contradicentia, ut in alijs, adiuncta primo loco non negatione. Ut haec duo connexa disparata sunt, hoc Epicuri, Si malum dolor est, carere eo malo satis est ad bene vivendum: & hoc Ciceronis ex secundo de finibus, Non si malum dolor est, carere eo malo satis est ad bene vivendum. In libro de optimo genere interpretandi in secundo membro docui propterea continuo, & idcirco à Cicerone poni solere, ut si dicamus hoc modo, Si canis in biuio utram lepui viam ingressus sit, indagando invenit, ratiocinatur, ita licebit contradicere, Non si canis in biuio utram lepui viam ingressus sit, indagando invenit, idcirco, vel propterea, vel continuo ratiocinatur. Quintilianus in hoc genere ideo addit, ut in primo li-

bro, Nec si quid discere satis nō est, ideo necesse nō est.
 Loquitur de primis elementis. Hac autem enunciatio-
 ne connexa, in qua primo loco negatio adiungitur, nihil
 aliud docetur, nisi in contraria non necessario effici in-
 ferius, superiore concessio. Vt illud Quintiliani quod
 paulo ante protulimus, hoc unum declarat, hoc conne-
 xum uerum non esse, Si quid discere satis non est, id ne-
 cesse non est discere. Neque enim priore concessio, poste-
 rius cogimur concedere. Primas enim literas necesse est
 ei discere qui doctus esse uelit, cum interim non satis sit
 eas discere: aut contrā, primas literas satis non est disce-
 re, & tamen eas discere necesse est. Hoc dicendi ge-
 nus planè & dilucidè explicauimus, quòd multos esse scio,
 quibus non est satis cognitum. Connexo etiam repugnat
 negantia quæ constat ex etsi, tamen si, quanquam, alijsq;
 eiusdem generis coniunctionibus. Vt hæc duo sunt con-
 traria, Si dolor est malum, carere dolore satis est ad be-
 ne beatèq; uiuendū, & Si malum est dolor, tamen ca-
 rere dolore nō satis est ad bene beatèq; uiuendum. Sed
 de connexis hæcenus. Nunc de coniunctionibus dicen-
 dum est. Cōiunctiones ueræ sunt ea, quarū utraq; pars
 uera est. Falsæ autem quarum uel alterutra pars falsa
 est, uel utraq;. Nam cum dico, cælum & rotundum es-
 se, & uolui, si alterutrum sit falsum, falsa etiā erit cō-
 iunctio. In coniunctionibus sola ea oppositio reperitur,
 quæ uulgo contradictio dici solet. Negationes autē pri-
 mo loco adiunctione sunt disparatæ seu contradicen-

Coniunctioes

tes coniunctiones. Hæ enim duæ disparatæ & contrariæ sunt, Et legatum argentum est, & non est legata numerata pecunia. Non & legatum argentum est, & non est legata numerata pecunia. Eam cui adiuncta est negatio, appellat Cicero in Topicis coniunctionum negantiam. Itaque eodem nomine appellemus licet. Eius uerba tum proferam, cum de ratiocinationibus quæ ex his propositionibus constant, disputabo. In libro de fato eandem uocat coniunctionum negationem, Hoc loco Chrysippus æstuans falli sperat Chaldaeos, ceterosque diuinos, neque eos usuros esse cōiunctionibus, ut ita sua percepta pronuncient, Si quis natus est oriente canicula, is in mari non morietur: sed potius ita dicant, Non & natus est quis oriente canicula, & is in mari morietur. Olicentiam iocularē, ne ipse incidat in Diodorum, docet Chaldaeos, quo pacto eos exponere percepta oporteat. Quæro enim, si Chaldaei ita loquantur, ut negationes infinitarū coniunctionū potius, quàm infinita connexa ponant: cur idem medici, cur geometræ, cur reliqui facere nō possunt? Infinitas autē coniunctiones, & infinita cōnexa uocat Cicero ea, in quibus nō certa persona aut res, sed incerta & indefinita ponitur. Negatio autem coniunctionum nihil aliud declarat, nisi coniunctionem complecti quædam quæ pugnent inter se. Cum enim ita dico, Non & homo est, & nō uiuit: hoc significo, hæc duo repugnantia esse, & hominem esse, & nō uiuere. Hoc Cicero in libro de fato indicare uidetur

his uerbis, Si enim uerū est, quod ita cōnectitur, Si quis oriente Canicula natus est, in mari non morietur, illud quoq; uerum est, Si Fabius oriente Canicula natus est, Fabius in mari non morietur. Pugnant igitur hæc inter se, Fabium oriente Canicula natū esse, & Fabium moriturum in mari esse. & quoniam certum in Fabio ponitur, natum esse eum Canicula oriente, hæc quoq; pugnant, Et esse Fabium, & in mari esse moriturū. Ergo hæc quoque cōiunctio est ex repugnantibus, Et est Fabius, & in mari Fabius morietur. quod ut propositum est, ne fieri quidem potest. Sed hoc quod dixi, de ijs tantum cōiunctionibus intelligitur, quæ sunt ex repugnantibus. Multa enim falsa sunt, quæ non sunt repugnantia. Itaque negatio coniunctionum hoc unum significat potius, duo illa quæ coniunctio complectatur, non esse uera, ut cum dico, Non & homo est, & est malus: hoc dico, falsum esse, aliquem esse hominem, & malum. Cōiunctiones autem ex duabus solum enunciationibus simplicibus constant. Ea porrò quatuor modis inter se affici possunt. Nā aut utraq; ait, aut utraq; negat, aut prior ait, & posterior negat, aut contra superior negat, & inferior ait, Si utraq; aiat, tum deniq; uera erit cōiunctio, cum ex genere & specie erit, aut ex specie & differētia, aut ex proprio & definitione, aut hæc omnia mutato ordine, priora cum posterioribus copulabūtur. Hæc enim uera sunt omnes, Socrates & homo est, & animal est. Et homo est, & rationis est particeps. Et ri-

det & est animal rationis particeps. Licet hunc ordinem mutare, & quod postremum est cum primo coniungere, hoc modo, Et Socrates homo est, & animal rationis est particeps. Si autem altera sit ex aliquo superiorum, altera ex accidente, aut utraq; ex accidente, non erit necesse uerā esse cōiunctionem, nisi in antecedentibus & consequentibus. Antecedentia autem uoco, ea quæ rem necessario antecedunt. Consequentia, quæ necessario consequuntur. Socrates & homo est, & natus est. Socrates & homo est, & matrem habuit. Socrates & animal est, & uiuit. Socrates & uiuit, & alitur. Si utraq; neget, uera erit in paucis coniunctio, falsa in superioribus omnibus. Nam quæ si affirmantur uera sunt, eadem falsa sunt si negentur. Si prior aiatur, & posterior neget, in superioribus omnibus, id est in toto genere, proprio & definitione, falsa erit coniunctio. Huius generis est illa Ciceronis, Et legatum argentum est, & non est legata numerata pecunia. Prior enim generis est, posterior speciei. Infinita enim illa enunciatio, Legatum argentum est, idem quod hæc, Legatum omne argentum est, efficit. Si igitur uera sit ex his cōiunctio, aut diuersa genera complectatur, aut accidens, quod rei non conueniat, necesse est. Vt hæc uera est coniunctio, Et homo est Socrates, & non est lapis. Itēq; hæc, Et homo est Socrates, & non est albus, si niger sit. Eadem est ratio si prior neget, & posterior aiatur. Disiunctiones restant, de quibus dicam. Disiunctiones proprie

Antecedentia
Consequentia

Disiunctiões

sunt ex repugnantibus. Aut nox est, aut dies est. Aut valet, aut aegrotat. Aut vigilat, aut dormit. Disiunctio vera est ea, cuius alterutra pars vera est. Neccessaria ea, quae est ex repugnantibus, maxime si ex contrarijs, ut contraria vocemus, ut Cicero, cum alterum aiat, alterum neget. Hoc Cicero multis locis confirmat. In quarto lib. Academic. quaest. Etenim cum ab Epicuro qui totam Dialecticam & continet & irridet, non impetrent, ut verum esse concedat, quod ita effabimur, Aut viuet cras Hermachus, aut non viuet: cum dialectici sic statuunt, omne quod ita disiunctum sit, quasi aut etiam, aut non, non modo verum esse, sed etiam necessarium. vide quam sit cautus is, quem isti tardius putant. Si, inquit, alterutrum concessero necessariū esse, neccessē erit cras Hemarchum viuere, aut non viuere. Nulla est autem in rerum natura talis neccessitas. Cum hoc igitur dialectici pugnent, id est Antiochus & Stoici. totam enim euertit dialecticam. Nam si ē contrarijs disiunctio (Contraria autem ea dico, cum alterum aiat, alterum neget) si inquam talis disiunctio falsa potest esse, nulla vera est. In. 1. de natura deorū, idem facit cōtra Dialecticos, a quibus cum traditum sit, in omnibus disiunctionibus in quibus aut etiā aut non poneretur, alterutrū verum esse, pertinuit, ne si cōcessum esset huiusmodi aliquid, Aut viuet cras, aut non viuet Epicurus, alterum fieret neccessarium. In disiunctionibus repugnantes aut cōtradicentes non mue-

det & est animal rationis particeps. Licet hunc ordinem mutare, & quod postremum est cum primo coniungere, hoc modo, Et Socrates homo est, & animal rationis est particeps. Si autem altera sit ex aliquo superiorum, altera ex accidente, aut utraq; ex accidente, non erit necesse uerā esse cōiunctionem, nisi in antecedentibus & consequentibus. Antecedentia autem uoco, ea quæ rem necessario antecedunt. Consequentia, quæ necessario consequuntur. Socrates & homo est, & natus est. Socrates & homo est, & matrem habuit. Socrates & animal est, & uiuit. Socrates & uiuit, & alitur. Si utraq; neget, uera erit in paucis coniunctio, falsa in superioribus omnibus. Nam quæ si affirmantur uera sunt, eadem falsa sunt si negentur. Si prior aiat, & posterior neget, in superioribus omnibus, id est in toto genere, proprio & definitione, falsa erit coniunctio. Huius generis est illa Ciceronis, Et legatum argentum est, & non est legata numerata pecunia. Prior enim generis est, posterior speciei. Infinita enim illa enunciatio, Legatum argentum est, idem quod hæc, Legatum omne argentum est, efficit. Si igitur uera sit ex his cōiunctio, aut diuersa genera completatur, aut accidens, quod rei non conueniat, necesse est. Vt hæc uera est coniunctio, Et homo est Socrates, & non est lapis. Itēq; hæc, Et homo est Socrates, & non est albus, si niger sit. Eadem est ratio si prior neget, & posterior aiat. Disiunctiones restāt, de quibus dicam. Disiunctiones proprie

Antecedentia
Consequentia

Disiunctioes

Sunt ex repugnantibus. Aut nox est, aut dies est. Aut valet, aut agrotat. Aut vigilat, aut dormit. Disiunctio vera est ea, cuius alterutra pars vera est. Necessaria ea, quæ est ex repugnantibus, maxime si ex contrarijs, ut contraria vocemus, ut Cicero, cum alterum aiat, alterum neget. Hoc Cicero multis locis confirmat. In quarto lib. Academic. quæst. Etenim cum ab Epicuro qui totam Dialecticam & continet & irridet, nõ impetrent, ut verum esse concedat, quod ita effabimur, Aut viuet cras Hermachus, aut non viuet: cū dialectici sic statuunt, omne quod ita disiunctum sit, quasi aut etiam, aut non, non modo verum esse, sed etiam necessarium. vide quàm sit cautus is, quem isti tardius putant. Si, inquit, alterutrum concessero necessariũ esse, necesse erit cras Hemarchum viuere, aut non viuere. Nulla est autem in rerum natura talis necessitas. Cum hoc igitur dialectici pugnent, id est Antiochus & Stoici. totam enim euertit dialecticam. Nam si è contrarijs disiunctio (Contraria autem ea dico, cum alterum aiat, alterum neget) si inquam talis disiunctio falsa potest esse, nulla vera est. In. 1. de natura deorũ, idem facit cõtra Dialecticos, a quibus cum traditum sit, in omnibus disiunctionibus in quibus aut etiã aut non poneretur, alterutrũ verum esse, pertinuit, ne si cõcessum esset huiusmodi aliquid, Aut viuet cras, aut non viuet Epicurus, alterum fieret necessarium. In disiunctionibus repugnantes aut cõtradicentes non mue-

ni apud probatum auctorem . Nihil autem prohibet negationis adiunctione fieri, ut coniunctiones , ut has duas disparatas vocemus, Aut Socrates dormit, aut disputat, Non aut dormit Socrates, aut disputat. Hanc autem disiunctionum negationē appellare possumus. Tot verò modis affici possunt disiunctionum simplices enunciationes, quot coniunctionum posse monstrari. Veræ autē erūt disiunctiones quæ ex iisdē erūt, ex quibus veræ coniunctiones, ac multò etiam magis veræ futuræ sunt. Si quæ enim duo coniuncta veræ sint, eadē disiuncta multò magis erunt. Atq; hæc tria sunt genera enunciationū earum quæ non simplices, sed cōpositæ appellantur, quòd multas cōplectantur simplices. Cetera autem quòd vel facilia sunt, vel minus à Dialecticis usurpata, vel ad hæc reuocari facile possunt, omnino tractari non solent. Sunt tamen qui id genus enunciationum, quæ causales vocantur, tractent, cuiusmodi hæc est, Quia sol lucet, dies est. Hoc genus si approbare placet, ego quidem certe non repugno: verum tum denique dicetur, cum superius causa inferioris erit. Per pauca huius generis veræ sunt, si causa verbum in eo propriè intelligamus. Neque enim ex specie & genere, neque ex proprio & specie cuius proprium est, neque ex eo quod definitur, & definitione ullæ veræ erunt. Non enim quia aliquis homo est, is est animal, nec quia aliquis ridet, idcirco homo est, nec ob eā causam animal est rationis particeps

mortale quis, quia est homo. Ita solæ eæ quæ ita collo-
cata erunt, vt prior sit ex differentia, posterior ex spe-
cie, aut prior ex specie, posterior ex proprio, itēq; su-
perior ex definitiōe, & ex eo quod definitur posterior,
vera erunt in his tribus attributis. Sed quoniā isto mo-
do multe enunciationes tam apud Platonem, & Ari-
stotelem, q̃ apud Ciceronē aliōsq; scriptores sunt falsæ
futuræ, quas pro veris posuerunt: mihi nō videtur hæ
causam posterioris in priore requirere, sed solā anteces-
sionē. Ita non est hoc genus diuersum ab eo, quod cō-
nexū Cicero, vt docui, nominat. Eadē est ratio earum
quæ ex loci & tēporis aduerbijs constāt. In quo gene-
re hæ sunt, Cū sol lucet, dies est, Vbiq; sol lucet, ibi
est dies. Hæ enim facile ad connexa reuocari possunt,
hoc modo, Si quo tempore sol lucet, eo dies est. Sicubi
sol lucet, ibi est dies. Atque hoc etiā Cicero confirmat
in libro de fato, Quid est quod non possit isto modo ex
connexo transferri ad coniunctionum negationem? Et
quidē alijs modis easdem res efferre possumus. Modo
dixi, In sphaera maximi orbes medijs inter se diuidun-
tur. Possum dicere, Si in sphaera maximi orbes erunt.
Possum dicere, Quia in sphaera maximi orbes erunt.
Multa sunt genera enunciandi.

IOACHIMI PERIONII BENEDICTINI CORMOERIACENI DE DIALECTICA
LIBER II.

Voniam autem de omnibus enūciationis generibus dixi, sequitur, ut de argumentationibus quæ ex ijs cōstāt, dicēdū esse videatur. Argumentatio quidē & argumentū hoc differunt

Q

Argumentū
Argumentatio

vel auctore Cicerone, quod Argumentū est ratio rei dubiæ fidē faciens. Argumentatio, argumēti explicatio siue tractatio. Ita argumētum enūciatio vna est tantūmodo: argumentatio autē praterquā quod argumentationem, conclusionem quoque cōplectitur. Quanquā in observationibus nostris in Aristotelis Topica argumentationem interdum à Cicerone pro argumento usurpari docui. Eodem autem libro docui ἐπιχειρημα eodem modo accipi ab Aristotele pro argumento & argumentatione. ὁ γὰρ etiam nonnunquam argumentum, sed ferē in hac re argumentatio dicitur. Qui horum exempla requireret, legat cum quem modo nominavi librum. Argumentationum autem duo sunt genera, alterū ratiocinatio latine, græcè σιλογισμός appellatur, alterū inductionē latini, graci ἐπαγωγὴ vocant. Est autem ratiocinatio, oratio quæ quibusdam concessis, aliud ex ijs necessario efficit atque concludit.

Ratiocinatio

ut si queratur, Sitne utilis iustitia, hoc modo conclu-
di licebit, Quod suum cuique reddi iubet, id utile est,
Iustitia autem suum cuique reddi iubet, Iustitia igitur
est utilis. In hac oratione si superiora duo concesseris,
cogere etiam postremum concedere. Inductio autem
oratio est, quæ ex rebus singulis progrediens, ad res
vniuersas peruenit. ut si queratur, Sitne præstantissi-
mus in quaque re habendus is, qui in omni re sit peri-
tius & doctus, hoc concludere inducendo sic licebit,
Gubernator is demum est optimus qui peritus & do-
ctus, itemque auriga, & resp. moderator, & impera-
tor. Qui igitur in quaque re peritus est, is est habendus
præstantissimus. Ratiocinationi subiectum est enthyme-
ma, & exemplum inductioni. De his autem accura-
tius tum differemus, cum de argumentorum disposi-
tione erit disputandum. Nunc de argumentorum inuen-
tione dicendum est. Argumentum est enunciatio qua
res dubia probatur. Locus autem est argumenti sedes,
id est unde argumētum eruitur & depromitur ad fa-
ciendam fidem, cum est opus. Neque enim locus argu-
mentum est, ut neque aurifodina, aurum, neque lapidi-
cina lapis, sed aliquid in quo aurum est reconditum &
lapis, unde aurum & lapides, cum inuenta sunt ad
usus necessarios elici possunt. Et quoniam argumētū
ad id probandū quod queritur & in disputationē in-
cidit, depromi solet: quatuor autem genera esse docui
eorum, quæ proponerentur ad disputandū: genus, defi-

Inductio

Argumentū

Locus

Loco partitio

nitioem, proprium, accidens: deinceps quæ argumen-
ta ad ea confirmanda vel refellenda sumi possunt, do-
cebimus. Locos alij aliter partiumtur. Aristoteles qui-
dem in Topicis nullam eorum adhibuit diuisionē, nec
verò certum ordinem seruauit. In arte autem rhetori-
ca duo genera eorū posuit, quam eius diuisionē, quo-
niam cum prope omnes docti, tum vel maxime Cice-
ro secutus est, eam nos etiam hoc tempore sequemur.

A Dicamus igitur locos partim in ea re quæ incidit in dis-
putationem hærere, partim assumi extrinsecus. Ii in
re ipsa inherēt, & insiti sunt, quos disputatoris dili-
gentia à re ducit & sumit. Ii autem extrinsecus adhi-
bentur, qui sine disputatoris arte & diligentia parium-
tur, ut testimoniū, & auctoritas. Primum insitos enu-
merabo, deinde remotos. Cum aliquid ad disputandum
proponitur, & quale sit queritur, id tale esse quale uo-
lumus, vel eius definitione cōfirmamus, vel notatio-
ne verbi, vel eius partium enumerationē, ut si quera-
tur, Siue iustitia expetenda, id primum concludetur
eius definitione, Iustitia est virtus suum cuique red-
dens. Reddere autem suum cuique in rebus expetēdis
est, Iustitia igitur est expetenda. Deinde à verbi no-
tatione sumetur argumentum, hoc modo, Ius statuere
in quenque expetendum est. Iustitia autem ius statuit
in quenque. Est igitur expetenda iustitia. Tum ab enu-
meratione partium eius quod expetitur hoc modo,
Omne quod expetitur, aut eò expetitur quia honestatē

loci isih

Iustitia est
expetenda ex
eius definitione

A, uerbi definitione

enumeratione

& decus affert, aut quia vilitatem, aut quia volupta-
 tem. Iustitia autem aut hæc omnia aut quod plurimū
 valere debet, complectitur. Iustitia igitur est expeten-
 da. A coniugatis etiam hoc concludere sic licebit, Si id
 quod iuste fit expetendum est, etiam expetenda iusti-
 tia est. Itē a genere hoc modo, Si virtus omnis optan-
 da iure est, etiam iustitia, quæ virtus est, expetatur ne-
 cesse est. A forma hoc modo, Si & premijs afficere
 bene de rep. meritos, & in malē meritos animaduerte-
 re in rebus expetendis est, certē iustitia quæ hoc pra-
 stat, expetenda est. A simili hoc modo, Si expetenda
 fortitudo, & iustitia. A differentibus, Non quemad-
 modum summum ius interdum declinandum & fu-
 giendum est, sic iustitia fugienda. Aliud est enim sum-
 mum ius, aliud iustitia. Ex cōtrario sic, Si iniustitia fu-
 gienda est, expetenda iustitia. Ab antecedentibus, Si
 ita comparare se, ut nemini nocere velit cuique optan-
 dum est, iustitia etiam expetenda. A consequentibus,
 Si voluntas constans suū cuiq; tribuēdi optāda est, &
 iustitia. A repugnantibus hoc modo, Non & virtus
 omnis expetenda, & nō est expetenda iustitia. Virtus
 autē oīs expetēda est: Et iustitia igitur. Ex efficiētib⁹,
 Si amicitia expetenda est, & iustitia. Ex effectis, Si
 æquabilitas optāda est, & iustitia. Ex pari sic, Si ex-
 petendum est beneficijs allicere hominum voluntates,
 æquitate constituenda eas retinere optabile est. Ex mi-
 nore, Si gloria expetenda est, & iustitia. Ex maiore

a coniugatis

a genere

a forma

a simili

a differentibus

a contrario

ab antecedentibus

a consequentibus

a repugnantibus

a efficiētibus

ex effectis

ex pari

ex minore

ex maiore

nihil affirmando concluditur. Adhuc argumenta omnia quæ à magnis viris tradita sunt, ad rem vnam probandam sumpsimus, vt quauis re proposita aut sumpta ad concludendum & disputandum studiosi differendi habeant, quod afferant. His enim exemplis facile admonebuntur, vt similia fingant. Atque hæc quæstio accidentis est. Ad generis autem, proprii & definitionis quæstiones ijdem loci accommodari, etsi non omnes possunt, quod paulo post docebimus. Nunc ijdem loci explicandi sunt pluribus. Definitio quid sit dictum est. Eius tot sunt genera, vt Seuerinus Boethius scripto nominatim de ijs libro, cū quindecim exposuit, multa etiam se dicat prætermittere. Ex quo intelligi debet, hunc laborem à nobis non esse hoc loco postulandum. Satis ergo erit, nonnulla tantum genera, quæ ad institutum nostrum pertinebunt, exponere.

Definitiois gna, Duo quidem eius sunt genera prima. Cum enim quid sit res aliqua exponitur, id vel rebus ijs quæ rei naturam, & vt ita dicam, essentiam attingunt, aut ijs quæ illam quidem non attingunt, sed tamen in eam conueniunt, fieri debet. Primum genus οὐκ ὄντων, id est, essentialiale vocatur, quod νῦν, naturam & vt ita dicam, essentiam rei explicat. Alterum γὰρ οὐκ ὄντων, id est, accidentale dicitur, quod rem ex ijs tantum rebus quæ naturam eius non attingunt, cognoscendam perspicendamque proponit. Quoniam autem duo sunt tantum quæ naturam rei attingunt, materia & spe-

cies, quorum materiam genus, speciem forma illustrat, ea sola in hoc genere dominatur, quæ ex utroque constabit. Secundum locum obtinebit ea, quæ formā solā: tertium ea quæ solam materiam exprimet. Id autem definitionis genus, quod ex genere constat, & differentijs vel solum, vel maxime retinendum esse, hinc intelligi potest, quod cū definitio oratio sit, quæ, ut docui, quid res sit explicat: genera autē sola & differentie rei vim & naturam explicent, profectò aut sola, aut maxime ea erit definitio quæ ex genere differentijsque constabit. Itaque Aristoteles in septimo libro Topicorum, ὁ ὁρισμὸς, inquit, ὅστις ἐν γένει καὶ διαφορᾷ, id est, definitio constat ex genere & differentijs. Differentiæ autem non debent semper vno verbo declarari, sed sæpe pluribus, cum verbum vllum simplex non est satis aptis aut Latinū. Definiam enim ego libentius hoc modo hominem, Homo est animal rationis particeps, mortale, quomodo Cicero in. iij. Academic. definiuit: quàm quomodo Quintilianus ac ceteri, Homo est animal rationale mortale. Hoc autē genus definitionis & materiam, ut dixi, & speciem formamve declarat, idque in nōnullis rebus perspicuum est: in alijs autem adeo est obscurum, ut nihil incertius esse videatur. In homine enim definiendo genus materie, formam speciei locum volunt obtinere. Si genus totius vim, formam partis principalis dicamus tenere locum, id multo erit facilius ad intelligendum, ne dicā

ARISTOTELIS

Hōis definitio.

verius. Cum enim dico hominem esse animal, hominem quid totum esse dico. Cum vero eum esse dico rationis participem, tum quale esse animal dicerem expri-
mo. Atque pars principalis cuiusque rei est species, quæ formam vocant, quæ rei cur sit causa est. Illa igitur hominis definitio non propriè materiam & formam, sed philosophorum sententia genus & formam, quæ illorum locum obtinent, complectitur. Quod eodẽ modo de alijs quæ ex genere & differentijs cõstabunt iudicandum est. Sunt autem nonnullæ definitiones quæ perspicuè materiã speciẽmque declarant. Materia autem hoc loco id omne intelligitur, ex quo tanquam partibus aliquid constat, vel in quo versatur, vel ex quo opus sibi propositum facit. Partes autẽ voco eas quæ integrales appellantur. Ut partes domus sunt lapides, cementum, calx, trabes, lateres vno modo, alio modo, fundamentum, contignationes, & tectum. Forma autem domus, ut placet Aristoteli, est incommodorum quæ ventus, calor, hyems inuehit, propulsatio. Ita definitio hæc domus, Domus est integumentum ex lapidibus, lateribus, cemento, trabibusque constans, quo contra ventorum, imbrum, & caloris incommoda munimur: hæc inquam definitio domus materiam formamque complectitur. Quod si hæc duo separẽtur, ut domum dicamus operculum, quod ex lapidibus, lateribus, cemento, trabibusque constat: aut domum esse id, quo contra vëtorum, imbrum calorumque ac tem-

Materia

forma

pestatum iniurias muniamur, prior ex materia erit, posterior ex forma. Atque hoc genus definitionis illud etiam complectitur, quod diuisione fit & partitione. Nam cum inter diuisionē & partitionē hoc intersit, quod diuisio omnes formas, partitione partes eius quod diuiditur, cōtinet, partes autē & cuiusque & formae eius naturam essentiamque attingant, fit ut diuisionū & partitionū definitiones ad id definiendi genus pertineant, quod naturam rei quae definitur explicat. Quin etiam hoc genus à superiore non distat. Omnis enim partitionis definitio materiā; quae autem diuisionis est, formam eius quod definitur exponit. Quod quò facilius intelligatur, planius de vtraque dicendū est. Partitionum quidem definitio est, cum id quod definitur, membrorum & partium: diuisionum autē, cum formarum enumeratione quid sit aperitur. Earum autem distinctio est tanta, quantum inter partes & formas interest. Formae autem à partibus hoc differūt, quod formarum certus est numerus, partium saepe infinitior. Atque hoc quidē vere dixit Cicero, sed planius hanc distinctionē licet exponere. Formae igitur, hoc distinguenda sunt à partibus, quod de quaque forma totum dicitur, de quaque autem parte non dicitur. Vt partitionum definitio quae definitionis est forma, definitio est: & ius natura, ius: fortitudo, virtus: Dialectica, ars dicitur. Senatus consulta autem quae iuris ciuilibus partes sunt, non iuris ciuilibus appellantur nomine. Item quae nec

*Diuisionis, et
Partitionis discreti*

*forme à partibus
differunt*

definiendi scientia, nec iudicandi, nec inueniendi dialectica dicitur. Diuisionis est illa quam Cicero amplitudini statuit, definitio, Amplitudo est potentiae aut maiestatis, aut aliquarum copiarum abundantia. Nam & potentiae abundantia amplitudo est, & maiestatis, & aliquarum copiarum. Itaque hoc genus disiunctionibus ferè explicatur, illud autem coniunctionibus. Exemplis hoc illustrabimus. Diuisionis est illa eiusdem, Principium est oratio perspicue & protinus perficiens auditorem beneuolum, aut attentum, aut docile. Et illa eiusdem, Anceps genus causae est, in quo aut iudicatio dubia est, aut causa & honestatis & turpitudinis particeps. Illa etiam probabilem, quae ab Aristotele tradita est, Probabilia sunt quae probantur aut omnibus, aut plurimis, aut cerè sapientibus. Partitionis autem illa est quam domui idem statuit, quae paulo ante à nobis posita est. Item illa Ciceronis, Ius ciuile est id quod in legibus, senatusconsultis, rebus iudicatis, iuris peritorum auctoritate, edictis magistratuum, more, æquitate consistat. Interdum autem coniunctionibus diuisionis partitiones explicantur, ut illa eiusdem. Fundamentum autem iustitiae est fides, id est dictorum conuentorumque constantia, & veritas. Nam tam dictorum quam conuentorum constantia est fides. Hoc fit non quod utrunque non sit fides, sed quod si quis unum praetermittat, cum non debet, aut contra quam alterius ratio postulet, faciat, is non sit habendus fidelis. Eodem modo de principij definitione iudicandum

Amplitudo

Probabilia

Ius ciuile

Iustitiae fundamentum

est. Si quis enim attentū auditore reddat, & contra benevolentia conciliandæ præcepta faciat, is vitioso principij genere vitetur, cū interim id faciat, quod in præceptis videtur esse. Adhuc ea definitionis genera exposui, quæ rei vim & naturā attingunt, quibus ea pene omnia quæ ex quatuor causarū generibus sunt, continentur. Nā & id genus quod ex causa ea quā formale vocant, & id quod ex materia, & id quod ex fine cōstat, complectitur. De prioribus duobus nihil ambigitur, de tertio autem ambigi potest. Sed intelligendum est, finē rei esse duplicem, vnum qui eius naturæ est, alterum qui ab eius natura est remotus. Vt homini beata illa vita cœlestis proposita est tanquam finis, sed is ab eo remotus est, nec naturam eius attingit. Itaque si homo definiatur animal quod sempiternæ vitæ causa sit creatum, non erit in eo genere quod essentialiale dicitur. At finis is, cuius causa domus, nauis, aliæque quorum vsus est aliquis, constituta sunt, eis ita proprius est, vt naturam etiam eorum attingat. Finis enim eorum in vsu cuius causa parata sunt, cernitur. Itaque eorum definitiones, quæ finem complectuntur, & finis sunt, & formæ, & effectus. Nam domus (vt de ea potissimum dicam) eo parata est, vt nos ab incommodis ventorum, imbrium, frigoris & caloris protegeret ac tueretur, qua in re & finis eius perspicitur, & status, & vsus.

Sola igitur reliqua est definitio, quæ à causa efficiente

finis rei duplex

ducitur. Multa eius sunt genera, de quibus in causarū loco differemus. Nunc satis erit admonere, ex eo solum causa efficientis genere quod vi sua aliquid efficiat, eā quam essentialē vocant, constare definitionem. Nec verò ex omni eius generis cōstat, sed ex ea demū quæ cuiusque rei est propria maxime. Vt enim homo multa facit, veluti comedit, progreditur, scribit, aliaq; innumerabilia: nec differentia quæ illius naturam explicat, ex illis sumitur, sed ex vi ratiocinandi, quæ ceteris animantibus præstat: sic, cum ex causa ea quæ vi sua aliquid facit, eā quam essentialē vocant definitio sumitur, is solum eius effectus seu officium, quod perfectissimum est, retineri probarique debet. Hoc modo à Cicerone eloquentia siue rhetorica bene dicendi scientia, definita est: hoc modo dialectica ab eodem ars bene differēdi. Sic enim res habet, cū res nulla sit (omnes autem complector quæ in decem categorijs continentur) quæ nō vim & naturam suam quandam & propriā habeat, non est id quidem dubium, quin ea quæ illam declarabit, definitio, in eo genere sit habenda quod essentialē dicitur. Hoc autem genus definitionis ab eo quod paulò antè à fine sumi ostendi, aut non differt omnino, aut certè non permultum interest. Nam quoniā omnia quæ sunt, ad vsum & officium quoddam sunt procreata, quod sua quæque duce natura præstāt, profecto quæ à fine, ea etiam à causa efficiente, & si non omnis, ducetur elicieturque definitio. Cum enim vna-

quæq; res eo procreata sit, ut naturæ munus expleat,
perueniatque ad naturæ perfectionem, idque in eo po-
suum sit, ut quod ei natura absolutissimum dedit,
perficiat: idem sit & finis quem hoc loco tractamus,
& munus & causa necesse est. Vt cum domus defi-
nitur, esse tabernaculum quo nos à vëtorum, imbrum
aliorumque incommodis tuemur, primū tueri est effi-
cere, deinde est domus finis, postremo est eius munus
& officium. Itemque cum homo definitur, animal ra-
tionis particeps, hoc totum rationis particeps idē quod
illud, viens ratione declarat. Vti autem ratione tum
efficere aliquid est, quantū in ipso est, tum hominis est
& finis, et munus. Quod si aries omneis definiamus,
si virtutes, si vitia, hæc in ijs omnia reperiemus.

Sed ut tandem aliquando hunc definitionis, quæ na-
turam rei explicat, concludamus locum, enumerare li-
cet quæ genera complectatur. Hoc quidem genere &
ea quæ à causa, quam vocāt formalem, & ea quæ ab
efficiente, & ea quæ à fine, & ea quæ à materia ma-
nat, continetur. Hoc etiam diximus, ea definitionis ge-
nera, quæ diuisionum sunt & partitionum, ad hoc ge-
nus pertinere. Restat genus illud quod rem non rebus
quæ naturam & essentiam eius attingant, quid sit ex-
plicat, sed vel proprijs illis quidem, nō autem essentiā
declaramibus, vel assumptis & quasi extraneis. Ita-
que eius genera duo sunt, alterū quod proprietatibus,
alterum quod attributis aduēitijs explicatur. Quid sit

proprium, quid accidens exposui. Prius genus in multis à superiore discerni vix potest. Itaque oratores proprij pro differentia nomine vtuntur. Nos principio libri superioris, quid inter hæc interesset, ostendimus. In ijs quidem rebus quæ vocis suffragio vtuntur, propria à voce ducuntur, vt hominis propria est oratio, siue sermo, & risus: leonis, rugitus: equi, hinnitus: canis, latratus. In mutis autem sumuntur à rebus quarum eis natura vim dedit, quò difficilius est hæc ipsa in his à differentijs seiungere. Quod si id proprium esse dicamus, quod sic rei cuiusdam conuenit, vt in aliam rem nullam transferri queat, & differentiam id quod facit, vt id cuius differentia est, à cæteris distet, ita tamen vt in plura genera, quemadmodum volunt veteres, conueniat: facilius erit dissimilitudinis explicatio. Quanquam in hac facilitate summa inest difficultas diiudicandi, propterea quòd & rerum naturas difficile est obseruare, & cū obseruaueris, quæ ad essentiam rei pertineant, quæ non pertineant, explicare. Itaque verum est quod Aristoteles ait, orationem eam quæ de toto genere dicat, certiore esse: quæ autem in rebus singulis versetur, veriorē. Nos enim de toto genere proprietatum & differentiarum quid inter se differat, dicere possumus: de singulis autem nisi perpauca non possumus. Proprietatis ergo, vt ad institutum reuertamur, ea definitio est, quæ vis rei, non essentia explicatur. Cuius generis hæc sunt, Homo est animal ridēs, Homo

est animal doctrina capax. Virtus est habitus animi, qui cum in quo est, bonum efficit. Ignis corpus est quod summa celeritate sursum fertur. Hoc etiam genus à fine & causa efficiēte & effectu duci potest. Est enim finis quidā, ut dixi, & causa efficiens, & effectus qui naturam rei non attingunt, ut propria est hominis beata vita: proprium est hominis loqui: asini rudere: avis volare: proprium est rursus hominis in societate & communitate degere. Contrā huius generis nulla materiam aut formam complectitur: nulla est partitionum, nulla diuisionum. Hac enim omnia naturam, & ut nocant, essentiam rei explicant, à quo proprietas abest distātq; plurimum. Supereſt alterum genus quod ab aduentitijs attributis sumitur. Eo proprietatum ignorance uti cogimur. Itaque Aristoteles, Theophrastus, alijsq; permulti, cum animum, animantium, arborum, fruticum, & herbarum vim definitione aperire non possent, id adhibuerunt. Ego in priore oratione earū quas in Ramum pro Aristotele scripsi, quāsque huic libro attexui: multa exempla posui, quæ ne sim longior, omitto. Hoc enim loco satis est intelligi, accidentium definitionem sumi à rebus aduentitijs, ut à colore, odore, succo, magnitudine, loco, tempore, ceterisq; generis eiusdem. Sed illud intelligendum est, hoc genus non definitionis, sed descriptionis potius appellandum esse nomine, quādoquidem nō quid res sit, sed qualis explicat. Nunc quoniam satis longam orationem, atque adeo nimis longam in generi,

bus definitionum commemorandis posui, sequitur, ut quæ sint ueræ, quæ uiciosæ definitiones, dicendum esse uideatur. Memini cū dialecticis erudiver, hoc primum nobis proponi ad discendum, quid esset definitio, quotq; essent conditiones (sic enim loquebamur) bonæ definitionis. Tres tradebantur, prima, ut esset conuertibilis cū definito: altera, ne quid superflui: tertia ne quid diminuti contineret. Fuit ille tū latini sermonis penè interitus, a quo cū his tēporibus dei benignitate multorūq; diligentia uindictari uidemus. Nos igitur aliqua ex parte latinis literis lucē afferamus. Cōditiones nō appellāda sunt hæc, sed præcepta definiendi. Primumq; dicamus, definitionem in rem aliam nullam transferri oportere: alterum, Nihil in ea reducere, aut superesse: tertium, Nihil deesse oportere. Sic enim Cicero loquitur, cum hæc ipsa præcepta attingit. Ac de primo quidē in. 4. Academi. quæst. scribit his uerbis, Quid enim agāt, si cū aliquid definierint, roget eos quispiam, num illa definitio possit in aliam rem transferri quamlibet? Si posse dixerint, quid dicere habēt, cur illa uera definitio sit? In Topicis hoc ipsum confirmat. Duo reliqua persequitur in. 2. de oratore, Cuiusmodi de ipso iure civili, hesternō die Crassus componi posse dicebat, ut genera rerū primum exponerentur, in quo uitium est, si genus ullum prætermittatur: deinde singulorū generum partes in quo deesse aliquam partem, & superare mēdosum est: tum uerborum omnium definitiones, in quibus nec abesse

Definiendi præcepta

quicquam decet, nec redundare. Primum ab Aristotele dicitur, μηδὲν ἐπὶ πλεονεῖναι: alterum quod posui, μὴ πᾶσι δρᾶν εἶναι: tertium, μηδὲν ἐμειπὼν εἶναι. Primum autem præceptum ex modo definitionis intelligitur. Is enim debet esse, ut ea omnia quæ definitio complectatur, ab aliquo rem eam quæ definitur, separēt. Sic enim propria erit eius, nec ad aliam rem ullam transferri poterit. In tertio præcepto tribus modis peccatur: primo, si quod eiusmodi uerbum ponatur in definitione, quod uel de rebus omnibus dicatur, uel de ijs quæ eidem generi subijciuntur. ut si definiam domum, rem qua uentorum, imbrium, caliq; incommoda propulsemus, uitiose definiam. Propterea quòd uerbum rei omnia complectitur. Secundo cum propria illa quidem est, sed id cōtinet uerbum, quo sublato reliqua erit propria. Vt si homo definiatur hoc modo, Homo est animal rationis particeps mortale doctrinæ capax, mala erit definitio, quòd hoc toto detractò, doctrinæ capax, quod hominis etiam proprium est, quod reliquum est, perfectè naturam hominis explicabit. Hoc enim in definitione redundare ac superare dicitur, quo sublato, id quod remanet, planum facit quid sit, id quod definitione aperitur. Tertio peccatur, cum bis idem uocabulum siue uerbo, siue re ipsa dicitur, ut si quis definiat appetitionem, uoluptatis cupiditatem. Cupiditas enim & appetitio idem ualēt. Prætermissione autem peccatur, cum aliquod necessarium uerbum in definitione deest. Atq;

hoc vitium propè idē uidetur, quod illud, cum in aliam rem transferitur definitio. Alia etiam vitia in toto definitionis genere vitanda sunt. Sed nullum magis, quā ne obscura sit. Nihil est enim quod minus ferendum sit, quā id esse obscurum, quod illustranda & quasi euoluenda rei inuolutae gratia adhibetur. In quo genere in primis est definitio, quae rem dubiam se probare, obscuram illustrare, occultam in lucem proferre, rectam aperire proficitur. Hoc autem vitium ita denique declinabimus, si uerbis & reb. notioribus & magis perspicuis quā sit id quod definitur, utemur. Notiora autem & clariora sunt habenda ea quae latius patent, quae eadem nota sunt omnino. Itaque ex genere ac differentiis constat ea quae sola dominatur definitio. Patent enim quā quae eis subiectae sunt formae, latius. Ex quo perspicuū est, eas definitiones uitiosas esse, quae contrariis explicantur. ut si dicamus id malū esse, quod non est bonum. Et illam Horatij, Virtus est vitium fugere, uitiosa est, si ad normam philosophorū exigatur. Nam & oratores & poëtae suo more definiūt, in eoq; orationem ad uulgi opinionem & sensum accommodāt. Sūt tamen quaedā quae definiri aliter non possunt, ut ea omnia quae cum aliquo conferuntur. Quod quidem uidit Cicero, qui in primo de oratore libro sic genus & partes generis definit, ut utroq; in utriusq; definitione utatur. sic enim definit, Genus autē, id est, quod sui simileis cōmunionē quadā, specie autem differentes duas

aut plures complectitur parteis. Partes autem sunt, quæ generibus iis ex quibus emanant, subiiciuntur. Hæc etiam Aristoteles ab hoc uitio excipit: quem secutus est Porphyrius. Iis autem adhibendis quæ notiora sunt & clariora, quòd latius pateant, ne fallamur, uidendum est diligenter. Neque enim si quod rem antecedit quā definire uolumus, id exprimamus, continuò uerbis notioribus uti uidebimur. Proximo enim genere suo res quæque definienda est, nisi forte interiectas differentias adhibeamus. Id quod in hac animalis definitione, Animal est natura animata sensus particeps, animaduerti licet. Qui accuratius ac certius definiendi scientiam cognoscere uolet, sextū librū Topicorū Aristotelis euoluat. Neque enim uitia omnia persequi hoc loco institui. Quapropter ad institutū nostrū reuertamur. Diximus quid definitio esset, quot eius essent genera, quæ definitionis præcepta seruanda, quæ uitia fugienda. Qui sit eius modus dicendum est. Is qui su, Cicero in Topicis Aristotelis uerbis exponit, Sic igitur ueteres præcipiunt, cum sumpseris ea, quæ sunt ei rei quam definire uelis, cum aliis communia, usque eo persequi, dum proprium efficiatur, quod nullam in aliam rem transferri possit. Atque hæc quidem Cicero de Aristotelis secundo libro Analyticorum posteriorum sumpsit, quemadmodum docui alio loco, sed quoniam non omnia mutatus est, quæ ad hunc locum pertinent, nec ipse exponit quæ sint illa communia quibus expleri possit definitio,

*Quid propriè de
finiatur.*

de eo pauca dicenda sunt. Neque enim omnia sumere oportet quæ sunt ei rei quam definire uolumus, cū aliis cōmunia, etiam si totum efficiatur proprium. Hinc igitur de iis disserendi ducamus exordium. Quod propriè definitur, uel species est infima, uel genus medium. Neque enim indiuidua & summa genera propriè definiuntur. Si speciem infimam definire uolumus, non est arcessendum à capite, id est à summo genere eius categoriæ cui attributa est, sed à proximo, quod cum ei sit commune cum cæteris formis eiusdem generis, communia alia quæ angustius pateant sumenda erunt eatenus quoad tota propria efficiatur oratio. Vt si homo definiendus sit, nō recte facias si eum substantiā aut corpus esse dicas, (hæc enim duo remotiora sunt) sed animal. Rursus quoniam animalia sunt & boues, & equi, aliquid aliud tibi quærendum est, quod animalis uerbo subiiciatur. id inuenies hoc totum rationis particeps, quod adiunctum superiori nondum plenam definitionem efficit. hoc enim totum animal rationis particeps generis locum obtinet. Mortale igitur adiunge, tum tria illa uerba, quorum quodque commune est homini cum multis rebus, coniuncta hominis complebunt definitionē. Est enim solus homo animal rationis particeps mortale. Atque hoc præceptum definiendæ formæ infimæ Aristoteles 11. libro Posteriorum analyticorum tradidit. Generis autem definiendi infimi hoc dedit. Si id genus definiendum est, primū in suas species infi-

mas distribui debet: deinde earum definitiones sumenda sunt, quarum quæ pars multis uerbis constat, in omnibusque formis uerè dicitur, generis eius de quo agitur erit definitio, si summum genus primo loco adiungatur. Sed hoc solum in iis ualeat, in quorum formis definiendis multa uerba poni licet, quæ generis uim & naturam magna ex parte declarent. Vt si numerum definire uelim, primum duorum & trium quæ eius sunt formæ definitiones mihi proponam. Est autem binarius multitudo unionum quæ prima in partes æquales diuiditur. Ternarius, multitudo unionum quæ prima in duas partes impares diuiditur. In harum duarum aliarumque eius generis formarum definitionibus, hæc duo uerba, *Multitudo unionum*, reperio, quæ cõmunia sunt omnium formarum. ijs si addam genus summum, quod est quantitas, numeri plena hæc erit definitio, *Quanta multitudo unionum*. Quanquam grecis, non nobis hoc modo loqui licet, sed potius hoc modo, *Quantitas multa unionum*. Atque hoc quidem, in ijs generibus quæ commemorari facere possumus, in alijs non possumus. Neque enim in homine definiendo, uim animalis multis uerbis exprimi licet, ut dicamus hominem esse corpus sensus & rationis pariceps mortale. In generibus etiam medijs definiendis hoc ipsum ualeat, ea quam dixi, adhibita exceptione. Sed quoniam hoc secundum præceptum non est perpetuum nec generale, hanc omnem definitionis inueniendæ disciplinam ad superius reuocandam

censeo, dum cōmunia illa quæ sumēda sunt, genera & differentias esse intelligamus. Est enim illud multo & facilius et certius. In quo perutile erit, quacūq; re proposita ad definiendū, primū quā ad categoriam pertineat quærere: deinde eā inuentā in partes distribuere, quoad proximū eius rei quā definire uolumus genus inuētum sit: tū in differentias primas genus illud partiri, & in secundas, atq; etiā tertias si ita res ferat. Sic enim tandē aliquando inueniemus, ea omnia quæ generi adiuncta rem illam à reliquis distinguunt. quæ rei propria erit, et perfecta definitio. Vt si temperantia mihi proposita sit ad definiendum. primū cuius sit categoriæ uidebo. deinde cū qualitatis esse inuenero, qualitatem in quatuor genera diuidā, in habitū et affectionem, in uim et imbecillitatem naturalem, in cōmutationem & passibilem qualitatem, in formam atq; figuram. natura diligenter perspecta, & animaduersa, temperantiæ genus habitum esse cōcludam: sed quoniā remotum est, rursus habitū in genera in uirtutem & uitium partiar: quorum cū in uirtutis genere eoq; proximo temperantiā numerari uidero, genus hoc in differentias distribuam, in morales, & rationis, quæ intellectuales uocantur. cūque more perfici temperantiā cognouero, tum morales rursus in suas differentias diuidam, in eas quæ in metu, in eas quæ in cupiditatibus, in eas quæ in opibus, in eas quæ in honoribus expetendis, in eas quæ in iocis, in eas quæ in rebus alienis administrandis decorum seruam.

Quod cum fecero, facile intelligam in ijs esse temperantiam, quæ modum cupiditatibus apponant. Ei igitur hanc definitionem statuam, Temperantia uirtus est moralis, quæ cupiditates gustatus & tactus rationi obediens efficit. His ita constitutis, quæ usus sit loci definitionis dicendum est. Cum aliquid in disputationem incidit eorum quatuor quæ queri solere dixi, id quoniam uel conceditur uel negatur (ut concedi partim & partim negari dicamus id quod distinguitur) si conceditur, refellendum: si negatur, confirmandum est. Ad horum utrunq; plurimum ualet definitio. Sed hoc tribus modis fieri potest. Nam quoniam in omni questione dialectica hoc queritur, an quod alicui attribuitur, aut non attribuitur, uerè an falso ei attribuatur, uel non attribuatur: idcirco uel ab eo cui quid conuenire, aut non conuenire dicitur, uel ab eius quod in aliquid cadere, aut non cadere asserimus, quod attributum uoco, alij prædicatum: uel ab utriusque definitione argumentum sumi licet. Ab eius definitione quod subiectum uocatur, ut fecit Cicero in Topicis, Ius ciuile est æquitas constituta ijs qui eiusdem ciuitatis sunt ad res suas obtinendas. Eius autem æquitatis utilis est cognitio, utilis est ergo iuris ciuilis scientia. Hoc enim argumentum ad hanc questionem accidentis adhibetur, Sit ne utilis iuris ciuilis scientia: in qua hoc totum, iuris ciuilis scientia, subiectum esse constat. Ab eius autem definitione quod prædicatum alij uocant, ut illud Ciceronis in secundo

*Temperantie
Definitio*

libro de oratore, Si maiestas est amplitudo ac dignitas ciuitatis, is eam minuit, qui exercitum hostibus pop. Rom. tradidit, non qui eum qui id fecisset, pop. Rom. potestati tradidit. Hoc enim quaeritur, Is ne maiestatem populi Rom. minuerit, qui eum pop. Rom. potestati tradidit, qui exercitum hostibus pop. Rom. tradidit? Ab utriusque autem definitione interdum non solum licet, sed etiam necesse est: sed tum maxime, cum idem ne sit unum quod alterum ambigitur. Vt si quaeratur, Sit ne temperantia idem quod continentia? ex utriusque definitione argumentum ducatur necesse est, siue id confirmandum sit, siue refellendum. In alijs etiam quaestionibus idem faciendum est necessario. ut si quaeratur, An qui indignatur, sit inuidus? Neque enim hac unquam explicabitur quaestio, nisi quis sit qui indignetur, & quis sit inuidus, definitione aperiasur. Sunt autem nonnullae quaestiones ad quas alterutrius, aut utriusque uerbi arbitrato nostro definitionem adhibere possumus. Sed uidendum est diligenter, utrum magis causa nostrae prodesse possit. Hic autem locus & ad confirmandum ualet, ut dixi, & ad refellendum. Nam & quod definitioni conuenit, rei etiam quae definitur, conueniat: & quod non conuenit definitioni, nec ei quod definiatur conueniat necesse est. Itemque cui attribuitur definitio, ei etiam res attribuitur: & in quod definitio non cadit, in id etiam res quae definitur non cadit necessario. Sunt enim haec duo quasi capita & initia quae huic loco uim tribuunt.

quorum illud ad eas quæstiones adhibendum est, quarum id uerbum quod subiectum uocant: hoc autem ad eas, quarum attributum definitur. In superioribus enim definitioni attribuitur aliquid, aut detrahitur, ex quo idem rei quam definimus, conuenire, aut non conuenire concluditur: in posterioribus autem, alicui definitio conuenire, aut non conuenire ostenditur, ex quo ei etiam conuenire, aut non conuenire concluditur res quam definimus. Quod ex ijs quæstionibus, quas paulò antè posui, perspicui potest. Intelligendum est autem, argumentum, quo res ea quæ definitur ex definitione efficitur, firmum esse illud quidem, sed nihil ad hunc locum pertinere. Neque enim unquam eiusmodi quæstio in disputationem incidit, in qua ex eo aliquid definitioni conuenire probandum sit, quia rei quæ definiatur conueniat: aut in aliquid definitionem cadere, quod in id res cadat cuius uis definitione explicetur. Quo factum esse puto, ut ueteres nullum locum in hoc genere à re quæ definitur, tradiderint, cum non solum causarum, sed etiam effectuum locum tradidissent. Quæstiones autem eorum quatuor quæ incidunt sola in disputationem, hoc definitionis loco tractari omnes possunt, præter illam quæ est definitionis. Neque enim in eam potest incurre, præsertim cum definitio alicui conuenire quod definitur, definitione alia doceri non possit. Quæ enim proposita hac quæstione, An sit homo animal rationis particeps, aut alia eiusdem generis, definitione id uel uerum esse, uel

falsum concludi potest? Nam si id fiat, aut hæc eadem quæ in quæstione est, aut alia ad id probandum adhibebitur. Si eadem, ridicula erit multis modis probatio. Si alia, aut rei propositam naturam declarabit, aut alterius. Si alterius, nihil ad hunc locum pertinebit. Si rei propositæ, cum idem hæc ualeat quod altera, in confirmando faciliè definitio esse negabitur, in refellendo non definitione, sed nosmetipsos refellemus, & pugnantia loquemur. Non est autem dubium, quin si hoc unum queratur, an oratio quæ eadem definitio est, subiecto conueniat omnino, id confirmari possit, si negetur: & refelli, si concedatur, ea quæ ex alijs causis erit definitione. Vt si queratur, Sit ne homo animal rationis particeps mortale, idq; negetur, ad id confirmandum definitio hæc adhiberi poterit, Homo est animal beatæ uitæ adipiscendæ causa fictum & compositum. Quod autem animal beatæ uitæ adipiscendæ fictum & compositum est, idem rationis est particeps & mortale. Homo igitur est animal rationis particeps mortale.

Generis autem quæstio definitione tractabitur, ut si quæstio ponatur, Sit ne animus numerus? eaque concedatur, refelli poterit numeri definitione hoc modo, Si numerus multitudo est unionum, et animus nullus est unionum multitudo, quomodo animus numerus esse possit? Eodẽ modo de his iudicandũ est, An continentia sit uirtus? An uirtus sit scientia? alijsq; eiusdem generis. Proprij etiã atq; accidentis quæstionũ hic locus est: quos

sibi quisq; exēplis superioribus adiutus, proponere poterit ad imitandū. Proximus locus est ab enumeratione partium. Primū dicendum est quæ sint partes quæ enumerentur in hoc tractādo loco: deinde eius usus erit docēdus. partes quidē dicuntur, in quas totū diuiditur, siue formæ sint, siue partes. Totius autem nomine appellamus hoc loco, non solū res, sed etiā verba nōnulla, quæ multa cōplectuntur, ex quibus quasi partibus cōstant, cuiusmodi sunt genera potissimū. Itaq; ex hac totius duplici appellatione duo genera huius tractādi loci nata sunt. Cū enim generis formæ enumerātur, tū diuisione: cū rei partes, tum partitione tractatur. Genus autem duobus modis in partes distribui potest: in formas, & differentias. In formas hoc modo, *Animalium aliud est homo, aliud equus, aliud bos, & cætera. uel sic, Animalium aliud homo, aliud bestia.* In differentias hoc modo, *Animalium aliud est rationis particeps, aliud expers. Animalium aliud est terrenum, aliud aquatile, aliud ancipitis uitæ.* Res etiam duobus modis in suas partes distribuitur, primo ut si dicam, Domus aliud fundamentum, aliud contignatio, aliud tectum. Deinde hoc modo, *hominis aliud corpus, aliud animus.*

Additur etiam tertius modus, *hominis aliud caro, aliud os, aliud nervus & cætera.* Atque hoc quidem, ut ita dicam, essentiale dicitur diuidendi & partiendi genus, quod siue genus, siue res in ea quæ naturā ipsorum attingunt, diuidatur. Aliud est genus diuidendi,

ab enumeratione

Totū
Partes

Genus duobus
partes diuitur

quod ὅτι συμβεβηκότα dicitur, cum res in ea quæ naturam eius nō attingant, distribuitur, aut contrā. ut cum dicimus, Animalium aliud album est, aliud nigrum, aliud neutrum. Hoc genus fufum est per nouē postremas categorias. In quantitate huiusmodi est, hominum alius est longus duos pedes, alius tres, alius quatuor. In ijs quæ cum aliquo conferuntur, Hominum alius pater, alius filius. In qualitate, Hominum alius bonus, alius malus. In actione, Animalium aliud loquitur, aliud non loquitur. In patiendi categoria, ut Animalium aliud uolat, aliud graditur. In loco, Animalium aliud in terra, aliud in aqua, aliud in utroque uiuit. In tempore, ut Auium aliæ hyeme occultantur, aliæ uidentur. In situ, Animalium alia recta, alia prona incedunt. In habendi categoria, ut Animalium alia recta sunt uillis, alia alijs. Ita nouem erunt diuisionis genera, quibus res in attributa sua distribuetur, & multæ partes generū singulorum. Totidem etiam erunt eius partitionis, quæ accidentia in accidentia diuiduntur. Hoc genere ea diuiduntur, quæ nomen à categorijs sumunt, quæ πρῶτονμα dicuntur. Vt quantorum alia trium sunt cubitorum, alia pauciorum, alia plurium. Patrum alius lenis est, alius durus, alius neutrum. Bonorum alij sunt iusti, alij temperati, alij fortes, alij liberales: itēq; alij. Eorum qui agunt, alij docent, alij scribunt, alij aliud faciunt. Eorum qui patiuntur quid & accipiunt, alij docentur, alij aliud. Eorū qui in loco sunt,

quidam Asiæ, alij Africa, nonnulli Europæ sunt incolæ. Eorum qui tempore circumscribuntur, alij uere, alij hyeme, alij autumnno, alij æstate rectius ualent. Eorum quæ collocata sunt, quædam prona sunt, quædam recta, quædam supina, quædã alio modo sita. Eorum qui recti sunt, quidam sericati sunt, quidam purpurati, quidam auro, quidam argento fulgent, quidam lana, alij alia ueste amicti. Licet etiam accidentia in ea diuidere, in quibus inhærent, id est in subiecta, in quo per nouem categorias postremas expatiari possumus. Sed pauca exempla satis erit subijci. Bonorum alia sunt animi, alia corporis. Virtutes alia sunt in ratione sitæ, alie sunt in uoluntate siue appetitu, alie sunt in alia parte. Perturbationes alie sunt in ea animi parte, quæ uoluptate alitur, quæ concupiscibilis uocatur, alie in ea in qua irarum existit ardor. Nunc quoniam omnia diuisionum partitionumq; genera uideor persecutus, dicendum est, quæ uitia in ijs uitare debeamus. Vitium quidẽ est uel maximum in diuidendo, tum partem abesse, tum superare. Illud etiam uitiosum est, partem in genere, aut genus in parte numerare. Prima duo uitia diuisioni cõmunia sunt cum definitione. Itaq; paulò antè uerba Ciceronis ex 11. libro de Oratore, quibus idem de utraq; confirmat, protuli. Tercium autem idẽ Cicero 11. libro de Finibus in Epicuro reprehẽdit his uerbis, Quomodo autẽ philosophus loquitur tria genera cupiditatis, naturales & necessarias, naturales & non necessarias, nec natu-

rales nec necessarias : primum diuisit ineleganter. Duo
 enim genera quæ erant, fecit tria, hoc est non diuidere,
 sed frangere rem. Qui si diceret cupiditatum esse duo
 genera, naturales & inanes: naturalium quoque item
 duo, necessarias & non necessarias, confecta res esset.
 Vitiosum est enim in diuidendo, partem in genere nu-
 merare. Atque hæc quidem ille. Nos autem dicamus,
 quid sit in diuidendo partem in genere numerare. A-
 liud quidem est nihil, nisi in diuidendo id genus pone-
 re, quod est pars, id est, id in partibus rei quæ diuidi-
 tur, nominare, cuius illarum partium aliqua sit genus.
Vt exempli causa, Epicurus in superiore hac diuisione,
 Cupiditatū alia sunt naturales & necessaria, alia na-
 turales & non necessaria, alia nec naturales nec ne-
 cessaria, posuit necessarias cupiditates esse genus cupi-
 ditatum, cum sint naturalium partes. Itaque illa diuisio
 huic persimilis est, Animantium aliud rationis est par-
 ticeps, aliud bos, aliud rationis expertus. Bos enim non est
 genus animantium, sed pars eorum, quæ sunt rationis
 expertia. Itaque rursus diuidenda sunt expertia ra-
 tionis hoc modo, Expertium rationis, aliud est bos,
 aliud equus, aliud leo, & ita in singulis. Quem-
 admodum autem videndum est, ne in diuidendo par-
 tem in genere, sic ne genus in parte numeremus, id est
 ne rei quæ diuiditur id partē esse dicamus, quod eius
 sit genus, ut si diuidamus voluptatem hoc modo,
 Voluptatum alia gaudiū est, alia letitia, alia delecta-

rio. Nam gaudij & delectationis verba, aut latius quàm voluptatis, aut tam latè patent. Sed hoc vitium quædam est particula illius, cum in diuisione aliquid superat & redundat. Sunt enim eius genera plura. Plena igitur tum deniq; erit diuisio, cū pars nulla neque aberit, neque superabit. Sic enim fiet, id quod in eiusmodi re est necessarium, vt partes vniuersæ ac totum æquè pateat. Nec verò necesse est semper ne in diuisione quidem, omnes enumerare partes. Quis enim omnia animantium genera diuidendo possit percurrere? Quòd si quando necesse est, tum denique est, cū differentijs in diuidendo vtimur, aut cum pauca sunt formæ generis, quod diuidimus. Restat vt quæ argumenta ex hoc loco ducantur, ostendam. Hic sane locus & ad refellendum valet, & ad confirmandū. Duobus autem modis confirmare possumus. Nam ex partibus per disiunctiones aut totum concluditur, aut pars vna infirmatis cæteris. Prioris generis tale exemplum est, Si aut censu, aut vindicta, aut testamento liber factus est, est liber. Censu autem liber factus est. Est igitur liber. Tale etiam illud est, si queratur an su expetenda virtus? Si virtus aut in ijs est quæ decus & honestatem pariunt, aut in ijs quæ delectationem, aut in ijs quæ vtilitatem afferunt, expetenda est. Est autem in ijs quæ decus & honestatem pariunt. Est igitur expetenda. Posterioris generis exemplum est illud Cicronis in 11. de orat, Aut senatui parendum de salute

Virtus an expetenda sit.

reip. fuit, aut aliud consilium instituendū, aut sua sponte faciendum. aliud consilium superbum, suū arrogās. Utendum igitur fuit consilio senatus. Idem in oratione pro C. Rabirio, Atqui videmus hac in rerum natura fuisse, ut aut cum Saturnino esset, aut cū bonis, aut lateret. Latere mortis erat instar turpissimæ. Cum Saturnino esse, furoris & sceleris: virius & honestas cum cōsulibus esse cogebat. In refutatione etiam duobus modis hoc loco uti licet. Nam vel per disiunctiones ex partibus enumeratis & omnibus infirmatis, vel disiunctionibus prætermisissis, ex partium refutatione, totum refellitur. Atque à priore genere appellatur enumeratio. Sic enim à Cicerone lib. 1. de inuentione definitur. Enumeratio est, inquit, in qua pluribus rebus expositis, & cæteris infirmatis, una reliqua necessario confirmatur. Exemplum hoc ponit deinceps, Necesse est aut inimicitiarum causa ab hoc esse occisum, aut metus, aut spei, aut alicuius amici gratia: aut si horum nihil est, ab hoc non esse occisum. Nam sine causa maleficium susceptum esse non potest. Sed neq; inimicitie fuerunt, nec metus ullus, nec spes ex morte illius, alicuius commodi, neque ad amicum eius aliquē mors eius pertinebat. Relinquitur ergo, ut ab hoc non sit occisus. Hoc quidem exemplum non esse accommodatum superiori definitioni, omnes intelligere arbitror. Nam & hoc exemplum reprehensionis est, & illa definitio id solum quod confirmationis est, complecti-

Enumeratio

tur. Idem Cicero tota ferè ea oratiõẽ, quã Sex. Rosciũ Amerinũ contra Chrysogoni potentiam defendit, argumenta ab hoc loco sumit. Sed ex ijs vnum hoc tantum proferam, Nunc Eruci ad te venio. Conueniat mihi tecum necesse est, si ad hunc maleficiũ istud pertinet, aut ipsum sua manu fecisse, id quod negas, aut per aliquos liberos, aut seruos. Liberõsne? quos neque vt conuenire potuerit, neque qua ratione inducere, neque vbi, neque per quos, neque qua spe, aut quo precio potes ostendere. Ego contrã ostendo, non modo nihil eorum fecisse Sex. Roscium, sed ne potuisse quidem facere, quod neque Romæ multis annis fuerit, neque de prædijs vnquam temere discesserit. Restare tibi videbatur seruorum nomen, quo quasi in portum reiectus à cæteris suspicionibus confugere posses: vbi scopulũ offendis eiusmodi, vt non modo ab hoc crimen resili-
re videas, verum omnem suspicionem in vosmetipsos recidere intelligas. Interdum duæ tantum partes exponuntur, idquẽ fit tum maxime, cum genus in differentias diducitur. Cicero in oratione pro Flacco. In arario nihil habent ciuitates, nihil in vectigalibus, duæ rationes conficiendæ pecuniæ, aut versura, aut tributo, nec tabulæ creditoris proferuntur, nec tributi confectio vlla recitatur. Conclusionem vt perspicuam reliquit. Posterioris autẽ generis illud ex Ciceronis Topicis exemplũ est, Si neque censu, neque vindicta, neque testamento liber factus est, non est liber: neque est vlla earum re-

rum, non est igitur liber. Eodem illud pertinet, si quæ-
ratur, Possint ne contraria eidem conuenire? Si neque
aduersa, neque aientia & negãtia, neque ea quæ cum
aliquo conferuntur, neque priuantia eidem conuenire
possunt, contraria eidem non possunt conuenire: nulla
autem horum possunt: ne contraria quidem igitur. In
hoc & in simili exemplo, vnãquãque partem rursus
in suas partes Aristoteles vult diuidi, sed eam possi-
mum de qua erit controuersia, vt si controuersia sit de
aduersis, hoc modo eorum partes exponere licebit, Si
neque candor & nigror, neq; valetudo & morbus,
neque iustitia & iniustitia, fortitudo & ignauia, tem-
perantia & intemperantia, aliaq; eiusdẽ generis eidẽ
conuenire non possunt, ne aduersa quidẽ possunt. Neq;
vlla eorum possunt, non igitur aduersa possunt eidem
conuenire. Atque hæc quidem argumenta ducuntur ab
earum partium enumeratione, quarum vnaquaque de
toto verè dicitur, cuiusmodi sunt formæ. Ab earũ autẽ
partium enumeratione, quæ non singula, sed solũ vni-
uersæ in toto verè dicuntur sumptum argumentum, in
probando non per disiunctiones, sed per coniunctiones
explicatũ valet: in reprehendẽdo autẽ per negationes.

Cõfirmationis ¹ *ta*le est exemplum, Si & radix est, &
caudex, & cortex, & frõdes, & rami, arbor est: hæc
autem sunt omnia: arbor igitur est. Item huiusmodi,
Si & res ciuilibis scientiæ inuenire, & inuentas dispone-
re, & dispositas memoria tenere, atque animo cõpre-

hendere, & comprehensas animo, cum vocis, motus, vultus atq; omnis actiōis dignitate eloqui & pronunciare potest, orator est: horū autem omniū facultate est præditus: est igitur orator. Refutationis idē exemplum erit, si conuertatur hoc modo, Si neq; res ciuili rationi propositas inuenire potest, neq; inuētas disponere, &c. non est orator: hæc autē non potest: non est igitur orator. Hæc duo argumēta firmissima sunt ut superiora, si partes omnes enumerētur. Refellēdo autem interdū valet, per disiūctiones, etiā si non omnes partes exponantur, sed tātū necessariæ, id est, eæ solū quæ ita totius naturā attingūt, ut si tollātur, etiā illud tollatur: si sint, illud etiā sit necessariō. Neque enim si manus, aut pes homini abscidatur, propterea hō aut animal esse desinit. At si caput, si thorax, si crura sint, etiā sublati cæteris hō erit. Propriē autē hæc intelligo. Neq; enim caput abscisum, aut manus, propriē caput aut manus dicitur. Itaq; quæ partes necessariæ sunt, quæ non necessaria diligēter videndū est. Refelli autē per disiūctiones potest, id de quo queritur, si vna desit earum quæ necessariō totum comitantur, hoc modo, Si aut rerum humanarum causas, aut diuinarum nescit, non est sapiens: alterarum autem causas nescit: non est igitur sapiens. Atque hic quidē locus ab enumeratione partium, cum à formis ducitur, in cōfirmationē vim suam ab hoc quasi capite mutuatur, Cui pars aliqua aut forma cōueniat, eidem totum, siue genus cōuenire. In re-

Refutationis exemplum

futatione ab hoc, Cui forma nulla aut necessaria cōueniat, ei genus minime conuenire. Si autem sumatur ab enumeratione partium totius quod non est genus, in cōfirmatione quidem firmum est ob eā causam, quod cui partes omnes aut certē necessariae conueniunt, ei etiam totum conueniat necesse est. In refutatione autem eodem, quo superius capite confirmatur. Quod autem in loco definitionis admonui, id etiam hoc in loco intelligendum est, cum hic locus ab enumeratione partium ducatur, hoc posse fieri tribus modis. Nam & ab enumeratione partium eius cui quid tribuitur, aut detrahitur: & ab eius quod alteri tribuitur, vel detrahitur (hoc autem prædicatū, illud subiectum vocant) & ab vtriusque partium expositione argumentum elici potest. Ab eius quidem partium enumeratione cui quid tribuitur, sumitur. ut si queratur, An eidem contraria conuenire possint? Contrariorum enim partes exponendæ sunt, quemadmodum supra exposui. Ab eius autē quod in questione extremum est partibus, ducitur. ut in hac, Vtrorū partes bonus ciuis in ciuili tumultu sequi debet, bonorū ne an malorum? Quod supra tractatum à Cicerone argumētum ex Rabiriana oratione protuli. In quo etiam genere illa est eiusdem questionis, Sitne credibile patrē à filio occisum esse? Itaq; attributi, id est, cadis faciendæ genera sic diuisit, ut vel ipse per se, vel per liberos, vel per seruos eum interfecerit. Ab vtriusque partibus duci potest, ut in supe-

riore quæstione. Nam & à contrariorum partibus ducitur, ut iam ostendi, & ab eius rei cui quid attribuitur, hoc modo, Si neque in hominibus contraria insunt, neque in equis, neque in bubus, neq; in re ulla animata aut inanimi, contraria eidem non conueniunt: In earum autem nulla insunt: Non igitur eidem simul conuenire possunt. Hac mihi plane exponenda & tradenda putavi, quòd multos sciam esse, qui aut à cuius partium enumeratione sumendum sit argumentum, prorsus ignorent: aut si sciant, tantum ab vnius partibus duci putent oportere. In quatuor autem quæstionum genera hic locus incurrere potest. In quo cum utile erit diuisionum, partitionumque genera, quæ paulò ante exposui, tenere: tum notare diligenter, unde ducatur diuisio, quotque modis id de quo agetur poterit diuidi, ut firmissima potissimum argumenta sumamus. Res autem ferè est nulla, quæ non multifariam diuidatur, tum in ea quæ naturam eius explicant, tum in ea quæ non explicant. Quæ naturam explicarent & attingerèt, quæ non attingerent in definitionis loco exposui, ex quo petenda erunt quæ ad hunc perimebunt.

Locus proximus est ex toto, qui superiori quasi ex altera parte responderet. Ut enim illic ex partibus totum, siue ex formis genus, ita hic contra ex toto partes, formæ ex genere concluduntur. Itaque non est dubium quin æquè firmum argumentum ex eo sumatur. Quomà autem cum superiore cohæret, pauca dicenda

sunt. Nos quidem quid totum hoc loco diceretur, paulò antè exposuimus. Sed quid totum à genere differat, aliquid præcrea dicendum est. Totius quidem nomine interdum genus appellatur, interdum aliud totum, aliud genus esse dicitur. Vt autem superiore loco genus & totum totius appellatione comprehendimus, sic hoc cõplectimur. Sed vt genus à toto in locis & inueniendis & tractandis separetur, dàda opera est, ne similitudine fallamur. Quid autè differret iam diximus, sed paulò planius pluribusq; dicendũ est. Nihil quidè est omnino, quo genus à toto facilius internoſci poſſit, q̃ ſi intelligas vtrunq; in partes ſuas diſtribui, ſed ita vt generis vnaquæq; pars quã formã & ſpecie vocamus, à genere nunquã ſeiungatur, id eſt ſemper de eo verè dicatur, quoad nomen ſuũ retinet, totius autè nulla verè de genere dicatur. Nã ſi cõſtituamus, exempli cauſa virtutẽ, quæ genus eſt, ſingula eius partes ſine formæ vt iuſtitia, ut fortitudo, ut temperãtia, ceteræq; omnes, virtutis appellabũtur nomine. Iuſtitia enim virtus eſt, & virtus eſt tẽperãtia, itemq; cetera. At ſi cõſtituamus verbi cauſa, domũ, quæ totũ aliquid eſt, nec fundamentũ domus dicitur, nec tectũ, nec cubiculũ. Quod eodẽ modo iudicandũ eſt de ijs, quæ tota vocantur, nec ex partibus cõſtant aliquã eminentiã aut ſoliditatẽ habentibus, cuiuſmodi ſunt artes ſingula. Nã cũ rhetorica, vt de hac potiſſimum dicam, inuentionem, & diſpoſitionem, tanquam partes habeat, tamen nec diſpoſi-

tio rhetorica est, nec inuentio. Alias præterea eorū dissimilitudines & distinctiones commemorare possum, sed quia nulla hac facilior aut certior est, ea debemus esse contenti. Sed ne errore hic labamur, hoc intelligendum est, nos, cum hunc locum ex toto appellamus, sic appellare, ut ex toto eius partes concludi velimus. Alius enim ex toto intelligitur, cum ex eo pars una concluditur, de quo mox erit differendum. Hic autem locus tum in probando valet, tum in reprehendendo, (his autem verbis idem declarari volo quod illis, quæ vulgo dicuntur, Procedit affirmatiue & negatiue.) Idemque ne longum faciam, iisdem in rebus, eodemque modo quo superior valet, nec verò ab illo differt, nisi, ut iam dixi, conuersione. Quanquam non videtur vel superioris loci exempla conuerui, vel noua poni posse. Nam siue illud Ciceronis conuertamus, hoc modo, Si ciuem necesse erat esse cum aliquibus, aut cum malis necesse erat eum esse, aut cum bonis; cum malis esse, furoris & sceleris erat: virtus igitur & honestas & pudor cum bonis eum esse cogebat: siue hoc modo, Si ciuem necesse erat esse cum aliquibus, aut cum bonis, aut cum malis eum esse oportebat: necesse autem erat: cum his igitur aut cum illis: huius loci propriū non videbitur. In priore enim ex toto pars concluditur: in posteriore partes concluduntur illæ quidē, sed ita, ut puerilem doctrinam illa redolet conclusio. Quod si quis dicat satis esse, si connexum sit ex disinctionibus, non

nego firmum esse argumentum, sed in eo assumptionē
 prater eo, conclusionemque desydero. Atque hæc qui-
 dem dici possunt pro veteribus, qui hunc locum mini-
 mē tractarunt. Quæ autem ad aliorum qui eum adhi-
 buerunt, opinionem dirigi accommodarique possint, ea
 dicamus. Primum quidem non est dubium, quin ex
 toto partes per disiunctiones concludantur probando,
 hoc modo, Si virtus est, vel iustitia, vel fortitudo, vel
 temperantia, vel alia aliqua sit necesse est. vel il-
 lo, Virtus est, aut iustitia igitur, aut temperantia, aut a-
 lia eiusdem generis. Itemque huius loci hoc exemplum
 tale est, Si occidit patrem, aut manu sua occidit, aut per
 liberos, aut per seruos. Refellendo autem, toti negatio
 adiungenda est & partibus, hoc modo, Si non occidit
 patre, nec manu sua, nec per liberos, nec per seruos oc-
 cidit. Si nō est animal, nec homo est, nec bos, nec equus.
 virtus non est, igitur nec fortitudo, nec iustitia, nec tem-
 perantia. Sunt hæc quidem ex toto simplicia argumen-
 ta. Coniuncta autem an recipiat, videamus. Mihi qui-
 dem videntur tractari posse in confirmatione, hoc mo-
 do, Si occidit, aut ipse sua manu, aut per liberos, aut
 per seruos. Occidit autem, igitur aut ipse manu sua, aut
 per liberos, aut per seruos. In refutatione autē hoc mo-
 do, Si non est liber, neque censu, neque vindicta, neque
 testamento factus est liber, non est autem liber, nō igitur
 censu, neque vindicta, neque testamento est factus.
 Nec mirum videri debet, si in assumptione & conclusi-

sione eadem dicantur, quæ dicta sunt in propositione. Nam Cicero ab enumeratione partium ducens argumentum in Topicis, ea quæ in propositione dixerat, in assumptione & conclusionem repetiuit eodem modo, Si neque censu, neque vindicta, neque testamento est factus liber, non est liber: neque est vlla earum rerû: non igitur est liber. His tantum modis hic tractatur locus. Necesse est enim ex sumptionibus conclusionem effici, in qua plures partes sint collocatæ, quod alijs modis minime fiet. Quod adhuc dixi de toto, ad genus referri debet. Nā ex toto quod ex coherentibus partibus constat, minime partes concluduntur refellendo. Neque enim si domus non sit, idcirco nec fundamentū, nec paries erunt. In ijs autem quæ nec sunt genera, nec constant ex partibus coherentibus, valet. Si enim nullus sit animus, nec mens erit, nec ratio, nec appetitus voluntarius. Item quæ sublata rhetorica, nec inuentioni erit, nec collocationi, nec actioni rhetoricæ locus. Hic etiā locus quæadmodū superior, in quatuor quæstionū genera incidere potest, in quibus tum subiecta quæ vocantur, tum attributa tota esse possunt. Itaque videndum est diligenter, id quod superioribus locis admonui, vtrū sit ad causam nostram aptius, à subiectione, an ab attributo vt à toto, argumentum sumere, siue confirmemus quid, siue refellamus. Cūque eadem res multis varijsque modis tribui ac diuidi possit, quo potissimū genere vtamur, considerandum est. Quas autem vir

A uerbi nominis

utes superioris loci esse diximus, quæq; uitia, eadē etiā huius sunt. Sequitur notationis locus. Notationē hic significationē cū Cicerone dico. Aristoteles enim σῆμα ὁ λῶν appellat, quod latine nota siue notatio. Hic autē locus κατ' ἐτυμολογίαν, id est, ex etymologia etiā nominatur, & ex vi nominis, & vi nominis, non rei explicatur, eoq; à definitione differt. Definitio enim vim naturamq; rei quæ definitur, explicat, vim autē uerbi notatio. Facilis est hic locus. Eius tale exemplū est, Si philosophia studiū est sapiētiae, & sapiētia nihil præstātius, omniū profecto artiū philosophia præstantissima est. Firma autē argumēta ex hac loco nō sumuntur, nisi uis uerbi etiā rei quæ eo significatur, cōueniat. Neq; enim si quis bonus aut agathus vocatur, cōtinuō etiā in eo uirtus inest. Interdū etiā uis uerbi rei conuenit, sed ad aliā significationē traducitur. Ita ut sit firmū argumētū, non solū uim nominis rei cōuenire oportet, sed etiam eo modo quo cōuenire dicitur. Vt si quis Atrius appelletur, isq; ater sit, non rectē concludas eū ut malū esse fugiendū. His quidē argumentis in orationibus locus est, in quibus ex nomine aliquid suspicionis moueri potest. Id quod Cicero multis locis obseruat. In disputationibus autem non valent, propterea quod non est ut dixi firma conclusio. Est autem hic locus & facilis ut dixi, & quædam forma definitionis. Itaque non multum operæ in eo explicando ponēdum est. Si quis plura desyderet, ea à definitionis loco pe-

tere debet. Nam & quæstiones omnes quæ in defini-
tionis, etiam in notationis locum incurrunt, & quem-
admodum ille locus ex eo in utranque partem vale-
bat, quod cui aut conueniret aut non conueniret defini-
tio, ei etiam res quæ definiretur, conueniret aut non con-
ueniret, & cōtrā: ita hic ex eo valere dicitur in utran-
que partem, quod in quo verbum intelligitur, aut non
intelligitur, in eo etiam vis verbi intelligatur, aut non
intelligatur. Proximus locus est coniugatorum, quæ
eadem Cicero in secundo de oratore libro cōiuncta no-
minat. Græcè autem σύνϣη, & σύνδινξε dicuntur. Cō-
iugata autē dicuntur, ut ait Cicero, quæ sunt ex verbis
generis eiusdem. Eiusdem autem generis verba sunt
quæ orta ab vno variè commutantur, ut sapiens, sa-
pienter, sapientia. Iustus, iustè, iustitia. Fortis, foriter,
fortitudo. Eius autem vsus est plurimus in probando
& refellendo: valet enim in utranque partem. Quod
enim coniugatorum vni conuenit, aut non conuenit, e-
tiam ceteris conueniat aut nō conueniat necesse est: &
cui vnum coniugatorum conuenit aut non conuenit, in
id etiam reliqua necesse est conuenire aut non conueni-
re. Itaque huius loci multiplex probatio est. Posita e-
nim quæstione, si à coniugatis eius quod subiectum di-
cunt, argumentum sumatur, tum ob eam causam fir-
mum erit, quia quod in vnum cōiugatorū cadit, id etiā
cadit in cætera. Sin ab attributi coniugatis eliciatur,
vim sumet ab illo, Cui vnum coniugatorum conuenit,

Coniugata

etiam reliqua conuenire. Considerandum est igitur, quod ex genere ducendum sit argumentum, ut quod opponamus, habeamus. Rursus vel eo quod posuimus, aliud conuigatorum concluditur, vel ad id quod positum est probandum vel reprehendendum adhibetur. Si enim queratur, si ne vitiosum disputare, idque verum esse quis dicat, duobus his modis id licebit refellere, Si vitiosum est differere, vitiosa et pernicioosa est dialectica, Si dialectica non est vitiosa, nec vitiosum est differere. Priorem modum in Oratore ad Brutum Cicero tenuit his verbis, Nā si vitiosum est dicere ornatē, pellatur omnino ē ciuitate eloquentia. Disputat enim contra eos qui eum reprehendebant, quod de artificio dicendi literis tam multa mandaret. Atque hoc genus simplex est. Simplex autē appello, in quo contraria nulla ponuntur. Contraria non ponuntur, ut in hoc exemplo, Si iustitia est laudabilis, etiā quod iuste fit est laudabile, & iustus vir, laude dignus. Cōiunctū autē voco, id in quo multa collocantur contraria, ut si queratur, An sit iustitia, sciētia? idq; cōcedatur, refelli poterit hoc modo, Si iustitia sciētia est, et iniustitia insciētia. Et si quod iuste fit id sciēter fit, id etiā quod iniuste fit, insciēter fiat necesse est. Hoc genus ab Aristotele ut pleraq; alia, inuentū & tractatum est. Hunc autē in locū ea potissimū quæstiones incurrūt, quæ existunt ex accidentibus. Reliqua tria genera incidunt, sed varius: nec unquam incidunt, nisi in ea aliquod accidens collo-

cetur. Coniugata enim sunt quæ uariè commutantur, cuius modi perpauca in naturæ & essentiae categoria reperiuntur. Huius generis Terentianum illud ex heautontimorumenos est, Homo sum, humani à me nihil alienum puto. In hoc genere uidendum est, ne unum coniugatorum ad alienam significationem transferatur. Vt si quis concludat, Si homines sumus, humana spectare debemus: aut hoc modo, si mortales sumus mortalia nobis debemus proponere, non rectè concludat. Vtiosum enim argumentum & captiosum est. Humanum enim quid duobus modis dicitur, & id quod terrenum & caducum est, & id quod come & affabile. Deinde sic hoc concluditur, ut si tantum ex corpore constaremus. Nunc autem etiam animo constamus, ut id potius sit concludendum, Si homines sumus constantes ex animo & corpore, quorum animus præstantior est & immortalis, immortalia certè spectare debemus. Hunc autem coniugatorum locum, cur si quis miretur Ciceronem secutus ante generis & formæ locos tractauerim, iure quodam modo mirari videbitur. Nam genus & forma naturam rei, ut sæpe dixi, explicant, & coniugata non explicant. Huic ego respondeo, Ciceronem eū antè tractasse, quòd cū superiore cohereret. Vt enim notatio vim solum verbi exprimit, sic coniugata coniugatorum solum sunt quædā mutationes. Nec verò notationem in tertio loco posuisset, nisi esset quædā forma definitionis. Mihi autem verum non videtur id quod

nonnulli dicunt, Coniugata esse in rei natura & essentia, quod sapientia in homine inheret, non qua parte homo est, sed qua sapiens. Isto enim pacto comparata et similia, in re hærebunt. Neque enim homo similis alicui dici potest, nisi exempli causa vel virtute, vel vitio, vel aliqua alia affectione. Ita qua ex parte homo alteri similis est, illa ei necessario inest affectio. Coniugatis Aristoteles casus subiicit. Casus autem vocat sola illa quæ grammatici aduerbia nominant, ut fortiter, iuste, prudenter, quæque sunt generis eiusdem. Ita fit, ut casus inter se coniugata non sint, quod non eodem quasi iugo coerceantur: collata autem cum alijs, coniugata erunt. Nam & fortiter fortitudini coniunctum est: & prudenter prudentiæ. Sequuntur duo loci finitimi et propinqui, quorum alter à genere, alter à generis forma ducitur. Primum de generis loco dicendum est, quod pateat latius. Quid sit genus, quotque modis dicatur, superiore libro dixi, cum de generis questionibus esset disputandum. Nunc ea solum dicemus, quæ ad inuentionem & tractationem eius loci qui ex eo sumitur, pertinent. Atque ad confirmandum quidem hic locus nihil valet: ad refutandum autem valet plurimum. Cum enim in pluribus genus quam forma intelligatur, & de omnibus formis suis genus dicatur, si ex genere formam unam probes, nulla: si ex eodem refutes, firma erit conclusio. Sed planius etiam hæc dicenda sunt. Dico hunc locum infirmum esse in confirmatio-

ne, propterea quòd non necesse est quibus genus conueniat, ijs formam cõuenire. Neque enim si virtus est in quopiam, idcirco ea est temperantia. Fieri enim potest vt sit iustitia, aut fortitudo, aut aliqua alia virtus. Itemque non si animal est aliquid, propterea ceruus est, nec si arbor, continuò pinus est. Hoc etiam eodem addi potest, quod in superioribus locis admonui, hunc eũdem locum non ualere, si ad confirmandam speciem adhibeatur, propterea quòd nõ necesse est quæcunq; cadunt in genus, eadem cadere in formã. Nam & virtus voluptates quæ ex gustatu & tactu percipiuntur rationi obediētes efficit: fortitudo non item. & animal est quadrupes, hõ non est. Hoc autẽ accipi nolo in ijs solũ quæ non omnino & uniuersẽ dicuntur. Cũ enim sic genus enunciamus, vt vniuersam eius vim complectamur, quãlibet nobis speciem ex eo licet concludere. Si enim omnis arbor uere florescit, etiã platanus florescat necesse est. Tractauit hoc modo Cicero argumentum in secundo de oratore, Si omnes qui reip. consulunt, chari nobis esse debent, certẽ in primis Imperatores, quorum consilijs, virtute, periculis retinemus & nostram salutem, & imperij dignitatem. Hoc modo idem actionem quartam in Verrem exorsus est, Omnes qui alterum Iudices, nullis impulsu inimicij, nulla priuatim læsi iniuria, nullo premio adducti in iudicium reip. causa vocant, prouidere debent, non solum quid oneris in præsencia tollant, sed etiam quantũ

in omnē vitā negocij suscipere conētur, &c. Quāq̃ nō formā ex toto genere, sed partē, quod indiuiduū vocāt, cōcludit. Sed apud oratores etiā eiusmodi argumenta ex genere vocantur. Quod vel ex Ciceronis illo exemplo quod ex genere ponit, intelligi licet, Ex genere autē, Si magistratus in Pop. Ro. potestate esse debent, quid Norbanum accusas cuius tribunatus volūtati paruit ciuitatis? In hoc autē exemplo illud, Si magistratus, pro eo positum est, Si omnes magistratus. Neque enim aliter firmum esset argumentum. Quod eodem modo licet cōcludere in ijs quæ generi cum formis singulis erunt communia, ut si contrariorum eadem est disciplina, certē in aduersis eadem disciplina versatur. Et si animalia viuunt, etiam talpa viuit. In refutatione autem semper magnam copiam suppeditat hic locus. Valet enim semper. Exempla ponenda sunt, Si nulla contraria sunt simul in eodem, nec aduersa esse possunt: nulla autē cōtraria simul in eodē esse possunt: nec igitur aduersa. Si nūquam fui Romæ, anno superiore non fui. Si nullum argentum mulieri legatum est, id quod erat in nominibus, non est ei legatum. Hæc sunt firmissima argumenta, quoties totum genus negatur. Si autem non negatur totum genus, sed eius tantum pars qualibet, nihil valet omnino. Neque enim si aliquod animal non currit, idcirco hominē non currere necesse est. Itaque non est hoc argumētum ex genere, sed potius ex generis forma, quandoquidem

aliquod animal non currere, idem est quod aliquid eorum quæ animalis verbum complectitur. Cum ergo dicimus hunc locum semper firmum esse in refellendo, hoc dicimus, ex vniuerso genere negato formam eius concludi: quoniam sublato genere, etiam forma tollatur necesse est: Et cui non conuenit genus, etiam formam necesse est non conuenire. Hoc autem fieri potest duobus modis. Nam totum genus sic negari potest, ut Et uerbum negandi uim habes preponatur, cuiusmodi sunt, nullus, nemo, Et si qua sunt eiusmodi: Et non preponatur, sed sola adiungatur negatio sine ullo verbo, quod genus ad partem solum transferat. De prior modo iam multa diximus: posterioris exempla hæc erunt, Si virtus moralis non est scientia, nec temperantia est. Non est autem virtus moralis scientia: nec igitur temperantia. Atque hoc quidem argumentum ex eo firmum est, quod id formæ non conuenit, quod generi non conuenit. Quod autem sequitur, ob eam causam, est firmum, quia cui non conuenit genus, ei necesse est eius formam non conuenire. Si suam alteri eripere non est virtutis, nec fortitudinis est: non est autem suam alteri eripere virtutis: non igitur est fortitudinis. Hic autem locus ad quatuor questionum genera accommodari potest. Nec verò mirum aut absurdum videri debet, si ad questionem generis locus generis adhibeatur. Aliud est enim quæstio generis, aliud generis locus, id quod superiore libro demonstrauiamus. Quæ-

sit ne animus nu-
merus.

stio enim ponitur: locus ad quaestionem probandam aut
refellendam inuenitur. Quæ cum ita sint, quid mirum, si
posita quaestione generis, id quod cõceditur esse genus
non esse genus ea re quæ illius est genus docetur? *Ut*
si quaeratur, Sitne animus numerus? idque cõcedatur,
duobus modis id licebit refellere. primo, Si numerus
est quantitas, & animus hominis nõ est quantus, pro-
fecto animus hominis numerus non est. altero, Si o-
mnis animus est natura siue essentia: nullus autem nu-
merus est essentia: nullus igitur animus est numerus.
Vel hoc modo, Si animus est natura siue essentia, a-
nimus non est numerus. Est autem essentia animus.
Nõ igitur numerus animus est. Quod si in generis quæ-
stionem hunc generis locum ita incurrere docui, nemo
ut negare possit, iam de eo dubitandum non est, ne-
que id mirum videri absurdumve debet. Quò minus
de cæteris ambigendum est. In hoc autem tractando
loco Cicero monet ac rectè monet, non esse neccesse
usque à primo genere & quasi capite arcessere, sed
citrà licere, dum modò supra sit id quod sumitur, quàm
id ad quod sumitur: utrunque enim rectè fieri potest.
quoniam sunt quaestiones eiusmodi, in quibus alteri
tantum fieri licet, ne argumentum altius petatum esse
videatur. *Ut* si quaeratur, Sitne legata pecunia, quæ in
nominibus est, aut, Sitne temperantia scientia? & quæ
sunt eiusmodi, idque negetur, nihil facias si à primo ge-
nere, *ut* à qualitate ducas argumentum: in eo enim con-

ueniunt. Rursus si queratur, sit ne animus numerus: idque concedatur, id non possis loco generis refellere, nisi à capite arcessas, ut dicas animum esse in essentia parie, numerum autem non esse. Ex quo efficiatur, numerum non esse animum: aut numerum esse quantitatem, animum non esse. Atque ut aliquid de hac re dicam, quoties ea querentur, quæ diuersis categorijs subiecta erunt & attributa, commodè à genere primo sumetur argumentum, sed ita commodè, ut id fere sit necesse. Non enim necesse erit, cum nota erunt genera illa quæ citrà erunt, ut si queratur, sit ne mundus animal? idque concedatur, in eo refellendo, potius dicam hoc modo, Si mundus non est animatus, mundus non est animal, quàm hoc, Si mundus non est essentia, non est animal. Quoties autem ea incident in disputationem, quæ erunt eiusdem generis, aut summi solum, aut etiam medijs, rectè à proximo sumetur argumentum. Nam si solum sint eiusdem generis primi, frustra ab eo ducitur, quandoquidem utrique conuenit, & præterea altius petetur. Debet enim, ut verè dicam, omnis quæ ad confirmandum quid adhibetur oratio, è proximo peti, ne remota & aliena probatio videatur. Itaque hoc etiam in genere faciendum est. Loci autem huius inuentio eadè est, quæ superiorum. Nam in questione de quacunque re sit, genus vel rei subiectæ vel attributæ inueniendum est, & ex eo concludendum quod volumus. Cōiunctus huic generis loco locus

ille est, qui à forma generis ducitur. Hic contra quam proximus, inueniendus est. Nam ut illic vel rei subiectæ vel attributa genus dicebam reperiri oportere, & ex eo quod vellemus concludi: ita hic alterutrius species quærenda est, & ex ea concludendum genus. ut si quærat, Sitne virtus expetenda? id confirmabitur hoc modo, Si iustitia expetenda est, virtus est expetenda. Valet autem solum in probando. Omnis enim forma nomen generis semper retinet quandiu est. Ita cui forma conuenit, etiam genus conueniat necesse est: & quod in formam cadit, id in genus etiam cadit necessarium, ut si quid virtus est, id habitus sit necesse est: & si virtus expetenda est, etiam habitus expetendus. In refutatione contra infirmus est. Neque enim si quid non est homo, idcirco non est animal. Sunt enim alia multa animantia, nec si virtus non est vitium, propterea habitus non est in vitio. Auaricia enim, & intemperantia, aliaque eiusdem generis tum habitus sunt, tum vitia. In hoc genere firmum erit argumentum, si posita hac quaestione, An voluptas sit bonum? eaque negata tractetur hoc modo, Si voluptas quæ ex discendo capitur, in bonis est, voluptas est bonum. Voluptas autem quæ ex discendo capitur est in bonis: voluptas igitur est bonum. Quod enim in specie, etiam in genere dicitur. Huius loci & superioris vim Cicero in secundo de finibus his paucis verbis in una re explicat, Ex quo illa efficitur, qui bene cœnent, omnes libenter

cœnare: qui libenter, non continuò bene. Sed vidēdum est, ne verisimilitudine fallamur. Cum enim ex specie ad confirmandum genus firmum argumētum esse dico, non ad totum genus vniuersè concludendum valere dico, sed solum indefiniē. Neque enim sequitur, ut si voluptas discendi est in bonis, omnis in bonis sit voluptas. Illud autem intelligendum est, hoc loco non solum speciem vltimam & infimā nomine speciei accipiendam, sed omnem eam quæ primo ac summo genere continetur. Itaque speciem tribus modis diuidere possumus, vt alias summas & primas, alias infimas & vltimas, alias medias nominemus. Primæ species aut formæ sunt, quæ ita formæ sunt, vt supra nullam habeant, vt in categoria essentiae, corpus & corporis expers, siue non corpus. Infimæ autē & vltimæ sunt quas nulla sequitur, vt homo, bos, canis. Mediæ autem quæ inter vtrasque locata sunt, ut corpus animatum, inanimatum, natura sentiens, non sentiens & quæ sunt eiusmodi. Ab his igitur tribus formarum generibus, si ita res ferat, argumenta ducenda sunt, dummodo semper infra sit quæ sumitur quàm id ad quod sumitur. Semper enim in paucioribus formæ dicitur, quam genus. At formæ quæstio, solam vltimam cōplectitur. Nam cum generis quæstio in treis partibus sit distributa, in generis, in differentiae, ac speciei quæstiones frustra quæstionem speciei poneremus, si speciei nomine tria formarum genera concluderemus. Vitio-

sa est enim, ut supra docui, ea partitio, in qua aliquid
 bis vel verbo, vel re dicitur. Ex quo perspicuum est,
 locum cum qui ex forma efficitur, in forma quæstio-
 nem non incurrere. Nam cum sola infima species in for-
 mæ quæstione quærat: locus autem speciei ad genus
 confirmandum adhibeatur: profecto ei locus nullus in
 ea quæstione relinquatur necesse est. Quod eodem mo-
 do de proprij quæstione iudicandum est, nisi forte pro-
 prium in quæstione de genere dicatur. ut si quis neget
 animal esse ridens, id confirmabit hoc modo, Si homo
 est ridens, animal etiam sit ridens necesse est. Generis
 autem & accidentis crebræ quæstiones hic versan-
 tur, sed accidentis multò crebriores.

Similitudo

Deinceps locus est similitudinis. Similitudo autem
 hoc loco est diuersarum rerum duarum aut plurium si-
 milis quædam inter se affectio. Malim enim ego affe-
 ctionem hic, quàm qualitatem dicere. Nam qualitas ali-
 quid dicit necessario, cum sepe in nulla re earum quæ
 similes hic dicuntur, aliquid insit. ut cum dico, Quod est
 in corpore oculus, id est mens in animo. Quemadmodum
 enim corpus sine oculo quo progrediatur, non habet, sed
 offenditur, læditur, & sæpe morie occubit: sic animus,
 si mentem & rationem non sequatur ducem, labitur,
 errat, & peccat: cum hæc inquam dico, non facio, ut noui
 aliquid ad corpus animumue accedat. Affectiõem au-
 tem hoc recte appellari ex eo perspicui potest, quòd Ari-
 stoteles in Topicorum secundo hunc tractans locum uer-

bo idem declarante uimur, πάλιν ἐπὶ τῇ ὁμοιότητι, εἰ ὁμοίως ἔχει. Cui autem dubium est quin similia eodē modo affecta esse inter se, aut habere, nō sit qualitatem eis inesse, sed solum quandam, quam alij habitudinem uocant, ego affectionem atque rationem? Cum enim dicitur, quod est in mari tranquillitas, id est in aëre serenitas: uentorum uacuitas est illa similitudo, quæ res nulla est, sed sola priuatio. Quapropter ita ut feci, similitudo definiatur. Similitudo autem hæc siue similis affectio non est in uno, sed in omnibus quæ hic similia dicuntur, sed tamen illa ratio euidentior in eo esse debet, unde argumentum ex similitudine sumitur. Semper enim certius debet esse id quod rem confirmat, quàm res quæ probatur. Similitudo autem in ijs quærenda est, & quæ sunt eiusdē generis, & quæ diuersorum, ut generis nomine speciem quoque intelligamus. In ijs quidem quæ sunt eiusdem generis Aristoteles ait uidendum esse, idēne cōueniat omnibus. Eiusdem autem generis sunt quæ eodem genere continentur, ut homines, canes, boues. Hæc enim omnia animalium genus complectitur. In his autem aut omnibus, aut multis, aut etiā quibusdā si idem reperiatur, hoc ipso dicetur similia. In ijs autem quæ sunt diuersorum generum, idem uult eandem rationem proportionemq; spectari. Quod fieri dicit duobus modis. Nā & hoc modo, Vt hoc ad illud, sic aliud ad aliud. & illo, ut hoc in illo, sic aliud in alio est. Prioris modi exemplum est eiusmodi, Quam rationem habet

habitus
Affectio

sa est enim, ut supra docui, ea partitio, in qua aliquid
 bis vel verbo, vel re dicitur. Ex quo perspicuum est,
 locum eum qui ex forma efficitur, in formæ quæstio-
 nem non incurrere. Nam cū sola infima species in for-
 mæ quæstione quærat: locus autem speciei ad genus
 confirmandum adhibeatur: profectò ei locus nullus in
 ea quæstione relinquatur necesse est. Quod eodem mo-
 do de proprij quæstione iudicandum est, nisi forte pro-
 prium in quæstione de genere dicatur. ut si quis neget
 animal esse ridens, id confirmabit hoc modo, Si homo
 est ridens, animal etiam su ridens necesse est. Generis
 autem & accidentis crebræ quæstiones hic versan-
 tur, sed accidentis multò crebriores.

Similitudo

Deinceps locus est similitudinis. Similitudo autem
 hoc loco est diuersarum rerum duarum aut plurium si-
 milis quædam inter se affectio. Malim enim ego affe-
 ctionem hic, quàm qualitatem dicere. Nam qualitas ali-
 quid dicit necessario, cum sepe in nulla re earum quæ
 similes hic dicuntur, aliquid insit. ut cum dico, Quod est
 in corpore oculus, id est mēs in animo. Quemadmodum
 enim corpus sine oculo, quo progrediatur, non habet, sed
 offenditur, læditur, & sepe morie occūbit: sic animus,
 si mentem & rationem non sequatur ducem, labitur,
 errat, & peccat: cum hæc inquā dico, non facio, ut noui
 aliquid ad corpus animūue accedat. Affectiōem au-
 tē hoc recte appellari ex eo perspicui potest, quod Ari-
 stoteles in Topicorum secūdo hunc tractans locum uer-

bo idem declarante utitur, πάλιν ἐπὶ τῶ ὁμοίῳ, αἰ ὁμοίως ἔχει. Cui autem dubium est quin similia eodē modo affecta esse inter se, aut habere, nō sit qualitatem eis inesse, sed solum quandam, quam alij habitudinem uocant, ego affectionem atque rationem? Cum enim dicitur, quod est in mari tranquillitas, id est in aēre serenitas: uentorum uacuitas est illa similitudo, quæ res nulla est, sed sola priuatio. Quapropter ita ut feci, similitudo definiatur. Similitudo autem hæc siue similis affectio non est in uno, sed in omnibus quæ hic similia dicuntur, sed tamen illa ratio euidentior in eo esse debet, unde argumentum ex similitudine sumitur. Semper enim certius debet esse id quod rem confirmat, quàm res quæ probatur. Similitudo autem in ijs querenda est, & quæ sunt eiusdē generis, & quæ diuersorum, ut generis nomine speciem quoque intelligamus. In ijs quidem quæ sunt eiusdem generis Aristoteles ait uidendum esse, idēne cōueniat omnibus. Eiusdem autem generis sunt quæ eodem genere continentur, ut homines, canes, boues. Hæc enim omnia animalium genus complectitur. In his autem aut omnibus, aut multis, aut etiā quibusdam si idem reperiatur, hoc ipso dicetur similia. In ijs autem quæ sunt diuersorum generum, idem uult eandem rationem proportionemq; spectari. Quod fieri dicit duobus modis. Nā & hoc modo, Vt hoc ad illud, sic aliud ad aliud. & illo, ut hoc in illo, sic aliud in alio est. Prioris modi exemplum est eiusmodi, Quam rationem habet

habitudō
Affectio

scientia ad id quod scientia continetur, eandē sensus habet ad id quod sub sensum cadit. Vtrunque enim uersatur in cōtrarijs. Posterioris erit tale, Quemadmodum aspectus in oculo est, sic mens in animo. Vtrunque enim ducis et principis locū obtinet. Ac de similitudinis quidē inuēctione, haec tenus. Nūc quot argumentorū genera ex hoc loco ducantur, dicendū est. Cicero quidē tria genera ponit, ἐπαγωγὴν, ἀναβολὴν, παραδείγμα, id est, Inductionem, collationem, & exemplum. Inductio est cum ex pluribus collationibus oratio peruenit quod uult, hoc modo, Si is demum optimus est gubernator, qui est doctus, si auriga, si pedagogus: etiam Reip. rector. Collatio est, cum ut ille ait, una res uni, par pari comparatur. In oratione Cluentiana, Vt corpora nostra sine mente, sic ciuitas sine lege, suis paribus & nervis ac sanguine & membris uti non potest. Exemplum autem quaedam est inductio, quod alio loco docebimus. Eius est talis tractatio, Si Theagenes praesidium petiuit quod tyrānidi immineret, si Pisistratus: etiā Dionysius eo petit quod tyrānidem affecler: Hoc locus est nullus ad notandum faciliior: discerni autem à comparatione interdum uix potest. Itaq; uidendum est, nū Cicero uel huius artis peritissimus auctor interdum eos cōfundat, ut in 11. de Oratore, Ex similitudine autem, Si fera partus suos diligunt, qua nos in liberos nostros indulgentia esse debemus? Paulō infra, Ex maiore, Si bona existimatio diuitijs praestat, & pecunia tantopere expetitur,

Inductio

Collatio

Exemplum

Ex similitudine

Ex maiore

ex minore

quāto gloria magis est expeīēda? Aliquibus enim hæc duo argumēta ex eodem loco, id est ex minore sumi uidebuntur, ex eoq; firma esse, quòd si cui quod minùs conuenire uidetur, conueni ei, etiam cui magis cōuenire uidetur, magis cōuenire oporteat. Quid igitur, dicet aliquis, de eorum dissimilitudine dicendum sentiendūq; existimas? Equidem sic existimo, inter similitudinis locum, & maioris minorisq; locos hoc interesse, quòd in similitudine nulla elationis & summisionis significatio datur: in maiore autem elationis, in minore summisionis ut etiam nomina declarant, datur. De loco autem illo qui ex pari ducitur, idem quod de similitudine iudicandum est. Atque ut horum inter se facilis, sic similitudinis & æqualitatis difficilis est distinctio. Sed tamen danda est opera, ut ea separare possimus. Primiū similitudinis locus his uerbis, Quēadmodum, Vt, Sicut, primo loco tractatur, secundo autē his, Sic, Ita alijsq; generis eiusdem. Is autem qui ex pari efficitur, nūquam ijsdem uerbis. Deinde hoc etiam differunt, quòd similia nunquam eadem, paria aut eadem sunt, aut æqualia. Nam cum dico, Pari gloria dignos esse & eos qui consulunt, Reip. & eos qui eam defendunt, æqualem atque adeo eandem gloriam utrisq; deberi censeo. Quanquam hæc non ita subtiliter semper obseruatur differentia, interdūq; paria & similia idem efficiunt. Itaq; greci hos duos locos uno uerbo ὁμοίᾳ exprimūt. Sed id interdum simile, interdum par & æquale dicitur, ut ὁμοίως μο-

dò similiter, modò æquè & ex æquo. Cum autem ea quæ adhuc dixi, hos duos locos inter se quodammodo distinguunt, tum quod sequitur, maximè. Mihi enim ita hæc facillimè & uerissimè discerni posse uidentur, si dicamus similitudinis locum uelle ea quæ similia sunt, simili modo se habere, aut eodem modo inter se affecta esse, paria autem æquè conuenire. Id quod Aristoteles ipse declarat. Locū enim similitudinis explicat his uerbis, πάλιν ἐπὶ τῷ ὁμοίῳ, εἰ ὁμοίως ἐχει, id est, Rursus in similibus argumentum ualet, si eodem modo habeant. Eum autem qui ex pari elicitur, his, ἐν τῷ ὁμοίῳ ὑπάρχειν, ἢ ὁμοίῳ ὑπάρχειν, id est, præterea ex eo quòd æquè conuenit, aut uidetur conuenire. Sunt autem qui hæc ita separāt, ut similia esse dicant aliqua, cum iunguntur nō tertio quod sit ambobus commune, sed utrunq; in singulis. Comparata autem cū tertio iunguntur, quod est utriq; commune. Hoc si uerum est, primū nunquam plura duobus inter se conferentur. Deinde cui dubium est quin ex maiore ducatur argumentum, si ita duo duobus comparentur, ut unum uni uideatur potius cōuenire, quàm alterum alteri? & si id quod magis uidetur conuenire non conueniat, ex eo id quod minus conuenire uidetur, concludatur non conuenire? Vt si dicam exempli causa, Si asotus potius est liberalis, quàm auarus temperatus: nec sit asotus liberalis, profecto ne auarus quidem erit temperans. Dicant mihi ij qui hanc eorum distinctionem tradunt, quidnam

sit tertium quod sit cōparatis inter ipsa commune. Præ-
 terea nemo est ut opinor, qui similitudini *ἁρμολογία*
 neget attributam, quemadmodum Cicero ei subiecit.
 Atqui in collatione, una res, ut ipse ait, uni comparatur.
 Si comparatur, iam horum ratione, quodam tertio cum
 altera copulatur. Ita quod ex similitudine, etiam ex cō-
 paratione existet argumentum, quod ipsi nolunt. Ex
 quibus perspicui potest, quā sit difficilis horum locorū
 dissimilitudinis explicatio. Nos quidem quod potuimus
 lucis attulimus: quæ si cui minus placent, alia ipse sua
 industria afferat: magnam ei gratiam habebō. nec enim
 quod minus refellar, recuso. Sed ad rē reuertamur. Hic
 locus in utrāq; partem ualet. Confirmādo enim ob eam
 causam firmus est, quod si in aliqua re simili ita res ha-
 beat, in cæteris etiam similibus ita habeat necesse est.
 Refellendo autem, quod si in aliqua re simili non ita res
 habeat, in alijs non habebit. Similium enim similis ratio
 est. In primis autem firmus est in ijs quorum similis est
 ratio, cum etiam in ijs quorum dissimilis est, interdum
 tantam uim habeat, ut refelli uix à doctis possit. Nam
 cum sola dissimilitudine reprehēdatur, certē rerum dis-
 similium tāta est interdum similitudo, eas ut internosce-
 re etiam periti nequeant. Itaque rerum inter se & si-
 militudines, & dissimilitudines diligenter obseruandæ
 & penitus cognoscendæ sunt. Quod quod facilius intel-
 ligatur, & quæ sit huius loci inuentio in quæstionibus;
 Stoicorū illud tractabimus, An uitia decrescant: quod

dò similiter, modò æquè & ex æquo. Cum autem ea quæ adhuc dixi, hos duos locos inter se quodammodo distinguūt, tum quod sequitur, maximè. Mihi enim ita hæc facillimè & uerissimè discerni posse uidentur, si dicamus similitudinis locum uelle ea quæ similia sunt, simili modo se habere, aut eodem modo inter se affecta esse, paria autem æquè conuenire. Id quod Aristoteles ipse declarat. Locū enim similitudinis explicat his uerbis, πάλιν ἐπὶ τῇ ὁμοίῳ, εἰ ὁμοίως ἐχει, id est, Rursus in similibus argumentum ualet, si eodem modo habeant. Eum autem qui ex pari elicitur, his, ἐν ἐκ τῶ ὁμοίως ὑπάρχειν, ἢ δοκῆν ὑπάρχειν, id est, præterea ex eo quòd æquè conuenit, aut uidetur conuenire. Sunt autem qui hæc ita separāt, ut similia esse dicant aliqua, cum iunguntur nō tertio quod sit ambobus commune, sed utriq; in singulis. Comparata autem cū tertio iunguntur, quod est utriq; commune. Hoc si uerum est, primū nunquam plura duobus inter se conferentur. Deinde cui dubium est quin ex maiore ducatur argumentum, si ita duo duobus comparentur, ut unum uni uideatur potius cōuenire, quàm alterum alteri? & si id quod magis uidetur conuenire non conueniat, ex eo id quod minus conuenire uidetur, concludatur non conuenire? Ut si dicam exempli causa, Si asotus potius est liberalis, quàm auarus temperatus: nec sit asotus liberalis, profecto ne auarus quidem erit temperans. Dicant mihi ij qui hanc eorum distinctionem tradunt, quidnam

sit tertium quod sit cōparatis inter ipsa commune. Præ-
 terea nemo est ut opinor, qui similitudini $\pi\alpha\rho\alpha\beta\omicron\lambda\lambda\omega$
 neget attributam, quemadmodum Cicero ei subiecit.
 Atqui in collatione, una res, ut ipse ait, uni comparatur.
 Si comparatur, iam horum ratione, quodam tertio cum
 altera copulatur. Ita quod ex similitudine, etiam ex cō-
 paratione existet argumentum, quod ipsi nolunt. Ex
 quibus perspicui potest, quā sit difficilis horum locorū
 dissimilitudinis explicatio. Nos quidem quod potuimus
 lucis attulimus: quæ si cui minus placent, alia ipse sua
 industria afferat: magnam ei gratiam habebō. nec enim
 quod minus refellar, recuso. Sed ad rē reuertamur. Hic
 locus in utrāq; partem ualet. Confirmādo enim ob eam
 causam firmus est, quod si in aliqua re simili ita res ha-
 beat, in cæteris etiam similibus ita habeat necesse est.
 Refellendo autem, quod si in aliqua re simili non ita res
 habeat, in alijs non habebit. Similium enim similis ratio
 est. In primis autem firmus est in ijs quorum similis est
 ratio, cum etiam in ijs quorum dissimilis est, interdum
 tantam uim habeat, ut refelli uix à doctis possit. Nam
 cum sola dissimilitudine reprehēdatur, certè rerum dis-
 similium tāta est interdum similitudo, eas ut internosce-
 re etiam periti nequeant. Itaque rerum inter se & si-
 militudines, & dissimilitudines diligenter obseruandæ
 & penitus cognoscendæ sunt. Quod quod facilius intel-
 ligatur, & quæ sit huius loci inuentio in quæstionibus;
 Stoicorū illud tractabimus, An uitia decrescant: quod

omnes concedunt illi refellunt similitudine, hoc modo;
*Ut qui demersi sunt in aqua, nihilo magis respirare possunt, etsi non longè absunt à summo; ut iam iamque possint emergere, quàm cum essent in profundo: nec catulus ille, qui ià appropinquat ut uideat, plus cernit, quàm is qui modò est natus: ita qui processit aliquantulum ad uirtutis aditum, nihilo minus in miseria est, quàm is qui nihil processit. Hoc quidem argumētum per inductionem tractatum est, quod etià hoc modo tractari potest, Si ij qui demersi sunt in aqua &c. Hæc autem ita similia sunt, ut quæ sit dissimilitudo eorum uix explicari possit. Nam malum boni priuatio est, ut in catulo cæcitas aspectus. Sed quia hoc argumento Stoici rem eò deducere uolūt, ut doceant peccata nec crescere, nec decrescere, dissimilitudo in eo est, quòd catuli uno tantum aspectu carent, qui autem in peccato sunt, alij pluribus, alij paucioribus uirtutibus spoliati sæpe sunt. Ita non æquè absunt a uirtute, nec æquè sunt in miseria peccati. Quò enim quisq; pluribus peccatis præstat, eo miserior est, grauiusq; peccat. In 4. etià de finibus bonorum & malorum Cicero eorum argumētum pōnit, quo probant peccata esse paria. *Ut, inquit, in fidibus plurimis, si nulla earum ita contenta numeris sit, ut concentum seruare possit, omnes æquè incontenta sunt: sic peccata quia discrepant, æquè discrepant & paria sunt. Falsum assumit: neque enim, ut rectè ait Cicero, si æquè omnibus contingit, ut incontenta sint, propterea æquè incontenta**

re sunt, quemadmodum æquè omnibus peccatis accidit, ut mala sint, sed non ut æquè mala, quemadmodum æquè omnibus Mauris contingit, ut nigri sint, sed non ut æquè nigri. Alij enim alijs nigriores sunt. Alijs quoque in rebus similitudo quæ sit, aut dissimilitudo, videndum est. Accommodatus est autem hic locus ad quatuor quæstionum genera quæ sæpe dixi, sed hoc in accidentis quæstionem incurrit frequentius, quò ex accidente crebriores existunt similitudines. Generis quidem hæc quæstio est, Num sit mundus animans: quæ refelletur similitudine hoc modo, Si aceruus lapidum, tritici lignorum, & librorum nõ est lapis, mundus non est animans, Aceruus autem ille non est lapis, mundus igitur non est animas. propositio autẽ confirmabitur hoc modo, Quã habet rationem mundus ad animal, eandem habet aceruus lapidũ, lignorũ & librorũ ad lapidem, quoniã ut mundi pars est animal, sic lapis illius acerui. Hanc eandem quæstionem Zeno apud Ciceronem libro secundo de natura deorum confirmat. Isque, inquit, similitudine, ut sæpe solet, rationem conclusit hoc modo, Si ex oliua modulatè canentes tibia nasceretur, num dubitares quin inesset in oliua tibicinis quædam scientia? Quid si platani fidiculas ferrent numero se sonantes? idem scilicet censeret in platanis inesse musicã. Cur igitur mundus non animans sapiensque iudicetur, cum ex se procreet animates atque sapientes? Hic dissimilia sunt, quæ similia proferuntur. Nam eo posito,

oliva quiddam esset totum, siue natura coherens sicuti est, mundus autem non est natura coherens, sed acervus. Ita non fit, ut si pars eius sit animans, ipse etiam sit. Nec verum est quod ait, mundum procreare ex se animantes atque sapientes. Neque enim si mundi pars procreet, idcirco mundus procreat. Definitionis questio erit eiusmodi, Sitne serenitas aeris quies vacuitasque ventorum? quae similitudine concludetur hoc modo, Quod est in mari tranquillitas, id est serenitas in caelo. In mari autem tranquillitas est ventorum vacuitas & quies. Serenitas igitur caeli est aliud nihil nisi quies vacuitasque ventorum. Proprii erit talis, Sitne hominis proprium intelligere et agere? quae confirmabitur hoc modo, Ut ad cursum equus, ad arandum bos, ad indagandum canis natus est, sic homo ad intelligendum, & ad agendum. Accidentis erit tale exemplum, Sintne peccata paria? Sic autem refelli poterit, Quod est in peccatis gravitas & leuitas, id est in cantibus contentio & remissio. Cantus autem non omnes aequè contenti sunt, aut remissi. Non igitur aequè graviora sunt aut leuia peccata. In quaestionibus autem quae in hunc incident locum, vel probandis vel refellendis multò secus quam in superioribus faciendum est. primum enim in illis aliquid reperiendum erat, quod vel in subiecto vel in attributo diceretur: hic autem non id querendum est, quod eis conueniat, sed eiusmodi propositio aut sumptio, cuius attributum similiter conueniat subiecto,

Serenitas

ut in questione attributum subiecto convenire dicitur. Quamquam alterius generis similitum, quod initio huius loci exposui, eadē est ratio, quae superiorum. Deinde cum in superioribus argumentum elici posse dixerim vel ex subiecto, vel ex attributo, omnino nullus ei locus relinquitur.

Disimilitudinis locus sequitur, qui etiam differentiae dicitur. Hic autem duplex est. Nam & superiori, & ei qui ex pari efficitur est contrarius, quod adhuc neminem animadvertisse aut tradidisse miror. Contrarium autem eam ei esse qui à pari sumitur, hinc sciri potest, quod in eo par ratio & eadem consideratur, in hoc dispar & alia. Præterea si similitum loco disimilitudo contraria est, etiam paritatis disparitas erit contraria. Ita fit ut si disimilitudo in locis numeratur, disparitas quoque numeranda esse videatur. Aut igitur proprius ei locus dandus est, aut disimilitudinis, cum ea communicandus. Hoc etiam vidit Aristoteles, qui disimilitudinis inventionem in primo extremo Topicorum libro ad ratiocinationes faciendas de eodem & alio utilem esse tradidit. Sine autem idem aliquid, an aliud, non solum ex similitudinis & disimilitudinis, sed etiam ex paris & disparis locis concluditur. In hoc autem loco contra quam in superiore tractanda sunt omnia. Contrariorum enim contrariae sunt tractationes. In superiore id proferri dixi oportere quod simile esset rei quae ageretur. In hoc disimile aliquid, diversum, et aliud proferendum est. Ita.

Caput
Maxima

que & in vtrunque partem quemadmodū superior
valet, & contrario capite tota eius vis continetur. Ca-
put est, quem locum maximā vocant, ego cum vete-
ribus, locum cōmunem voco, Cui vnū dissimiliū con-
ueniat, ei reliqua non conuenire omnino, aut non eodē
modo conuenire: et quod in dissimiliū vno dicatur, id
minimè eodem mō dici, aut non dici omnino in ceteris.
Aut dissimilia nō eodem modo eidē conuenire aut nō
conuenire, neque idem dissimilibus. hoc exemplis illu-
strandum est, quò fiat planius. Ponamus hanc quæstio-
nē, Rectēne pupillo solvatur sine tutore auctore quod
ei debeatur? eamque defendant aliqui: refelli poterit eo
modo, quo eam Cicero refutat, Si mulicri id quod de-
beas, rectē soluas sine tutore auctore, non rectē eodem
modo soluas pupillo sine tutore auctore quod ei de-
beas. Mulieri autē rectē sine tutore auctore id quod
debetur soluitur. Non igitur eodem modo rectē pupil-
lo sine tutore auctore soluas quod ei debeas. In hoc ex-
emplo duo dissimilia ponūtur, mulier et pupillus, vnū
est quod vtrique conuenit. solui pecuniam, sed non eo-
dem modo pupillo, quo modo conceditur, ex dissimili-
tudine docetur. Aliud est enim mulieri; aliud pupillo
soluere. Ponamus aliam quæstionem, Debeántne homi-
num consilia in sempiternum tempus spectare? ea re-
felli poterit hoc modo, Si belluarū est in diem viue-
re, nec quæ futura sunt, providere: certē hominū consi-
lia sempiternum tempus spectare debent. Belluarū est

autem in diem viuere, nec quæ futura sunt, providere: hominum igitur consilia in sempiternum tempus spectare debent. In superiore quidem exemplo aliquid dicebatur dissimilibus rebus non eodem modo convenire. In hoc autem dissimilia dissimilibus convenire oportere dicitur. Dissimiles enim res sunt homines et bella, dissimilia etiam attributa, providere rebus futuris, & in diem vivere. Itaque unum uni convenire docetur, ex eo quod aliud alij conveniat. Dissimilibus enim rebus dissimilia conueniunt. Dissimilia autem, quemadmodum similia ex proprietatibus, adiunctis, antecedentibus, consequentibus, causis, & eventis oriuntur. Vt autem & ipsi per nos huius loci argumenta inuenire, & aliorum scripta legentes, notare possimus, quibus modis tractetur, docebo. Cõperi equidem legedis bonis auctoribus, tribus potissimum modis ea tractari. Primum hoc modo, Aliud est iudicium, aliud arbitrium. Multum interest inter meam tuamque opinionem. Hoc differt homo à bestiis, & c. Atque his tot modis Cicero hunc locum tractare solet. Alium præterea modum adhibet, similitudinis loco adiuncta negatione, ut in Topicis, Non quemadmodum quod mulieri debeas, recte ipsi mulieri sine tutore auctore soluas, ita quod aut pupillæ aut pupillo debeas, recte possis eodem modo soluere. Hoc etiam genere sæpè utitur, Alia est huius rei, alia illius ratio, quod genus idem quod superius efficit. Atque hæc quidem genera haud obscura sunt, locumque propositionis obti-

nent. Sunt enim subiecta loco cōmuni, quem dixi ma-
 ximam nominari. Sumptiones autem quæ ab illis fidē
 petūt, sæpē sunt obscuriores, ut scriptores & oratores
 propositiones ipsas subiicere cogātur. Cicero in oratio-
 ne pro Roscio Comædo exemplū illustre ponit, *Hic tu
 amplius HS. nummo petisti, quàm tibi debitū est, cau-
 sam perdidisti: propterea quòd aliud est iudiciū, aliud
 est arbitrium. Iudicium est pecunie certæ, arbitriū in-
 certæ. Ad iudicium hoc modo venimus, ut totam li-
 tem obtineamus, aut amittamus: ad arbitrium hoc ani-
 mo adimus, ut neque nihil, neque tantū quantum po-
 stulamus consequamur, &c.* Hoc erit planius, si ad
 quæstionem trāsferatur. Fingamus queri, Num is qui
 in iudicio plus petit, quàm debitū est, causa cadat? Si
 quis neget, confirmari poterit, hoc modo, In arbitrio
 qui plus petit, litē non amittit: Qui igitur in iudicio plus
 petit, quàm sit debitum, causa cadit. Conclusio est ex
 dissimilitudine, quæ quia negari potest, confirmari po-
 terit argumento sumpto a rebus quæ dissimilibus ut
 consequentes attribuantur. Ad iudiciū hoc modo ve-
 nimus, ut totam litem obtineamus, aut amittamus: ad
 arbitrium hoc animo venimus, ut neque nihil, neque
 tantum quantum postulauimus consequamur. Hic au-
 tem locus non solū ad aliquid simpliciter confirman-
 dum, aut refellendū valet, sed etiam ad refellenda ar-
 gumenta vitiosa, quæ ducta erunt ex similitudine, ut
 si quis hoc argumento utatur, Eiusdem est & menti-

Judiciū
Arbitriū

ri & peierare : contra dici poterit hoc modo, Nō eiusdem est mentiri & peierare. Aliud est enim mentiri aliud peierare, Qui enim mentitur deorum testimonio non abutitur, qui peierat abutitur? Item si quis hoc argumentum adhibeat, Quemadmodum mulieri sine tutore auctore quod debeas, recte soluas, ita quod pupillo debeas recte eodem modo sine tutore auctore potes soluere: id refelli poterit adiuncta negatione, quemadmodum paulò antè Ciceronem fecisse dixi. Hæc etiam ad similitudinis locum transferri licet. Possumus enim vitiosa argumenta dissimilitudinis, similitudine refellere. Quod Cicero in eadem oratione docuit. Nā quod paulò antè argumentum exposui, id refellit similitudine. Dixit enim, inquit, iniuratus Luscio & Manilio, Si diceret iuratus, crederes? At quid interest inter periurum & mendacem? Qui mentiri solet, peierare consuevit, quem ego ut mentiaur, inducere possum, ut peieret exorare facile potero. Nam qui semel à veritate deflexit, hic non maiore religione ad periurium, quàm ad mendacium perducì consuevit, &c. Cicero in Topicis non solum dissimilitudinem, sed etiam differentiam hunc locum nominat. Differentiam autē non ita restrictè accipit, ut Dialectici: sed differentiam appellat id omne quo aliud ab alio quocunque modo differt. Itaque eam quoque differentiam hic locus cōplectitur. Sed aliter atque vulgo solet, ex ea argumētum sumendū est. Hoc enim ducitur, Si quid est hō, id est

Mentiri

Peierare

rationis particeps, Et si quid est animal rationis particeps, homo est: quod firmum est illud quidem, sed ab hoc loco alienum videtur. Sumi autem hic ex ea argumentum eo modo debet, quem paulò antè diximus.

Contraria

Proximus est locus contrariorum. Contraria autem appello cū Cicerone, quæ græci ἀντιθέματα vocant, quæ & Aristoteles & Cicero quatuor in partes distribuunt, in aduersa, quæ græci ἐναντία nominant, in priuantia, negantia illi, in ea quæ illi ἀρρήτητα, nos negantia, & in ea quæ illi τὰ πρὸς ἡμᾶς & nos ea quæ cum aliquo conferuntur, nominamus. Aduersa sunt quæ in eodem genere posita plurimùm inter se differunt, ut virtus & vitium, sapientia & stultitia. Eodem autem in genere poni ea dico, quæ eidem primo generi, aut categoriæ subiiciuntur. Priuantia sunt ea quorum vnum aliquid quod reuera est, (habitum vocant) significat, alterum eius priuationem, ut aspectus & cecitas. Ea autem cum aliquo conferuntur, quæ hoc ipso sunt, quòd ad alia referuntur, ut pater & filius, maius, & minus, duplum & simplū. Negantia sunt ea quorum alteri negatio adiungitur, ut esse & non esse, videre & non videre. Negantia enim utrūque verbum complectuntur, ut priuātia. Atque hæc quidem genera quatuor, quid inter se differant, ex his definitionibus quodāmodo intelligi potest. Iis autem quæ deinceps dicemus distingui poterunt & facilius & subtilius. Eorum quidem quæ cum aliquo conse-

runtur propria est mutua quædam reciprocatio, ut pater filij pater, duplum simpli duplū: aliquid maius minore, & contrā minus maiore dicitur. Cætera enim nō reciprocantur. Neque enim aut bonum mali bonū, aut aspectus cæcitatīs aspectus, aut cursus non currendi cursus est. Aduersorū autē pugna est ppria maxime. Pugna autē ut minimū inter duo quæ sint in rerū natura solet existere. Hæc autē aduersorū pugna ex eo intelligitur, q̄ de ea re quā quasi regionē occupare possum, et solēt: ita disceptāt pertinaciter ut eā simul possidere nō possint. Itaq; cū alterū regnat, alterū id unum agit, ut illud deturbet, in quo genere est uirtus et uitiū, ualetudo & morbus, candor et nigror, aliæque eiusdē generis. Nō enim locus uitio est uirtute dominante: nec morbo, ubi ualetudo regnat. Aduersorum autem duo sunt genera. Alia enim nihil mediū habent, alijs sunt interiecta media quædā. Nihil habent medium, ut ualetudo, & morbus, Aristotelis sententia. Nam medici quiddā mediū reperiunt. Itē par et impar mediū nihil habent. Mediū habent ea, quorū non necesse est alterutrū conuenire, dum modo alterum non insit a natura. ut candor & atror, calor et frigus. Neque enim necesse est corpus esse aut nigrum, aut candidum, quippe cum multe res sint caruleæ, purpureæ, alijsque coloribus infectæ. Tepor etiam inter calorem & frigus interiectus esse dicitur. Quædā autem eorum natura ita conueniunt, ut deleri, tolliq; nullo modo possint. Igni

Aduersorum pugna

Privantia

enim sic natura calorē dedit, ut quādiu viget, cum ab illo nulla vis possit auferre. Privantia hoc à reliquis differūt, quod vnum priuationem alterius sic declarat, ut ipsum posse aliquando conuenire significet. Cæcitas enim non in quauis re quæ aspectu caret, nec semper rectè dicitur, sed in ea demum, quæ apta est ad aspectum recipiendum, eo tempore, quod natura præscripsit. Itaque catuli cæci ante novum diem minime dicuntur. Horum autem quedam nomine simplici, alia nomine iuncto ex in præpositione explicantur. Superioris generis sunt cæcitas, surditas, aliaque eiusdē generis. Posterioris, inhumanitas, impietas, insatiabilitas, & quæ ex ijs ducuntur, ut inhumanus, impius, insatiabilis, & quæ sunt similia. Sed quoniam & aduersa quædā, & negantia ex in præpositione iunguntur, diligenter notanda & consideranda eorum distinctio est. Esse enim eadem quæ duobus modis vel his tribus dicantur, argumento est, quod Cicero in Topicis inhumanitatem numerat in priuantibus, cum nō sit dubium quin in ijs etiam contrarijs quæ aduersa dixi, & in ijs quæ negantia, numeretur. Cum igitur his tribus modis inhumanitas dicatur, quī distingui illi possint, docendum est. Inhumanitas quidem si in negantibus ponatur, aliud est nihil, nisi humanitatis detractio, ut dicatur inhumanitas, non humanitas, & inhumanus non humanus. Sin in priuantibus numeretur, præterquam quod detractiōem humanitatis sē,

gnificat, rem etiam in qua humanitas inesse potest, & tempus quod ad eam recipiendam constitutum est, indicat. Itaque lapides inhumani dicuntur illo modo, hoc non dicuntur. Si autem in aduersis ponatur, ad omnia superiora quandam addit qualitatem, siue habitum, siue uitium, uel certe actionem, quæ feritas nuncupatur. His autem tribus quasi gradibus notatis, facilis erit cæteris eiusdē generis propositis nominibus, distinctionis explicatio. Restant aientia & negantia. Horū propriū est dici in rebus omnibus, tam ijs quæ sunt quā ijs quæ nullæ sunt, ut ualere aut non ualere omnia dicuntur. Ex his enim existunt distinctiones necessariae de quibus libro superiore dictum est. Eorum duo genera ponuntur, unum eorum quæ simplicia sunt, alterum eorū quæ copulata. Simplicia sunt in quibus uerbū nullum ponitur, ut dignus, non dignus, uel indignus: humanus, nō humanus, uel inhumanus. Coniuncta sunt quæ ex uerbo constant, ut, currit & non currit, agrotat & non agrotat. Ea quidē quæ coniuncta uocantur, de rebus omnibus dici facile est ad probandū. Nā cū et ea quæ non sunt omnino, et quæ sunt illa quidem, sed nullo morbo laborant, nō agrotēt omnia, et sola ea in quibus morbus inest, agrotēt: efficitur rem esse nullā omnino tum earū quæ sunt, tum earum quæ nullæ sunt, quæ non aut agrotet, aut nō agrotet. In simplicibus autem id obscurius est, sed tamen uerum, dūtaxat in ijs rebus quæ sunt in rerum natura, ut omnis cultus aut dignus homine est, aut nō di-

gnus. Omnis res aut humana est, aut non humana. Nam ea omnis humana est in qua inest humanitas : inhumana autem uel non humana omnis, quæ priuata est humanitate. Ita lapis est non humanus. Nam si falsum sit lapidem esse non humanum, eum humanum esse uerum erit. Si enim falsa est hæc enuntiatio lapis hic est nō humanus, falsa etiam hæc erit, hic lapis non est humanus. Ita uera hæc erit, lapis hic est humanus, cum sit illius contradicens. Mihi autem non placet hæc dici negantia, Homo & non homo, equus & non equus. Hæc enim tantū probo in nominibus ijs quæ adiectiua dicuntur. His ita constitutis, quæ argumenta ex unoquoq; genere eliciantur, dicendum est. Hoc quidem commune est omnium, quod Cicero quoq; admonuit, contrarijs omnibus contraria non conuenire, ut si pater est Socratis, eius nō est filius. Si ægrotat, falsum est eum ualere. Si ager est, falsum est eum non ægrotare. Si cæcus est, non uidet. Hæc quidem firma sunt argumenta, sed tamen eiusmodi, ut si illud Ciceronis ea tantum complecteretur, non mirabilem copiam, sed miram potius inopiam ad argumētandum suppeditaret hic contrariorum locus. Latius ergo pateat necesse est, quod quale sit, consideremus. Mihi quidē negatio tollēda uidetur, ut sic legamus, Contrarijs omnibus contraria conuenire. Itaque in 5. Tuscul. hunc locum exponit alijs uerbis idem efficientibus, Contrariorum contraria sunt consequentia. Si cui non detrahēda: sed retinēda uideatur, at certe nō dubito, quin ei-

dem id quod dixi probetur. Propositis enim contrarijs uniuscuiusq; generis, non est dubiū, quin si quid uni cōueniat, id alteri non conueniat: sed potius eius contrariū. ut propositis iustitia & iniustitia, quæ sunt in aduersis, si fugienda sit iniustitia, iustitiam sequi oportebit: & si bona iustitia, mala erit iniustitia. In priuātibus hoc modo, Si aspectus sensus est, cæcitas erit sensus priuatio. In ijs quæ cum aliquo conferuntur, ut Si pater genuit, filius genitus est. In negantibus & aientibus hoc modo, Si aspectus est sensus, quod non est sensus, id non est aspectus. Itemq; hoc, Si quod honestum est, id iocundum est, quod non est iocundum, id honestum non est. Ex his omnibus exemplis perspicui posse arbitror id quod dixi, contraria contrarijs conuenire hoc loco esse dicendum, non contraria contrarijs non conuenire. Hoc autem caput his uerbis solet ab alijs exprimi, Si contrariū in contrario intelligitur, & contrarium aliud in alio contrario intelligitur. Quod quoniam obscurum est, planius institui dicere. Cum dicitur, Si cōtrarium in contrario intelligitur, non hoc dicitur, Si contrarium contrario suo conuenit (si enim contraria nunquā eidem simul conueniūt, certe multo minus contrarium contrario suo conueniet) sed hoc significatur, Si quod contrarium contrario alterius cōtrarij conueniat, contrarium etiam alterum cōtrario alterius contrarij conuenire oportere. Vt exempli causa, quoniam iustitia & iniustitia cōtraria sunt, si iustitiæ conueniat aliquod cōtrarium, ut uirtus, ut bonum,

ut expetendum, profecto iniustitia conueniet illius contrarij contrarium, ut uicium, malum, fugiendum. Si enim iustitia bona est, & expetenda, mala & fugienda iniustitia est. Nec uerò firmum est solum in confirmatione argumentum, quod ex omnibus contrarijs ducitur, sed etiam in reprehensione. Itaque hoc etiam caput ponamus licet, Propositis quatuor contrarijs quorum paria sint inter se contraria, si secundum primo non conuenit, nec quartum tertio .i. primi contrario non conueniet. ut si iustitia nō est mala, nec iniustitia bona erit. uel si iustitia non est expetenda, nec iniustitia erit fugienda. Valet igitur in utranq; partem hic locus. Quoniam autem non solum contrarijs, sed etiam non contrarijs contraria conueniunt & non conueniunt, & contrarijs non contraria: alia etiam duo capita quasi perspicua tradi possunt, à quibus argumenta quæ ex hoc loco sumentur, fidem petent. Vnum hoc erit, Si cui unum contrariorum conueniat, ei alterum non conuenire. Alterum, Si quid uni contrariorum conueniat, id alteri non conuenire. Sed in multis eadem aut diuersam conueniendi rationem spectari necesse est, ut in negantibus nō est hoc firmum argumentum, Si Socrates pater est, non est filius, nisi intelligamus quæ ex parte pater est, ex ea non esse eum filium. In cæteris cōtrarijs ualet, ut, Si Socrates sapiens est, non est stultus. Si fecit eadem, eum non fecisse defendere non debes. Si stat sol, non mouetur. Alterius capitis exempla sunt eiusmodi, Si uirtus perficit eum in quo

est, initium cum in quo est non perficit. Si aspectus est sensus, cecitas non est. In cæteris non est semper firmum argumentum. In negatibus enim, Si id quod honestum est, delectationem affert, non continuo sequitur, id quod non honestum est, non afferre delectationem: sed contraria. Ac in generis quidem & accidentis quaestionibus & enunciationibus, infirma sunt argumenta ducta ex negantibus: in cæteris autem ualent. ut Si honestum est quod decet, falsum est, id quod non est honestum, decere. In ijs etiam quæ cum aliquo conferuntur, non ualet, nisi in ijs quorum rationes misceri non possunt, cuiusmodi sunt dominus & seruus. ut si dominus imperat, seruus non imperat. Neque enim in alijs ualet, ut non sequitur si pater genuit, filium non gignere, quoniam non repugnat eundem filium esse & patrem: repugnat autem eundem dominum & seruum esse eodem tempore. Sed non erit alienum, quæ ac quot argumentorum genera in singulis contrariorum generibus ualeant, exponere. Duo quidem sunt argumentorum genera quæ ex contrarijs, negantibus & priuatis duci possunt. unum est quod eodem quo propositum est uerborum ordine: alterum quod conuerso ordine concluditur. Superius genus Aristoteles uocat τὸ ἐπὶ αὐτὰ. posterius τὸ ἀνὸς παλιν. Vtriusque generis exempla ponam, quod res sit illustrior. Prioris generis tale est, Si iustitia est expetenda, iniustitia fugienda est. In hoc exemplo idem consequentis ordo est, qui antecedentis, quoniam duo inter se contraria in utraq;

enunciatione subiūciuntur, & alia duo dicuntur. Posterioris generis exemplum est eiusmodi, Si firma corporis constitutio est bona ualētudo, morbus est infirma constitutio corporis. Vides in hoc exemplo mutatum contrarium ordinem, cum eius quod in antecedente subiūciebatur, contrarium, sit attributum in consequente. Vtrunq; autē genus rursus in partes duas distribuitur. Vtrunq; enim uel nominibus finitis, uel infinitis tractari potest. Finita autem nomina & uerba sunt, quibus non negatio, uel in præpositio idem efficiens non adiungitur. Infinita quibus adiūgitur. Prioris generis multa iam exempla subieci. Posterioris autē partes due sunt. Nam aut in antecedente nomina infinita, id est negātia collocari possunt, aut in consequente. In antecedente, sic, Si id quod non est iocundum nō decet, id quod decet, est iocundum. In consequente conuerso enunciationum ordine, Si id quod decet, iocundum est, id quod non est iocundum, nō decet. Nunc an hæc duo argumentorum genera firma sint in omnibus contrarijs, dicendum est. In ijs quidem quæ aduersa dixi, ualet utrunq; sed non in omnibus. Id enim genus quod eodē ordine tractatur, hic tum deniq; ualet, cum generis, proprij, & definitionis existūt quæstiones. ut si quærat, sit ne uitij ignauia, id doceri poterit hoc modo, ex cōtrario, Fortitudo est uirtus, ignauia ergo uitium est. In accidentis autem quæstionibus non est firmum argumentum, nisi in ijs quæ inseparabilia dicuntur, id est quæ semper rei conueniunt. ut si quærat,

Nōia, et uerba finita, et infinita

Sit ne fugienda iniustitia ; id probare licebit ex contra-
 rio hoc modo, Si iustitia expetenda est, fugienda est in-
 iustitia. In accidentis enim quod separari potest qua-
estronibus infirmum est argumentum. Neque enim si id
 quod album est comedit, idcirco id quod nigrum est,
 abstinet. Magna autem hic adhibenda est cautio. Neq;
 enim aliter semper ex contrario huius generis contra-
 rium concludetur eodem uerborum seruato ordine. Ve
non sequitur, si auaritia sit uitium, prodigalitem esse
uirtutem, cum interim uitium & uirtus, auaritia &
prodigalitas sint inter se contraria. Cum igitur dicimus
 ex contrario quod aduersum Cicero appellat, argumē-
 tum esse firmissimum, ea duo contraria excipimus quae
 tertio continentur, cuiusmodi sunt auaritia & prodiga-
 litas, quae uitij nomen complectitur. *Auaritia*
Prodigalitas
 Argumenti autem eius quod ex enunciationibus constat in quibus uer-
 borum ordo est conuersus, admodum rarus hic usus
 est, propterea quod & fere eodem ordine tractatum
 ualet, & in accidentibus quae separari possunt, nun-
 quam ualet. Quod si quando firmum sit, tum erit deniq;
 cum erunt quatuor aduersa eiusmodi, quoru secundum
 primi erit consequens, quartum autem tertij non erit.
Exempli causa, non sequitur, Si mali sint miseri, bonos
continuo esse beatos, sed contra beatos bonos esse. Hac
 autem Peripateticorum est sententia, quam Cicero in 5.
 Tuscul. Stoicorum hac conclusione reprehendit, Quid
 cum fatentur satis magnam uim esse in uitij ad miserā

uitam, non' ne fatendū est eandem uim in uirtute esse ad beatam uitam? Contrariorum enim contraria sunt consequentia. Atque hæc quidem de aduersis dicta sint. In negantibus autem contrā solum argumenta ualent, quæ conuerso uocabulorum ordine tractantur. Neque enim si iustitia est uirtus, continuo id quod non est iustitia uirtus nō est. Nam & temperantia uirtus est, & prudentia, & fortitudo. Quæ autem eodem contrariorū ordine hic explicātur, leuia sunt omnia, nisi, ut paulò antè dixi, in proprij & definitionum quæstionibus. idq; fit propterea quod propria & ea quorū sunt propria, definitiones & res quas definiendo aperimus, concludendo reciprocantur. Quoniam enim omne quod natum est ad disciplinam homo est, & omne quod homo est, natum est ad disciplinam, efficitur, ut quod non est natum ad disciplinam, id non sit homo. Hoc autem loco id notandum est quod paulò suprā dixi, semper siue negantia antecedant, siue aientia, sequi conuerso ordine conclusionem. Nihil enim interest utrum concludamus hoc modo, Si id quod non est bonum, non est uoluptas, uoluptas est in bonis: an illo, Si uoluptas est bonum, quod non est bonum, id non est uoluptas. In priuantibus id solum argumentum ualet, quod eodem uerborum ordine tractatur. ut si uiui sentiunt, mortuos sensus priuatio consequitur. Si uita sit sensus, mors est sensus priuatio. Longa est apud Platonem in Axiocho de morte disputatio, quam Cicero in prima Tusculana expref-

su. In ea fere argumenta ducuntur ex privatis. Magna autē hic quoque cautio adhibenda est ne fallamur. Si enim privantia duo ponantur, quæ tertium contineat, aut sequatur, nulla erit conclusio. Neque enim si is qui despiciit vivit, propterea is qui cæcus est, est mortuus. quoniam omnes qui vidēt, & qui cæci sunt, in vita manent. Hoc etiam argumētī genus solum in ijs valet, quæ cum aliquo conferantur. Eius exemplum tale est, Si patris est præesse, est parēre filij. Si duplum maius est, minus est sumplum. Hoc genus argumentorum sæpe in disputationē incidit, ut si deditus est, receptus est. Cicero in Topicis, Quo in genere etiam Mancini causa defendi potest, postliminio rediisse, dedium non esse, quoniam non sit receptus. Nam neque deditionem neque donationem sine acceptione intelligi posse. Item si quis accipit iniuriam, aliquis fecerit necesse est. Et contrā, si quis fecit iniuriam, aliquis etiam accepit. Huius enim generis argumenta omnia reciprocantur. Sed plurimus est eorum usus quæ ex ijs contrarijs ducuntur, quæ appellatur adversa. Cicero in libro de Amicitia, Quod si curam fugimus, virtus fugienda est, quæ necesse est ut cum aliqua cura res sibi contrarias aspernetur atque oderit, ut bonitas malitiam, temperantia libidinem, ignaviam fortitudo. Itaque videas rebus iniustus iustos maxime dolere imbecilibus fortes, flagitiosis modestos. Ergo hoc proprium est animi bene constituti, & letari bonis rebus, & dolere contrarijs. Atque hac conclusio ex eo

firma est, quòd uni rei contraria non conueniunt. Hoc autem genus argumètorum saepe cum eo cohaeret quod existit ex coniugatis: id quod Aristoteles in secundo libro Topicorum tradidit. Cicero in 2. lib. de Oratore, Si Gracchus nefariè, praeclare Opimius. In oratione pro Rabirio, Si interfici Saturninum nefus fuit, arma sumpta esse contra Saturninum sine scelere non possunt. Nec uerò id in aduersis solum uerū est, sed etiam in ijs quae cum aliquo conferuntur, ut, Si docere pulchrum est, non est uitiosum discere. Cicero in Oratore ad Brutū, Nam si uitiosum est dicere ornate, pellatur omnino è ciuitate eloquentia. Sin ea non modò eos ornat penes quos est, sed etiā uniuersam remp. cur aut discere turpe est, quod scire honestum est, aut quod nosse pulcherrimum, id nō gloriosum docere? Paulò infra, Num igitur aut latere eloquentia potest, aut id quod dissimulat, effugit, aut est periculum ne quis putet in magna arte & gloriosa, turpe esse docere alios, id quod ipsi fuerit honestissimū discere? Quinetiam in his permixta sunt aduersa cum ijs quae cū aliquo conferuntur, ut intelligamus ex contrarijs non modo simplicia argumenta elici posse, quibus singula, sed etiam coniuncta, quibus duo uel etiam plura eorum genera persequamur. Atque ut hunc aliquando contrariorū concludamus locum, scire nos oportet, quatuor illa quæstionum genera in eum incurrere. In quo id notandum est, quod saepe admonui, nos cum argumenta ex eo depromere uolemus, id facere posse multis

modis. Sed tamen hoc loco id nobis licet pluribus. Nam
 & ex attributi, & ex subiecti cōtrario, & ex utrius-
 que contrarijs simul argumenta possumus elicere. Ex
 attributi contrario tum cum locus erit huic loco cōmuni,
 Eidem contraria non cōuenire, ut si queratur, An ter-
 ra moueatur: id refelli poterit ex priuantibus hoc mo-
 do, Terra stat, non mouetur igitur. Quod in aduersis in-
 firmum erit, nisi sint eiusmodi, quæ medium nihil reci-
 piant. Ex rei autem subiectæ contrario ducetur, cū usus
 erit illius capitis, Contrarijs idem non conuenire. ut si
 queratur, Sit ne expetēda iniustitia? Refelli poterit hoc
 modo, Iustitia expetenda est, non igitur iniustitia. Ex
 utriusque contrarijs sumetur, cum locus erit huic capiti,
 Contrarijs contraria conuenire: quod tum denique in-
 cidet, cum tam subiecta quàm attributa res contra-
 rium habebit. ut si hæc quæstio ponatur, Sit ne iniusti-
 tia fugienda? sic confirmabitur, Si iustitia expetēda est,
 fugienda est iniustitia. Quatuor autem generum quæ-
stionum exempla si quis requirat, erunt eiusmodi. Ge-
 neris quidem, Sit ne fortitudo uirtus? quod probabitur
 hoc modo, Ignauia uitium est, uirtus igitur fortitudo.
 Proprij tale, Sit ne iustitiæ sanctam seruare societatem?
 certè. iniustitiæ enim est eam labefactare. Definitionis
 eiusmodi, An uirtus sit habitus rationi consentaneus?
 prorsus. Est enim uitii habitus a ratione abhorrens & *Soluti*
 auersus. Accidentis sunt hic plena omnia. Nam quo-
 niam contraria omnia accidentibus continentur, serè hic

triplicis generis plena sunt Ciceronis orationes ea, quæ in coniectura cernuntur, quæ quoniam ad institutum nostrum nihil pertinent, sciens præteribo, ut ad ea veniam, quæ sunt artis instituta. Proximus est locus antecedentium, consequentium & repugnantium. Antecedentia quæ eadem in 2. de Oratore præcurrentia Cicero appellat, sunt ea quæ rem necessario antecedunt, ut iustitia semper uirtuti antecedit, & iniustitia uitio. Consequentia sunt quæ rem necessario consequuntur, ut totius uirtutis interitum, sequitur iustitiæ interitus. Hæc autem consentanea in 2. de Oratore Cicero nominat. Repugnantia autem sunt ea quæ nunquam cum re coherere possunt, *μαρτυρεῖται* græcè dicuntur. Horum trium repugnantia difficillimè intelligi, distinguere possunt. Nam primum superiora duo, antecedentia dico & consequentia, cum in formis & generibus tum in contrarijs spectantur. Repugnantia autem fusa sunt fere per omnes argumentorum locos. Deinde illa ex eo faciliora sunt, quòd si quid cum quaq; re necessario cohereret, minime errabit, qui id uel antecedens si præcurrat, uel consequens, si sequatur, appellauerit. At si quis ea quæ nunquam cum re coherent, repugnantia dixerit, uehementer errabit. Stare enim & moueri, uigilare & dormire, ualere & egrotare, & si quid eiusmodi nunquam cum re coherere possunt, cum interea in repugnantium numero minime habeantur. Vult enim Boëthius repugnantia esse contrariorum consequentia,

Antecedentia

Repugnantia

ut uigilare & dormire contraria sunt: somnum sequitur
 stertere, & uigilare, scribere, currere, aliæq; actiones
 innumerabiles. Ita stertere & scribere erunt repugnā-
 tia. Quamquam Aristoteles & eius interpres Ale-
 xander longe aliud sentiunt. Volunt enim ea esse repu-
 gnātia, quæ nunquam cum re possunt coherere. Verba
 Aristotelis subiicienda censui, quò res esset testator.
 In 2. Topicorum libro scribit his uerbis, In ijs autem
 rebus, quarum alterutra inest necessario, ueluti in ho-
 mine uel morbus inest, uel ualendo: si de altero, magna
 nobis ad disputandum copia suppetet in utranque par-
 tem, de altero quoque suppetet. Quod ad utranq; par-
 tem trahi potest. Si enim alterum conuenire doceamus,
 alterum non conuenire docebimus: & si unum non cō-
 uenire docebimus, alterum demonstrabimus conue-
 nire. Quo hic locus nomine appellandus sit, Alexan-
 der docet his uerbis, ἐκ δὲ πλείους πινὰς ὅπως ἴθι ἀνα-
 λυθὶς διὰ κατὰ σκευαστικὸς, μὴ τὰ αὐτὰ παρὰ δὲ ἰδῶσι
 τὸ πρὶν ἐκ πολλῆς κατὰ σκευαστικόν τε καὶ ἀνασκευαστι-
 κόως, id est, Expofitis nonnullis locis ex consecutione,
 qui ad confirmandum ualent: deinceps locum ex repu-
 gnantia tradit, qui & in confirmatione firmus est, &
 in reprehensione. Nos igitur hoc in loco exponendo,
 Aristotelem & Alexandrum sequemur. Rei autem
 aperiendæ causâ hanc primam diuisionem ponemus, ut
 dicamus alia esse consentanea, alia dissidentia & re-
pugnantia. Consentanea ea, quæ cum re necessario cō-

consentanea

hærēt, quorum duo sunt genera, aliud eorum quæ rem necessario antecedant, aliud eorum quæ rem consequantur. Repugnantia ea, quæ cum re nunquam possunt coherere, nec antecedendo, nec consequendo. Consentanea græcè σύμφωνα, & σύλογα dicuntur, antecedētia τὰ ἡγούμενα, consequentia ἀκόλουθα & ἐπόμενα. Quamquam ἀκόλουθα & μαχόμενα Aristotelis sententia inter se contraria uidentur. Neque enim locum antecessoris ullum ponit, & cum illum consequentium exposuit, deinceps repugnantia persequitur. His ita positis, nunc de huius loci inuentione dicamus. Valeret quidem hic locus & in confirmatione & in refutatione. In confirmatione propterea quod cui antecedens aut consequens conueniat, aut non conueniat, repugnans, ei consequens, & id quod consequentis est consequens, aut repugnans conuenire oportet. Quæ hoc modo distinguere possumus, Si quod antecedens rei cuiuspiam conueniat, ei etiam id quod eius est consequens conuenire: Si quod cōsequēs in rem aliquam cadat, in eam etiam cadere id quod est antecedens. Si duobus propositis repugnantibus, alterum rei conueniat, repugnat conuenire alterum. In refutatione autē hoc modo exprimi debent, Cui non conuenit antecedens, nec consequens conuenire. Cui consequens non conueniat, eidem non conuenire antecedens. Cui non conueniat unum repugnantium, eidem alterum repugnare conuenire. Nec uerò hæc solum capita ad hunc locum adhibētur, sed hæc etiam, Si

Repugnantia

antecedenti quid conuenit aut non conuenit, id eius con-
sequenti cōueniat, aut non conueniat necesse est. Si con-
sequenti alicuius rei quid conueniat, aut non conueniat,
id antecedenti conuenire aut non conuenire oportere. Si
quid in unum repugnantium cadat, id in reliquum non
conuenire, aut contrā, si quid non cadat in unum, id cō-
uenire in alterum. Horum omnium exempla ponamus,
ne praeceptorum multitudine res uideatur obscurior. Si
quaratur, An iustitia sit expetēda? docebitur hoc mo-
do, Ab antecedentibus, Si praeiis afficere bonos ex-
petendum est, iustitia expetenda est: praeiis autem af-
ficere bonos expetendum est: iustitia igitur est expe-
tenda. Ex consequentibus hoc modo, Si uirius expe-
tenda est, & iustitia est: Virtus autem est expetenda.
Iustitia igitur est: In paucis autem ex consequentibus
ductum argumentum confirmando ualeat. Ex repugnā-
tibus sic, Non & afficere praeiis bonos expetendum
est, & non est iustitia expetenda: Afficere autem prae-
iis bonos optandum est: Iustitia igitur expetenda est.
Hac argumenta fidē habent à posterioribus capituli-
bis: quod si quid antecedenti et consequenti conueniat,
idem consequenti & antecedenti cōueniat necesse est.
Hac enim duo, praeiis afficere bonos, et iustitia, eius-
modi sunt, ut prius sit posterioris antecedēs, et posterius
prioris consequens. Afficere enim bonos praeiis pars
est quaedam iustitiae. Alorum etiam duorum virtus
consequens est iustitiae, iustitia virtutis antecedens. Et

hæc duo pugnancia sunt, præmijs afficere bonos expectandum est, Iustitia nō est expectēda. Atque hæc quidē à posterioribus ut dixi, capitibus fidē petūt. Quæ autē sequūtur, à prioribus. Sit hæc quæstio posita, Sit ne intemperantia habitus? cōfirmari ea poterit, primū ab antecedentibus hoc modo, Si intemperantia vitium est, intemperantia etiam habitus est: primū autem est: secundum igitur. Deinde à repugnātibz (nam à consequentibus non potest) hoc modo, Non est intemperantia vitium est, et non est intemperantia habitus: primū autem est, secundum igitur. Eodem modo in refutatione doceri potest. Vt autem hæc argumenta facile inueniamus, proposita quauis quæstione, si ab antecedentibus velimus ducere, videndū erit, quid vel rē subiectam vel attributā antecedit: si à consequētibz, quid sequatur: si à repugnātibz, quid eis repugnet. Quo inuenio, facile erit quod volumus concludere. Antecedunt quidem species genera in confirmando. De antecessione enim et consecutione in concludendo, non de rerum antecessione et consecutione hoc loco disputamus. Quod hinc sciri potest, quia cū genera natura ordine formis antiquiora sint, tamen hoc loco ea sunt formarum consequentia. Genus etiam ac differentiā antecedit definitio, propterea quod ex genere et differentiā constat tanquam ex partibus. Iam species proprio cuius est species antecedit non solum consecutione, sed etiam natura ordine. Quanquam utrunque alterius est:

consequens. Differentia autem veterum sententia solū est antecedens: Proprium verò generis est antecedens & differentia. Nam definitionis tum est antecedens, tum consequens. Ac de his quæ antecedunt quāque rem in concludendo, dictū est. De consequentibus autem, hoc intelligendū est, ea omnia quorū alia antecedētia sunt, eorum ipsa esse consequentia. Itaque genus tum speciei, tum definitionis, tum proprii consequens est. Quoniam autem duplex est differentia, una quæ genera in suas partes tribuit, altera quæ speciem ipsam conficit, eas quidem differentias genus sequitur, quæ ipsum diuidunt, eas autem quæ species efficiunt, antecedit. Nam si animal est, animata natura est, corporea est, natura est sentiens. Contrā nō si animata natura est, idcirco animal est: nec si corporea natura est, continuò animal est. Si autem natura est sentiens, etiam animal est. Itaq; vtrunque horum alterius est consequens. Itemque si animal est rationis particeps, aut eius expertus, etiam animal sit necesse est. Omnes enim formarum effectrices differentia, formarum vim obtinēt. Species autem definitio & proprium eiusmodi sunt, vt aliorum alia & antecedentia sint, & consequentia. Sola autem accidentia per se nec antecedūt superiora, nec sequuntur, nisi ea quæ in certa forma, aut genere reperiuntur, nec tamen omnia eius generis, sed ea demum, quorum alterutrum necesse est conuenire. Neque enim si quid album est, homo est: neque contrā, si quid homo, id albū

Differentia dup^x est

est. quanquam in certis rebus id consequi nihil prohibet, sed in ijs demum quæ separari non possunt, ut si Aethiops est, niger est: & si nix est, alba est: & si ignis est, calidus est. Quorum autem alterutrum conuenit necessario, eorum alterum est antecedens eius rei in qua solet inesse. Si quid enim agrotat, aut valet: vigilat, aut dormit, id animal est. Repugnantius autem duo sunt genera prima, vnum eorum, quorum vtrunque ait, ut dormire & vigilare, stare & moveri, agrum esse & valere, & si qua sunt generis eiusdem. Atque hæc fere sunt aduersa vel priuantia, uel eorū quæ cum aliquo conferuntur, vel eorum consequentia. Alterum autem genus est eorum, quorum vnum ait, alterum negat, quod genus patet latissimè. Complectitur enim verba omnia, adiuncta negatione. Quod duobus modis fieri potest. Nam & eidem verbo quod ait, adiungi potest, & non eidem, ut ambulare eundem, & non ambulare repugnat. Non eidem, ut virtutem expetendam esse, vitium non esse fugiendum repugnat. Itemque rectè accipere, & non rectè retinere: bona fide emere, & non bona fide possidere. Quanquam hæc duo posteriora ad prius genus pertinent. Genus autem eorum quorum vnum ait, alterum negat, facile inueniri potest. Propositis enim duobus, quorum vnum alterius sit consequens, si consequenti negatio addatur, erunt repugnantia, velut currere & moveri ita sunt affecta inter se, ut currere sit antecedens, consequens moveri.

Itaque adiuncta consequenti negatione repugnabunt. Repugnat enim eundem currere, et non moueri. Si autem consequentia efficiant in enunciationibus ea quæ subiecta vocantur, præposita antecedenti negatione, idem continget, si modo consequens in totum dicatur ut, Non & omnis virtus habitus est, & iustitia non est. Repugnantia autem ea quorum utrūque ait, ubi querenda sunt paulò antè dixi. Sunt enim vel in aduersis ut vigilare & dormire, valere & egrotare: vel in ijs quæ cū aliquo cōferuntur, ut rectè accipere, et inuitum reddere. In priuātibus, ut stare & moueri, caciū esse, & despicere: vel in eorum consequentibus, vel adiunctis potius, ut dormientium, stertere consequens est: uigilantiū, scribere, legere, et cætera actiones quæ in dormientibus reperiri nullo modo possunt. Ex quibus duplex oritur repugnantia. Nam & consequentia illorum inter se pugnant, & consequens utriusque cū altero contrario. Non enim solū stertere et legere repugnant, sed legere etiam & dormire, & stertere atque vigilare. Hac autem quoniam suapte natura secum pugnam, non requirunt negationem ut priora, ad efficiendam repugnantia, quinetiam si adiungatur alterutri, omnem litem pugnamque dirimet. Itaque non modo hæc, Non & dies est, & nox non est, non repugnant, sed inter se etiam consentiunt. Quapropter sine negatione ex ijs ducendū argumentum est hoc modo, Non & dies est, & nox est: primum autem, non igit-

tur secundum. Alio etiam quodam genere tractari potest cum negatione, Si dies est, non est nox: est autem dies: nox igitur non est. Ac repugnantium quidem argumenta ab ijs quæ à consequentibus & antecedentibus sumuntur facile internosci possunt: ea autem quæ ab antecedentibus ducuntur, difficiliter à consequentiis conclusionibus separantur. Itaque quoniam quemadmodum ipsa inueniri possent, & ubi, demonstratum est: nunc sequi videtur, ut de argumentorum dissimilitudine differam. Antecedentium quidem & consequentium argumenta à dialecticis per cōnexa tractari solent: tumque hoc differunt, quòd in antecedentium argumentis quod primum est in connexo, id primum sumitur & consequitur id quod annexū est. in consequentibus autē contrā quod secundū est in annexo, sumitur, & id quod primū est consequitur. Vt hac argumentatio, Si afficere pœna improbos utile est, iustitia est utilis: Afficere autem improbos utile est: Iustitia igitur utilis est: hac inquam argumentatio, ab antecedētibus ducitur, quoniam hoc totum, Affici pœna improbos utile est, ut primū est in connexo, sic sumitur. Est enim antecedens iustitiæ, quoniam eius quædā pars est. Quæ autem sequitur, est à consequentibus, Si iustitia est malum, virtus malum est: nulla est autem uirtus malum: iustitia igitur malum non est. Quod ut ita esse concedā, tamen non video cur non hæc sit ab antecedētibus argumentatio, Si omnis voluptas est bonum, venerea bo

*Antecedentiū et
consequentiū arg.^{ta}*

num est: venerea autem bonū non est. non omnis igitur voluptas est bonum. Et hæc à consequentibus, Si virtute nemo abuti potest, iustitia nemo abuitur: virtute autem abuti nemo potest: iustitia igitur nemo abuitur. Et tamen in superiore id quod posterius est, & in posteriore superius sumitur. Non igitur hæc ita discernuntur, sed si id sumitur quod antecedens est, ut concludatur consequens, ab antecedentibus ducetur: sin consequens sumatur ut antecedens concludatur, erit à consequentibus. Hoc autem intelligendū est, cum genera dixi consequentia esse formarum, id verum esse, quādo non vniuerse in totumq; dicuntur. Nam si omnino dicantur, antecedentia sunt. Si enim omnis virtus expetenda est, & iustitia est. Et si nulla virtus fugienda est, nec fortitudo. Atque hoc vnum genus est tractandorum argumentorum à consequentibus. Aliud autem genus sine connexis tractatur, ut est illud Stoicorū, quod Cicero in quinto lib. questionū Tusculanarum explicat his verbis, Etenim quicquid est quod bonum sit, id expetendum: quod autem expetendum, id approbandum: quod verò approbaris, id gratum acceptumque habendum. Ergo etiam dignitas ei tribuenda est. quod si ita est, laudabile sit necesse est: bonum igitur omne est laudabile. Ex quo efficitur, ut quod sit honestum, id sit solum bonum. Atque hæc quidem à consequentibus est, ut dixi, argumentatio: vitiosa autē est propterea quod coaceruatus sit quædā ratiocinatio, quæ

gradatim non sumpto eo quod necesse est, eò quò vult
 peruenit. Nam cum id quærat, Sine quod sit hone-
 stum, solum bonum? sumendum fuit, omne quod lau-
 dabile est, id esse honestum. Vt sic breuiter conclude-
 retur, Quicquid est quod bonum sit, id est laudabile:
 quod autem laudabile est, id omne honestum est: quic-
 quid igitur honestum est, id est solum bonum. Qua in
 conclusione sumptio illa falsa, Quod laudabile est, id
 omne est honestum. Neque enim id quod honestum est
 eius est consequens quod valet ad laudem, sed contra
 honesti laudabile est consequens, Omne enim quod ho-
 nestum sit, est laudabile. His igitur duobus modis con-
 sequentium argumenta tractari possunt: nec consequen-
 tium modo, sed aliorum etiam locorum: quemadmodum
 proximo libro docebimus. Ne autem consequentia fal-
sa pro ueris approbemus, cautio magna adhibenda est.
 Duo enim sunt genera consequentium: unum eorū quæ
 semper eueniunt, quæ hoc loco tractamus, quemadmo-
 dum ex eorum definitione perspicui potest: Alterū co-
 rum quæ non semper: quod genus ne nos fallat, proui-
 dere debemus. Hoc modo ali antecedens est, & au-
 geri consequens. Neque enim qui alitur semper crescit.
 Itaque vitiosa est hæc argumentatio, Si alitur animal,
 crescit: alitur autem, crescit igitur. In senectute enim
 homo alitur, nec crescit, sed decrescit potius. Eodem in
 genere versantur disciplina & scientia, itemq; memo-
 ria & sciētia. Neq; enim qui discit, simul etiā ac sem-

Consequentium gēra duo

per scit: nec qui scit, cōtinuò aut necessariò recordatur.
 Ut igitur et iā hæc vitemus, notāda sunt nobis duo ge-
 nera consequentium, quæ paulò antè exposui, quæque
 ita explicari etiam possunt, ut alia dicamus simul con-
 sequi, alia posterius. Veluti simul atq; ortus est homo,
 animal est, & rationis particeps: scientia autē poste-
 rius sequitur disciplinā. Neque enim simulatque crudi-
 tus est aliquis bonis artibus, ijs etiam est præditus.
 Quamquam si ea teneamus quæ de huius loci inuēio-
 ne diximus, non magnopere hæc desiderabimus. Hic
 autem locus in omnia quæstionū genera conuenit. Ge-
 neris enim quæstio tractari potest, ut si queratur, Siue
 iustitia virtus? Ab antecedentibus confirmabitur hoc
 modo, Si afficere præmijs bene meritos virtus est, iu-
 stitia virtus est: primum autem est: secundum igitur.
 Quod in cæteris etiam demonstrari potest. In omnibus
 autem quæstionibus, vel confirmandis uel refellendis,
 argumenta vel ex attributæ, vel ex subiectæ rei tum
 antecedentibus, tum consequentibus, tum repugnantia-
 bus elici posse & iam dictum est, & ex ijs capitibus
 quæ initio huius loci posui, intelligi licet. Alia enim ar-
 gumenta ad ea quæ ex subiectæ rei, alia ad ea quæ ex
 attributæ rei antecedentibus aut alijs duobus sumantur,
 accommodata sunt. Sed tamen exemplum unum ponam,
 qui res sit illustrior. Sit posita hæc quæstio, Siue om-
 nis uirtus expetenda? ex subiectæ rei antecedente do-
 ceri potest hoc modo, Si omne bonum expetendum est,

Virtus etiam omnis expetenda est: primum autem est: secundum igitur. Ex rei autem quæ attribuitur antecedente, hoc modo, Si omnis virtus laudabilis est, omnis virtus expetenda est: Est autem virtus omnis laudabilis: Expetenda igitur est. Idem confirmari potest & consequentium, & repugnantium locis. Quæ eadem ad refellendum quid adhiberi possunt. Hunc enim locum in utrâque partē valere dixi. Itaque qui aliquid confirmare uolet, exēpli causa à consequentibus, is diligenter videre debet, quid rem vel subiectam vel attributam semper sequatur, & ex eo quod vult concludere. Qui autem refellet, uidebit quid aut nō conueniat omnino, aut non semper conueniat. Hoc enim sumpto, id quod agitur refutabit. Quoniam autem cōfirmationis iam multa exempla posui, vnum ponam refutationis. Ponatur hæc quæstio, Sitne voluptas omnis in bonis, eam refutari licebit hoc modo, Si voluptas omnis est bonum, voluptas libidinosorum est bonum: Non est autem libidinosorum voluptas bonum: Non est igitur omnis in bonis voluptas.

Sequuntur duo loci inter se iuncti, quorum prior est rerum efficientium quæ causæ vocantur: posterior rerum effectarum, quæ effecta dicuntur, & effectus. Primum de causarum loco disseramus. Græcè ἀπὸ τῆς αἰτίας, & ἀπὸ τῆς πηγῆς dicitur. Causa est, quæ vi sua aliquid facit, aut adiumentum ad faciendū aliquid affert. Causarum enim genera duo sunt, vnu

causæ græcè duo

quod vi sua aliquid efficit, ut sol illuminat. Alterum quod vim efficiendi non habeat, sed sine quo res effici non possit. Superius genus propriè causa efficiens appellatur: posterius materia, siue causa materialis. Vtrunque genus rursum in multas partes distributum est. Efficientium enim causarum alie planè & certè efficiunt, nulla re adiuuante, ut sol lucet, ignis incendit & urit, virtus bonos eos in quibus est efficit, sapientes sapientia, temperantia temperantes ceteraque virtutes, & vitia omnia. Alie sunt quae adiuuari volunt, ut virtus sola non efficit beatum, ut Peripateticis placet, sed corporis et fortunæ bona desiderat: actiones virtutum, siue recte facta non efficiunt sola virtutes, sed hominis etiam operam requirunt. Illæ αὐτὰ ἐνδρῶν τὰ κατὰ ἀνθρώπου, hæ σωματικά dicuntur. Earum etiam quæ naturam efficiendi non habent, partim nihil omnino agunt, ut locus constitutus, tempus, materia, instrumenta, & quæ sunt generis eiusdem: partim per se adiuumentum afferunt, & antecessorem, ut aspectus flagitio causam affert plerunque. hæ græcè σὺνδρῶνα vocantur. His etiam alias partitiones adijcere possumus, quas Ciceronem ab Aristotele mutuatum esse magna ex parte in Topicorum commentarijs docui. Alie enim sunt quæ ita necessario suum opus efficiunt, ut nulla in eo appetitio, nulla voluntas, nulla opinio intelligatur, ut omne interire quod ortum est. Alie autem aut voluntate efficiunt, ut homines student, curunt, ambu-

lant: aut perturbatione animi, ut beluæ impetum faciunt etiam in notos: ut homines qui ira aut aliqua alia animi perturbatione incitati, alijs nocent, alios interficiunt: aut habitu, ut si quis facile & citò irascatur: aut natura, ut morbus in dies crescit: aut arte, ut si quis bene disferat, aut bene dicat: aut casu, ut si quis thesaurum fodiens inueniat. Eorum autem vnumquodque definitione aperiendum est. Quoniam voluntas est boni cū ratione appetitio, eā sola causa voluntate id quod sub eas subiectam est, efficiunt, quæ aliquid cum ratione desiderant: in quo genere primum deus est, deinde angeli, tum animi & homines. Perturbatione autē ea quid efficiunt, quæ suos habent motus & appetitus, nec rationem sequuntur ducem. Quod duobus modis fieri potest, aut quod rationis sint omnino expertia, cuiusmodi sunt beluæ: aut quod si ratione utantur, eam tamen in agendo vel non consulant, vel si consulant, aut negligant, aut aspernentur, quales homines sunt. Et si enim rationis sunt participes, tamen sæpe eam ducem in gerendis rebus non sequuntur, sed vel aspernantur eā, vel negligunt, vel etiam in consilium non adhibent. Habitu autem ea quid faciunt, quæ ob eā causam gerunt aliquid, quia id sæpe fecerint. Habitum enim hic consuetudinem appellari existimo, ut qui sæpe irascitur, quandam procliuitatem ad iram comparat, qua facile & citò irascitur: & qui sæpe dicit aut disputat, facilitatem quandam dicendi & disputandi assequitur.

Cōsuetudo
Natura

Natura verò ea quid facere dicuntur, in quibus causa eorū quæ sūt sic certa, et definita est, ut vel semper vel plerunque eodem modo fiant: ut animalia omnia natura expectunt quæ prodesse possint, fugiuntque contraria. Hoc autem consuetudo à natura differt, quòd consuetudo aduentitia est, natura innata & insita. Ex quo intelligitur, ea quæ consuetudine faciunt aliquid, propterea facere, quòd id saepe agendo aduentitium quid receperint: ea autē quæ natura quid faciant, quòd innatum hoc illis est, non assumptum. Cum autem consuetudo naturam imitari dicitur, & altera natura vocatur, in eo vis agendi spectatur, quòd quemadmodū natura eorum est, ut dixi, quæ aut semper, aut fere eueniunt, sic consuetudo. Arte autem ea quid perficiunt, quæ certis quibusdam præceptis ad vnum finem spectantibus in faciendo vtuntur. Hoc enim inter eos qui consuetudine, & eos qui arte quid efficiunt, interest, quòd illi causam cur ita eueniat, nesciunt, hi sciunt. Casu autem ea quid facere dicuntur, quæ ea faciunt, quorum nec certa definitaque ac constans est causa, nec euentus ita certus ut vel semper, vel plerunq; videatur. Atque hæc quidem Ciceronis est partitio, ad quam illustrandam petitas ab Aristotele definitiones adhibēdas censui. Has autem omnes causas rursus ita diuidit, ut in alijs constantiam, id est stabilitatem inesse dicat, in alijs neget. In natura & in arte inesse dicit, in ceteris negat ullam esse. De natura id cōcedi po

test: propterea quod quæ natura quid faciunt aut semper, aut fere id faciunt, ut ignis semper calorem affert, nix refrigerat, homo fere cum duabus manibus & decem diguis nascitur, interdum cum pluribus, interdum cum paucioribus. De arte autem ambigi potest. Nam cum ea quæ arte quid faciunt, voluntate etiam & ratione faciant, & quæ causa voluntate faciunt, in ijs, ut uult, constantia non insit, efficitur, ut ijs in causis quæ arte quid efficiunt, non sit constantia. Hoc mihi respondendum videtur, naturam & artem propterea constantes esse causas, quod certè & definite, id est certa via ad finem suum fere perueniant, quod non fit in cæteris. Nam & natura certior est dux, & ars naturam adiuuare dicitur, ut ea quodammodo videatur esse certior. Nec si voluntate faciunt ij quibus aliquid arte propositum est facere, propterea in arte inconstantia est. Et si enim illi voluntate quæ incerta dux est, faciunt, tamen præcepta præterea adhibent, quæ eos ad finem propositum sine errore ducant. Atque hoc modo occurrentibus nobis respondendum est. Multa autem contra superiorè etiam diuisionem dici possunt, quæ libenter dilueremus, nisi hoc alienum esset à nostro instituto. Intelligendum est autem, superiores duas causarum diuisiones, et duas reliquas, quæ deinceps à Cicerone ponuntur, magis oratores quam dialecticos attingere. Illi enim spectare solent, necessitatene aliquid factum sit, an voluntate: Dialectici non admodum.

Hoc loco nonnulli illa quatuor causarum genera quæ

p ij

tradit Aristoteles in lib. 2. de natura, efficiētē, materiā, formā, & finem, vt necessaria explicant. Ego autem quoniā video veteres, ut Aristotelem, vt Ciceronem, & Quintilianum solum efficientiū genus persecutos, hunc locū efficientiū causarum nomine appello, sed ita vt materiā etiā in ijs numerandā existimē. Eam enim Cicero in ijs quæ efficiēdi naturā non habēt numerat, sed sine qua res effici non possit. Quod si ita est, forma etiam ac multo magis erit in hoc genere retinenda. Si enim materia ob eam causam ad hunc locum pertinet, quōd sine ea res nō efficitur, formā etiā ei subycere debemus, cū non solū sine ea res coherere non possit, sed ab ea etiā quodāmodo uideatur effici. A forma enim & specie suam quæque res naturā vimque mutuatur. Quinetiam Cicero in prima Academic. efficiētē eam nominat, his uerbis, De natura autē (id enim sequebatur) ita dicebāt, vt eā diuiderent in res duas, vt altera esset efficiens, altera autē quasi huic se præbens, eaque efficeretur aliquid. In eo quod efficeret, vim esse censebant. In eo autē quod efficeretur, materiā quandam. Atq; hæc ille. Est autē causa eius quæ materialis dicitur, duplex genus, vnum quod natura cōstat, alterum quod arte. Natura, vt ea res quā materiam Cicero modo nominauit: arte, ut es statuæ materia dicitur. Forma etiā duplex est una quam natura: altera quā ars operi adhibet. Natura enim homini, exēpli causa, animū ingenerauit, & cæteris animantib. rebus autem nō sen-

tiētibus aliquid dedit instar animi, quod forma dicitur. Ars autē formam inducit, ut pictura lineamenta. Ea autē causa quæ finalis appellatur, à veteribus illa quidem repudiata est, sed tamen argumenta suppeditare potest. Itaque nihil prohibet eā adhiberi, dū modo ab ea ut à causa ad effectū, argumenta, non elici intelligamus. Nā & Aristoteles et Cicero hoc causæ genus ad effectum pertinere voluerunt. Aristoteles quidem in primo de moribus libro beatam uitam virtute effici & parari dicit, & Cicero in quinta Tusculana. Quoniam autē de causarū generibus multa dicta sunt, nūc de huius loci inuentione dicendū est. Duo igitur argumentorū genera ex eo duci licet. Alterū si ex causa id quod ab ea efficitur, cōcludamus. Alterum si effectui aliquid ex eo cōuenire, aut non cōuenire cōcludamus, & causæ cōueniat aut nō conueniat. Superius quidē genus, quibus in causis firmum sit, Cicero in Topicis explicat, Quare cū in disputationē inciderit causa efficiēs aliquid necessariō, sine dubitatione licebit quod efficitur ab ea causa, concludere. Cū autē erit talis causa, ut in ea nō sit efficiendi necessitas, necessaria cōclusio nō sequetur. De quo genere illud etiā Aristotelem in. 2. lib. artis rhetoricæ intelligendū est, Alius locus est ex causa, Si enim sit causa, euā effectus erit: et si absit causa, etiam aberit effectus. Ut primū enim causa est, id etiā est quod ab ea efficitur. Ex quib⁹ uerbis illud etiā perspicitur, in utranq; partem hunc locum ualere. Sed

quædā hic causarū dissimilitudo spectanda est. In cō-
firmatione enim semper in ijs causis firmū est argumē-
tum, quæ aliquid necessario efficiunt; in refutatione nō
item, sed in ijs demū quæ sic aliquid sola efficiunt, vt
causa alia nulla idē separatim efficere possit. Vt neces-
saria illa cōclusio est, Si ignis est, calor est. Illa autem
non est necessaria, Si ignis nō est, calor non est. At illa
sequitur, Si sol non est, nec dies est, quoniā sic sol diem
solus efficit, vt præterea causa alia nulla efficiat. In
virtutibus & vitijs vtroque modo idem licebit con-
cludere. Vt si temperantia est, aliquis est temperatus, si
non sit, nullus est temperans. Atque hæc quidem de
priori genere argumentorū, quæ sumūtur ab hoc loco.
Posterius autē genus est, cum ut dixi, non ex causa ef-
fectum concluditur, sed ex eo aliquid effectui conueni-
re aut non conuenire efficitur, quod eius causæ aut con-
ueniat, aut non conueniat. Aristoteles quidem in secun-
do extremo Topiçorum huius generis argumentorum
locum communē (Maximam alij appellāt) tradit his
verbis, Quorum effectorū causæ sunt in bonis, effecta
etiā in bonis erūt. Hoc autem latissimè patet: pertinet
enim ad expetēdas res, et ad fugiēdas, laudabiles et ui-
tuperādas, aliāq; innumerabilia quæ bonū et malū cō-
sequuntur. Vt si causa in bonis numeratur, id etiā quod
ab ea efficitur, numerabitur in bonis. Si causa expeten-
da, et effectus. Si causa laudabilis, et effectus laudabi-
lis erit. Vt si in laude est, et expetēda est frugalitas, et li-

Locus cōis,
Maxima

beralitas. Quod etiā ualet in cōtrarijs, ut si luxuries uituperāda. & auaritia. Si cupiditates malæ, et uituperāda: odia etiam, seditiones & bella quæ ex ijs nascuntur uituperāda sunt. Ex alijs etiam idem concludi potest, ut si causa est naturalis, & effectus. ut si natura homines congregauit, eadem res publicas procreauit. Et si natura homines inter eos societate quadam deuinxit, ab eadem iustitia profecta est. Eodem modo si causa cœpit esse, aut habuit principium, effectus etiam habuerit necesse est. Multa sunt alia etiam attributa causæ cum effectis communia. Hæc autem uera sunt non in ijs causis modo, quæ quid efficiunt nulla re adiuuante, sed in ijs etiā quæ adiuuari uolūt, dummodo sint principales. ut Peripateticorum sententia cum sola uirtus non efficiat beatum: sed præterea corporis & externa commoda desyderet, tamen quoniam principalis est beatæ uitæ causa uirtus, sequitur si illa bona est, & expetenda, etiā beatam uitam esse in bonis, & expetendam. At non si diuitiæ sunt in bonis, continuo etiam beata uita in bonis numerabitur, duntaxat ut ex causa effectus concludatur. Nam si conclusio illa sequatur, ob eam causam sequitur, quod à maiore ducitur argumentum. In utranque autem partem hic locus, ut dixi, ualet, duntaxat in causis necessarijs. Hic autem locus ab eo qui est antecedentium differt, quod hic aliquid efficienter antecedere oporteat, illic non oporteat. Itémque proximus locus qui est ab effectis, & is qui est consequentium hoc dif-

ferunt, quòd hic aliquid efficienter sequi debet, illic non debet. Distingui enim hi loci debent, ne ulla eorum sequatur confusio. Quod cum nonnulli non animaduertent, in antecedentium, & consequentium locis hos duos tractauerunt. Ita eorum sententia hi non sunt necessarij. Hic autem locus solum in accidentis quæstionem incidit. Quod facile doceri potest. Proposita generis quæstione, si ex causa argumētum ad eam probandam uel refellendam sumi posset, profecto ex attributæ rei aut ex subiectæ causa duceretur. Nulla autem cōclusio ut utrunque concedamus, sequitur. Nam si ex subiectæ rei causâ ad eam probandam quæstionem argumētum sumatur, eius tota uis illa erit, si causâ genus sit attributum, effectus etiam esse: sin ad refellendam adhibeatur, in eo tota uis illius posita erit, si attributū causæ genus non sit, non esse etiam effectus, quorum neutrum necesse est. Non enim si, exempli causa, sol essentia est, idcirco essentia aut natura est eius lumen, aut calor: nec si (ut in eodem exemplo permaneam) sol non est qualitas, propterea eius calor in eodem genere non est. Quare positis his duabus quæstionibus, Sit ne calor solis aut lumen essentia? Sit ne calor solis aut lumen, qualitas? aut alijs eiusdē generis facile perspicietur hic locus in nullâ generis quæstionē incurrere. Quod idem de proprij definitionisq; quæstionibus eodē modo facile demonstrari potest. Quòd si ita est, aut in quæstionem nullam, aut in solam accidentis hic locus adhibetur. Eum autem in ac-

cidentis quæstionibus incidere hinc sciri potest, quòd eæ quæstiones huius generis sunt, ad quas probandas ea argumenta sumuntur, quibus aliquid effectui ex eo conuenire docetur, quia causa conueniat. ut si queratur, Sit ne ualetudo in bonis? ea accidentis est, ad eamq; confirmandam hoc argumentum ex causa sumi potest, Si medicina in bonis est, & ualetudo est: uel hoc, Si apta eorum quatuor quibus constamus, compositio in bonis est, & ualetudo. Cum autem ex causa effectus concluditur, ut cum dicimus, si in homine est sapientia, sapiens est, dubium est cuius horum quatuor erunt hæ quæstiones, ut si queratur, Sit ne dies? & confirmetur hoc modo, Si sol lucet, dies est. Mihi quidem accidentis omnes eiusmodi quæstiones uidentur. Ac dubium non est quin hæc, Sit ne homo sapiens? & ceteræ eiusdem generis, in hoc genere uersentur. Illæ autem, An sit dies? An sit nox? & quæ sunt eiusmodi, ad idem genus pertinere ex hoc perspicui potest, quòd in ijs queritur, non, an sit nox aut dies omnino, sed an aëri conueniat. Est enim aëris dies accidens, cum ei conuenire & nō conuenire possit, nullo interitu consequente. Hoc autem genus argumentorū, quod supra priore loco ex causa sumi dixi, ad generis, propriū, & definitionis quæstiones accommodari non posse hinc intelligi licet, quòd si causa alicui conueniat aut non conueniat, non necesse sit, eius effectum ut genus, propriū, & definitionem, conuenire, aut nō conuenire. Quoniam igitur hūc locum ad solam eam quæ

de accidente est, quæstionē pertinere demonstravi, nunc paucis aperire institui, quot modis argumenta ex eo elicere possumus. Et quanquam hoc iam supra aliqua ex parte confectum est, tamen id dicendum est planius. Posita accidentis quæstione, videndum est, ex attributa ne an ex subiectæ rei causa ea probare possimus, aut refellere. Subiectæ quidem rei causa argumentum nobis supeditabit, quoties illi capiti quod supra posui, erit locus. Quarum rerum causa sunt in bonis, earum effecta in bonis erunt, id est quādo attributum in rem subiectam cadere demonstratur ex eo quod in eius causam cadat. Ex attributæ autem rei causa ducere licebit, quoties attributum ex eo rei subiectæ convenire, aut non convenire concluditur, quod eidem illius causa conveniat, aut nō conveniat. Vtriusque generis exempla sunt huiusmodi, Superioris, ut si queratur, Sit ne voluptas uenerea bonum, & expetēda? Id à causa voluptatis refelli poterit hoc modo, Si opinio præsentis boni quod ex uenere percipere homines dicuntur non est bonum, nec voluptas illa bonum est. Posterioris, ut si queratur, Sintne Germani robusti? id probari licebit hoc modo, In Germaniis quædam inest quæ facile possunt alios in quam uelint partem mouere uel trahendo, uel pellendo, uel depri-mendo, uel etiam attollendo: Sunt igitur Germani robusti. Est etiam tertium quoddam genus argumentorum, quod à causa ducitur, cum simpliciter quia causa est, etiam effectus esse cōcluditur. ut si queratur, Sit ne

calor: cōcludi id poterit simpliciter ex cāsa hoc modo,
Si ignis est, calor est. Ignis autē est: calor igitur. Sed in-
ter hoc & superiora interest, quod hoc nisi in causis
necessarijs, & quæ solæ nullare adiuvante efficiunt id
quod sub eas subiectum est, non valet, illa autem in alijs
etiam valent. Ac ego quidem hæc argumenta omnia à
locō efficiētium causarū, ut dixi, cū Cicerone & Ari-
stotele sumi uolo: Multi autem à causarum loco, ut hūc
locum causarū appellent. Itaque causam in quatuor ge-
nera diuidunt, & ex quoque genere argumenta quæ
ducantur, tradunt, eo etiam, quā maximam uocant, ego
caput, unde uim sumant, exposito loco. Cur hoc seque-
rer, initio huius loci aliqua ex parte dixi, quod etiam ad-
di potest præceptorū facilior quædam explicatio. Quid
enim facilius est his præceptis? Si causa necessaria &
quæ sola aliquid efficit, ponatur, effectum etiam poni,
Sublata eiusmodi causa, tolli effectum. Si causa in bonis
aut malis ducatur, effectū quoque numerari. Quinetiam
hæc nostra illorum præcepta complexu suo continent.
Si enim tā ea quæ efficiens, quā ea quæ formalis, quæ
materialis, & quæ finalis appellatur, sit aut absit, effe-
ctus etiam & res quæ ad finem pertinent sint aut non
sint necesse est, dū sint in eo genere quod dixi. Quod de
bonis & malis iudicandum est eodem modo. Adhuc
de ijs causis dixi, quæ uim ad efficiēdum habent. Nunc
pauca dicēda sunt de ijs quæ uim habent interimendi,
de ijs enim Aristoteles differit. Earum autem totidem

de accidente est, quæstionē pertinere demonstravi, nunc paucis aperire institui, quot modis argumenta ex eo elicere possumus. Et quanquam hoc iam supra aliqua ex parte confectum est, tamen id dicendum est planius. Posita accidentis quæstione, videndum est, ex attributæ ne an ex subiectæ rei causâ ea probare possimus, aut refellere. Subiectæ quidem rei causâ argumentum nobis supeditabit, quoties illi capiti quod supra posui, erit locus, Quarum rerum causâ sunt in bonis, earum effecta in bonis erunt, id est quâdo attributum in rem subiectam cadere demonstratur ex eo quod in eius causam cadat. Ex attributæ autem rei causâ ducere licebit, quoties attributum ex eo rei subiectæ convenire, aut non convenire concluditur, quod eidem illius causâ conveniat, aut nō conveniat. Vtriusque generis exempla sunt huiusmodi, Superioris, ut si queratur, Sit ne voluptas uenerea bonum, & expetenda? Id à causâ voluptatis refelli poterit hoc modo, Si opinio præsentis boni quod ex uenere percipere homines dicuntur non est bonum, nec voluptas illa bonum est. Posterioris, ut si queratur, Sintne Germani robusti, id probari licebit hoc modo, In Germaniis quædam inest quæ facile possunt alios in quam uelint partem mouere uel trahendo, uel pellendo, uel deprimendo, uel etiam attollendo: Sunt igitur Germani robusti. Est etiam tertium quoddam genus argumentorum, quod à causâ ducitur, cum simpliciter quia causâ est, etiam effectus esse cōcluditur. ut si queratur, Sit ne

calor: cōcludi id poterit simpliciter ex causa hoc modo,
Si ignis est, calor est. Ignis autē est: calor igitur. Sed in-
ter hoc & superiora interest, quod hoc nisi in causis
necessarijs, & quæ solæ nulla re adiuvante efficiunt id
quod sub eas subiectum est, non ualet, illa autem in alijs
etiam ualent. Ac ego quidem hæc argumenta omnia à
locō efficiētium causarū, ut dixi, cū Cicerone & Ari-
stotele sumi uolo: Multi autem à causarum loco, ut hūc
locum causarū appellent. Itaque causam in quatuor ge-
nera diuidunt, & ex quoque genere argumenta quæ
ducantur, tradunt, eo etiam, quā maximam uocant, ego
caput, unde uim sumant, exposito loco. Cur hoc seque-
rer, initio huius loci aliqua ex parte dixi, quō etiam ad-
di potest præceptorū facilior quædam explicatio. Quid
enim facilius est his præceptis? Si causa necessaria &
quæ sola aliquid efficit, ponatur, effectum etiam poni,
Sublata eiusmodi causa, tolli effectum. Si causa in bonis
aut malis ducatur, effectū quoque numerari. Quinetiam
hæc nostra illorum præcepta complexu suo continent.
Si enim tā ea quæ efficiens, quā ea quæ formalis, quæ
materialis, & quæ finalis appellatur, sit aut absit, effe-
ctus etiam & res quæ ad finem pertinent sint aut non
sint necesse est, dū sint in eo genere quod dixi. Quod de
bonis & malis iudicandum est eodem modo. Adhuc
de ijs causis dixi, quæ uim ad efficiēdum habent. Nunc
pauca dicēda sunt de ijs quæ uim habent interimendi,
de ijs enim Aristoteles differit. Earum autem totidem

sunt, quot efficientium genera. *Alia* enim sunt necessaria, nec adiuuari uolunt, ut aqua sola nulla re adiutrice ignem restinguit: *alia* adiuuari uolunt, ut frigus non satus per se ualet ad interimendum hominem, nec intemperantiae actio una ad depellendam temperantiam, quae diuturno usu confirmata est. Est etiam genus causarum, quae nihil omnino agunt in interimendo, sed sine quibus interitus non sequeretur, ut gladij, ut locus. In his autem generibus argumenta multo aliter ac in superioribus ualent. Neque enim ut illic, si causa in bonis est, continuo in bonis erit effectus: ita hic si causa interimens in bonis sit, propterea id quod interit in bonis est: sed contra, si causa in bonis est, erit res quae eueritur in malis: & si causa malum est, bonum erit id quod ab ea causa eueritur. Vt enim quaeque res optima est, ita eius interitus deterrimus, ex quo fit, ut causa eius interitus sit in malis. Nam si optime constituta resp. est optima, deterrima sit ea causa, quae eam labefactauerit & euerterit necesse est. In hoc genere quaestiones solae accidentis existunt, ut si queratur, Sit ne natura siue esse in rerum natura bonum? doceri potest hoc modo, Dolor ex quo natura interitus sequitur malum est: bonum igitur natura. Atque hoc quidem genus argumentorum illud concludit, Si bonum aut malum sit aut non sit causa eueriens siue interimens, id quod eueratur esse, aut non esse in malis aut bonis. Valent enim in utranque partem. Alterum autem genus hinc duci potest, quo ex causa quae

habet nūm interimendi, id quod interit ab ea, simpliciter concluditur. ut si in aquam ignis coniiciatur, intereat ignis necesse est. Sed quoniam aqua coniici debet, ut ignis restinguatur, non simpliciter sequitur conclusio, Si aqua est, ignis restinguitur. Itaque aptius erit exemplum illud Ciceronis in. 3. lib. de natura deorum, cuius vis in hac conclusione omnis posita est, Si omne animal frigus & calorem, uoluptatem & dolorem sentit, intereat necesse est. Hæc autem omne animal sentit. Omne igitur animal necesse est interire. uel in hac, Nullum animal est sine sensu frigoris & caloris, uoluptatis, & doloris. Nullum igitur animal est æternum.

Coniunctus est, ut dixi, huic causarum loco, ille qui à rebus effectis ducitur. Vt autem duo sunt causarum genera multum diuersa, unum quod rem efficit, alterum quod rem interimit: sic duo sunt genera eorum quæ efficiuntur ex illis. Sed propriè in illis effectus, in his interitus uocatur. Itaque ab Aristotele locus hic duplex ἐν γενέσει, & φθορῶν, id est ex effectis, & interitu appellatur. Horum autem eadem quæ causarum diuisio est. Sunt enim quæ uoluntate efficiuntur, sunt quæ perturbatione, itémq; alia quæ in causarum loco exposita sunt. quod fit etiam in rerum interitu. Interitus enim rerum alius sine hominum uoluntate, sine appetitione animi et opinione euenit, ut uniuersitatis interitus: alij aut uoluntate, ut cum homo alterum dedita opera interimit, aut partem abscindit: aut perturbatione, ut cū

ira, aut cupiditate quis incitatus aut hominem, aut belluam interficit, aut aliquam partem amputat, aut domum aliamue rem aliquam evertit: aut habitu, ut si quis homines occidere, aut aliquam rem euertere assueuerit: aut natura, ut quæ ad summum perducta sunt, & amplificata, natura decrescunt, ueluti homines in senectute. in decretionem enim est quidam interitus: aut arte, ut uirtutes quæ natura dedit, arte corriguntur, ut artis nomine diligentiam comprehendamus: aut casu, ut si quis casu corruat & perfringat quippiam. Hæc si quis planius uolet intelligere, ex causarum loco petat. Alia est etiam effectuum & interitus diuisio. Vt enim quædam effecta necessaria sunt, & quidam est interitus necessarius, id est qui ut primum causa est sequitur necessario, ut solis lumen, ut ignis calor, necessarij eorū effectus sunt, firmæ etiam corporis affectionis interitum morbus affert, & igni interitum aqua: sic effectus est alius & interitus non necessarius, ueluti beata uita uirtutis est illa quidem effectus, sed tamen non necessarius, præsertim Peripateticorum sententia. Itemque hominis interitus qui ex morbo sequitur, non est necessarius: quandoquidem multi ex morbo conualescunt. Ex his autem totidem argumentorum genera quot ex causarum loco, elici possunt. Atque id fere fit conuersione. Vt enim conclusionem necessariam sequi dixi, cum ex causa quæ necessario aliquid efficit, effectus concluditur: sic contra necessaria erit, cum ex effectum necessario causa concludetur, dum-

modo ab alia causa is non efficiatur effectus. Quemadmodum enim hæc argumentatio firma est, Si sol lucet, dies est: sic hæc, Si dies est, sol lucet. Atque ut summam dicam, tum hîc ualet argumentum, cum ab eo effectu progredimur, qui sine causa sua stare nullo modo potest. Sunt enim duo genera causarum, unum sine quo non solum esse, sed conseruari etiam id quod ab ea efficitur, non potest. ut sine solis lumine, dies esse nequit: alterum sine quo ut esse effectus nequeat (siquidem nihil sine causa potest esse) conseruari certe sine eo potest, quod genus patet latissimè. Fere enim effectus sublata causa permanet, præsertim in naturis & essentijs. Pleræq; autem qualitates sine causa præsertim principali conseruari & permanere nequeunt, ut uirtutes, ut uitia. Homo enim in quo hæc & alia eiusdè generis insunt, princeps eorû causa est, nec sine eo possunt aut esse aut aliquandiu permanere. quanquam hoc fit non qua ex parte homo uirtutum & uitiorum causa est, sed qua in eo illorum sedes est. Alterum genus argumētorum ex hoc loco ducitur, sed aliter ab effectu, aliter ab interitu. Ab effectu enim si sumatur, ex eo firmum erit, quòd si effectus in bonis aut malis sit, etiã causa crit: ab interitu autem ex eo quòd si interitus sit in malis aut bonis, continuo malum bonumue erit res ea, quæ interit. Ita in causis & effectis argumenti conuersio est. Vt enim necessaria hæc conclusio est, Si diligentia quæ in discendo adhibetur, bonû est, doctrina & disciplina est in bonis:

sic hæc firmâ est contrâ, Si doctrina bonum est, diligentia etiam quæ in docēdo & discendo adhibetur, in bonis est. Eadem est ratio causarum quæ uim habent interimendi, & eorum quæ intereunt. Si enim exēpli causa, morbus qui labefactat aut interimit naturam & uitam in malis est, in bonis erit uita atq; natura: uicissimq; si natura & uita sit bonum, morbus qui eam tollit, erit in malis. Huic loco Aristoteles eum adiicit, quem ab usu rerum appellat, quem ab hoc Cicero non secernit. Exemplum enim hoc ponit in secundo libro de Oratore qui ad utrumque locum accommodari potest, Ex ijs autem, inquit, quæ sunt orta de causis, Si ararij copijs & ad belli adiumenta, & ad ornamenta pacis utimur, uectigalibus seruiamus. Hoc in argumento hæc quæstio accidentis latet, Sintne utilia uectigalia? eaq; probatur & ex effectu cause, & ex usu. Uectigalium enim tam effectus quàm usus est, & ornamentum pacis & belli adiumentum. In oratione pro lege Manilia eodem fere argumēto utitur, Etenim si uectigalia neruos esse reip. semper duximus, eum certè ordinem qui exercet illa, firmamentum ceterorum ordinum recte esse dicemus. Paulò infra ex amissione & interitu cause, effectus interitum cōcludit hoc modo, Etenim illud primū parui refert, uos publicanis amissis, uectigalia postea uictoria recuperare. quanquam etiam ex usu duci uideri potest. Vis enim eius argumenti omnis in hoc posita est, Si non sint qui uectigalia exerceant, uectigalia nulla

erunt : Publicani autem uectigalia exercent : ijs igitur amissis nulla erunt uectigalia. Quid autem locum usus rei à superiore differre uoluerit Aristoteles, si quis requirat, is sic habeat, in hoc rei actionem, & officium spectari, in illo rem simplicem. Exemplū est huiusmodi, Si uti uirtute aut usus uirtutis bonū est, uirtus etiam bonum: uicissimq; si uirtus bonum est, eius usus bonum. Si agros colere bonum est, agri in bonis sunt: & si agri in bonis sunt, etiam agros colere bonum. Ita retro com-
 meat hīc quoque argumentatio. Sed tamen ab usu rei locus nomen habet, quod ex rei usu bono uel malo res ipsa talis concluditur. Non est autem necesse quæ quæ-
 stionum genera in hunc locum adhibeantur, exponere. Eadem enim quæ in causarum loco, in hoc etiam exi-
 stunt. Itaque inde ea depromenda erunt, quæ ad hunc locū pertinere uidebuntur. Postremus locus est com-
 parationis. Est autem triplex, primus ἐκ τοῦ μᾶλλον, id est ex maiore, alter ἐκ τοῦ ἥττον, id est ex minore, tertius ἐκ τοῦ ὁμοίως ὡς ἀρχαί, id est ex pari nominatur. Quatuor autem argumentorum genera ex quoque ho-
 rum elici possunt. quod facile ex ijs modis quibus res rebus attribuuntur perspicere licet. Nam aut res una dua-
 bus, aut duæ uni, aut duæ duabus attribui possunt in argumentatione. Quartum genus argumentorum est cū duobus aut pluribus propositis, utrum melius sit, aut quod optimum quaeritur. Ego in hoc explicando loco eū quem proposui, ordinem persequar. Atque ut de primo

dicam, scire oportet tum denique rem unam duabus in hoc loco attribui, cum utri magis an minus illa res conueniat, aut an illis duabus pari ratione conueniat quaeritur. Locus is qui hîc ex maiore sumitur, solum firmus est in refutatione: qui ex minore, solum in confirmatione: qui autem ex pari, in utrâq; partem ualet. Eorû omniû exempla sunt huiusmodi: Ex maiore, Si uirtus non est se ipsa contenta ad beatè uiuendû, ne diuitiæ quidem sunt. Virtus autem non est se ipsa contenta ad beatè uiuendû: non igitur diuitiæ. Argumenti huius aliorûmq; eiusdê generis fides ab illo capite petenda est, Si cui multo maiore ratione res aliqua conuenire potest, ei non conuenit, ne ei quidem conueniet cui minus uidetur posse conuenire. Atque hoc caput Aristotelis est. Illud autem Ciceronis, Quod in re maiore non ualet, non ualeat in minore. Ex minore, ut Cicero pro lege Manilia, Legati quod erant appellati crudelius, Corinthum patres uestri totius Græciæ lumen extinctum esse uoluerû: uos eum regem inultum esse patiemini, qui legatum populi Rom. consularem, uinculis ac uerberibus atq; omni supplicio excruciatum necauit? Item illud, Si diuitiæ expetendæ sunt, uirtus quoque expetenda est. Cicero confirmationis huius loci hoc elementû dedit, Quod in minore ualet, ualeat in maiore. Aristoteles autem hoc inuenit, Si cui minus est uerisimile conuenire, aliquid conueniat, ei etiam conueniet, cui uerisimilius. Ex pari autem in utranque, ut dixi, partem ualet. In confirmatione tale

exemplum est, Si fortitudo expetenda est, & temperantia. In refutatione huiusmodi, Si cōsilio iuuare ciues non est laudabile, nec auxilio iuuare gloriosum est. Firmamentum huius loci apud Ciceronem tale est, Quod in re pari ualeat, ualeat in hac quæ par est: aut si non ualeat in illa, in hac non ualeat. hoc enim posterius addendum est, propterea quòd Aristoteles utrunque in secundo Topicorum libro explicauit his uerbis, Si una aliqua res duabus pari ratione conueniat, aut cōuenire uideatur, neque alteri conueniat, ne alteri quidem conueniet. quòd si uni conueniat, etiam alteri. Nunc dicendum est de secundo genere argumentorum, cum duæ res uni attribuuntur. In hoc duæ illæ res unī subiectæ attribuuntur. Ex maiore autem argumentum hīc quoq; solum habet reprehensionem firmam: ex minore solam probationem: ex pari utrāq;. Ex maiore hoc erit exemplum, Si in uoluptate non est uirtus, nec beata uita, id est si uoluptas non est uirtus, nec beata uita. Et si beata uita in uirtute nō est, multo minus in uoluptate. Ad huius autem loci confirmationem hoc caput perspicuum adhibetur, Si quæ res magis conuenire uidetur, non conueniat, nec quæ minus. Ex minore hoc modo, Si homo rerum futurarum sensum habet, & earum quæ adsunt. Huius loci illud firmamentum est, Si quæ res minus uidetur in alteram cadere, cadat, ea etiam cadet quæ magis cadere uidetur, Ex pari autem cum ducetur argumentum, fidem petere oportebit ab his capitibus: in

refutatione, Si duæ res eidem pari iure & ratione cõueniāt, & una non conueniat, ne altera quidem conueniet. In confirmatione, Quòd si una conueniat, etiam altera. Quod etiā alijs uerbis exprimere possumus, Si duo pari iure in una re ualeant, & unum non ualeat, ne alterum quidem ualere oportere. quòd si unum ualeat, alterum etiam ualeat oportet. Exempla erunt huiusmodi, Si dolor in malis est, & fugiendus est. Si resp. administranda est, & amanda. Si reip. consulendum non est, nec ea gubernanda est. Si uoluptas non est in bonis, nec expetenda est. Terrium genus est, cum duæ res duabus attribuuntur. in quo eandem habent auctoritatem argumenta, quam in superioribus. Nam & ex maiore ducta solum in confirmatione ualent: & ex minore, in refutando: & ex pari in utroque. Hic autem duæ res subiectæ sunt, & duæ attributæ. Exempla erunt eiusmodi, Ex maiore Cicero, Si in urbe fines non reguntur, neque aqua in urbe arceatur. Si uir cõstās supplicio proposito ad mēdaciū impelli non potest: uerbis ad iniuriā faciendā uir bonus & iustus nō impelletur. Ex minore, Si mulieres nulla ui cogi possunt ut ea enūcient quæ si diuulgētur nihil periculi est: amici fideles & ueri semper ea tacebūt, quæ ad suorum caput pertinere arbitrabuntur. Ex pari in confirmatione, Si uoluptas malum est, & dolor bonum. Si furari licet, cur stuprum inferre dedecet? In refutatione, Si docere quæ scias nō est turpe, nec ea quæ nescias, discere flagitiosum. Si fortitudinis

non est pro patria in acie occumbere, nec temperantie
animum à perturbationibus inuictum infractumq; red-
dere. Primorum trium generum exempla posui: nunc
quid inter argumenta quæ ex his ducuntur locis intersit
dicendum est. Cum ex maiore argumentum sumitur, res
maior in sumptionibus ponitur, & res minor in conclu-
sione. Cum autem ex minore, contrà minor antecedere
debet, & maior sequi. In argumētis uerò quæ sunt ex
pari, rerum earum quæ comparatur, perspicua esse de-
bet æqualitas. Hæc facilia sunt illa quidem, sed tamen
in eis magni interdum auctores falluntur & errant.
Nam cum argumentum hoc, Si diuitiæ expetendæ sunt,
& gloria, sit ex minore, tamen sunt qui ipsum ex ma-
iore elici dicant. Id uerò mihi placet, quod aiunt nō-
nulli, tum ex maiore duci argumentum, cum res minor
cum maiore: & contrà ex minore, cum res maior cum
minore confertur. Nam uel id ad quod probandum aut
refellendum, aliud sumitur, dicendum est id utrobique
esse quod alteri comparatur, uel id quod sumitur. quod
istorum quidem ratione uerum est, cum argumento eo,
quod ex maiore ducitur, id ad quod aliud sumitur, id
est minor res cum maiore: in eo autem quod est ex mi-
nore, id quod sumitur, id est res maior, cum minore
comparetur, cuius causam nullam afferunt. Mihi au-
tem præterea (si de hac re sententiam roger) uidetur di-
cendum id semper conferri quod quæritur. Quem ad-
modum enim ipsum illud definitur, notatur, diuiditurq;

in suas partes, sic comparatur. Ita cum ex maiore argumentum sumitur, rei maiori minor: cum ex minore, res maior comparatur minori. Quanquam autem superiora tria argumentorum genera hunc comparationis locum suppeditare dixi, tamen in his simpliciter aliquid, non comparatè queritur. Simples enim sunt quæstiones & disputationes omnes eæ in quas incidunt. Nam & hæc, Sit ne iustitia utilis reip. simplex est quæstio, & ad eam confirmandam hæc ratio afferri potest, quæ ex minore ducitur, Si diuitiæ reip. utiles sunt, profecto eidem iustitia est utilis. Quod de cæteris iudicandum est eodem modo. Quapropter illud quidem perspicuum est, eos adhuc locos tractatos esse à nobis, qui ad simplices quæstiones accommodati sunt. Deinceps ij explicandi sunt, qui ad eas quæstiones referuntur, in quibus aliquid comparatè queritur. Atque hoc quartum est argumentorum genus, quod ex comparationis loco sumi dixi. Intelligendum est autem, hoc genus quæstionis ex simplici ortum esse. Nam cum philosophi intelligerent, exempli causa, & iustitiam & fortitudinem esse expetendam, tum longius progredi instituerunt, cœperuntq; querere, utra earum melior esset, & utra alteri anteponenda. Huius quidem loci & usus plurimus est, à nemine adhuc nisi ab Aristotele satis explicatus. Ego autem quæ partim ab illo, partim per me longo usu & diuturna meditatione didici, non alienum putavi tradere. Hoc igitur primum scire oportet omnes fere locos superiores, quos

in disputationem incidere docui, cum aliquid simpliciter quereretur, in hanc etiam questionem qua aliquid comparate queritur, posse accommodari. Sed apti sunt ij maxime, qui a definitione, ab enumeratione partium, a coniugatis, a contrarijs, a causa efficiēte & interimente, ab effectis & interitu, a consequentibusque sumuntur. Quorum omnium pauca exempla ponam. Ac primum definitionis. A definitione quidem hic ita licebit argumentum ducere, si eius rei quæ eo nomine significatur quod comparativum & superlativum appellant grammatici, definitionē potius vni quod volumus quam alteri convenire docebimus. Cui enim verius definitio convenit, id magis sit tale necesse est, ut si exempli causa, hæc questio ponatur, *Vtra melior sit virtus, an voluptas*, definiendum erit bonum, Bonum autem dicitur primum id quod per se expetendum est: demde id quod propter aliud expetitur: tum id quod omnia expetunt vel quæ sensu, vel quæ mente sunt prædita, quæ virtuti magis quam voluptati convenit definitio. Idem etiam doceri poterit rerum subiectarum definitionibus. Sæpe enim res singulis verbis declarata, ut quales sint intelligi non potest, sic duabus reb. quæ inter se conferuntur vtri magis attributum conveniat, sciri vix interdum potest, nisi definitionibus explicentur. Quod ubi factum erit, tum si doceamus attributū potius definitioni eius rei quā sequimur, convenire, quā alterius, id etiā effecerimus ipsi rei potius quā tuemur,

quàm ei quàm aduersarij, conuenire. Cuius enim rei definitioni attributū potius conuenit, ei etiam potius quàm alteri idem conueniat necesse est. Duobus ergo modis eam questionem qua aliquid comparatè queritur, definitione probabimus, uel etiam (nam in utranque partem hic quoque valet definitio) refellemus, tum definienda re quam comparatiuum aut superlatiui declaratur: tū ijs rebus quæ subiectæ sunt, definiēdis. Superioris quidem exemplum posui, posterioris autem erit eius modi, Si fortitudo est virtus quæ homines ab omni metu liberos in periculis bellicis ut recta ratio præscribit, reddit: & iustitia virtus est quæ semper suū cuique tribuit: hoc autem quàm illud magis expetendum est, certè iustitia fortitudini est anteponenda. Ab enumeratione etiam partium illis duobus modis argumenta sumere licebit. Ab eius rei quæ attributò significatur, hoc modo, Si tria genera bonorum sunt, animi, corporis, & fortune, quorum animi bona multo præstant: virtus autè in animi bonis numeratur, virtus melior sit diuitijs, melior corporis pulchritudine necesse est. Idem licebit concludere à rerum quarum causa quæ bona sunt expetuntur, enumeratione. Sed hoc patet argumenti genus, quàm illud latiùs. Nam cum triū rerū causa quæ bona sunt expetantur, ut honestatis seu dignitatis, utilitatis, & voluptatis: non solum aliud alio melius esse ex eo cōcludemus, quòd aut honestius, aut incundius, aut etiam utilius sit, sed ex eo etiam quòd

hæc omnia hoc complectatur, cum illud unum aut alterum, aut hoc duo, illud vnum tantum contineat, vt virtus ipsa non solum dignitatē affert hominibus, sed etiam delectationem, & veram utilitatē: diuitiæ autē per se nō afferunt dignitatem. Si autem duobus malis propositis, utrum grauius sit queratur, ab horū etiam trium quorū causa omnia expeti solere dixi, enumerationē cōcludi licebit. Quod enim hæc omnia impedit, aut plura, eo deterius est, quod totidē nō impedit. Id de quoque effici potest ab earum rerum enumeratione quarū causa aliquid fugimus. ut turpitudinis, detrimenti, et molestiæ. A rerum etiam quæ declinantur enumeratione duci argumentum licebit ad id efficiendū, vt res omnes quæ fugiendæ sint, vel turpes esse, vel mutiles, vel molestas: ex qua enumeratione id. concludemus quod paulò antè dixi. Ab enumeratione autem partium rerum subiectarum elici argumentum hoc loco potest: vt si queratur, Sitne amicitia diuitijs anteponenda? amicitia genera exponenda sunt, vt dicamus aliam honestate, aliam vtilitate, aliam voluptatibus dirigi, in quorum cum in vtilitate sola consistant diuitiæ, amicitiam concludemus eis esse anteponendam. Quod etiam ex earum rerum enumeratione, quarum causa amicitia expetuntur concludere licebit, cuius cōclusionis forma eadē erit, quæ superioris. Aique his tot modis ab enumeratione partium duobus propositis vtrum melius sit, poterimus concludere. A coniugatis autē vno

tantum modo ducemus argumentum. *A* rerum enim quæ inter se comparantur coniugatis tantum aliquid melius, aut non melius altero argumentum possumus sumere, ut si queratur, Sitne iustitia fortitudini anteponenda? id concludere poterimus hoc modo, Si iuste facere præstat, quàm fortiter, iustitia fortitudini anteponenda est. Eodem modo ex contrarijs solum rerum quæ conferuntur, firmum est argumentum, ut si queratur, Sitne iustitia fortitudini anteponenda? id confirmari licebit hoc modo, Si iniustitia magis declinanda est quàm audacia aut ignavia, iustitia fortitudini anteponenda est. *Huius* argumenti caput est, Cuius contrarium deterius, id melius est. Quod etiam contrà valet. Cuius enim contrarium leuius est, id grauius. Sed superiori una in re occurritur. Nam cum odisse amicum deterius sit quàm odisse inimicum, tamē amare inimicum melius est quàm charum amicum habere. Eadem est causæ efficientis, & eius quod ab ea efficitur ratio. *A* causa enim efficiente rerum quæ comparantur, duci debet argumentum. Sic Cicero in primo de officijs extremo libro confirmat vitam eam quæ in actione consistit, ei quæ contemplatione cernitur, esse anteponendam. Ob eam etiam causam eloqui copiosè, modo prudenter, melius est, quàm acutissimè sine eloquentia cogitare, quòd cogitatio in seipsa vertitur, eloquentia verò complectitur eos quibuscum communitate iuncti sumus. Huius enim argumenti hæc vis est, Si cogitatio, id est

Vita ea quæ in contemplatione posita est, postponenda est eloquentia, eloqui copiose, modo prudenter, melius est, quàm acutissimè sine eloquentia cogitare. Cogitatio autem eloquentia postponenda est, quandoquidè in seipsa cogitatio uertitur, id est sibi tantum prodest: eloquentia verò complectitur eos quibuscum communitate iuncti sumus. Eloqui igitur copiose, modo prudenter, melius est, quàm acutissimè sine eloquentia cogitare. Non hic disputo, an conclusio sequatur, quoniã de utraque parte quæstio est: sed solum exemplum huius loci affero. Cogitare enim effectus est eius vitæ quæ cognitione & contemplatione cernitur: sicuti eloqui effectus eloquentiæ. Atque ut uno verbo multa complectar, omnium virtutum, artium, scientiarumque munera & officia, in earum effectibus habentur. Exemplum erit huiusmodi, Si iustitia melior est quàm fortitudo, iuste etiã quid facere præstat, quàm agere fortiter: primum autem est: secundum igitur. Huius argumenti caput & firmamentum est, Cuius causa melior est, id etiam melius est. In causis autem necessarijs id intelligi debet, quemadmodum et illud, Cuius causa est deterius, id deterius: & cuius causa minus expetenda est, & id minus expetendum. Ex effectibus idem concludere possumus. Quarum enim rerum effectus meliores sunt, eæ quoque meliores. Quod contra etiam valet. Exemplum erit huiusmodi, Si melius est gubernare remp. quàm familiam, ciuilibus scientia domestica discipli-

na anteponenda est. Ab interitu contrā valet argumentum. Quarum enim rerū interitus magis declinandi sunt, ea sunt anteponēda. Nam vt in eodem exemplo permaneam, Si reip. interitus magis vitandus est quā familia, resp. familiae anteponenda est. Consequentium locus reliquus est. Ex consequentibus autē rerum quae comparantur, argumentū duci debet. Duobus propositis viro propagātur maiora bona, id melius, & viro maiora mala, id deterius, & quo minora mala id eligendū est. Cicero primo de officijs libro hoc ferē loco uno docet prudentiam vrbānam non esse postponendam bellicae fortitudini, Nec plus, inquit, *Aphricanus* singularis & vir & imperator in excidenda Numantia reip. profuit, quā eodem tempore *P. Nasica* priuatus cū *Tib. Gracchū* interemit. Atq; sunt hi loci qui in eam quāstionē qua cōparatē aliquid quæritur, in accidentis quāstionibus conuenient maxime. Exemplorum autem copiam tantam non sum hic persecutus, quantam in simplici quāstione, quod & superuacaneum hoc fuisset, nec satietate caruisset. Hoc verò intelligendum est, alios etiam locos in eandem quāstionem adhiberi, qui nec nomine, nec re ferē cum ijs qui simplicibus accōmodati sunt, congruāt. Omnes Cicero in quatuor partes distribuit, in numerū, speciem, vim, et ad aliquas res affectionē. Vnicuiq; autē horū quatuor communiū locorū plures partes subiicit, quas quoniam breuiter perstrinxit, ego pluribus explicabo.

Numero comparari dicit aliqua, cum plura paucioribus, aut contrà, comparantur. Et subiicit ea quæ tēpore comparantur, quod non est verum omnino, nisi Aristotelis sententia tempus numerum esse dicamus, ut ad dierum annorumque multitudinem tempus faciamus pertinere. Huius loci has partes enumerat, plura bona paucioribus bonis anteponenda sunt, pauciora mala malis pluribus, diuturniora bona breuioribus, longè & latè peruagata angustis, ea etiā ex quibus plura bona propagentur, quæque plures imitentur & faciant. His autem locis nihil effici potest, nisi qui eorum sit modus intelligatur. Neque enim ille primus, Plura bona paucioribus bonis anteponenda esse, necessariam conclusionem semper efficit, sed tum denique cum aut in paucioribus illa plura bona inclusa nō sunt: aut plura eadem sunt eiusdem generis, quod excellat: vel sic mixta, ut pauciora illa, uel eiusdem generis, uel mixta ab eis lōge multumq; superentur. Vt si queratur, An diuitiæ, honores, & amicitia, beata vita, & fortitudini sint anteponenda? non est dubium, quin hæc pauciora illis pluribus præstent. Eadem est secundi huius ratio, pauciora mala pluribus malis anteponenda esse. Eodemque modo ceteri explicandi intelligēdiq; sunt, ut ex ijs necessaria sequatur conclusio. His autem ita constitutis, & explicatis, facile intelligi potest, quibus in causis & quæstionibus horum locorum vsus sit. Nam primus hic, Plura bona paucioribus anteponi,

itemque ille, Pauciora mala, malis pluribus, adhiberi debent in has & similes quaestiones, Siue valetudo, gloria & iustitia, gloria & iustitia anteponenda? Sitne pulchritudo corporis, vires, et libertas, pernecitate et proceritate meliores? An exiliū et bonorum amissio, egestati, vinculis, & eculeo anteponenda sint? An eculeus, & carcer, dedecori, exitio, et morti? Argumentum autem ducetur hoc modo, Si pulchritudo corporis, vires, libertas tria bona sunt, & pernecitas atque proceritas tantum duo, illa his anteponenda sunt. Primum autem est: secundum igitur. Tum ad propositionem confirmandā, locus ipse sumendus erit, Plura bona anteponenda esse paucioribus, addita ea quam exposui, explicatione. Aliter enim firmū non erit argumentum. Atque hoc quidem genus loci ad eum quem paulo ante explicaui definitionis locum, reuocandum est. Si quis enim loco allato non concedat, boni definitione cogendus erit. Quibus enim magis boni definitione conuenit, ea sunt habenda meliora. Neque enim ob aliam causam plura bona paucioribus bonis anteponenda sunt, nisi quod in ea coniuncta uerius bonorum definitio valet. Similis est ratio illius extremi loci eorum quos à Cicerone sumptos tractamus, Et quod plures imitentur & faciant. Bonum enim id dicitur uno modo, quod omnes expetunt, cuius hoc consequens est, Plures enim habentur ferè pro omnibus. Sed hoc ad doctos & bonos pro re quae tractabitur, referri debet.

Neq; enim si plures expetant diuitias, ipsique sibi principes ad imitandum proponant, idcirco diuitijs virtus est anteponenda. Ille autem tertius, Diuturniora bona breuioribus, ad eam locū reuocari debet, quem ab usu supra nominauī. Cuius enim usus diuturnior est, id melius. Vt uirtus scientia et arte melior est hoc ipso, quod diuturnior: quemadmodum Aristoteles primo de moribus libro docet. Eodem modo diuitie affecte sunt ad virtutem, artes omnes ad valetudinem aliaque innumerabilia. Tractabitur autem hoc modo, Si virtutis usus diuturnior est, quā diuitiarum, virtus diuitijs melior est. Virtutis autem usus diuturnior est. Nam quod virtutem sapius, & in plures excolas, eo maior est: diuitie autem quod in plures effundantur, minores: uirtus igitur diuitijs antepōnda est. De stabilitate quā Aristoteles addit, idem confirmari licet. Cicero in primo de officijs diuturnitate & stabilitate confirmat res urbanas maiores bellicis, propter earū usum permanentiorem, Quauis enim Themistocles iure laudetur & sit eius nomen quā Solonis illustrius, citeturque Salamina clarissimæ testis victorie quæ anteponatur consilio Solonis ei quo primum constituit Ariopagitas: non minus tamen præclarum hoc quā illud iudicandū est. Illud enim semper profuit, hoc semper proderit ciuitati, hoc consilio leges Atheniensium, hoc maiorum instituta seruantur. Ille quoque locus, Longè et latè peruagata angustis anteponenda, boni definitione

continetur. Superior quidem locus ad tempus, hic autem ad quantitatem pertinet. Atque his etiam verbis exprimi solet, Quo quodque bonū communius, eò melius. Eius autem tractatio est talis, Si iustitia totum genus hominum complectitur, fortitudo autem ad paucos pertinet, iustitia fortitudini anteponenda est. Amicitiam Cicero diuitijs, opibus, honoribus, valetudiniq; preponit, q̄ & maior eius usus sit, et latius pateat, et stabilis sit ac diuturna, Amicitia plurimas res cōtinet, quocunque te uerteris præsto est, nullo loco excluditur, nunquam intempestiua, nunquam molesta est. Itaque non aqua, non igni, non aere (vt aium) pluribus locis utimur quàm amicitia. Atque hæc de ijs quæ numero comparantur. Sequuntur ea quæ specie. Specie autem comparantur ea quæ ex contraria parte genera bonorum diuidunt. Bona enim alia propter se expetuntur, alia propter aliud: quedam sunt innata, alia assumpta: alia sunt integra, alia contaminata: alia sunt iocunda, alia minus iocunda: multisq; alijs modis bona diuiduntur in suas partes. De quibus pauca dicenda sunt. Quæ propter se expetuntur ijs quæ propter aliud, anteponenda sunt, vt virtus diuitijs, et omnino honesta ipsis utilibus. Ad definitionem boni hic tandē locus reuocandus est. Bonū enim id est vno modo, quod propter se expetitur. Hic magnam argumentorum copiam rei subiectæ ac propositæ suppeditabit definitio, vt si definiantur, quæ propter se expetantur. Nam cum id

propter se expetatur, quod vi sua, etiā si nihil inde utilitatis redundaret, peteretur, nō est id quidem dubium, quin eo etiam definito quod propter aliud expetitur, multo maior vis illorum facile appareat. Insita verō aduentitijs anteponūtur, ut ars & doctrina quæ sunt nostro Marte & labore comparata, ijsdem si aliorum opera comparētur. Huius causam affert Aristoteles, quod plus laboris indigeant. Innata autem assumptis alia quadam ratione anteponuntur, quod difficilius amittuntur. Itaque quemadmodum ille eo reuocandus est, ut quæ maiore labore constant, ea meliora esse, ut hic eo, ut quæ difficilius amittuntur, ijs quæ facilius, præstare doceantur. Quanquam & hæc ratio superioris loci afferri potest, ut ea insita vocemus, quæ in nobis sunt: aduentitia, quæ possidentur. Itaque Cicero paradoxo VI. hac ratione diuitijs virtutē dicit anteponendam. Etenim si isti callidi rerum aestimatores præter areas quasdā magno aestimant, quod ei generi possessionū minime quasi noceri potest, quanti aestimanda est uirtus, quæ nec eripi, nec surripi potest vnquam, neque naufragio, neque incendio amittitur, nec tempestatu, nec temporum permutatione mutatur. Quanquā hoc exemplum ad locum aliū paulō post tractatum pertinet. Integra autē contaminatis meliora sunt, quod in suo quidque genere manens melius est, q̄ si in aliud degeneret, aut a suo deflectat. Itaq; hæc in rebus eiusdem generis spectanda sunt. Vt integri oculi & ualen

res, ijsdem labefactatis & corruptis anteponatur, ut aqua & aer salubris pestilenti, aliaque eiusdē generis. Hoc argumento tēperantia continentiae anteponitur. Iocunda quoq; minus iocundis anteponenda sunt: idq; fit propterea quod omnia uoluptatē & delectationem persequuntur, & oblectationis causa expetunt. In his autem & alijs plerisq; locis cetera paria esse debent. Non enim dubiū est quin aliquid in quo minus sit voluptatis quā in alio, alia ex parte anteponi oporteat, ut in rebus bellicis minus est oblectationis, quā in paranda & amplificāda re familiari, et tamen militaris disciplina domesticā anteponitur. Hōnesta verò ipsis vtilibus anteponenda esse inter doctos & sapiētes cōstat, quos dignitas cōmouet maximē: pleriq; autē diuitijs & opibus hēc cōcedere uidetur oportere. Sed hoc loco non quid imperita multitudo sentiat, sed quid docti, attēdendū est: honestatis autē et utilitatis definitionibus id faciliē docebitur. Procliuia etiā laboriosis preponderāt, et cōtrā laboriosa procliuibus, sed alia atq; alia ratione & sentētia. Nā illud superius quod est Ciceronis, non omnino verū est, sed in rebus diuersi generis, ut uirtus est hoc modo diuitijs anteponēda, quod facilius sit uirtutē si opera ei detur, adipisci, quā parare diuitias, cū semper in nobis sit, ut eā habeamus, illas nō semper. Quarum enim rerū in nobis causae sunt, eas facilius habere & nācisci possumus, quā eas quarū causas in nobis non habemus. Eodem modo artes &

scientiæ ipsæ anteponuntur. Posterius autē Aristotelis est, id quod confirmat hac ratione, quod ea chariora sunt nobis quæ non est facile parare. Virtus in hoc genere erit, & diuitiæ, si virtutē in medio consistere definiamus, quod assequi sit difficillimū. Necessaria quoque non necessarijs præponderāt. Cū hoc loco dico præponderare necessaria non necessarijs, bonitatē nō cōiungo. Neq; enim si quid magis necessariū est, continuò etiam est melius. Vt viuere necessarium est, bene viuere non necessarium, cum bene viuere melius sit, quàm omnino viuere. Itemque videre, & audire, magis necessarium est, quàm integrè & acriter cernere, et facile audire, quorū hæc sunt quàm illa meliora. Quod si quis obijciat, non necessaria contrā necessarijs anteponenda esse hoc ipso quod meliora, id non semper verum est. Melior enim est dei vita, quàm hominum: & tamen non est illa huic ab homine quidem antepōnda. Quicquid enim anteponitur, id in potestate sit eius qui optat, necesse est. Nec si vitam eā quæ actione cernitur Cicero extremo libro primo de officijs anteponendam esse confirmat, quod illa sit magis necessaria, idcirco melior est. Hoc apud Ciceronem sequitur, Sui alienis. scilicet antepōnda: apud Aristotelem autē pro alienis, cōmunibus ponitur. Vtrunque verum est. Virtus priore modo diuitijs præponitur. Nam cum suum cuiusque in cuiusque sit potestate: & virtus in hominis sit potestate, diuitiæ in fortunæ temeritate, sic ut virtus di-

uitijs præponderet. Itaque hoc argumento in libr. de Amicitia Cicero confirmat summū bonum in diuitijs non esse ponendum; Diuitias alij præponunt, bonā alij valetudinē, alij potentiā, alij honores, multi etiā voluptates. Beluaris hoc quidem extremū est, illa autē superiora caduca & incerta, posua nō tam in nostris cōsilijs, quā in fortuna temeritate. Quod autē sequitur apud Ciceronē, Rara vulgarib⁹, scilicet antepōnda, id ad possessionē modō referendum est, ut aurū quoniā rarum est, ferrum autē, stannum, et plumbum uulgaria, ob eā causam illis antepōnitur, quod auri insignior sit possessio. Nam si ad vsum referatur, cōtrā uulgaria raris antepōni videbuntur. Quo enim pluribus locis utimur, aut diutius, id antepōnendū est, quoniā magis necessarium. Sequitur illud, Desyderabilia ijs quibus facile carere possis. Hoc boni definitione continetur. Nam cum bonū sit id quod expetatur, & desyderabilia magis expetātur, quā ea quibus facile carere possumus, fit ut desyderabilia illis antepōnda sint. Illa autē duo, Perfecta inchoatis, et tota partibus antepōnda, in rebus eiusdē generis spectanda sunt. Nō enim dubiū est quin si ad res diuersi generis referātur, possint refelli. Quis enim perfectā ex ligno sellam, aureā inchoatā, aut totā eandem sellam parti eius quæ ex auro est anteponat? Nam quod sequitur, Ratione utentia rationis expertibus, scilicet antepōnda, id ad generis & ordinis præstantiam accommodandum est.

Rationis enim expertia, si ex usu & indigentia pon-
 rentur, ferè anteponuntur. Nemo est enim qui non plu-
 ris emat fundum, quàm pauperè qui sit debilis, si uen-
 deretur. Eodemque modo sentiendum est de illo, Ani-
 mata inanimatis. Voluntaria autè necessarijs tum an-
 teponenda sunt, cum ad animum vtrunque refertur, ut
 necessarium idem valeat quod nō voluntariū. Cicero
 ipse in primo de Officijs lib. Platonis de philosophorū
 iustitia sententiā hoc loco refellit, Itaque eos ad Remp.
 ne accessuros quidem putat, nisi coactos. Aequius au-
 tem id erat voluntate fieri. Nam hoc ipsum, ita iustum
 est quod rectè sit, si est voluntarium. Hoc enim quæri
 potest, melius ne sit ad remp. gerendam, coactum, an
 voluntate sua accedere. Quanquam Cicero mihi iniu-
 ria Platonem uidetur reprehendere. Ant enim Plato in
 secundo de rep. δὲ δὴ αὐτοῖς αἰνά μὲν πρὸς τὴν αἰσθη-
 σὶν καὶ μὴ μὲν πρὸς τὴν αἰσθησὶν, id est, Itaque vi
 & damno cogamur oportet, ut velint ad remp. acce-
 dere. Sequitur etiam illud caput apud Ciceronē, Natu-
 ralia nō naturalibus esse anteponēda. Naturalia autè
 bona hoc loco ea intelliguntur potius quæ natura et ui-
 sua bona sunt, quàm ea quæ à natura insunt. Nam de
 his paulò antè disseruit, cum dixit, Innata & insita
 assumptis & aduentitijs scilicet esse anteponēda. Hoc
 modo iustitia & ius quod natura cōstat, meliora sunt
 ijs quæ lege aut voluntate iusta sunt, ut non naturalia
 bona ea appellemus, quæ non natura, sed vel lege, uel

consuetudine, vel pacto, vel alio modo bona sunt. Itaque hic locus latissime patet. Quæri enim hoc potest, *utrum ius præstātius, idne quod natura, an quod lege constat, ut naturale, an ciuile?* Et *utri potius parendum non scripto, an scripto?* aliaque sexcenta generis eiusdem. Alio etiam modo naturalia bona intelligere possumus ea quæ natura efficiuntur, ut non naturalia ea uocemus, quæ non natura, sed uel arte, uel casu fiāt. Hanc ego sententiam ut ueriorē esse credā, facit is locus qui proxime sequitur, *Artificiosa non artificiosis, scilicet esse anteponenda, ut uideatur dixisse, quemadmodum ea quæ natura ijs quæ nō naturafiant præstāt, sic ea quæ arte, ijs quæ nō arte efficiantur, esse meliora.* Itaque hunc etiā locum, ut cæteros, adhibuit Cicero in. 2. de natura Deorū libro, *Si ergo meliora sunt ea quæ natura, quā illa quæ arte profecta sunt, nec ars efficit quicquā sine ratione, nec natura quidem rationis expers est habenda. Quanquā aliam ad quæstionem hoc eius argumentū pertinet. Huius loci magnæ quæstiones sunt propriæ, ut si queratur, Meliusne sit mundum natura, an casu administrari? An melius sit rēp. natura, an pacto et instituto hominū esse cōstitutā?* Adhuc de ijs diximus quæ numero et specie cōparantur. Nunc de ijs quæ ut cōferuntur, dicendū est. Primus locus hic à Cicerone ponitur, *Efficiens causa grauior, quā non efficiens.* Eum autem sic intelligere debemus, ut dicamus eā causam quæ bonum efficiat,

meliozem ea quæ non efficiat . ut uirtus melior diuitijs , quoniam uirtus bonum efficit , diuitiæ non efficiunt . Diuitiæ enim tantum in ijs sunt causis sine quibus nonnūquam bonū effici non possit . Itaque hoc loco ea cognoscenda sunt , quæ suprà de causis in earum loco tradidi . Nec uerò causa efficiens grauior est modo quàm nō efficiens , sed etiam quàm efficiēs casu & fortuito . ut uirtus melior est quàm fortuna , quòd illa per se , hæc fortuito & improprie causa est bonorū . Cōtrā in malis est . Quod enim efficiens est malorum , deterius eo est quod non est efficiens . & quod per se eorundem efficiens est fugiendum est potius , quàm quod eadē temerē & casu efficit . ut culpa potius uitanda est quàm casus , aut necessitas . Cicero principio tertij libri de Officijs hoc loco usus est , Si fugiendum id quidem censeret , sed multo illa peiora , mortem , paupertatem , dolorem , errat in eo quòd ullum aut corporis , aut fortunæ uitium , uitjs animi grauius existimet . Itēq; duas causas efficiētes comparari inter se licet , earūq; ea melior erit primū , quæ aliquid melius efficiat , de quo genere iam antè dictum est : deinde ea cuius finis est præstantior . Hoc modo artes omnes comparari inter se possunt , quoniam nulla est prorsus quæ non sit effectrix boni . Itaque ex finibus quos habent propositos , iudicanda & spectanda earum præstantia est . Sequitur hic locus , Quæ se ipsis contenta sunt meliora quàm quæ egent alijs . Hoc utitur Cicero in secundo de Officijs libro , cū iusticiam pru-

dentia comparat, *Harum igitur duarum ad fidem faciendam iustitia plus pollet: quippe cum ea sine prudentia satis habeat auctoritatis. Prudentia sine iustitia nihil ualet ad faciendam fidem. Quò enim quis uersutior & callidior, hoc inuisior & suspectior detracta opinione probitatis. Quamobrem intelligentia iustitia coniuncta quantum uolet habebit ad faciendam fidem uirium. Iustitia sine prudentia multum poterit: sine iustitia, nihil ualet prudentia. Idem principio libri de inuentione, eloquentia sapientiam eodem argumento anteponendam esse concludit. Aristoteles in Topicis eodem modo fortitudini iustitiam dicit esse anteponendam. Quæ etiam in nostra, ijs quæ in aliorum potestate sunt, anteponuntur. ut uirtutes quæ sunt in nostra potestate, meliores sunt quàm externa bona. Nam si hic locus ad bona externa tantum referatur, non uideo quæ sit eius cum illo dissimilitudo, sua alienis homines scilicet anteponunt. potest etiam intelligi in ijsdẽ bonis & in diuersis quæ sint illa quidem nostra, sed alia in nostra, alia in aliorum sunt potestate. Potest etiam ad illa bona quæ adipisci possumus & quæ non possumus, referri, ut omnes malint uitam hic humanam & breuem, quàm diuinam & sempiternam degere, quod hanc assequi non possint. Et omnes malint semper pedibus ingredi, quàm uolare: frustra enim id expetant. Extrema hæc duo huius tertij generis capita, Stabilia incertis: quæ eripi nõ possunt, ijs quæ possunt anteponenda, supra exposui. Reliqua*

est quartū genus, in quo quædam ad res aliquas, ut Ciceroni placet, spectatur affectio. Hic bona non per se spectantur, sed quatenus aliorum sunt uel propria, uel aduētitia, uel innata. In hoc genere primum hoc caput numerat, Principum commoda maiora quā reliquorū. Aristoteles hoc & pluribus explicat & manare uult latius. At enim ea bona omnia quæ in meliore insunt, & quæ iustiorē habēt uenerationē, meliora esse ijs quæ in deteriore, ut bona Dei hominū commodis, & animi bona corporis bonis esse antepōnda. Idem Cicero primo libro de Officijs, plus operæ in domesticis, quā in militaribus factis ponendum esse confirmat hoc argumento, Omnino enim illud honestum quod ex animo excelso magnificōq; querimus, animi efficitur non corporis uiribus. Paulō infra, Honestum autem id quod exquirimus, totum positum est in animi cura & cogitatione. In libro de Senectute, Nihil igitur asserunt, qui in re gerenda uersari senectutem negāt. similesq; sunt, ut si quis gubernatorem in nauigādo agere nihil dicāt, cum alij malos scandant, alij per foros cursent, alij sententiam exhauriant: ille autem clauum tenens sedeat in puppi quietus, non faciat quæ iuuenes. At uero multo maiora & meliora facit. Non enim uiribus, aut uelocitatibus, aut celeritate corporum res magnæ gerūtur, sed consilio, & auctoritate & sententia. Quanquam hoc exemplum eum locum magis attingit, quem supra traclauimus, Quæ à meliore efficiantur, ea meliora. Restāt

dentia comparat, Harum igitur duarum ad fidem faciendam iustitia plus pollet: quippe cum ea sine prudentia satis habeat auctoritatis. Prudentia sine iustitia nihil ualet ad faciendam fidem. Quò enim quis uersutior & callidior, hoc inuisior & suspectior detracta opinione probitatis. Quamobrem intelligentiæ iustitia coniuncta quantum uolet habebit ad faciendam fidem uirium. Iustitia sine prudentia multum poterit: sine iustitia, nihil ualet prudentia. Idem principio libri de inuentione, eloquentiæ sapientiam eodem argumento anteponendam esse concludit. Aristoteles in Topicis eodem modo fortitudini iustitiam dicit esse anteponendam. Quæ etiam in nostra, ijs quæ in aliorum potestate sunt, anteponuntur. ut uirtutes quæ sunt in nostra potestate, meliores sunt quàm externa bona. Nam si hic locus ad bona externa tantum referatur, non uideo quæ sit eius cum illo dissimilitudo, Sua alienis homines scilicet anteponunt. potest etiam intelligi in ijsdē bonis & in diuersis quæ sint illa quidem nostra, sed alia in nostra, alia in aliorum sunt potestate. Potest etiam ad illa bona quæ adipisci possumus & quæ non possumus, referri, ut omnes malint uitam hic humanam & breuem, quàm diuinam & sempiternam degere, quod hanc assequi non possint. Et omnes malint semper pedibus ingredi, quàm uolare: frustra enim id expetant. Extrema hæc duo huius tertij generis capita, Stabilis incertis: quæ eripi nō possunt, ijs quæ possunt anteponenda, supra exposui. Reliquum

est quartū genus, in quo quædam ad res aliquas, ut Ciceroni placet, spectatur affectio. Hic bona non per se spectantur, sed quatenus aliorum sunt uel propria, uel aduētitia, uel innata. In hoc genere primum hoc caput numerat, Principum commoda maiora quā reliquorū. Aristoteles hoc & pluribus explicat & manare uult latius. At enim ea bona omnia quæ in meliore insunt, & quæ iustiorē habēt uenerationē, meliora esse ijs quæ in deteriore, ut bona Dei hominū commodis, & animi bona corporis bonis esse antepōnda. Idem Cicero primo libro de Officijs, plus operæ in domesticis, quā in militaribus factis ponendum esse confirmat hoc argumento, Omnino enim illud honestum quod ex animo excelso magnificōq; querimus, animi efficitur non corporis uiribus. Paulō infra, Honestum autem id quod exquirimus, totum positum est in animi cura & cogitatione. In libro de Senectute, Nihil igitur afferunt, qui in re gerenda uersari senectutem negāt. similesq; sunt, ut si quis gubernatorem in nauigādo agere nihil dicāt, cum alij malos scandant, alij per foros cursent, alij sentinam exhaustiant: ille autem clauum tenens sedeat in puppi quietus, non faciat quæ iuuenes. At uero multo maiora & meliora facit. Non enim uiribus, aut uelocitatibus, aut celeritate corporum res magnæ gerūtur, sed consilio, & auctoritate & sententia. Quanquam hoc exemplum cum locum magis attingit, quem supra tractauimus, Quæ à meliore efficiantur, ea meliora. Restāt

tria capita quæ definitione boni explicantur, Quæ iocūdi-
diora, quæ pluribus probata, quæ ab optimo quoque lau-
data, ea scilicet esse meliora. Nam cum bonum sit quod
omnia expetant, plures instar omnium habentur, &
optimus quisque: & bonum non aliam fere ob causam
expetitur, nisi quia in eo uoluptas inest & oblectatio.
Atque hæc quidem quatuor partes sunt, in quas compa-
rationis locum Cicero diuisit. Aristoteles autem multos
præterea locos enumerat, qui ad superiores addi pos-
sunt. Quæ igitur à meliore arte proficiuntur, ea sunt
eius sententia, anteponenda omnia. ut quæ a philosophia
proficiuntur ijs meliora sunt, quæ ab architectura.
Itemque quæ ui sua in genere bonorum sunt, ijs quæ non
sunt, ut iustitia quæ per se & natura sua bonum est, ui-
ro iusto qui non per se, sed iustitiæ interuentu bonus est,
anteponitur. Et quæ omnino bona sunt, ijs quæ alicui
profunt, ut ualere quàm secari melius est. Quæ in anti-
quioribus sita sunt: ut ualetudo uiribus corporis, & cor-
poris uires pulchritudini anteponenda. Valetudinis enim
antiquior quàm illorum sedes est. Illius enim sedes in
humore, siccitate, calore, & frigore, ijs quæ omnibus ex
quibus primum animal constat: uires autem corporis in
nerviis & ossibus sita sunt. Pulchritudo uerò corporis
in apta quadam compositione membrorum, quæ po-
steriora sunt illis. Finis ijs quæ ad finem pertinent. ut bea-
ta uita uirtuti anteponitur. Quæ ad meliorem finem re-
feruntur, ijs quæ ad alium. ut uirtus rebus ijs quæ ad na-

letudinem pertinent. Quo tempore aliqua plaris sunt, ea
tam magis expetenda. ut in senectute externa bona &
prudencia. Quæ per omne tempus ætatis plus possunt ijs
quæ maxima parte, utiliora. ut iustitia fortitudine. Sunt
præterea loci alij ab eo explicati & in tertio Topicorū,
& in primo de Rhetorica libro, quos cuiq; licebit, si sit
opus, depromere. Nos his contenti erimus, præsertim cū
necessarium nullum prætermisisse uideamur. Quæ de
comparatione expetendarū rerum dixi, eadem, sed con-
traria ex parte, ad fugiendarum rerum comparisonem
accommodari possunt. Vt enim quæ pluribus probata,
meliora sunt, sic deteriora, quæ paucioribus, Et quem-
admodum quæ per se bonorum causa sunt, anteponi de-
bent, ita postponenda ea quæ per se ijs quæ non per se
causa sunt malorum. Eadem est reliquorum ratio &
sententia. Scire autem oportet id quod superiore libro
dixi, accidentis esse omnes quæstiones, ad quas adhiberi
possit hic comparisonis locus. A pari autem argumen-
torum totidem genera, quot à maiore & minore, su-
muntur. Nam & numero, & specie, & ui, & ad ali-
quas res affectione comparantur. Tractatio etiam eadē
est omnino, nisi quòd hic in comparatione uerbis ijs quæ
æqualitatem declarant, utendum est. Quoniā locos o-
mnis qui in utrunq; quæstionis genus conuenirent, tam
in id quo simpliciter aliquid quæritur, quā in id quo
comparatē, exposuimus, eosq; ad quatuor illa quæ sola
in disputationem incidere possunt, genus dico, definitio.

nem, proprium & accidens, accommodauimus: in quibus omnibus id queritur, nū aliquid alteri omnino conuenit: sequitur ut de locis ijs differamus, qui apti erunt ad eas quæstiones, quibus queritur, num uerbum propositum sit rei de qua agitur, genus, proprium, accidēs, aut definitio. Nam cum hoc primum queri debeat, num res rei, aut uerbum uerbo cōueniat omnino: deinde quomodo conueniat, an ut genus, definitio, proprium, aut accidens, quoniam satis de superiore disseruimus, sit ut iam alterum tractare debeamus. Quæstionum autem genera hoc loco erunt totidem, quot dixi in omnem incidere disputationem. Primum erit generis, alterū proprii, tertium definitionis, accidentis extremū. Primi generis hoc erit exemplum, Sit ne habitus perturbationis genus? Et num uoluntarium sit perturbationis differentia? Alierius erit huiusmodi, Num ignis sit proprium celerrimè sursum ferri? Definitionis, ut, an hoc totū, rerum expetendarū fugiendarūq; scientia sit prudentiæ definitio? Primū de genere dicemus, deinde de cæteris.

Genus quidem quid sit, quōtq; in partes tribuatur, & quæ sit eius cū reliquis dissimilitudo, iam libro superiore diximus. Loci autem iydem in hanc quæstionem incurrent, qui in superiores. Nam & à definitione, & ab enumeratione partiū, & à genere, & à forma, & à coniugatis, & à similitudine, & à dissimilitudine, & ab antecedentibus, & à consequentibus, & à cōtrarijs, & à repugnantibus, & à causis, & ab effe-

Etis, & à maiore, minore, ac pari ad confirmandum &
 refellendum aliquid alicuius esse genus, argumentum
 sumi potest. De quibus omnibus pauca dicenda sunt, ac
 primum de definitione. Duci quidem potest à definitio-
 ne quadruplex argumentū. Primum à generis, alterū à
 speciei, tertium ab eius rei quæ genus esse dicitur, quartū
 ab eius rei cuius id de quo agitur, genus esse ponitur aut
 non ponitur, definitionibus. A generis definitione, ut si
 queratur, sit ne animal homini genus? id cōfirmari po-
 terit hoc modo, Si animal ita in hominibus intelligitur,
 ut de ijs, ac de alijs præterea specie differētibus in qua-
 stione quid est dicitur, animal homini genus est: primitū
 autem est: secundum igitur. Ac in confirmatione quidē
 hoc uno modo cōcludi potest. In refutatione autem ma-
 gnā nobis hic locus suppeditabit copiam. Nam cum
 generis definitio multas complectatur partes, nullam
 abesse oportet, si genus futurū est id de quo queritur.
 Itaque genus propositum, si uel de multis specie diffe-
 rentibus, uel de eo cuius genus esse ponitur in quaestio-
 ne quid est non dici concludatur, refelletur. Priori locus
 erit, si quis deum aut solem genus esse concesserit, hoc
 modo, Si sol de multis specie differentibus nō dicitur, sol
 non est genus omnino: Sol autem non dicitur de multis
 specie differentibus: Sol igitur genus nō est. Posterioris
 autem exemplum erit huiusmodi, Si mortale in quaestio-
 ne quid est de homine non dicitur, mortale hominis ge-
 nus non est, &c. A speciei autem definitione in refel-

lendo ualebit, nec uerò omnis, sed eius quæ modò est species non etiã genus. ut in superiore exemplo, Sol non dicitur nisi de uno, aut multis numero tantum differentibus. Sol igitur non est genus. quãquam hoc genus argumenti superiori dissimile non uidetur. A definitione autem eius quod alterius genus esse ponitur, non solum in refutando, sed etiam in probando sequitur conclusio. In refutando quidem si definitio generis propositi formæ cuius genus ponitur, non conueniat, eius non erit genus. Generis enim cū specie communicari debet definitio. ut si quis animatæ naturæ sentientem genus esse dixerit, refelletur hoc modo, Si corpus animatū non est natura animata sensus particeps, non est genus animatæ naturæ natura sentiens. Hoc appellat Aristoteles participare aliquo. Est autem aliquo, ut genus specie, participare, eius recipere definitionem. Loci huius uis in eo posita est, quod modo dixi, Generis cū specie definitionem communicari oportere. Nam cum genus latius pateat quàm forma quælibet, eaque quæ supra sunt in ijs dicantur quæ sibi subijciuntur, fit ut eorum quoque dicantur definitiones. In confirmatione autem ita denique ualebit, si constet conuenire, & sit solū controuersia an ut genus conueniat. Tum enim satis erit ostendere alicuius generis eorū quæ supra sunt, etiam formæ conuenire eandē definitionem. A speciei autē eius generis de quo agitur, definitione in refellendo argumentum firmiter elici potest. ut si quis ponat id quod est genus unius, aut rei,

id refutari licebit hoc modo, Si unius definitio cum eo quod est communicatur, nō est genus unius id quod est: Communicatur autem: Non igitur eius genus. Potest primo loco ipsa definitio exprimi. Eodem modo nec doloris a gritudinem, nec lætitiæ gaudium genus esse doceri potest. Loci caput est & firmamentum, formarum definitionē generi cōuenire non oportere. Nam quoniam genus de multis specie differētibz dicitur, & ea quæ supra sunt, de ijs quæ infra, aut certē ea quæ æquē patēt de ijs quæ tam latē patent, speciei definitio generi cōuenire nullo modo potest. Hoc autē loco non solum ex eo aliquid genus alterius non esse doceri potest, quod speciei definitio illi quod genus ponitur, cōueniat: sed ex eo etiā, quod cū eo genere quod supra est, ut à capite etiā arcessamus, cōmunicetur. Proximus locus est à partium formæ enumeratione, ualet in utrāq; partem. In confirmatione, ut si queratur, sit'ne corpus animalis genus: id probabitur hoc modo, Si omne animal est uel rationis particeps, uel rationis expers, corpus animali genus est: quod autem est rationis particeps & expers, id omne animal est: corpus igitur animali genus sit necesse est. Atq; hoc ducitur ab enumeratione differētiarum. Ab enumeratione autē formarū hoc modo, Si omne animal aut homo est, aut bestia: & omnis homo, omnisq; bestia animal est: corpus est genus animali. In refutatione cōtra docēdum est partē nullam earum quæ speciei subiectæ sunt, generi de quo queritur, conuenire. ut si quæra-

tur, si ne numerus animi genus: id refelletur hoc modo, Si animus nec par, nec impar numerus est: non est numerus animi genus omnino: Animus autem nec par, nec impar numerus est: Non est igitur animi genus numerus. Idem ad enumerationem formarum transferri licet, ut dicamus, si animus nec duo est, nec tria, nec quatuor, & sic deinceps, animi genus non est numerus: Primum autem abest: Secundum igitur. Locus communis est, De partibus formarum genera dici oportere. Generis partibus idem, siue probando, siue refellendo concludere possumus. Genus autem diuiditur in summum genus, medium, & infimum. Quanquam hoc potius ad probandum aut refellendum aliquid esse genus omnino, conducit. Proximus locus est generis. Plurimus eius est usus in refutatione. A genere quidem formae cuius genus propositum esse conceditur, hoc modo licebit refellere, si quaeratur exempli causa, An quemadmodum placet Socrati, temperantiae sit genus scientia? Si uirtus genus temperantiae est, nec scientiae subiecta est, nec eam complectitur, temperantia non est genus scientia: Virtus autem genus temperantiae est, nec uirtus scientiae subiecta est, nec eam complectitur: Non est igitur scientia temperantiae genus. Huic loco occurritur, diciturque satis uideri, si duo genera certae formae uni generi subiiciantur. quod in duobus, de quibus agitur, contingit. Habitus enim & uirtutem & scientiam complectitur. Itaque hoc addendum erit ad argumentum, si

fit secutura conclusio. Nam tum semper erit necessaria. Ac mihi quidem certè non semper omnino dicendum uidetur duo illa genera eadem non subijci: sed saepe hoc solum pronuncianum est, non contineri illa eodem citra summum genus. Idem licebit refellere, si à genere eius quod genus esse ponitur, ducamus argumentum. ut si queratur, Sit ne animi numerus genus? reprehendetur hoc modo, Si numerus non est qualitas, non est numerus animi genus: Primum autem abest: Secundum igitur. Locus communis, Cuius genus non est id quod supra est, eius non est quod infra est genus. Hoc in loco utile erit etiam uidere, num genera quæ supra sunt de forma cui genus propositum datur, in naturæ quæstione dicantur omnia. Si quod enim non dicatur, non erit uerum genus. ut si quis dicat, corui id quod nigrum est genus, refelletur hoc modo, Si id quod coloratum est genus eius est quod est nigrum, nec de coruo in quæstione naturæ id quod coloratum est dicitur, id quod nigrum est esse corui genus non potest. In cõfirmatione autem nullum argumētum hic locus suppeditat. Forma sequitur, cuius locus solum ualet in refutatione. Vt si quæstio ponatur, An numerus animi genus sit, refelli poterit hoc modo, Si animus est uitæ particeps, nec ullus numerus potest uiuere, profecto animi genus esse numerus nullo modo potest. A coniugatis exemplum erit huiusmodi, Si iustitiæ scientia genus est, quod scienter fit, eius erit genus quod iustè fit: non est autem id
§ ij

quod scienter fit eius quod fit iuste genus: non est igitur iustitiae genus scientia. In confirmatione ualet idem locus, Si sentiendi iudicare est genus, sensus etiam genus iudicium est: Sentiendi autem iudicare genus est: Sensus igitur genus est iudicium. Similitudinis hoc exemplum erit, Si iustitiae genus est uirtus, iniustitiae etiam uitium genus est: Primum autem est: Secundum igitur. Propositionis erit ratio, Quam enim rationem habet uirtus ad iustitiam, eandem uitium ad iniustitiam habet. Idem argumentum ex contrario etiam ducitur, sed ratio propositionis diuersa est. Si enim ex contrario sumatur, haec ratio afferetur, Si contrarium contrarij genus est, Et propositi contrarij genus erit propositum contrarium. In alijs etiam ualet hic locus. In refutatione hoc modo, Si uoluptatis bonum genus non est, nec utilitatis est. Quam enim habet rationem ad bonum uoluptas, eandem habet utilitas ad eandem. Vtrunque enim eius efficiens est. Dissimilitudinis locus eodem modo in utraque partem ualet. Non quemadmodum uirtus temperantiae genus est, ita est continentiae. In confirmatione, Si animi genus est natura incorporea: animalis, corpus est. Quanquam hoc argumentum ad similitudinem referri potest. A consequentibus etiam generis firma argumenta sumuntur, sed solum in refutatione, Si homo de multis specie differentibus non dicitur, homo non est genus. Si mortale in quaestione naturae non dicitur, non est hominis genus. Haec enim duo generis sunt conse-

quentia. Si quid enim genus sit, id de multis specie differētibz dicatur, necesse est. itēq; in natura quæstione. Idem locus est à consequentibus speciei propositæ, & generis propositi. Si enim detur formæ eiusmodi genus quod formam ipsam antecedit, aut quod eandem neque ipsum neque differentia sequatur, genus esse illius hoc loco refelletur. Debet enim formam sequi & genus & differentia. Si enim homo est, etiam animal est, & rationis particeps: contra non si animal est aut rationis particeps, continuo homo est. In hoc errore uersantur, qui animi genus numerum esse dicunt. Nam cum natura seu essentia omnis accidens sequatur, animus autem quem formam ponunt sit natura, & numerus quem genus ponunt, sit accidens: non est dubium quin id genus esse statuunt, quod antecedit, cum sequi debeat. Idem etiam usuuenit ijs qui id quod est, unius genus ponunt. Ei enim quod est, non antecedit unum, quod in specie necessarium est. Antecedere autem hoc loco id dicitur, à quo sequitur necessaria naturæ conclusio. ut sequitur, Si homo est, etiam animal esse. At sequitur si id quod est sit in rerum natura, etiam unum esse. Duorum autem superiorum argumentorum unum est ab antecedentibus, alterum à consequentibus. Vt enim dixi, & genus formam ac differentiam antecedere, & forma atque differentia idem sequi debet. Sequitur contrariorum locus. Eorum quatuor sunt, ut antè dixi genera. Ex ijs quidem quæ aduersa dicuntur, multa argu-

menta in utraq; partem sumi possunt. In confirmatione tria hæc firma erunt. Primum à contrario forma, Si forma generis de quo agitur, sit contrarium, quod quidem in eodem genere in quo forma illa, collocetur: non reperiatur autem ullum generis contrarium, genus erit id quod propositum est. quomodo affecta sunt inter se, uirtus, uitium, habitus, ut habitus affectioni subiiciatur. Alterum genus in contrarijs tantum ualet ijs quæ media habent, quæ eadem media cum extremis communicant. Atque idem à forma contrario ducitur hoc modo, Si rufus color forma est coloris, etiam color nigroris genus sit necesse est. Locus cōmunis, Quod genus medij cōtrarij est, idem & extremi contrarij. Tertius modus à generis contrario sumitur. Cuius exemplum est huiusmodi, Si uirtus temperantiæ genus est, & uitium intemperantiæ. Primum autem est: Secundum igitur. Locus communis, Si contrarium contrarij genus sit, & propositi id de quo agitur genus sit necesse est. Atque hæc quidem ad confirmandum adhibentur. In refutatione autem hæc ualent. Primum ex forma contrario, cum nihil generi est contrarium, hoc modo tractabitur, Si habitus non est genus impudentiæ, nec habitus est uerecundiæ genus. Locus communis, Si formæ contrarium non est generis propositi forma, nec formæ ipsius genus erit de quo agitur. Contrariorum enim eadem sunt genera. Alterum argumenti genus à generis de quo quæstio est, contrario sumitur. Eius exemplum erit

huiusmodi, Si impudentia genus non est vitium, nec ueracitas uirtus genus est. Locus communis, Si contrarium generis de quo agitur, non est genus contrarii formae illius generis, nec propositum genus propositae formae genus est. Nam quemadmodum supra dixi, Contrariorum genera sunt contraria. Tertium genus argumenti rursus a formae contrario sumitur. Eius haec tractatio est, Si actionis qualitas non est genus, nec perperisionis est. Locus communis, Quorum contrariorum alterius nullum genus est, nec alterius esse. Quatuor praeterea Aristoteles argumentorum genera quae ad refellendum pertinent, proponit. Mihi autem haec satis multa sunt, quoniam non est mihi propositum singula persequi. Ab ijs autem contrarijs quae priuantia Cicero uocat, Graeci alij *σεντικα*, Aristoteles *ἐναντιον* & *σεντικον*, sumuntur argumenta quae ualent in utranque partem. In confirmatione exemplum erit idem quod aduersorum, Si cecitatis genus est sensus uacuitas, aspectus etiam genus sit sensus necesse est. Locus communis, Si unius contrarii contrarium sit genus & propositae formae contrariae contrarium id quod quaeritur, genus erit. Atque hoc unum in confirmatione firmum est. In refutatione duo sunt. Prioris generis exemplum est tale, Si mortis genus est dissolutio, uitae non est idem genus. Locus communis, Priuantium non esse idem genus proximum. Posterioris erit huiusmodi, Si cecitatis ignoratio genus non est, nec aspectus genus est scientia. Aientia & negan-

tia sequuntur: quæ idem argumentandi genus suppedi-
tant, quod in quæstione simplici. In confirmatione eius
tantum usus est, Si id quod non est uirtus, genus est eius
quod non est iustitia, uirtus etiam iustitiæ genus est,
Aut contrâ, Si uirtus iustitiæ genus est, quod non est
uirtus eius quod non est iustitia, erit genus. Ab ijs au-
tem quæ cum aliquo conferuntur, multa argumenta
duci licet. In confirmatione à speciei contrario hoc mo-
do, Si simpli genus sit id quod cum aliquo confertur,
dupli etiam est. Locus communis, Si species genus ha-
beat ea quæ cum aliquo conferuntur, & genus propo-
situm habebit. Alterum est in confirmatione, cuius hæc
tractatio est, Si dupli genus est multipulum, & simpli
submultipulum. Locus communis, Contrariorum cōtraria
sunt genera. In refutatione autem multo plura sunt, quæ
omnia non necesse habemus exponere. Vnum est huius-
modi, Si species per se ad id referatur, ad quod genus
propositum nō possit. Alia peti possunt à categorijs. ut si
non sint simul natura species & propositum genus: si
non eodē casu inter se conferantur: si non reciprocantur.

A causa efficiente argumentum valet in utranque
partem. In confirmatione hoc modo tractabitur, Si do-
cendi genus est agere, doctrinæ etiam aut institutionis
genus est actio. Quod etiam valet in refutatione. Si e-
nim docendi genus non est agere, nec doctrinæ erit a-
ctio genus. Si idem argumentum conuertamus, duce-
tur ab effectis, Si institutionis actio genus est, & insti-

tuendi agere est genus. Si ædificij opus genus est, ædificandi etiam genus est operari. Restat locus comparationis, ex maiore, minore, & pari. Huius loci usus est plurimus & in confirmatione, et in refutatione. In confirmatione, primum si quid speciei genus esse ostendere velimus, id vel ex alio genere, quod aut minus speciei proposita genus sit, quam nostrum, aut æquè, id esse concludemus: uel ex alia specie, cuius id genus de quo agitur, aut magis quàm nostra, aut æquè sit genus. Exempla erunt huiusmodi, Si dialectica ars est æquè genus ac vis, uis autem eius genus est, etiã ars erit. Quod etiã ad argumentum ex maiore transferri licet. Sunt enim plerique qui dialecticã vim differendi, non artem esse definiant. Sunt contrã qui citius eam artem quam vim & rationem esse cõcedant. In alio genere species alia ponitur hoc modo, Si artis dialectica species est quãdã magis, quàm rhetorica: et rhetorica est, erit etiã dialectica. Ita ars dialectica est genus. Ad æqualitatẽ idẽ exemplũ transferri potest. Atq; hoc posterius ad probandã quoq; speciem adhiberi licet. In refutatione contraria ex parte hic tractatur locus, Si sensus genus magis est scientia, quam virtutis: nec sensus est genus: ne virtutis quidem est. Si continentia æquè ac patientia virtus est genus, & continentia non est, nec erit patientia. Si continentia æqua aut potius quam verecundia, uirtutis forma est: nec continentia est, nec erit verecundia: ita non est virtus verecundia genus. Idem transfer-

ri licet ad probandam speciem. Nec uerò hæc sola, sed
 & superiora omnia. Nam cum generis hæc sit hoc lo-
 co quaestio, Sitne, exempli causa, verecundia genus
 perturbatio? & speciei hæc, An verecundia species
 sit perturbationis? non est dubium quin in utrūque ge-
 nus eadem argumenta adhibeantur. Quin etiam eadē
 in differentia conuenient quaestionem. Nam quoniam
 cum quaeritur aliquid de differentia, hoc solet quaeri,
 Sitne, exempli gratia, id quod voluntarium est virtu-
 tis differentia, vel hominis rationis particeps, fieri non
 potest, quin idem loci ad hæc accommodentur, præser-
 tim cum uel in generibus, uel in generum formis omnis
 cernatur differentia. Quod si qua sit dissimilitudo, ea
 erit in definitionis, enumerationis partiū, & consequen-
 tium locis: sed tamen facile poterunt ad superiorū nor-
 mam, similitudinemque dirigi. Ac de ijs quidem quæ-
 stionibus, in quibus an sit genus, differentia & forma
 id de quo agitur, & cuius sint quaeritur, hæc tenus.

Quoniā autem definitio omnis ex genere et differen-
 tijs, ut docui, constat, secundo loco eas quaestiones consi-
 derabimus, quibus quaeritur, an id quod propositū est,
 sit & cuius sit definitio. Quanquam hoc iam confectū
 magna ex parte a nobis uidetur. In definitionis enim
 loco bene longam orationem in ijs explicandis cōsum-
 psimus, quibus uera à falsa & uitiosa facile interno-
 sci potest. Quæ si teneamus, nō est dubium, quin & ad
 confirmandam & ad refutandam definitionē uenia-

mus instructiores. Nam & quæ vitia definitionū essent dixi, & qui uera esset definitionis modus, et quot genera definitionum. Cumque ex genere & differentiis constet definitio, idem ceriè loci qui ad confirmandum aut refellendum genus & differentiam valent, ad definitionem quoque pertinebunt. Quoniam autem huic quaestioni ea subiecta est, quæ idemne sit, an aliud queritur, de ea pauca dicenda sunt. Eadem quidem et alia seu diuersa aliqua dicuntur tribus modis. Alia enim sunt eiusdem vel diuersi generis: alia eiusdem aut diuersa speciei, alia eiusdè aut diuersi numeri. Ea eiusdem generis sunt, quæ eidem generi subiiciuntur, ut homo & equus. Subiiciuntur enim generi animalium. Contrà diuersi generis sunt ea, quæ diuersis generibus subiiciuntur, ut homo & virtus. homo enim in natura, virtus in qualitate collocatur. Eiusdem autem speciei sunt ea, quæ multa sunt & eidem speciei subiiciuntur, ut duo homines: differunt verò specie ea, quæ non vna & eadem specie continentur, ut bos & equus. Alia est enim bouum species, alia equorum. Eiusdè autem numeri dicuntur ea, quorū nomina sunt multa, res eadem, ut homo & ridens, homo & animal rationis particeps mortale, ut ea omnia quæ à grāmaticis synonyma uocantur. Diuersi numeri sunt ea, quorū & nomina multa sunt & res diuersæ, ut singule res omnes. Eiusdem autē numeri aliqua ex eo dicuntur, quòd eundem numerum explent & conficiunt, ut unionem pro

numero *vsurpemus*. Neque enim id quod definitur et definitio, alium numerum, ac alterum eorū efficiunt, ut non dicuntur duæ res, sed una tantummodo, quod secus est in cæteris. Cumque his tribus modis res eadem aut alia dicantur, tamen cum aliquid in disputationem incidit, idēne sit an aliud, id ferè quæritur, an res eadē sit una quæ altera. Itaque Cicero in *Topicis* cū eos locos qui in hanc quæstionē conueniunt, nominat, solū de eadem quæstione differit. Idque hinc intelligi potest, quòd si huius hæc, illius illa causa est, aut si ex alio hæc, ex alio illa effecta est, cōcludi posse dicit, res illas non esse easdem. Quod non est necesse in tribus generibus quæ explicauī. Nam alia hominis causa est, alia equi, cum interea homo & equus sint generis eiusdē. Eodem modo Aristoteles quem in his libris secuti sumus, huic quæstioni omnes locos accommodauit. Quocirca nos ad idem genus locos referemus. Si omnes superiores velim repetere, vereor ne curiosus videar. Itaque contenti omnes erunt, si admoneam, eosdē ferre omnes in hanc etiam posse incurrere. Si enim unius definitio, aut genus, aut cōiugatū, aut cōtrariū, aut consequēs, antecedēs & repugnās, aut causa, aut effectus sit, alterius autem nō sit, ex quouis horū non esse idem cōcludere licebit. Ac in refutatione quidē si horū unūquodque absit, firma erit conclusio. In confirmatione autem ut argumentum firmū sit, hæc ferè omnia oportet concurrere. Neque enim satis est ut sint idē aliqua,

eorum idem esse genus, eadem coniugata, eadem contraria, consequentia, antecedentia, repugnātia, eandem causam, eadem effecta. Nam & hominis atque bouis idem genus est: & ignavia ac audacie idē est contrarium, fortitudo: et iustitia ac iusti eadē sunt coniugata, iuste: & hominis ac bouis eadem sunt tum antecedentia, tum consequentia, tum repugnantia, qua ex parte animalia sunt: & singulorum hominum qui fratres sunt, eadem est causa: & maris atque fœminæ idem effectus. Ita fit, ut solus ferè definitionis locus firmū ad id probandum suppediet argumētum. Sunt tamen alia quæ ad definitionis locum quodammodo referuntur. ut, Quæ duo sunt idem quod tertium aliquid, ea idē sunt. Quæ eadem prorsus habent verum attributa, ea idem sunt. Quæ duo in iisdem omnino rebus dicuntur, ea non differunt. Quæ eadem contraria ex parte valēt in refutando. Si qua enim duo sint eiusmodi, ut eorum alterum sit idem quod tertium, nec alterum sit, ea non sunt idem. Quod etiam fit in cæteris duobus. Quæ enim sunt eiusmodi, sine quibus vniuersis res eadē esse nequeant, eorum si quid tollatur, & adimatur vni, non erit idem quod alterū. Sed hoc loco ne nos attributoris dissimilitudo fallat, videndum est. Neque enim si quid vni attribuitur, alteri non attribuitur, sed adimatur, continuo ea duo non erunt idem. Sic enim idem homo qui vno tempore albus est, alio niger, alius atque fuerat effect. In quo illud generale præceptum tenendum

est, eas res quæ sensus aut rationis sunt participes, attributis ijs quæ in nouem extremis categorijs collocantur, siue addantur, siue tollantur, non alias effici, sed easdē permanere. Vt homo est idem vir, qui puer erat: idem pater, qui ante quā generaret: idem cū bonus, & cū malus est: idē cum agit quid, & cū nihil agit: idem cū patitur (excipio mortem et eorum membrorum præcisiones quæ necessaria sunt). & cum non patitur: cum in Gallia est, & cum in Germania: a state, & vere: cum stat, & cum sedet: cum denique vestitus est, & cum nudus. Quapropter si quid est quod alias eiusmodi res faciat, sunt eorum solum membrorum amputationes, sine quibus coherere nullo modo possunt, vt caput, vt thorax, vt cor. Causa autem est, quod solus animus sensus & rationis particeps, in his rebus, vt sint eadē, spectatur. Itaque tollantur licet omnia membra, dummodo animus maneat, hæ res eadem numero remanebunt. In cæteris autem rebus, quæ per se coherent, magis materiæ quā speciei & formæ habetur ratio. Itaque si qua pars paulò insignior & euidētior tollatur, non iam eadem dici solent. Quanquam in ijs etiam quæ pubescunt, & auferunt, animi qui dat vitam qua vigent, ratio ducitur. Nam vt primū pubescere, & viuere desinunt, aliæ esse dicuntur. Eas autem reliquarum categoriarum attributa, nullo modo alias reddunt. Immutata enim & commutata dicuntur, nō aliæ propriè. Itaque has omnes quasi differentias Por

phyrius non aliud facere, sed solum commutare dicit.
Ac de his quidem rebus quæ per se coherent, hoc sentiendum est. De ijs autem quæ non per se constant, sed solum in superioribus naturis inhaerent, cuiusmodi accidentia vocantur, non eodẽ modo iudicare possumus. Relationum enim quæ re ipsa sunt, nullæ sunt partes. Reliquorum etiam generum quanquam ferè partibus constant, ut magnitudines, & numeri, ut qualitates & actiones, tamen alia ratio est. Nam actiones, voces & tempora quoniam effluunt ac labuntur continenter, nunquam eadem re ipsa permanent. Numeri etiam non solum re ipsa, sed specie etiam unius, id est unitatis tum adiectione, tum detractiõne differunt. Qualitates verò quæ sunt à natura susceptæ, in animis nostris semper eadem manent. Quæ autem studio nostro comparantur, ut virtutes, vitia, & artes eadem usq; ad interitum suum perseverant. Quanquam has & reliquas ex maiore parte iudicari spectariq; nihil absurdum est. Magnitudines autem ad rerum earum quæ sensus expertes sunt, aut illæ potius ad harum normã qua ex parte magnitudo spectatur sunt dirigendæ. Ac mihi quidem natura in his habenda ratio videtur. Sũt enim quædam quæ natura sua crescunt, ut lapides, ut ferrum, ut reliqua quæ metalla dicũtur. Neque enim dubium est, quin ea quæ sunt eius generis, cum à primo ortu perexigua sint, maneant eadem, & primã naturam suam statumq; retineant, cum ad eam magni-

tudinem quam eis naturæ lex præscripsit, peruenierint.
 In detractiōe autem maioris partis, dum multo præ-
 stet, habendam rationem esse existimo. Maior enim
 pars in his ad totum eandem rationem habere vide-
 tur, quàm in homine partes necessariae. Ut enim si ca-
 put homini præcidatur, iam alius est: ita si maior pars
 aut etiam media ei quæ proxima auferatur, alia natura
 esse dicetur. Nam qua ex parte magnitudo est, alia ui-
 detur esse simul atque aliquid certi detractum est. Re-
 liqua sunt nobis questionum genera, id quo quæritur,
 Sit ne id de quo agitur, & cuius sit proprium: & id
 quo quæritur, An sit aliquid & cuius sit accidens.
 Primum de proprij, quoniam rei magis conuenit, quæ-
 stione dicamus. Proprij autem quatuor genera ponit
 Aristoteles, vnum quod per se ac vi sua est: alterum
 quod cōparatè: tertium quod semper est: quartum quod
 ad aliquod tempus est proprium. Simpliciter ac vi sua
 id proprium est, quod omnibus eiusdē generis aut spe-
 cies tribuitur, & ab omni alio genere & specie se-
 paratur, ut hominis proprium est animal esse natum ad
 scientiam. Id enim in omnes homines cadit, eosque à cæ-
 teris separat. Comparatè autem id proprium est, quod
 non ab omnibus secernit, sed ab eo vno cui compara-
 tur, ut si conferas hominem cum beluis, & illius di-
 cas proprium prospicere rebus futuris: beluarum, ferè
 præsentium sensum habere. Semper proprium est quod
 semper conuenit, nec vnquam amittitur, ut animal ex

animo & corpore constare. Aliquando id proprium est, quod ad aliquod solum tempus conuenit, ut hominis est in senectute canescere. Propria rursus alia uno uerbo, alia pluribus explicantur. Vno uerbo, ut hominis ridens proprium est: pluribus, ut eiusdem proprium est hoc totum, animal quod aptum animum habet ad uirtutes recipiendas. Hoc autem loco de eo proprio disputandum est, quod à principio definiuimus. Cuius pars sunt quædam ea quæ pluribus uerbis exprimuntur. Ac ea quidem genus complecti debent quod in naturæ quæstione dicatur, ut Aristoteli placet. Quoniam autem, nec hoc ipse obseruat in tradendis proprijs, nec facere commodè possumus, satis erit si uerbis illa strioribus & notioribus quàm eâ sint quorum sunt propria, explicabuntur. Ex quo perspicuū est, qui loci in huius generis quæstionem sint accommodati. Omnes enim qui definitionis sunt, qua parte nihil in ea deesse aut redundare, & ipsa uerbis magis perspicuis constare debet, quàm sit id quod definitur, huius etiā sunt proprij. Communes autem loci ex contrarijs, ex coniugatis, ex similitudine, ex maiore, minore, & pari, nō solum in hanc, sed etiam in definitionis, & in accidentis quæstionem conuenient eodem modo tractati, quo in generis quæstionibus tractari dixi oportere. Proprius autem erit is maxime, qui à definitione sumetur ea quam initio libri superioris explicauimus. Ex quo etiam locus antecedentiū ducitur. Si proprium est, reciprocatur: non reciprocatur autem: non est

igitur eius proprium. Ex repugnantibus, Si propriū est, in quaestione quid est non dicitur: At qui dicitur: Non igitur est proprium. Rursus ex consequentibus, Si proprium est, semper conuenit: Non autem semper cōuenit: Non igitur proprium est. Ex forma etiam erit hic locus proprius in refutatione, Si hominis proprium nō est quia ex parte homo est, uigilare, hominis uigilare proprium non est. Vtile etiam erit ex generis, speciei, differentiae, & accidentis definitionibus, id quod alicuius proprium esse dicitur, non esse ostendere. Quod in ceteris quoque obseruandum est. Cum autem haec quaestio ponitur, Sitne accidens id quod propositum est eius cui tribuatur (quam quaestionem ab Aristotele praetermissam miror, cum praesertim reliquorū trium quaestiones huiusmodi explicauerit) primum loci communes similitudinis, contrariorum, coniugatorum, maioris, minoris, & paris in eam adhibendi erunt, eorumque ea forma erit, quam in quaestione generis exposui. Deinde reliqui fere omnes qui in ijs quaestionibus, quibus omnino quaeritur, Sit ne hoc illud? a nobis explicati sunt. Nam cum fere omnes locos eiusmodi in quaestiones accidētis incurrere docuerim, hoc nō debet esse dubium, quin si nomen accidentis tam in quaestionibus, quam in argumentis collocemus, ad hanc quaestionē transferri possint. Postremo proprij erunt huius quaestionis loci, definitionis, enumerationis partium, repugnantium. Definitionis, ut si illius accidēs est, potest in eo inesse, uel abesse sine eius interi-

tu: Nō potest autem: Non igitur est eius accidens. In cō-
 firmatione quoque firmum est, Si potest in eo inesse &
 non inesse saluo & manente in rerum natura, eius est
 accidens: Primum autem est: Secundum igitur. Ab enu-
 meratione autem hoc modo, Si nec accidens est eius se-
 parabile, nec inseparabile, nō est eius accidens: Primum
 autem abest: Secundum igitur. In confirmatione autem
 hoc modo, Si separabile est aut inseparabile eius acci-
 dens, est illius accidens: Primum autem est: Secundum
 igitur. Ex quo etiam argumentum ex forma elici potest
 solum in cōfirmatione, Si inseparabile eius accidens est,
 eius est accidens: Primum autem est: Secundum igitur.
 Ex repugnantibus in refutatione hoc modo, Si in quæ-
 stione quid est de illo dicitur, non est eius accidens: In
 quæstione autem quid est de eo dicitur: Non igitur eius
 accidens est. Rursus si accidens eius est, nō reciprocatur.
 A definitione etiam generis & reliquorum, locus re-
 pugnantium tractabitur, hoc modo, Non & de hoc ac
 de multis specie differentibus in quæstione naturæ di-
 citur, & de hoc ac de multis specie aut numero diffe-
 rentibus, in quæstione qualitatis: De hoc autem & de
 multis specie differentibus in naturæ quæstione dicitur:
 Non igitur in qualitatis quæstione. Ita nō est eius acci-
 dens, sed genus. ut si quis candoris, aut nigroris colorem
 accidens statuatur. Proprius etiam locus erit accidentis, si
 quid alicuius esse accidens ponatur, quod nō est alterius
 quod idem ualet. ut si quis eius quod expetendum est

accidens dicat esse, bonum esse id refelletur hoc modo, Si idē ualent quod expetendū est & quod persequendum: nec eius quod persequendum est, accidens bonum est: ne eius quidem quod expetendum est erit. Locus communis, Eorūdem quatenus eadem sunt, eadem sunt accidentia. Qui etiam ad proprium trāsferri potest. Cum autē & id quod ponitur esse accidens, & id cuius accidens esse statuitur in numero habentur accidentium, & in diuersis partibus utrunque situm est, ut si quis metum uerecundiae accidens esse ponat, refelletur hoc modo, Si metus in ea animi parte situs est in qua ira uersatur: & uerecundia in ea parte quae rationis est participes: non est metus uerecundiae accidens. Ac de accidentis, reliquorumque trium quaestionibus, ijsque locis qui in eas adhiberi possunt, satis dictum est.

Quoniam autem principio huius libri ita locos diuisimus, ut alia diceremus in eo de quo ageretur, inhaerere, de quo non solū satis multa mihi dixisse uideor, sed etiam quāq; quaestionem accommodari possit, ut sciamus artis expertes esse, de his aliquid dicendum, et ad absoluendum ex parte suscipiendum reliquisse, intelligendum est. Etiam genus superius, quod omneis cōtinere. Et eorū quos uel amicos, uel aduersarij, uel auctoritas in definiendis, diuisi, et coniugatis, generis, alijsque huius aut sententijs pro-

ferēdis pondus habeat, certē per illud superius locorum genus hoc fundatur necesse est. Quod si hoc semper plurimum ad fidem faciendam ualuit, eorum qui ijs quibus cum disputatur, uel propter uirtutē, uel propter excellentem rerum cognitionem & usum, probati sunt, non solum argumenta, sed etiam dicta factaque omnia, aut multo antē, aut cū opus est colligere, ac quasi in prōptu & numero habere: profectō multo id plus poterit his tēporibus, quibus omnes ferē qui se alicui studio dedūt, aliquem habent auctorem, cuius in disputando decreta defendant. Quō libentius quid de hoc toto genere sentiam, dicam. Hæc ergo argumētatio, ut Ciceroni placet, tota in testimonio posita est. Testimonium autem est, ut eidem placet, omne quod ab aliqua re externa sumitur ad faciendam fidem. Sed quoniam non qualiscunq; hominis testimonium graue est, ob eam causam auctoritas queritur. Ea uel in arte inest, uel in usu, uel in uirtute. sed hæc omnia confirmat antiquitas. Neq; enim tantū nouis quamuis doctissimis, quantū ueteribus minus fortasse aut doctis aut bonis, tribui solet. Tantū ualet hominū qui antē fuerūt a posteris cōsequentibus tēporibus approbata sententia. Sed hoc mihi inter uirtutē & artē hoc loco interesse uidetur, quod uirtuti habēda est fides potissimū in rebus, quæ ad uitam & mores, ad exercitandum & fugiendū pertinent: in ijs autem quæ sciētiæ cognitione cernuntur, uirtuti est ars anteponenda. Quod si mixta fuerit uirtuti doctrina, plus coniuncte

accidens dicat esse, bonum esse id refelletur hoc modo, Si idē ualent quod expetendū est & quod persequendum: nec eius quod persequendum est, accidens bonum est: ne eius quidem quod expetendum est erit. Locus communis, Eorūdem quatenus eadem sunt, eadem sunt accidentia. Qui etiam ad proprium trāsferri potest. Cum autē & id quod ponitur esse accidens, & id cuius accidens esse statuitur in numero habentur accidentium, & in diuersis partibus utrunque situm est, ut si quis metum uerecundie accidens esse ponat, refelletur hoc modo, Si metus in ea animi parte situs est in qua ira uersatur: & uerecundia in ea parte quæ rationis est particeps: non est metus uerecundie accidens. Ac de accidentis, reliquorumque trium quæstionibus, usque locis qui in eas adhiberi possunt, satis dictum est.

Quoniam autem principio huius libri ita locos diuisimus, ut alios diceremus in eo de quo ageretur, inherere, de quibus nō solū satis multa mihi dixisse uideor, sed etiam qui ad quāq; quæstionem accommodari possent docui: alios artis expertes esse, de his aliquid dicendum est, ne quod absoluendum aliqua ex parte suscepimus, inchoatum reliquisse uideamur. Intelligendum est autem, hoc etiā genus superiores locos omneis cōtinere. Nam cū eorū quos uel ipsi probamus, uel aduersarij, auctoritate nitantur, illorum autem auctoritas in definitionibus, diuisionibus, notationibus, coniugatis, generibus, formis, alijsq; locis ex eorū libris aut sententijs pro-

ferēdis pondus habeat, certē per illud superius locorum genus hoc fundatur necesse est. Quōd si hoc semper plurimum ad fidem faciendam ualuit, eorum qui ijs quibus cum disputatur, uel propter uirtutē, uel propter excellentem rerum cognitionem & usum, probati sunt, non solum argumenta, sed etiam dicta facta que omnia, aut multō antē, aut cū opus est colligere, ac quasi in prōptu & numero habere: profectō multo id plus poterit his tēporibus, quibus omnes ferē qui se alicui studio dedūt, aliquem habent auctorem, cuius in disputando decreta defendant. Quō libentius quid de hoc toto genere sentiam, dicam. Hæc ergo argumētatio, ut Ciceroni placet, tota in testimonio posita est. Testimonium autem est, ut eidem placet, omne quod ab aliqua re externa sumitur ad faciendam fidem. Sed quoniam non qualiscumq; hominis testimonium graue est, ob eam causam auctoritas queritur. Ea uel in arte inest, uel in usu, uel in uirtute. sed hæc omnia confirmat antiquitas. Neq; enim tantū nouis quamuis doctissimis, quantū ueteribus minus fortasse aut doctis aut bonis, tribui solet. Tantū ualet hominū qui antē fuerūt a posteris cōsequentibus tēporibus approbata sententia. Sed hoc mihi inter uirtutē & artē hoc loco interesse uidetur, quōd uirtuti habēda est fides ijs potissimū in rebus, quæ ad uitam & mores, ad expectandum & fugiendū pertinent: in ijs autem quæ sciētia & cognitione cernuntur, uirtuti est ars anteponenda. Quōd si mixta fuerit uirtuti doctrina, plus coniūctæ

quàm alterutra, ualebunt. *V*sus autem arte præpoderat
 ijs in rebus quæ usu magis, quàm præceptis diriguntur,
 nisi forte in arte etiam usus uel mediocris reperitur.
*H*is ita constitutis, iam quæ huius generis locorum sit
 forma, uideamus. Ea est duplex. nam quod ex aliorum
 sententia tum defendimus, tum improbamus, id uel nu-
 dum omnibus argumentis est, uel argumento constat.
*A*rgumento autem constat uel informato, uel perfe-
 cto. Sine argumento est, ut si dicam hoc modo: *H*omo
 est magnus, uel albus. Neque enim ullo argumento hoc
 totum constat. *A*rgumento constat informato, ut si di-
 cam, *H*omo est animal rationis particeps mortale. hoc
 enim quoddam est informatum argumentum. Sic enim
 perficietur, *A*nimal est rationis particeps mortale, *H*o-
 mo igitur est. *P*erfecto autem constat argumento, id quod
 ab alijs sumimus, cum ipsa argumenta quæ literis man-
 data sunt uel ab illis uel ab alijs, proferimus. *C*ommune
 autem est eorū omnium, siue ad probandum, siue ad re-
 fellendum adhibeantur, eorum quorum sint inuenta, cō-
 firmari auctoritatibus. *U*t si quis hoc totum dicat ple-
 nam esse hominis definitionem, *A*nimal rationis parti-
 cepts: refellendus erit hoc pacto, *H*omo est animal ra-
 tionis particeps mortale. *A*ristoteles enim sic hominem
 definit & definiendū præcipit. *A*ut ad formam argu-
 mētationis erit reuocandū hoc pacto, *S*i *A*ristoteles ho-
 minem & definit, & definiendum præcipit, hoc modo,
*A*nimal rationis particeps mortale, nō est illa plena ho-

minis definitio, in qua mortale abest. Aristoteles autem ita & definit, & definiendum præcipit. Non igitur illa plena & perfecta hominis definitio est. Commune etiã est duorum primorũ generum, in ijs exquiri ueritatem, hominis confirmatam auctoritate. In eo autem quod perfecta argumentatione constat, nõ tam ueritas, quàm conclusionis natura exquiritur. Nam cum sumptiones ueræ ne sint an falsæ, spectatur interdum, tum ijs ne cõcessis sequatur conclusio, quorum utrunque non iam ex sola rerum natura, sed ex eius etiã cuius id esse dicitur auctoritate, ponderari solet. In quo tamen sæpe ea incidit animorum distractio, ut cum hinc nostra nõs sententia quæ naturæ consentanea uidetur, illinc auctoritatis pondus ad se trahat, potiùs auctoritatem eleuemus, aut sententiam interpretemur, aut interdum ita scriptum ab eo cuius auctoritas opponitur, negemus, quàm nos de sententia deiici facile patiamur. ut necesse sit alios interdum descripta argumenta, aut etiam libros afferre, quod faciliùs quasi uiua uoce nos possint refellere, si contrã dicimus. Quæ res etsi adeo difficilis est, totq̃ue ac tantis quasi tempestatibus opportuna, tamẽ, quia utilis est uel maximè, retinenda & excolenda est. atque eò magis quod Aristoteles, initio ut dixi, dialecticã totam in rebus ijs quæ uel omnibus probentur, uel plurimis, uel sapientibus aut omnibus, aut plurimis, aut probatis posita esse confirmat. Itaque huic generi tantum tribuit, ut in quatuor ijs, quæ plurimum ualere iudicat ad faciendam

fidem, ei locum reliqueris. Quod autē paulò antè dixi, hoc genus fufum eſſe per omnes argumentorū locos, id facile eſt ad probandum. Sumpta enim ab alijs argumenta, quæ illi ex ijs locis quos enumeravi & expoſui, duxerint, & proferre ſi ſit opus, & ſi negemur, eorū auctoritate confirmare poſſumus. Itaque in hoc genere perutile erit, argumenta quæcunque poterimus diuturna lectione eorum ſcriptorum, qui ponderis aliquid habebunt, notare: notata in ſuo quodque ordine pro rei de qua agetur natura deſcribere: ut cum erit opus, ea quæ admodum iam dixi: uel pro noſtris, ſi probentur, uel pro alienis, ſi repudientur, proferamus. In quo permultorum ſiue negligentiam, ſiue inertiam, ſiue tarditatem reprehendere licet: qui cum multa legerint, uix tamen argumentum ullum, niſi forte ſimilitudinis, deſinitionis, maioris, & minoris, poſſunt nominare. Quocirca ſiue negent argumentum firmum eſſe ij qui reſpondent, ſiue probent ij qui contra diſputant, nihil aliud habent in ore totos dies, niſi non eſſe aut eſſe ratiocinationem, ſiue ſyllogiſmum: quaſi uerò nullus ſit inuentioni locus, aut nominato loco unde argumentum ducatur, id ſi negetur, non ſit tandem ad ratiocinationis deſinitionem reuocanda diſputatio. Nam ſi argumentatio ſit ne uera ex ratiocinationis ſolū deſinitione ſpectandum eſt, iſto pacto nullus erit uſus locorum. Atque etiam, ut ad propoſitum reuertar, utile erit eūdem laborem & ſtudium ponere in ijs eligēdis quæ ſola ueri cognitione di-

xi contineri, cuiusmodi sunt solæ enunciationes & sententiæ. Harum autem descriptiones & quasi tabulæ ab alteris separandæ erunt, ne forte confusa illa moles uel quærendo uel inueniendo nos retardet, uel hæere cogat in proferendo. Mihi ordo ille probatur maximè, qui tribus quæstionum generibus erit consentaneus, ut primo loco ea quæ ad expetendum & fugiendum: secundo ea quæ ad dialecticam. tertio ea quæ ad naturæ rationem pertinebunt, collocemus. Vnumquodque eorum rursus in suas partes diuidemus, in genera, in definitiones, in propria, & in accidentia. Generum tres ordines instituemus, generum, differentiarum, atque formarum. Definitionum quatuor, pro quatuor causarum generibus. Propriorum duos, unum eorum quæ uno uerbo, alterum eorum quæ pluribus uerbis explicantur. Accidentium duos, unum earum enunciationum quibus res simpliciter, & per se consideramus, alterum earum quibus res inter se comparamus. Quanquam facilius erit & magis in promptu, & ad nostrum institutum aptior, hæc posterior, si sola retineatur. Quod si cui superior probetur, aptius illa sequetur, hæc antecedit. Scriptorum nomina ascribenda erunt, ne labor frustra susceptus esse uideatur. Hæc duo si sequamur, tum maiorem fructum studiorum capiemus, tum ad differendum de quaque re & nostri, & aliorum ingenij inuentis freti ueniemus paratiores.

tudinem quam eis natura lex præscripsit, peruenierint.
 In detractiōe autem maioris partis, dum multo præ-
 stet, habendam rationem esse existimo. Maior enim
 pars in his ad totum eandem rationem habere vide-
 tur, quàm in homine partes necessariae. Vt enim si ca-
 put homini præcidatur, iam aliud est: ita si maior pars
 aut etiam media eiq̃ue proxima auferatur, alia natura
 esse dicetur. Nam qua ex parte magnitudo est, alia ui-
 detur esse simul atque aliquid certi detractū est. Re-
 liqua sunt nobis quaestionum genera, id quo quaeritur,
 Sit ne id de quo agitur, & cuius sit proprium: & id
 quo quaeritur, An sit aliquid & cuius sit accidens.
 Primum de proprij, quoniam rei magis conuenit, qua-
 stione dicamus. Proprij autem quatuor genera ponit
 Aristoteles, vnum quod per se ac vi sua est: alterum
 quod cōparatè: tertium quod semper est: quartū quod
 ad aliquod tempus est proprium. Simpliciter ac vi sua
 id proprium est, quod omnibus eiusdē generis aut spe-
 cies tribuitur, & ab omni alio genere & specie se-
 parat, vt hominis proprium est animal esse natum ad
 scientiam. Id enim in omnes homines cadit, eosq; à cæ-
 teris separat. Comparatè autem id proprium est, quod
 non ab omnibus secernit, sed ab eo vno cui compara-
 tur, vt si conferas hominem cum beluis, & illius di-
 cas proprium prospicere rebus futuris: beluarum, ferè
 praesentium sensum habere. Semper propriū est quod
 semper conuenit, nec vnquam amittitur, vt animal ex

animo & corpore constare. Aliquando id proprium est, quod ad aliquod solum tempus conuenit, ut hominis est in senectute canescere. Propria rursus alia uno uerbo, alia pluribus explicantur. Vno uerbo, ut hominis ridens proprium est: pluribus, ut eiusdem proprium est hoc totum, animal quod aptum animum habet ad uirtutes recipiēdas. Hoc autē loco de eo proprio disputandum est, quod à principio definiuimus. Cuius pars sunt quædam ea quæ pluribus uerbis exprimuntur. Ac ea quidem genus complecti debent quod in natura quæstione dicatur, ut Aristoteli placet. Quoniam autem, nec hoc ipse obseruat in tradendis proprijs, nec facere commode possumus, satis erit si uerbis illustrioribus & notioribus quàm eā sint quorum sunt propria, explicabitur. Ex quo perspicuū est, qui loci in huius generis quæstionem sint accommodati. Omnes enim qui definitionis sunt, qua parte nihil in ea deesse aut redundare, & ipsa uerbis magis perspicuis constare debet, quàm sit id quod definitur, huius etiā sunt proprij. Communes autē loci ex cōtrarijs, ex coniugatis, ex similitudine, ex maiore, minore, & pari, nō solum in hanc, sed etiam in definitionis, & in accidentis quæstionem conuenient eodē modo tractati, quo in generis quæstionibus tractari dixi oportere. Proprius autē erit is maxime, qui à definitione sumetur ea quam initio libri superioris explicaui. Ex quo etiam locus antecedentiū ducitur. Si proprium est, reciprocatur: non reciprocatur autem: non est

igitur eius proprium. Ex repugnantibus, Si propriū est, in quæstione quid est non dicitur: Atqui dicitur: Non igitur est proprium. Rursus ex consequentibus, Si proprium est, semper conuenit: Non autem semper cōuenit: Non igitur proprium est. Ex forma etiam erit hic locus proprius in refutatione, Si hominis proprium nō est quia ex parte homo est, uigilare, hominis uigilare proprium non est. Vtile etiam erit ex generis, speciei, differentie, & accidentis definitionibus, id quod alicuius proprium esse dicitur, non esse ostendere. Quod in cæteris quoque obseruandum est. Cum autem hæc quæstio ponitur, Sitne accidens id quod propositum est eius cui tribuatur (quam quæstionem ab Aristotele prætermisam miror, cum præsertim reliquorū trium quæstiones huiusmodi explicauerit) primum loci communes similitudinis, contrariorum, coniugatorum, maioris, minoris, & paris in eam adhibendi erunt, eorūque ea forma erit, quam in quæstione generis exposui. Deinde reliqui fere omnes qui in ijs quæstionibus, quibus omnino quæritur, Sit'ne hoc illud? à nobis explicati sunt. Nam cum fere omnes locos eiusmodi in quæstiones accidentis incurrere docuerim, hoc nō debet esse dubium, quin si nomen accidentis tam in quæstionibus, quàm in argumentis collocemus, ad hanc quæstionē transferri possint. Postremo proprij erunt huius quæstionis loci, definitionis, enumerationis partium, repugnantium. Definitionis, at si illius accides est, potest in eo inesse, uel abesse sine eius interi-

tu: Nō potest autem: Non igitur est eius accidens. In cō-
 firmatione quoque firmum est, Si potest in eo inesse &
 non inesse salvo & manente in rerum natura, eius est
 accidens: Primum autem est: Secundum igitur. Ab enu-
 meratione autem hoc modo, Si nec accidens est eius se-
 parabile, nec inseparabile, nō est eius accidens: Primum
 autem abest: Secundum igitur. In confirmatione autem
 hoc modo, Si separabile est aut inseparabile eius acci-
 dens, est illius accidens: Primum autem est: Secundum
 igitur. Ex quo etiam argumentum ex forma elici potest
 solum in cōfirmatione, Si inseparabile eius accidens est,
 eius est accidens: Primum autem est: Secundum igitur.
 Ex repugnantibus in refutatione hoc modo, Si in quæ-
 stione quid est de illo dicitur, non est eius accidens: In
 quæstione autem quid est de eo dicitur: Non igitur eius
 accidens est. Rursus si accidens eius est, nō reciprocatur.
 A definitione etiam generis & reliquorum, locus re-
 pugnantium tractabitur, hoc modo, Non & de hoc ac
 de multis specie differentibus in quæstione naturæ di-
 citur, & de hoc ac de multis specie aut numero diffe-
 rentibus, in quæstione qualitatis: De hoc autem & de
 multis specie differentibus in naturæ quæstione dicitur:
 Non igitur in qualitatis quæstione. Ita nō est eius acci-
 dens, sed genus. ut si quis candoris, aut nigroris colorem
 accidens statuatur. Proprius etiam locus erit accidentis, si
 quid alicuius esse accidens ponatur, quod nō est alterius
 quod idem ualet. ut si quis eius quod expetendum est

accidens dicat esse, bonum esse id refelletur hoc modo, Si idē valent quod expetendū est & quod persequendum: nec eius quod persequendum est, accidens bonum est: ne eius quidem quod expetendum est erit. Locus communis, Eorūdem quatenus eadem sunt, eadem sunt accidentia. Qui etiam ad proprium trāsferri potest. Cum autē & id quod ponitur esse accidens, & id cuius accidens esse statuitur in numero habentur accidentium, & in diuersis partibus utrunque situm est, ut si quis metum uerecundia accidens esse ponat, refelletur hoc modo, Si metus in ea animi parte situs est in qua ira uersatur: & uerecundia in ea parte quæ rationis est particeps: non est metus uerecundia accidens. Ac de accidentis, reliquorumque trium quæstionibus, ijsque locis qui in eas adhiberi possunt, satis dictum est.

Quoniam autem principio huius libri ita locos diuisimus, ut alios diceremus in eo de quo ageretur, inherere, de quibus nō solū satis multa mihi dixisse uideor, sed etiam qui ad quāq; quæstionem accommodari possent docui: alios artis expertes esse, de his aliquid dicendum est, ne quod absoluendum aliqua ex parte suscepimus, inchoatum reliquisse uideamur. Intelligendum est autem, hoc etiā genus superiores locos omneis cōtinere. Nam cū eorū quos uel ipsi probamus, uel aduersarij, auctoritate nitantur, illorum autem auctoritas in definitionibus, diuisionibus, notationibus, coniugatis, generibus, formis, alijsq; locis ex eorū libris aut sententijs pro-

ferēdis pondus habeat, certē per illud superius locorum genus hoc fundatur necesse est. Quod si hoc semper plurimum ad fidem faciendam ualuit, eorum qui ijs quibus cum disputatur, uel propter uirtutē, uel propter excellentem rerum cognitionem & usum, probati sunt, non solum argumenta, sed etiam dicta factaque omnia, aut multò antè, aut cū opus est colligere, ac quasi in prōptu & numerato habere: profectò multo id plus poterit his tēporibus, quibus omnes ferè qui se alicui studio dedūt, aliquem habent auctorem, cuius in disputando decreta defendant. Quò libentius quid de hoc toto genere sentiam, dicam. Hæc ergo argumētatio, ut Ciceroni placet, tota in testimonio posita est. Testimonium autem est, ut eidem placet, omne quod ab aliqua re externa sumitur ad faciendam fidem. Sed quoniam non qualiscunq; hominis testimonium graue est, ob eam causam auctoritas queritur. Ea uel in arte inest, uel in usu, uel in uirtute. sed hæc omnia confirmat antiquitas. Neq; enim tantū nouis quamuis doctissimis, quantū ueteribus minus fortasse aut doctis aut bonis, tribui solet. Tantū ualet hominū qui antè fuerūt à posteris cōsequentibus tēporibus approbata sententia. Sed hoc mihi inter uirtutē & artē hoc loco interesse uidetur, quod uirtuti habēda est fides ijs potissimū in rebus, quæ ad uitam & mores, ad expetendum & fugiendū pertinent: in ijs autem quæ sciētia & cognitione cernuntur, uirtuti est ars anteponenda. Quod si mixta fuerit uirtuti doctrina, plus coniūcte

quàm alterutra, ualebunt. *V*sus autem arte præpòderat
 ijs in rebus quæ usu magis, quàm præceptis diriguntur,
 nisi forte in arte etiam usus uel mediocris reperiatur.
*H*is ita constitutis, iam quæ huius generis locorum sit
 forma, uideamus. Ea est duplex. nam quod ex aliorum
 sententia tum defendimus, tum improbamus, id uel nu-
 dum omnibus argumentis est, uel argumento constat.
*A*rgumento autem constat uel informato, uel perfe-
 cto. Sine argumento est, ut si dicam hoc modo: *H*omo
 est magnus, uel albus. Neque enim ullo argumento hoc
 totum constat. *A*rgumento constat informato, ut si di-
 cam, *H*omo est animal rationis particeps mortale. hoc
 enim quoddam est informatum argumentum. Sic enim
 perficietur, *A*nimal est rationis particeps mortale, *H*o-
 mo igitur est. *P*erfecto autem constat argumento, id quod
 ab alijs sumimus, cum ipsa argumenta quæ literis man-
 data sunt uel ab illis uel ab alijs, proferimus. *C*ommune
 autem est eorū omnium, siue ad probandum, siue ad re-
 fellendum adhibeantur, eorum quorum sine inuenta, cō-
 firmari auctoritatibus. *U*t si quis hoc totum dicat ple-
 nam esse hominis definitionem, *A*nimal rationis parti-
 ceptus: refellendus erit hoc pacto, *H*omo est animal ra-
 tionis particeps mortale. *A*ristoteles enim sic hominem
 definit & definiendū præcipit. *A*ut ad formam argu-
 mētationis erit reuocandū hoc pacto, *S*i *A*ristoteles ho-
 minem & definit, & definiendum præcipit, hoc modo,
*A*nimal rationis particeps mortale, nō est illa plena ho-

minis definitio, in qua mortale abest. Aristoteles autem ita & definit, & definiendum precipit. Non igitur illa plena & perfecta hominis definitio est. Commune etiā est duorum primorū generum, in ijs exquiri ueritatem, hominis confirmatam auctoritate. In eo autem quod perfecta argumentatione constat, nō tam ueritas, quā conclusionis natura exquiritur. Nam cum sumptiones ueræ ne sint an falsæ, spectatur interdum, tum ijs ne cēcessis sequatur conclusio, quorum utrumque non iam ex sola rerum natura, sed ex eius etiā cuius id esse dicitur auctoritate, ponderari solet. In quo tamen sæpe ea incidit animorum distractio, ut cum hinc nostra nōs sentētia quæ naturæ consentanea uidetur, illinc auctoritatis pondus ad se trahat, potiùs auctoritatem eleuemus, aut sententiā interpretemur, aut interdum ita scriptum ab eo cuius auctoritas opponitur, negemus, quā nos de sententia deiici facile patiamur. ut necesse sit alios interdum descripta argumenta, aut etiam libros afferre, quod faciliùs quasi uiua uoce nos possint refellere, si contrā dicimus. Quæ res etsi adeo difficilis est, totque ac tantis quasi tempestatibus opportuna, tamē, quia utilis est uel maximè, retinenda & excolenda est. atque eò magis quod Aristoteles, initio ut dixi, dialecticā totam in rebus ijs quæ uel omnibus probentur, uel plurimis, uel sapientibus aut omnibus, aut plurimis, aut probatis positā esse confirmat. Itaque huic generi tantum tribuit, ut in quatuor ijs, quæ plurimum ualere iudicat ad faciendam

fidem, & locum reliquerit. Quod autē paulò antè dixi, hoc genus fusum esse per omnes argumentorū locos, id facile est ad probandum. Sumpta enim ab alijs argumenta, quæ illi ex ijs locis quos enumeravi & exposui, duxerint, & proferre si sit opus, & si negentur, eorū auctoritate confirmare possumus. Itaque in hoc genere perutile erit, argumenta quæcunque poterimus diuturna lectione eorum scriptorum, qui ponderis aliquid habebunt, notare: notata in suo quodque ordine pro rei de qua agatur natura describere: ut cum erit opus, ea quæ admodum iam dixi: uel pro nostris, si probentur, uel pro alienis, si repudientur, proferamus. In quo permultorum siue negligentiam, siue inertiam, siue tarditatem reprehendere licet: qui cum multa legerint, uix tamen argumentum ullum, nisi forte similitudinis, definitionis, maioris, & minoris, possunt nominare. Quocirca siue negent argumentum firmum esse ij qui respondent, siue probent ij qui contra disputant, nihil aliud habent in ore totos dies, nisi non esse aut esse ratiocinationem, siue syllogismum: quasi uerò nullus sit inuentioni locus, aut nominato loco unde argumentum ducatur, id si negetur, non sit tandem ad ratiocinationis definitionem reuocanda disputatio. Nam si argumentatio sit uera ex ratiocinationis solū definitione spectandum est, isto pacto nullus erit usus locorum. Atque etiam, ut ad propositum reuertar, utile erit eūdem laborem & studium ponere in ijs eligēdis quæ sola ueri cognitione di-

xi contineri, cuiusmodi sunt solæ enunciationes & sententiæ. Harum autem descriptiones & quasi tabulæ ab alteris separandæ erunt, ne forte confusa illa moles uel quærendo uel inueniendo nos retardet, uel hæerere cogat in proferendo. Mihi ordo ille probatur maximè, quibus questionum generibus erit consentaneus, ut primo loco ea quæ ad expetendum & fugiendum: secundo ea quæ ad dialecticam. tertio ea quæ ad naturæ rationem pertinebunt, collocemus. Vnumquodque eorum rursus in suas partes diuidemus, in genera, in definitiones, in propria, & in accidentia. Generum tres ordines instituemus, generum, differentiarum, atque formarum. Definitionum quatuor, pro quatuor causarum generibus. Propriorum duos, unum eorum quæ uno uerbo, alterum eorum quæ pluribus uerbis explicantur. Accidentium duos, unum earum enunciationum quibus res simpliciter, & per se consideramus, alterum earum quibus res inter se comparamus. Quanquam facilius erit & magis in promptu, & ad nostrum institutum aptior, hæc posterior, si sola retineatur. Quod si cui superior probetur, aptius illa sequetur, hæc antecedit. Scriptorum nomina ascribenda erunt, ne labor frustra susceptus esse uideatur. Hæc duo si sequamur, tum maiorem fructum studiorum capiemus, tum ad differendum de quaque re & nostri, & aliorum ingenij inuentis freti ueniemus paratiores.

IOACHIMI PERIONII BE-
nedictini Cormæriaceni de Diale-

ctica

LIBER III.

E

Xposuissis omnibus quæ ad inuen-
tionem locorum pertinebant, eo ordi-
ne qui est natura maximè consenta-
neus (nam primum quid incideret in
disputationem docui: deinde à minu-

tissima quaque parte orsus earum quibus ratiocinatio
constaret, ad maiores progrediēdo, locos nō solū expo-
sui, sed etiam ad quancūque accommodandi quæstionem)
restat altera pars instituti nostri, in qua nos de altera
dialectica parte quæ iudicium vocatur, dicturos esse
polliciti sumus. Hæc quidem pars quàm su necessaria,
hinc scribi potest, quòd cum non satis sit reperire argu-
menta, nisi ea tractare possis: inuentionis illud est mo-
do, hoc iudicij propriū. Est enim iudicium, argumen-
torum quæ inuenta sunt ordine certo collocandorum
scientia. Vtriusque imaginem quandam & simulacrū
in architectura intueri possumus. Si quis paterfami-
liās edificare domum instituat, is primum lapides, la-
teres, ligna, caleem, aliáque eius generis parabit, ac fe-
rè ex unoquoque cumulum extruet: tum architectum
adhibebit qui hæc omnia arte elaborata & expolita
inter se aptè suis quicque locis iungat atque collocet.

Judicium

Primæ illi futuri operis præparationi similis est inuē-
tio: Absolutioni autem & horum omnium aptæ com-
positiōi iudicium respōdet. Quæ cum ita sint, iam quot
modis argumēta quæ exposuimus, tractari, disponiq;
possint, consideremus. Principio libri superioris duo
argumentationum genera esse dixi, quibus dialectici
uterentur, ratiocinationem, & inductionem. Ratioci-
natio est oratiō, quæ quibusdā cōcessis aliud ex ijs ne-
cessario efficit atque cōcludit. Inductio est oratio, quæ
ex rebus singulis progrediens ad res vniuersas perue-
nit. Quemadmodum autem enunciationis, sic ratiocina-
tionis duo sunt genera prima; vnum simplex dicitur,
quod constat ex simplicibus enunciatis. Alterum copu-
latum & coniunctum, quod ex copulatis enunciatio-
nibus constat. Superioris generis exemplum est hu-
iusmodi, Si queratur, Sitne iustitia habitus: Omnis uir-
tus est habitus: Omnis iustitia est virtus: Omnis igitur
iustitia est habitus. Hoc argumentum à forma attribu-
ti ducitur, cuius est locus communis, Cui forma conue-
nit, & genus cōuenire oportet. Virtus enim forma est
quædam habitus: quæ quoniam iustitiæ cōuenit, ei etiā
habitus conueniat necesse est. Posterioris autem exem-
plum est tale, Si iustitia est virtus, iustitia habitus est:
Iustitia autē virtus est: habitus igitur est iustitia. In hoc
secundo genere multo est is locus vnde argumentū du-
citur, euidentior. Cicero quidem & Stoici, his duobus
ratiocinationis generibus vtuntur. Aristoteles autem

Ratiocinatio

Inductio

superius modo tractauit, eiusque praecepta tradidit: posterius totum reliquit ipse. Theophrastus autem & Eudemus peripatetici, ut Boethius scribit, persecuti sunt. Nos etiam utrumque quoniam magnas habet commoditates, multumque ad differendum ualet (Nam omnia quae ex locis à nobis expositis argumenta sumuntur, per haec duo genera tractari possunt) tenebimus. Ac primum de simplici differemus. Ratiocinatio igitur simplex omnis ex tribus simplicibus effatis constat, quorum primum πρότασις, id est propositio: secundum ἐκλάψις, id est assumptio, aut λήψις, id est sumptio: tertium συμπέρασμα, id est conclusio dicitur. Prima duo interdum προτάσεις, id est propositiones, interdum ἐκλάψεις, id est assumptiones & λήψεις, id est sumptiones vocantur: sed superior verior est distinctio. Ex varia harum trium enunciationum dissimilitudine, varia etiam simplicium ratiocinationum genera sunt consecuta. Sed quoniam haec sunt aliorum generum partes, primum de illis differamus. Tribus ex uerbis constat omnis, de qua agimus, ratiocinatio, quorum quoniam triplex tantum ordo est in collocando, triplex ex eo nata dispositio est. Quod enim ὁρμα vocat Aristoteles, id ego hoc loco dispositionem aptè appellari posse existimo, ut de disponendis tractandisque argumentis ex horum trium uerborum collocatione haec pars nominata videatur. Trium autem horum uerborum dispositio ex unius quod reliqua duo inter se necit et

secum ipsa primum coniungit, aut alterum separat, collocatione indicatur. Nam cum subijcitur in propositione primo, & in assumptione tertio attribuitur, primum dispositionis genus dicitur. Vt in hac ratiocinatione;

Omnis virtus est habitus,

Omnis iustitia est virtus,

Omnis igitur iustitia est habitus: uirtutis nomen in summptionibus bis collocatum est, semel priore, iterum posteriore loco. Ita fit ut duorum reliquorum unum in propositione ei tribuatur, alterum subijciatur in summptione. Atque hoc est primae formae dispositionis. Secunda autem forma dispositionis est, cum illud idem uerbum tam in propositione, quam in assumptione attributi vim et nomen obtinet, ut in hac ratiocinatione perspicitur potest,

Nulla simulatio virtus est,

Omnis religio virtus est,

Nulla igitur religio est simulatio.

Tertia autem dispositionis forma est, cum idem uerbum tam in propositione, quam in summptione subijcitur, id est primo loco ponitur, ut in hac ratiocinatione,

Omnis iustitia est habitus,

Omnis iustitia est virtus,

Aliqua igitur virtus est habitus.

Sunt igitur haec tria solum genera disponendarum ratiocinationum, quas simplices nominauimus. Idque hinc facile intelligi potest, quod cum ex eo simplices dicantur, quia ex simplicibus tribus enunciatis constat: &

dispositio ex trium verborum quæ in duobus primis inueniuntur vnius ordine et collocatione iudicatur: nec id verbum nisi triplicem ordinem quem exposui habere ullū possit: profectò hæc tria solum sunt genera collocationis. Singulorum autem generū plures sunt partes, de quibus nobis dicendum est. Intelligendū est autem plures partes generum singulorū, non iam ex trium verborū, aut illius vnius varia collocatione oriri (esset enim illa noua forma, non formæ pars) sed ex notarum quæ principio trium illarum enūciationum adiunguntur, uarietate. Note autem eæ sunt quæ adiectione enūciationibus faciunt, ut de toto genere, aut eius parte aliqua dicant, ut sunt omnis, aliquis. aut omni uel aliqua ex parte negēt, ut nullus, aliquis nō. Itaq; quot modis hæ note in quoque collocationis genere variari, salua necessaria conclusione possunt, totidem sunt partes generum singulorum. Quot autē modis id fieri possit, videamus, atque à primo dispositionis genere ordiamur. Primam quidem dispositionis formam esse diximus, cum in propositione uerbum id quod alteri subijcitur, alteri attribuitur in assumptione. quò etiam illud addi potest, ut ei verbo quod in assumptione subiectū erat, id attribuat in conclusione quod attributi nomē in propositione obtinebat. Id autē fieri posse quatuor modis Aristoteles tradidit: quorum tertium, primus: & quartum, secundus ut partē complectitur. Primus est cū & propositione & assumptione quæ de toto genere

uniuerſe dicunt, poſitis & conceſſis, ſequitur quæ uni-
uerſe de toto etiam genere dicit, neceſſaria conſuſio.

Cuius tale eſt exemplum,

Bar Omnis arbor eſt natura,

ba Omnis autem pirus eſt arbor,

ra Omnis igitur pirus eſt natura.

Secundus eſt, cū propoſitione quæ omni ex parte ne-
gat, & aſſumptione quæ ex omni parte ait, conceſſis,
neceſſaria conſuſio ſequitur quæ omni ex parte quid
negat. Exemplum erit huiusmodi,

Ce Nulla virtus eſt malum,

la Omnis autem fortitudo eſt virtus,

rent Nulla igitur fortitudo eſt malum.

Cum autē propoſitio de toto genere uniuerſe dicit, &
de parte aſſumptio, iſq; cōceſſis cōcluſio quæ de par-
te dicit ſequitur, tum tertius appellatur modus. Cuius
tale exemplum eſt,

Da Omnis arbor eſt natura,

ri Aliqua autem pirus eſt arbor,

i Aliqua igitur pirus natura eſt.

Ex quo facile perſpicitur, hunc tertium primo contine-
ri. Quartus autem modus primi generis diſpoſitionis
eſt cum propoſitio omni ex parte negat, ſumptio qua-
dam ex parte dicit, quibus conceſſis, neceſſaria quæ ex
parte negat ſequitur conſuſio, vt,

Fe Nulla virtus eſt malum,

ri Quædam autem fortitudo eſt virtus,

o Quædam igitur fortitudo non est malum.
 Hunc si quis cum secundo conferat, illo contineri animaduertet. Atque hi quidem quatuor modi ex notarum quæ principio enunciationum adiunguntur sola varietate nati sunt. Quinque autem alij à Theophrasto & Eudemo adiecti sunt, ut ait Boethius, quorum tres primi non ex notarum varietate, sed sola conclusionis conuersione extiterunt: duos autem reliquos non tam conuersus ordo conclusionis superiorum peperit, quàm mutua quædam propositionis & assumptionis commutatio. Quintus enim idem est qui primus, excepta conclusione, quæ hic conuerso illius ordine de parte dicit. Quod quò facilius perspicui possit, in eodem exemplo manebo,
 Ba Omnis arbor est natura,
 ra Omnis autem pirus est arbor,
 lpton Quædam igitur natura pirus est.
 Sextus autem prorsus idem est qui secundus, nisi quòd conclusio conuersa est,
 Ce Nulla virtus est malum,
 lan Omnis autem fortitudo est virtus,
 tes Nullum igitur malum est fortitudo.
 Septimus etiam à tertio nihil distinguitur, nisi conuersa conclusione,
 Da Omnis arbor est natura,
 bi Aliqua autem pirus arbor est,
 tis Aliqua igitur natura pirus est.
 Octauus autem à secundo non solum hoc differt, quòd

in conclusione conuersum habet ordinem, (sic enim a sexto non distaret) uerum etiam hoc quod propositio in assumptione, & contra in propositione assumptio, conuerso etiam ordine mutatur. Aliud hic cogor exemplum ponere, ex quo perspicuum est, non in omnibus rebus in quibus illic, hic quoque sequi conclusionem.

Fa Omne quod honestum est, laudabile est:

pes Nihil autem quod malum est, est honestum:

mo Aliquid igitur quod est laudabile, non est malum.

Nonus modus quarto respondet mutata propositione in assumptione, ut etiam cum illis conuertatur conclusio.

Fri Quædam virtus fortitudo est,

se Nullum autem malum est virtus,

som. Quædam igitur fortitudo malum non est.

Ac primi quidē generis collocationis tot sunt partes, nec plures esse possunt. Secundi autem generis quatuor sunt tantummodo partes. Secunda quidē dispositionis forma est, cum verbum id quod ante conclusionem bis dicitur, tam in propositione quàm in sumptione attributi nomen obtinet, & ijs concessis necessaria sequitur conclusio. Modi autem hic omnes negant, quorum primus est cū propositio omni ex parte quid negat, assumptio autem omni ex parte ait, quibus positus & concessis necessaria efficitur quæ in totum negat conclusio. Exemplum erit huiusmodi,

Ce Nulla virtus vitium est,

sa Omnis intemperantia vitium est,

re Nulla igitur intemperantia est virtus,
 Secundus est idem qui superior, nisi quod ex cōmutatis
 propositionibus conclusio cōuersa sequitur, hoc modo,
 Ca Omnis intemperantia vitium est;
 mes Nulla autem virtus vitium est,
 tres Nulla igitur virtus est intemperantia.
 Itaque non est verus modus, cum à vero deflexerit.
 Tertius est cum propositio in totum negat, & quadā
 ex parte ait quid assumptio, vt ex ijs conclusio quæ a-
 liqua ex parte neget sequatur. Itaque cum primus, vt
 partem complectitur,
 Fes Nulla virtus vitium est,
 ti Quædam autem intemperantia vitium est,
 no Quædam igitur intemperantia non est virtus.
 Quartus autem est, cū ex propositione quæ de toto ge-
 nere vniuerse dicit, & ex assumptione quæ quadā ex
 parte negat, ex quadā parte negans cōclusio efficitur,
 Ba Omnis intemperantia vitium est,
 ro Quædam virtus vitium non est,
 co Quædam igitur virtus non est intemperantia.
 Tertia restat forma collocationis. In hac diximus id
 verbum quod bis diceretur in vtraq; sumptione subij-
 ci. Sex eius modi sunt. Primus est, cum tam propositio
 in totum & omnino ait, quàm assumptio, sed conclu-
 sio sequitur quæ aliqua ex parte dicit,
 Da Omnis virtus est qualitas,
 rap Omnis virtus est habitus,

ii Quidam igitur habitus est qualitas.

Secundus modus huic est similis, idemque efficit. commutatis enim propositione & assumptione, conuersa sequitur hic conclusio,

Omnis virtus est habitus,

Omnis virtus est qualitas,

Quaedam igitur qualitas est habitus.

Hunc si secundum probemus, septem erunt modi. Si autem eum reijciamus ex modorum finibus hoc ipso quod idem efficit, multi certè ex superioribus repudiandi erunt, qui idem quod alij, vt demonstratum est, efficiunt.

Tertius modus est, cum ex propositione quæ omni ex parte negat, & ex aiente in totum & omnino assumptione sequitur negans ex parte conclusio,

Fe Nulla virtus est fugienda,

lap Omnis virtus est expetenda,

ton Aliquid igitur quod est expetendum fugiendum non est.

Quartus est cum propositio quadam ex parte dicit, in totum autem & vniuersæ assumptio, ex quibus conclusio sequitur, quæ quadam ex parte dicit,

Dis Quaedam virtus expetenda est,

a Omnis virtus est laudabilis,

mis Quidam igitur quod est laudabile, est expetendum.

Quintus huic similis est, nec differt nisi summationum commutatione, & conclusionis conuersione.

Da Omnis uirtus est laudabilis,

ti Quaedam virtus expetenda est,

Si Quidā igitur quod est expetendum, est laudabile.
Sextus est, cum propositio quadam ex parte negat, as-
 sumptio autem omni ex parte & in totum ait, & ijs
 positis, necessaria sequitur ex parte negans conclusio,
Bo Aliqua virtus non est fugienda,
car Omnis virtus expetenda est,
do Aliquid igitur quod expetendū est, nō est fugiendū.
Septimus à tercio nisi assumptione nō differt. Quæ enim
 illic omni ex parte ait, hic solum quādā ex parte dicit,
Fe Nulla virtus fugienda est,
ri Quædam virtus est expetenda,
son Aliquid igitur qd est expetendū, fugiendū nō est.
 Atque hæc sunt omnes rationes cōmutandæ collocatio-
 nis in simplicibus ratiocinationibus, duntaxat cū neces-
 saria sequitur conclusio. Nam si due ponantur propo-
 sitiones quæ quadam ex parte aiant, aut negent, aut
 due quæ in totum negent, conclusio non erit neces-
 saria. Facile enim occurri poterit in omni forma dispo-
 sitionis. Cum utraque tantum de parte dicet, hoc modo
 argumentum refelletur in prima, Aliquid quod albu
 est, est lapis, Aliquis homo est albus, Aliquis igitur
 homo est lapis. In secunda hoc modo, Aliquis lapis
 est albus, Aliquis homo est albus, Aliquis igitur ho-
 mo lapis est. In tertia hoc modo, Aliquid quod album
 est, lapis est. Aliquid quod album est, est homo: Ali-
 quis igitur homo est lapis. Si utraque tantum quadam
 ex parte neget, idem probari poterit. In prima dispo-

sitionis forma hoc modo, *Aliquid quod album est nō est animal, Aliquis homo non est albus, Aliquis igitur hō non est animal. In secunda, Aliquod animal non est album, Aliquis homo non est albus, Aliquis igitur homo animal non est. In tertia eodem modo, Aliquid quod albū est, nō est animal, Aliquid quod album est non est homo, Aliquis igitur homo non est animal. Si utraq; omni ex parte neget, in re etiam simili argumentum refelli licebit. In prima dispositionis forma hoc modo, Nulla virtus vitium est, Nulla intemperantia virtus est, Nulla igitur intemperantia est vitium. In secunda, Nulla temperantia est vitium, Nulla virtus est vitium, Nulla igitur temperantia est uirtus. In tertia, Nulla uirtus est fugienda, Nulla virtus est vitium, Nihil igitur quod est fugiendū vitium est. In iisdem ferè exemplis permansi, quò facilius natura eorum quæ adhibui perspecta, in alijs etiam eiusdem generis omnes assuescant resistere. Sit ergo hoc generale præceptū, Aut propositionē aut assumptionē, si aiant de toto genere & omnino dicere: si negent, omni ex parte negare oportere. Alterum esto, Alteram tantum earum si conclusio neget, negare oportere. Conclusionis etiam hoc præceptum generale dari potest, Cōclusionem semper eam partem quæ sit deterior, imitari. Nam si vel assumptio vel propositio neget aut aiat ex parte, nunquam ex omni parte dicet negabitue conclusio. Quod faciliè doceri potest in omni forma*

dispositionis: sed contenti omnes si in prima id verum esse ostendero, esse debebunt. Neque enim hæc duæ necessarie sunt cōclusiones, Omnis homo est rationis particeps: Aliquid quod album est, est homo: Omne igitur quod album est, rationis est particeps.

Nullus lapis est animal,

Aliquid quod album est, est lapis,

Nihil ergo quod est album, animal est.

Quemadmodum autem docui in omni forma dispositionis tum propositionem tum summptionem de parte aliqua dicere, aut ex aliqua parte negare non posse, et conclusionem de parte aliqua dicere, aut aliqua ex parte negare oportere, si vel propositio vel assumptio eiusdem generis sit: ita non plures concludendi modos quam quos exposui, facile est ostendere. Sed ne aut longiores videamur, aut omnino opera nostra hoc in loco desideretur, in primo disponenda ratiocinationis genere ita esse concludā. In hac quidem forma collocationis quatuor tantum partes numeravi, quæ directò quid concluderent. Nam alijs quinque non directò, sed conuerso ordine aliquid efficitur. In his autem quatuor primi generis partibus sic propositionem & assumptionem collocauimus, ut in prima parte utraque de toto genere vniuersè diceret, in secunda propositio in totum et omnino negaret, assumptio autem omni ex parte diceret: in tertia propositio de omni parte, seu de toto genere, assumptio de aliqua tantum parte dice-

ret: in quarta propositio omni ex parte negaret, assumptio ex parte aliqua diceret. Nunc ordinē hunc mutari non posse, agē doceamus. Ac de prima quidem primi generis parte nihil est quod dicam, præsertim cum de toto genere & vniuerse tam propositio quàm assumptio enunciet. De secunda autem hoc dico, si propositio in totum & omnino dicat, assumptio autem omni ex parte neget, non fore his concessis conclusionem necessariam. Neque enim hæc necessaria est,

Omnis virtus est habitus,

Nullum vitium est virtus,

Nullum igitur vitium habitus est,

vel, Aliquod igitur vitium habitus non est,

Itemque ne tum quidem est necessaria, cum propositio de aliqua parte dicit, & de toto genere assumptio.

Aliquis habitus bonum est, Omne vitium est habitus,

Aliquod igitur vitium est bonum.

Idem fiet si propositio de aliqua parte dicat, & omni ex parte assumptio neget,

Aliquis equus albus est,

Nullus autem cygnus est equus,

Aliquis igitur cygnus albus non est.

Atque his quidem tribus conclusionibus ostensum esse puto, non posse commutari assumptionum & propositionum ordinem in tribus primæ dispositionis partibus. Quoniam autem alicui uideri potest necessaria conclusio, si propositio de omni parte dicat, &

ex aliqua parte neget assumptio, is hoc mō refelletur,
Omnis homo. est animal,

Aliquis cygnus non est homo,

Aliquis igitur cygnus animal non est.

Fodemq; modo refutare licebit cū propositio ex omni
parte negabit, et assumptio solū de aliqua parte dicet,
Nulla nix est animal,

Aliquid quod album est, nix est:

Nihil igitur quod album est, est animal.

Ac primum quidem disponendæ ratiocinationis ge-
nus non plures complecti posse partes, quā exposui-
mus, ex his facile intelligi licet. Reliqua autē duo gene-
ra nō posse plures complecti, quā quas enumeravi-
mus, ex his non potest perspicui, sed ex alijs rationibus
quas asferrem, nisi uererer, ne longiorē et minus fortas-
se suaue orationē ponere uiderer. His ita cōstitutis, ad
alia pergamus. Intelligendū est autē locos omnes quos
superiore libro exposuimus, per hāc tria dispositionis
genera posse tractari. Nam ut primū de loco defini-
tionis dicā, si quærat, Sītne tēperantia expetenda? id
doceri poterit definitionis loco, quē per ratiocinationē
tractabimus eam cuius dispositio ad tertium modum
primi generis pertinet. Omnis virtus moralis quæ gu-
status et tactus cupiditatibus modum apponit, expetē-
da est: Temperantia autē virtus est moralis, quæ gusta-
tus & tactus cupiditatibus modum apponit: Tem-
perantia igitur est expetenda. Idem doceri potest re-

rum expetendarum definitione. Atque per hunc unum modum primi generis quaestio hac tractari potest. Solus enim is est huius dispositionis, ex quo aliqua quae de parte dicat necessaria conclusio sequatur, eorum duntaxat qui directò concludunt. Si autem quaeratur de toto genere, An omnis temperantia expetenda sit? id confirmari poterit iisdem definitionibus, sed ad primum modum reuocanda erit tractatio. At cum aliquid definitionis loco refellendum erit, id si de parte quaeratur, ut sit ne fugienda fortitudo, per quartum modum: sin de toto genere, ut sit ne nulla fortitudo fugienda, per secundum modum eiusdem primi generis tractanda erit ratiocinatio. Tractatio autem erit huiusmodi, Nulla virtus quae in periculis incidentibus constantiam & decorum seruat fugienda est, Fortitudo autem virtus est quae in periculis incidentibus constantiam decorumque seruat, Non est igitur fugienda fortitudo. Alterius erit eadem, nisi quod assumptio de toto genere debet dicere, & nulla ex parte negare conclusio. Secundae autem dispositionis formae nullius usus est in confirmatione, propterea quod illius modi omnes negant, in refutatione autem est plurimus. Ego quod usus sit facilius ad imitandum, in eodem exemplo permanebo. Si quis omnem fortitudinem concedat esse fugiendam, locum definitionis per ratiocinationem ad primum secundum generis modum pertinentem tractare licebit hoc modo, Nihil fugiendum est, quod in periculis incidentibus

constantiam decorumq; seruat: Omnis autem fortitudo uirtus est quæ in periculis incidentibus constantiam decorumq; seruat. Nulla igitur est fortitudo fugienda. Tertia autem in eas tantum quæstiones quæ de parte dicunt, aut ex parte negant, adhiberi potest. Nulla enim in totum & omnino dicunt aut negant conclusiones. Posita sit hæc quæstio, Sit' ne aliqua fortitudo expetenda? si ea negetur, confirmari poterit hoc modo, Omnis uirtus quæ in periculis incidentibus constantiam & decorum seruat expetenda est. Omnis uirtus quæ in periculis constantiam decorumq; seruat, est fortitudo: Aliqua igitur fortitudo expetenda est. Nunc hoc uno definitionis quæ adhibui loco ero contentus. De cæteris autem disseram, si hoc præposuero, Cum aliquid erit nobis uel confirmandum uel refellendum, ut sine errore quo cuiusq; dispositionis modo uelimus, utamur, primum qui modi conclusionem habeant quæ in totum & omnino dicat, & neget, quæq; aliqua ex parte aut dicat aut neget, tenendum est. Deinde uidendum est quod nobis propositum est confirmare, aut refellere, id' ne in totum dicat, aut neget, an solum ex aliqua parte. Præterea illud quoque scire oportet, omnes primi generis modos & ad refellendum & ad probandum quid siue de toto genere, siue de parte, esse aptiores. Proposita autem omni quæstione, ubi hæc omnia tenuerimus, iam illi quos superiore libro exposuimus, erunt tenendi loci, ut ex illis quos causæ nostræ magis profuturos intelligemus, ducamus argumentum. Ducere enim argumentum à quoque, aliud est nihil, ni-

si id quod ait Aristoteles, uerbum unum quod medium uocat inuenire, quod cum secum duo reliqua in sumptionibus copulauerit, ea quoque inter se colliget in conclusione: aut cum alterum a se dissociauerit uel in propositione uel in assumptione, utrunque etiam in conclusione ab altero dirimat. Ex eo enim tres dispositionis formae ortae sunt. Prima, quod uerbum id quod bis ante conclusionem dicitur, tum in propositione subiicitur, tum attribuitur in assumptione: secunda, quod in utraque attribuitur: tertia, quod in utraque subiicitur. Quae cum ita sint, malim ego rationem inueniendi uerbi quod ad concludendum sumitur, ad locos eos, quos exposuimus, accommodari, quam ad eam quam praescripsit Aristoteles formam et disciplinam. Si enim teneas quicquid ad confirmandum aut refellendum id de quo agatur adhibetur, id alicuius illorum locorum nomine appellandum esse, facile etiam quemadmodum affectum sit ad alia duo uerba quae concludenda sunt, intelliges. At si scias unius id antecedens esse, alterius consequens, aut dissentaneum unius, et alterius consentaneum siue consequens, hoc nihil tibi conducat ad locorum facultatem consequendam, quorum inuentio ad iudicium, id est dispositionem, omnis accommodanda est. Dicamus ergo inuentionem eius uerbi quod medium Aristoteles uocat, aliud esse nihil nisi argumentorum locorumque eorum quos superiore libro commemorauimus, inuentionem. In quo illud intelligendum est, non quouis locorum illorum statim id de quo agatur con-

cludi posse, interdumq; duplicem adhibendam esse argumentationem. Quo in genere sunt cum alij nonnulli tum contrariorum locus. Neque enim si, exempli causa, hoc incidat in disputationem, Sit ne uoluptas expetenda: una argumentatione confici licebit, sed tantum duabus. Priore hac, Omne quod naturam offendit fugiendū est, Dolor naturam offendit, Dolor igitur fugiendus est. Posterior hæc erit, Quod si dolor fugiendus est, expetenda est uoluptas. Idem ferè fit in causarum & rerum effectarum locis. ut si queratur, Sit ne bellum fugiendum: primum tractandum erit argumentum ex causa: deinde eo tractato, concludetur effectus, hoc modo, Omnis perturbatio animi à ratione auersa, fugienda est: Omnis autem cupiditas animi est à ratione auersa perturbatio: Omnis igitur est fugienda cupiditas. Ita bellum quoque fugiendum est, quod ex cupiditate nascitur. Similitudinis, dissimilitudinis, maioris, minoris, & paris eadem est ratio & sententia. Hoc autem fit propterea, quod his in locis atque in superioribus id unde argumētum ad id quod agitur, sumitur, nec antecedens, nec consequens est eorum duorum uerborū quæ concludenda sunt, sed ferè aut repugnans aut dissentaneum. Vt autem confirmādo statim una argumentatione id de quo queritur, quemadmodum docui, concludi non potest, ita nec potest refellendo. Si enim queratur, an uoluptas aliqua fugienda sit, idq; concedatur, refutari poterit, hæc duplici argumentatione per tertiam dispositionis formam,

Nullus dolor est uoluptas,

Omnis dolor fugiendus est,

Aliquid igitur quod fugiendum est, non est uoluptas.

Concesso autem antecedente sequitur, Omnis dolor est

fugiendus, Aliqua igitur uoluptas non est fugienda. In

coniugatis autem una argumentatione id concludi licet.

ut si quærat, Sit ne fortiter facere id quod audacter?

refelli poterit hoc modo,

Nullius fortitudinis est audacter facere,

Omnis fortitudinis est fortiter facere,

Fortiter igitur facere non est id quod audacter.

Quod enim uni conjugatorum non conuenit, alteri, quæ-

admodum dixi, conuenire non potest. Per primam au-

tem formam contrariorum locus tractari non potest re-

fellendo: ut si quærat, sitne omnis declinanda pax, id

refelli non poterit hoc modo,

Nullum bellum est pax,

Aliquid quod fugiendum est, est bellum:

Aliquid igitur quod fugiendum est, non est pax.

Nec uerò alio modo refutari potest eorum qui primæ

dispositioni sint attributi. Itaq; duabus argumentatio-

nibus id faciendum est necessario, ut si hoc in disputa-

tionē incidat, Sit ne fugienda iniustitia, hac utraque ratio-

cinatione utendum est in refellendo,

Nullum uitium expetendum est,

Omnis iniustitia est uitium,

Iniustitia igitur nulla expetenda est.

Ita iustitia fugienda non est.

Loci autem qui per omnes dispositionis formas tractantur, sunt definitio, enumeratio partium, genus, forma, antecedentia, consequentia. Definitionis exempla paulò antè posui. Enumerationis in prima dispositionis forma, hoc erit exemplum, Omne animal aut rationis est particeps, aut expers: Omnis autem homo est animal: Omnis igitur homo est rationis particeps, aut eius expers. Sunt quibus placet hoc argumentum & que sunt eiusdem generis, duci ab enumeratione partium. Mihi autè potius ex toto sumi uidetur. Concluduntur enim partes ex toto, non aliter atque hoc argumento, Si animal est, aut rationis est particeps, aut eius expers: Animal est autè. Aut igitur rationis particeps, aut expers eius est. Ita q; cum argumētum ab enumeratione partium ducitur, totum concludi oportet hoc modo, Quicquid dignitatem aut uoluptatem, aut utilitatem affert, id est expetendum: Iustitia autem aut dignitatem, aut uoluptatem, aut utilitatem affert: Iustitia igitur est expetenda. In refellendo etiam enumerationis partium in hac usus est plurimus. In secunda autem dispositionis forma cōclusiones omnes solum ad refellendum ualent. Ab enumeratione partium, in ea hoc pacto refellere licebit,

Omnis numerus est par aut impar,

Nulla essentia est par aut impar

Nulla igitur essentia est numerus.

Si propositio & assumptio conuertantur, ducetur ex

to toto argumentum, hoc modo,

Quicquid est par aut impar, id numerus est.

Nulla essentia est numerus,

Nulla igitur essentia par est uel impar.

In tertia porro per ratiocinationem enumeratio partium,

& totum tractantur & confirmando & refellendo:

idque multis modis, sed eorum pauca exempla ponemus.

Ab enumeratione partium in confirmatione erit eiusmodi,

Omne quod est par aut impar est qualitas,

Omne quod est par aut impar est numerus,

Numerus igitur est qualitas. Quæstio est generis, An

numerus sit qualitas? In refutatione hoc modo,

Nihil quod est par aut impar est essentia,

Omne autem quod est par aut impar est numerus,

Numerus igitur non est essentia.

Ex toto autem in confirmatione ducetur hoc modo argumentum,

Omne animal rationis est particeps, aut eius expers,

Quoddam animal essentia est,

Quædam igitur essentia particeps, aut expers rationis est.

In refutatione eiusmodi erit exemplum,

Nulla substantia est par aut impar,

Aliqua substantia est substantia corporea,

Substantia igitur corporea aliqua non est par aut impar.

Generis etiam argumenta per has tres dispositionis formas tractari possunt. Huius loci cum inuentionem traderem, hoc admonui, cum nunquam in confirmatione

firmum esse, nisi in totum & omnino, id est, quod aiunt,
uniuersaliter de re diceretur. Hoc præceptum ad duas
formas primam & tertiam pertinet. A genere enim in
utraq; & species et pars probatur. In prima hoc modo,
Omnis uirtus est habitus,

Iustitia est uirtus,

Iustitia igitur est habitus. Quæstio generis, Sit ne iusti-
tia habitus. Locus communis, Quicquid de genere toto
dicitur, id de eius forma dici. Quia enim uirtuti quæ iu-
stitiæ genus est, toti habitus conuenit, etiam formæ eius
habitum conuenire oportet: in quo omnis uis eius argu-
menti posita est. Tertia formæ erit huiusmodi tractatio,
Omnis uirtus est habitus,

Aliqua uirtus iustitia est,

Aliqua igitur iustitia est habitus.

In refutatione autem tractari potest per ratiocinationes
quæ ad tres collocationis formas pertinebunt. In prima
hoc modo,

Nulla essentia est numerus,

Omnis autem animus est essentia,

Nullus igitur animus numerus est.

Quæstio est generis, Sit ne animus numerus: ea generis
loco refellitur. Locus autem communis à superiore or-
tus est huiusmodi, Quod toti generi non conuenit, id ne
parti quidem conuenire. Ortum autem eum esse à supe-
riore hinc sciri potest, quòd si uerum est quod toti gene-
riconueniat, idem cadere in eius formam, uerum etiam

esse oportet. quod toti non conueniat, id nulli etiam forma conuenire. In secunda autem forma talis erit generis in refutatione tractatio,

Nullus numerus est essentia,

Omnis animus essentia est,

Nullus igitur numerus animus est.

Quaquam in hac conclusio conuertitur. In tertia uero erit eiusmodi,

Nullus habitus est figura,

Aliquis habitus est uirtus,

Virtus igitur aliqua non est figura.

Generis est questio, Sit ne aliqua uirtus figura? ea loco generis refellitur. Locus communis, Quod generi non conuenit, nec forma conuenire. figura enim habitui non conuenit, ex eoque uirtuti non conuenire concluditur. Forma sequitur, cuius argumentorum tractatio duobus tantum disponenda argumentationis generibus explicari potest. Sed hoc notandum est, quod in loci eius inuentione dixi, formam ad refellendum genus minime ualere. Ex quo perspicuum est eos solus modos qui uim habent ad confirmandum, forma loco tractando posse accommodari. Ac primae quidem formae tractatio erit talis,

Omnis iustitia habitus est,

Aliqua uirtus est iustitia,

Aliqua igitur uirtus habitus est.

Questio est generis, Sit ne uirtus habitus? Locus communis, Quod forma conuenit, generi etiam conuenire.

Quoties autem hic locus firmum argumentum à specie reddit, à forma conclusio nulla quæ de toto genere dicat. sequitur in primo hoc genere dispositionis. Hoc fit propterea quòd species de genere toto non uere dicitur, quod necesse est fieri. Cum uerò locus hic communis, Cui forma conuenit, genus etiam conuenire, ad argumentum ex forma probandum adhibetur, tum uniuersum genus concludi potest. Exemplum erit eiusmodi, Omnis uirtus est habitus, Omnis temperantia est uirtus, Omnis igitur temperantia est habitus.

In tertia autem forma tractatio erit talis,

Omnis temperantia est habitus,

Omnis temperantia uirtus est,

Quædam igitur uirtus est habitus.

Quæstio est generis, Sit ne uirtus habitus? Locus communis, Quod forma conuenit, generi etiam conuenire. Quia enim temperantia, quæ uirtutis quædam forma est, habitus conuenit, uirtuti etiam conuenire debere concluditur. Nihil autem ex eo loco communi, Cui forma conuenit, ei etiam genus conuenire, hic concludi potest, propterea quòd eorum uerborum quæ in propositione & assumptione attributa sunt, unum alteri necesse est attribui in conclusione. Quod etiam commune est reliquorum locorum. Antecedentium & consequentium loci restât. Superiores quidem loci duo, generis dico & forma, horum partes quædam uidentur esse. Nam &

omnis species generi, ut superiore libro demonstratum est, antecedit, & genus formæ est consequens, si modo in totum minimè dicatur. Sed tamè omnino distincti sunt. In generis enim ac formæ locis totius & partis habetur ratio. In his autè non partis aut totius ratio ducitur, sed solum antecessoris & cōsecutionis. Horum autem eadè ferè tractatio est. Nam & consequentia ex antecedentibus, & contrà ex consequentibus antecedentia cōcludi possunt omni forma collocationis. Quod quò facilius & magis ex arte faciamus, ea omnia antecedentium consequentiumq; genera tenenda sunt, quæ in eorundem inuentione exposui. In prima quidem forma dispositionis antecedentium in confirmando exemplum erit huiusmodi,

Omne quod honestum est, laudabile est,

Omnis temperantia honestum est,

Omnis igitur temperantia est laudabilis.

Quæstio est accidentis, Sit ne temperantia laudabilis?

Locus communis, Cui antecedens conueniat, ei consequens conuenire. Honestum enim antecedens eius est, quod est laudabile, quod quia in temperantia uerè dicitur, laudabile etiam in ea uerè dici oportet. A consequentibus eodem modo tractari potest argumentum,

Omne animal est corpus,

Omnis homo est animal,

Omnis igitur homo est corpus.

Quæstio est generis, Sit ne homo natura corpore prædi-

ta? *Locus communis*, Quod de toto consequente dicitur,
id de aliquo eius antecedente dici. In refutatione autem
non iisdem modis quibus antecedens, consequens quoq;
tractatur, A consequentibus quidem hoc modo,
Nihil quod rationis est expertus, natum est ad percipien-
dam uirtutem,

Coruus omnis est expertus rationis,
Coruus igitur nullus ad percipiendam uirtutem natus est.
Quaestio est proprij. *Locus communis*, Quod consequenti
non conuenit, id eius antecedenti non conuenire. Coruus
enim antecedens est rationis expertum. Si enim coruus
sit, etiam expertus rationis sit necesse est, non contrā. Ab
antecedentibus autem necessaria in refutatione conclu-
sio non sequitur, nisi in ijs quae reciprocantur, cuiusmodi
sunt homo & ridens, & uno nomine proprietates &
res quarum sunt proprietates. Res autem ipsae ex eo suis
proprietatibus antecedere dicuntur, quod sint necesse est
res ipsae, ut proprietates cohaereant. Exemplum erit hu-
iusmodi,

Nulla exhalatio ignis est,

Omnis fumus exhalatio est,

Nullus igitur fumus ignis est. Ita fumus non celerrime
sursum fertur. Neq; enim in hoc genere dispositiois una
ratiocinatione concludi potest, quoties locus hic communis
dominatur, Cui non conuenit antecedens eius quod reci-
procatur, ei consequens non conuenire. Cum autem locus
ille regnat, Quod in antecedens eius quod reciprocatur

non cadit, id nec cadere in consequens, tum una ratiocinatione id confici licet,

Nullus ignis est fumus,

Quod sursum celerrimè fertur, ignis est,

Quod igitur sursum celerrimè fertur, non est fumus.

In secunda autem forma disponendæ argumentationis ex consequentibus in refellendo argumentum firmum est: ex antecedentibus non est firmum ullum, nisi cum antecedens & consequens reciprocantur. Ab antecedentibus talis erit tractatio,

Quicquid celerrimè sursum fertur, ignis est,

Nullus fumus ignis est,

Nullus igitur fumus celerrimè sursum fertur.

Quæstio est proprij, An fumus celerrimè sursum fertur? Locus communis est, Cui antecedens eius consequentis quod uicissim retro commeat, non conuenit, nec consequens ei conuenire. Ignis enim antecedens est eius quod sursum celerrimè fertur, qui quoniã de fumo uerè nō dicitur, id etiam quod celerrimè sursum fertur, de eo uerè non dici necesse est. A consequentibus autem semper hic firmum est argumētum, nisi sint antecedentium quæ modo dixi, consequentia. Exemplū erit huiusmodi, Omnis intemperantia uitium est,

Nulla uirtus est uitium,

Nulla igitur uirtus est intemperantia.

Tertio, autem collocandæ argumentationis genere explicari potest tam in confirmatione, quàm in refutatione

consequentium tractatio. In confirmatione hoc modo,
 Quicquid expetendum est, bonum est,
 Aliquid quod expetendum est uirtus est.
 Aliqua igitur uirtus bonum est.

In refutatione autem hoc modo tractabitur,
 Nihil quod expetendum est, est malum,
 Aliquid quod est expetendum, iustum est,
 Aliquod igitur quod iustum est, non est malum,
 Ab antecedentibus autem in confirmatione quidem
 omnia ualent, quorum exemplum est eiusmodi,
 Omnis homo est animal,

Aliquis homo est rationis particeps,
 Aliquid igitur quod est particeps rationis est animal.
 Quæstio est generis, Si uero aliquid quod est rationis par-
 ticeps animal? Locus communis est, Quod antecedenti
 conuenit, id etiã consequenti eius conuenire. Quod enim
 rationis est particeps, hominis est consequens. In refuta-
 tione autem nulla hic necessaria conclusio sequitur, nisi
 in ijs antecedentibus, quæ & ipsorum consequentiã re-
 ciprocantur. Omnium quidem locorũ argumẽta quot
 modis tractari possint, & quemadmodum, siue quid
 confirmandum sit, siue refellendum, quæq; collocationes
 in quos locos adhiberi possint, quiq; loci unã suppedient
 argumẽtationem, qua statim id quod queritur conclu-
 di liceat, quiq; egeant quasi subsidio quodam alterius
 conclusionis, diximus. Hoc autem intelligendum est, me
 in ponendis exemplis, non oratorum copiam, & liber-

tatem, sed Dialecticorum inopiam & ieiunitatem secutum, propterea quod angustius hi loquuntur qui rem expendere, non ornamenta uerborum solent, & subtilius uerborum ordinem exquirere, cum illi hæc omnia negligant. Itaque ut Dialectici primum proponunt aliquid, deinde sumunt, postremo concludunt: sic illi hunc ordinem contemnunt, interdumque à proposito non ordiuntur, neque concludunt: sumptiones uero sæpe ad rationem probationemque traducunt, ut difficillimum sit nonnunquam eorum argumentationes ad eum ordinem qui naturalis est, reuocare. Sed tamen ab istis angustijs discedere conceditur, palamque quasi in campo amplissimo expatiari, dummodo trium earum formarum quas præscripsi, modus retineatur. Ac scribendo quidem non est dubium, quin copia uti liceat, multisque uerbis exponere ea quæ tractantur aut disputantur. Cum autem cum alijs differimus, quoniam longam orationem aut eorum qui contra disputant, non patitur aut non capit ingenium, aut causa nostræ ratio non postulat, ne repetendo ea omittantur quæ sunt firmissima, modum adhibere debemus. Itaque rarò tum propositionis, tum assumptionis afferenda ratio est, antè quàm conclusum sit argumentum, Sed de his alijs plura dicemus. Hoc autem intelligendum est, quæ de tribus tractandarum argumentationum generibus dixi, ea omnia ad argumentationes simplices esse accommodanda. Sed simplicium duo sunt genera prima, quæ ex duobus enun-

ciationum simplicium generibus orta sint. Vt enim alias
 simplices enunciationes primo libro esse dixi, quæ ex
 simplici uerbo tam eo quod substantiuum, quàm eo quod
 adiectiuum appellant dialectici, constant, in quo genere
 hæ sunt, Omnis iustitia est uirtus, Omnis uirtus eum in
 quo est bonum efficit: alias autem simplices in quibus
 præter hæc uerba hæc quoque nota, necesse, necessario, &
 uerba hæc, potest, accidit, collocantur: sic duo genera sunt
 rationationum simplicium, quæ constant ex his enuncia-
 tionibus. Quoniam igitur de priore genere dictum est, de
 posteriore pauca dicamus. Aut enim secundum genus
 enunciationum simplicium prætermittendum fuit, aut hoc
 etiam tradendum est, præsertim cum enunciationum usus
 nullus sit futurus, nisi ad argumenta referantur. Hoc
 quidem posterius genus multas in partes distributum
 est. Vna enim simplex est, altera concreta. Simplex, quæ
 uel ex necessario tota est, uel ex eo, quod fieri potest.
 Concreta ea quæ uel ex his duobus mixta est, uel ex
 alterutro, & uerbo simplici tum eo quod substantiuum,
 tum eo quod adiectiuum dicitur, quæ omnia ad propo-
 sitionem & assumptionem referri uolo. Exemplis hæc
 illustranda sunt. Simplex est tota ex necessario, quæ se-
 quitur,
 Omnis uirtus necessario eum in quo est bene afficit,
 Omnis autem iustitia necessario uirtus est,
 Omnis igitur iustitia necessario eum in quo est bene afficit
 Simplex tota ex eo quod fieri potest, hæc,

Omne quod crescit, decrescere potest,

Omnis puer potest crescere,

Omnis igitur puer decrescere potest.

Concreta est hæc ex eo quod fieri potest, & ex necessario,

Omne animal currere potest,

Omnis homo necessario est animal,

Omnis igitur homo potest currere.

Ex eo autem quod necessarium est, & ex uerbo quod substantiuum dicitur, hæc concreta est,

Omnis uirtus necessario est laudabilis,

Omnis autem fortitudo uirtus est,

Omnis igitur fortitudo necessario est laudabilis.

Ex eo autem quod fieri potest, & ex uerbo simplici,

Omne quod aegrum est conualescere potest,

Aliquis homo aeger est,

Aliquis igitur homo potest conualescere.

Atque omnium quidem exempla sunt huiusmodi. Nemo autem existimare debet hoc totum genus, ut minus necessariū esse repudiandū. Neque enim sine eo quaestiones quæ de eo sunt quod fieri potest, aut non potest, quæ eadem crebris sermonibus philosophorū ueterū disputabantur, ullo modo, quemadmodum primo libro dixi, explicari possunt. Quinetiam id nonnunquam Cicero usurpat. Sed tamen modus in eo nobis retinendus est, ne hunc locum obscurasse uideamur. Primum de simplicibus dicam, tum de concretis. Simples autem hic dico,

quemadmodum ignis, aer, aqua, terra, naturæ simplices à Cicerone uocantur. & cōcretas quæ ex his omnibus, aut aliquibus mixtæ sunt, ut homines, aliásq; eiusdē generis naturas ex illis quatuor primis concretas, idem Cicerone nuncupat. Hoc autem de simplicibus quæ de necessario quid enunciant, tenendum est, omnes eius generis argumentationes firmas esse, si eodem modo tractentur, quo superiores, quæ ex uerbo simplici constant. Nō est necesse exemplis ponendis hoc facere lōgius. Neque enim satietatē uiuare possemus, si unicuiq; modo trium tractationis generum exempla accommodaremus. Hoc tantum dicam, si quis eas enūciationes quas in primo libro ex necessario ueras esse dixi, siue quæ de toto genere dicerent, siue ex omni parte negarent accommodatē ad ratiocinationes tractare uelit, eum faciliē obseruaturum esse eandem harum & simplicium superiorum in concludendo esse rationem. Eius autem quod fieri potest & potest nō fieri (videt̃ ἄμφοτερον enim id dicitur) lōgē alia ratio est. Quod quō maturius doceamus, primum quid sit, & quot eius genera dicendum est. Id quidem dicitur euenire, seu accidere (nam hæc idem ualent) quod nō necessariū est, id est quod potest esse & non esse, quoq; posito nihil incommodi sequitur. ut omnem hominem in senectute nō est necesse canescere, & omnem canescere si ponamus, nihil incommodi suscipere cogemur. Eius autem duo sunt genera, unum quod plerūque fit. ut homo plerūque cum quinq; digitis, duabúsq; manibus nasci-

tur. cum natus est, ferè crescit, in constanti atate ferè decrescit, & canescit in senectute. Alterum est quod accidit sine alterutrius partis certo euètu ut sunt ea omnia quæ casu fiunt. ut si quis cum rus proficiscitur, de celo tangatur, aut terræ motus fiat, aut fodiens thesaurum inueniat. Neque enim profectio illa causa est magis cur ille tangatur, quàm nō tangatur. sed alterutrum cuenit. Nunc his ita constitutis dicamus quando conclusio sequitur necessaria, si tam propositio quàm assumptio sit de eo quod fieri cōtingit. Ac primū de prima dispositione. Si de toto genere utraq; dicat, etiā conclusio sequetur quæ omnino enunciet. Exemplū erit huiusmodi,
 Omne quod uigilat dormire potest,

Omnis homo uigilare potest,

Omnis igitur homo potest dormire.

Itēq; necessaria sequitur cum propositio omni ex parte negat quid, & in totum dicit affirmatio. ut,

Fieri potest ut nihil quod fodit, thesaurum inueniat,

Fieri autem potest, ut omnis homo fodiat,

Fieri igitur potest, ut nullus homo inueniat thesaurum.

Tertia erit conclusio necessaria, cū propositio de toto genere dicet, & de parte assumptio.

Omne quod ægrotat, ex morbo conualescere potest,

Aliquis autem homo ægrotare potest,

Aliquis igitur homo potest conualescere.

Quarta autē sequetur, si propositio in totū negabit, & propositio aliqua ex parte dicet. Hac enim necessaria est,

Fieri potest, ut nihil eorum quæ nauigant, moriatur in mari,

Fieri autem potest, ut aliquis homo nauiget,

Fieri igitur potest, ut aliquis homo in mari minime moriatur.

Atque hæc quidem quatuor conclusionum genera perfecta dicuntur, quòd directum ordinem què prima tractandorum argumentorum forma præscribit, in ijs seruet conclusio. Rectus autem ordo in concludendo in ea forma est, cum uerbū quod in propositione attribuitur, attributi etiam uim & locum obtinet in cōclusionē, & quod in assumptione subiectum erat, id in conclusione etiam subijcitur. Cōuersus autem est, cum hic ordo mutatur, aut certe enuntiatio aliqua pro assumptione, aut propositione subijcitur, quæ idem quod illa declaret. Disciplinam autem conuersionum, quam primo libro tradidi hic conuersus ordo desyderat, ut sciamus quæ in quāq; conuertatur enuntiatio. Atque hic quidem notandum est, enunciationem eam quæ de eo quod contingit, dicit uniuerse ac in totum, conuerti in eam quæ in totum negat. ut hæc, Fieri potest ut nemo ambulet, in hæc cōuertitur, Fieri potest ut omnis homo ambulet. Quibus positis, hoc intelligendum est, multos modos conclusionum ex eo quod fieri potest nasci, qui perfecti non sint, sed imperfecti uocentur propter assumptionis aut propositionis cōuersionem. Si enim minus conuertatur, iam non erit perfecta ratiocinatio. Nam si inuertatur ordo

superiorum quatuor conclusionum, ut quæ in illis propositio est, in his sit assumptio & contrā, erit non perfecta tractatio. Quod si altera conuertatur, iam perfecta erit. Neque enim, exempli causa, perfecta est hac argumentatio,

Fieri potest ut omne quod nauigat, in mari moriatur,

Fieri autem potest ut nemo nauiget,

Fieri igitur potest, ut nemo moriatur in mari.

Vt autem certum aliquid habeamus, quo falsas ex eo quod contingit enunciationes à ueris interoscamus, scire oportet, in omni eius generis enunciatione duplicem spectandam esse sententiam. Nam, exempli causa, huius enunciationis, Accidit ut omne quod album est, sit animal, hæc sententia esse potest, Accidit ut omni cui album fortuitò (teramus enim hoc uocabulū & superiora pro illo contingenter) cōuenit, etiā animal fortuitò cōueniat, id est ut quicquid fortuitò album est, id etiam fortuitò sit animal, quæ quidem falsa est sententia. Itēque illa esse potest, Accidit ut omni cui album conuenit, animal fortuitò conueniat. quæ etiam falsa est, si id contingere dicamus quod non est necessarium. Aliquod enim animal est, ut cygnus, quod sit album necesse est. Ita non fortuitò albus est cygnus. Sed uereor ne de his uidear subtilius disputare. Itaq; malim hæc ego ad cōmunem omnium sensum accommodari, ut id contingere, accidere, & euenire dicamus, quod casu fit, & quod potest tā fieri quā non fieri. ueluti cum dicimus, Accidit ut

agrotarem, fieri potest ut ager ex morbo conualeſcat, aliâq; generis eiſdem. Nunc quoniam quatuor modos cõcluſionum neceſſariarum ex eo quod poteſt fieri & non fieri, qui perfecti ſunt in prima forma diſpoſitionis expoſuimus, ad alia pergamus. Neque enim nobis propoſitum eſt eos omnes perſequi, quorum nõ eſt perfecta concluſio. In altera autem diſpoſitionis forma ſi omnibus enunciationibus uerbum hoc contingit uel euenit adiungatur, concluſio neceſſaria non ſequetur. Quòd ſi quæ ratiocinationes ex his conficiantur, quæ ipſæ firmæ ſint, facilè una ratione omnes refelli poterunt. Neque enim hæc neceſſaria concluſio eſt,

Accidit ut omnis homo ambulet,

Accidit ut equus nullus ambulet,

Accidit igitur ut nullus equus ſit homo.

Veræ enim ſumptiones ſunt, & falſa concluſio. quippè cum neceſſe ſit nullum equum eſſe hominem, ex quo efficiatur falſum eſſe, accidere ut nullus equus ſit homo. Hoc loco ea omnia maximum nobis adiumentum afferent, quæ de enunciationibus neceſſarijs & ijs quæ de eo dicunt quod fieri poteſt & non fieri, primo libro tradidi. Dixi enim eas omnes neceſſarias eſſe, quæ omni ex parte negarent ea quæ diuerſis generibus ſubiecta eſſent, quorum neutrum alterum complecteretur. Cuiusmodi eſt hæc, Nullus equus eſt homo. Nec uero hac una ratiocinatione reſiſtemus, ſed etiam omnibus quæ ex eiſdem tribus uerbis conſtabunt, dum modo eadem

ratione illa ipsa uerba collocabimus, qua aduersarij suas confecerint argumētationes. ut si, exempli causa. propositionem nobis afferant, quæ in totū & uniuerse neget, & propositionē quæ de toto genere dicat, & conclusio neget ex omni parte, eadem ratione si utamur ijsdem uerbis refellemus hoc modo,

Accidit ut nullus homo uigilet,

Accidit ut omnis equus uigilet,

Accidit igitur, ut nullus equus homo sit.

Quod fit etiam in cæteris. In tertia porro forma dispositionis, si tam propositio quàm assumptio aut de incerta parte dicant, aut de certa, nō sequetur necessaria conclusio. Atq; uno modo uitiosis huius generis conclusionibus occurremus, si ex his tribus argumētatio cōficiatur uerbis, equus, homo, albū, ut albi uerbū bis dicatur ante conclusionem. Est enim hæc uitiosa & falsa conclusio.

Accidit ut aliquid quod est album sit equus,

Accidit ut aliquid quod album est sit homo,

Accidit igitur ut aliquis homo sit equus.

Multæ autē aliæ sunt nō necessariae, quas facile refellemus cognitis necessarijs. Modi qui cōuersione fiūt perfecti, multi sunt. Primus is cuius tam propositio quàm assumptio de toto genere dicunt, Nam conuersa assumptione in eā quæ de quadā parte dicit, tertius erit primæ dispositionis modus. Vtriusque exempla ponam. Tertiæ quidem dispositionis primus modus est huiusmodi,

Accidit ut omnes qui nauigant in mari moriantur,

*Accidit ut omnes qui nauigant sint homines,
 Accidit igitur ut homines in mari moriantur.
 Si hac conclusio negetur, aut cetera quæ in hac forma
 dispositionis necessariae sunt, facile confirmari poterunt,
 si ad certam perfectamque primam reuocentur. Veluti
 ea quam exposui ad tertium primi generis modum ita
 transferetur assumptionis conuersione,
 Accidit ut omnes qui nauigant in mari moriantur,
 Accidit autem ut homines nauigent,
 Accidit igitur ut homines in mari moriantur.
 Eadem est ratio cæterorum modorum quorum conclu-
 siones sunt necessariae. Nam ut summatim dicam, qua-
 tuor alij sunt modi necessarij, qui totidem respõdent ijs
 quos paulò antè in huius tertiæ formæ argumentatio-
 nibus ex simplici uerbo sine ulla nota enumerauimus.
 Secundus enim est cum omnino tum propositio negat,
 tum dicit assumptio. Tertius cum propositio de toto gene-
 re, & sumptio de aliqua parte dicit. Quartus cum con-
 trà propositio de parte dicit, & de toto genere assum-
 ptio. Quintus cum propositio in totum negat, & assum-
 ptio de parte dicit. Ita unus is modus relinquitur, cuius
 propositio aliqua ex parte negat, & uniuersè ac in to-
 tum dicit assumptio. Atque hæc quidem de ratiocina-
 tionibus quæ uerba tantum simplicia, & notas recipiunt.
 Nunc pauca dicenda de ijs sunt, in quibus mixta hæc
 reperiuntur. Harum autem genera tria sunt: alij enim
 sunt ex necessario & uerbo simplici: Aliæ ex eo quod*

fieri potest & non fieri, quod cōtingens uocatur, & ex uerbo simplici: Alie ex necessario & ex eo quod fieri potest & non fieri. Quoniam autem primum de ijs ratiocinationibus simplicibus diximus, quæ ex uerbo est, aut eo quod adiectiui uocant, constant: deinde eas quæ ex necessario rātum essent, attigimus, primum etiam de eis differemus quæ ex his duobus concretæ sunt. Earum autem exemplum est eiusmodi,
 Omnis uirtus necessario est laudabilis,
 Omnis autem fortitudo uirtus est,
 Omnis igitur fortitudo necessario est laudabilis.
 In primo quidem argumetorum disponendorum genere ita deniq; necessaria sequetur conclusio, si propositio ex necessario constet, & ex uerbo simplici assumptio: tum enim conclusio in qua necessariū est, sequetur. Hoc autem in quatuor huius formæ modis ijs qui perfecti à nobis appellati sunt, uerè dicitur. Non est necesse omnium exempla ponere. Si quis enim eos quatuor conclusionis modos, quos tum tractaui cum de ratiocinationibus quæ ex uerbo est constant, disputarem, sibi proponat, earumq; propositionibus & conclusionibus necessario aduerbium adiungat, exempla huius loci habebit propria. Quòd si uerbum simplex ad eorū quatuor modorum propositionem, necessariū autem ad assumptionem pertineat, conclusio necessaria non sequetur. Refellatur enim facile his argumentationibus, si quis contendat firma esse argumenta,

Omne animal mouetur,
 Omnis homo necessariò est animal,
 Omnis igitur homo necessariò mouetur.
 Omne animal mouetur,
 Aliquis homo necessariò est animal,
 Aliquis igitur homo necessariò mouetur.
 In secunda autem dispositionis forma, quoniam omnes
 concludendi modi negant, si necessariò aduerbium pro-
 positioni uel assumptioni quæ negans est omnino, adiun-
 gatur, semper ex ijs duabus conclusionem ex necessario
 efficere licebit. Quòd si ad eam quæ aiens est seu pro-
 positionem seu assumptionem illud necessariò addatur,
 aut ad negantem ex parte, necessaria eiusdem generis
 non sequetur conclusio. Vt enim hæc argumentatio ne-
 cessaria est, cetera q; eiusdem generis,
 Nullus lapis est animal necessariò,
 Omnis homo est animal,
 Nullus igitur homo est necessario lapis.
 Vt inquam hæc necessaria est, sic illa non est,
 Omnis homo necessario est animal,
 Nihil quod est nigrum est animal,
 Nihil igitur quod nigrum est, animal sit necesse est.
 Itemque hæc infirma est,
 Omne quod nigrum est homo est,
 Quoddam autem animal non est homo necessariò,
 Quiddam igitur quod albū est, non est homo necessariò.
 Atque etiam alias uitiosas argumentationes huius ge-

neris eadem ratione licebit refellere.

In tertio autem genere tractandorum argumentorum hoc tenendum est, ex ijs sumptionibus quæ de toto genere dicant, si alterutri necessario aduerbium adiungatur, necessariam eiusdem generis sequi conclusionem: quod idem fiet, si ei quæ negans est adiungatur. At si ad aientem adhibeatur, non sequetur conclusio. Primi generis exemplum erit eiusmodi,

Omnis uirtus necessario est laudabilis,

Omnis uirtus eum in quo est perficit,

Aliquid igitur quod eum in quo est perficit, necessario est laudabile.

Secundi autem erit tale,

Nulla uirtus perturbatio sit necesse est,

Omnis uirtus est laudabilis,

Aliquid igitur quod est laudabile perturbationem esse necesse non est.

Tertij autem generis hoc exēplo uitiosas licebit refellere,

Nihil quod ambulat est homo.

Omne quod ambulat necessario mouetur,

Aliquid igitur quod mouetur, necessario nō est homo.

In hac etiam necessariū erit argumentum, cum uel propositioni uel assumptioni quæ sola de toto genere dicat & de parte altera, idem adiungatur aduerbium. Ac de ijs quidem ratiocinationibus quæ concretæ sunt ex necessario & uerbo simplici, hætenus. Sequitur ut de ijs dicam quæ ex uerbo simplici cōcretæ sunt, & ex eo

quod fieri potest & non fieri. Huius autem generis exemplum est huiusmodi, in prima forma dispositionis,
Accidit ut omne animal ambulet,
Omnis autem homo est animal,
Accidit igitur ut omnis homo ambulet.

Huius quidem generis ratiocinatio per quatuor primæ formæ disponendorum argumentorum modos qui perfecti sunt explicata, ita uera & perfecta erit, si propositio de eo quod fieri potest aut contingit uniuerse dicat, aut neget in totum, & ex uerbo simplici tam eo quod substantiuum, quàm eo quod adiectiuum uocant, constet assumptio. Tum enim necessaria sequetur conclusio ex eo constans quod fieri potest. Quòd si ad summptionem hoc uerbum accidit addatur, firmum quidem erit argumentum, sed imperfecta ratiocinatio, si modò ipsa sumptio de toto genere dicat. Prioris generis iam posui exemplum. Alterum erit tale,

Accidit, ut nullum animal agrotet,
Omnis autem homo est animal,
Accidit igitur aut fieri potest ut nemo homo agrotet.

Posterioris generis talis est tractatio,
Nullus homo agrotat,
Fieri autem potest ut nihil quod ambulat sit homo,
Fieri igitur potest ut nihil quod ambulat agrotet.
Cum autem uel assumptio ex uerbo simplici negat ex parte, uel ipsa in totum dicit aut negat, de parte autem dicit negatue ex parte assumptio, aut utraque ad par-

tem, neutra ad totum genus accommodatur, necessaria
non sequitur conclusio, utrumuis uerbum siue simplex,
siue contingit adhibeatur. Hæ enim nō sunt necessariae,
Omne animal contingit dormire,

Nix non est animal,

Niuem igitur contingit non dormire.

Omne quod mouetur, est corpus,

Fieri autē potest uel accidit, ut omne animal moueatur,

Accidit igitur, ut omne animal sit corpus.

Aliquid quod album est, non est animal,

Accidit autem ut aliqua uestis sit alba,

Accidit igitur ut uestis non sit animal.

Eadem ratione uitiosas omnes huius generis refellere
licebit. In secunda autem dispositionis forma, per qua-
tuor concludendi modos tum deniq; necessaria sequetur
conclusio, cum propositio uel assumptio quæ negat, cō-
stabit ex uerbo simplici, ea autē quæ ait, de eo quod fie-
ri potest enunciabit. Si autem contrā fiat, non erit neces-
saria. Prioris generis talis est tractatio,

Ce Nullus homo est lapis,

sa Accidit, ut omne quod album est sit lapis,

re Fit igitur ut nihil quod album est, sit homo.

Posterioris exemplum est huiusmodi,

Accidit ut nemo sit sanus,

Omnis equus sanus est,

Accidit igitur ut nullus equus sit homo.

Tertia porro dispositionis forma ratiocinatio recte ex:

plicabitur, quoties tam propositio quàm assumptio de toto genere dicet, aut propositio omni ex parte negabit, & in totum dicet assumptio, si modo alterutra ex uerbo cōstet simplici. Idem fiet si reliquos modos eiusdem formæ eadē ratione tractemus. Exēplū erit huiusmodi,
Omnis homo est animal,

Accidit ut omnis homo sit iustus,

Accidit igitur ut aliquid quod iustum est sit animal.

Si autem utraque de incerta aut certa parte dicat, aut neget ex parte, aut etiam una aiat, & neget altera, necessaria conclusio nō sequetur. Neque enim firmum est hoc argumentum,

Quod album est, equus est,

Accidit ut quod album est sit homo,

Accidit igitur ut homo sit equus.

Si alterutra neget, eadem ratione refellere licebit. Hæc enim conclusio, Accidit ut homo nō sit equus. falsa est.

Rēstant iam ea quæ ex necessario & uerbo cōtingit, concretæ sunt. Ratiocinationes quidem ex his duobus concretæ si per primum dispositionis genus tractentur; tum denique necessaria & perfectæ sequetur ex uerbo cōtingit conclusio, cū modis duobus eius dispositionis qui aientes sunt ita utemur, ut propositioni uerbum contingit, assumptioni adiungamus necessarium. Deinde perfectæ etiam erit ratiocinatio, cū & cōclusio eiusdē generis sequetur, & reliquos duos modos qui negant, sic explicabimus, ut superiores. Primi

generis hoc erit exemplum, Fieri potest aut accidit,
ut omne animal ex morbo conualeſcat,
Omnis autem homo neceſſario eſt animal,
Fieri igitur potest aut accidit, ut omnis homo ex morbo
conualeſcat.

Secundi generis hæc tractatio eſt,
Fieri potest aut contingit, ut nullum animal ægrotet,
Omnis autem homo neceſſario animal eſt,
Fieri igitur potest ut nemo homo ægrotet.

Atque hi quidem quatuor concludendi modi perfecti
abſolutiq; ſunt. Imperfecti autem ydem erunt ſi uerba
cōmutentur, id eſt ſi propoſitioni neceſſarium adiunga-
tur, & uerbum contingit aſſumptioni. Exemplum pri-
mi generis eſt,

Omne quod ambulat neceſſario mouetur,
Accidit ut omnis homo ambulet,
Accidit igitur ut omnis homo moueatur.

Posterioris generis tale erit,
Nihil eorum quæ nauigant, in mari neceſſario moritur,
Accidit, ut omnes homines nauigent,
Accidit igitur ut nulli homines moriantur in mari.

Quòd ſi mutetur ordo enunciationis quæ dixi, ut propo-
ſitio quæ ex parte dicat aut neget, ſit ex uerbo contin-
git, & ex neceſſario, quæ aut aiat aut neget quid in to-
tum aſſumptio, concluſio neceſſaria non ſequetur. Non
enim firmum eſt hoc argumentum,

Aliquid quod eſt album, eſt neceſſario animal,

Accidit autem ut omnis uestis sit alba,

Accidit igitur ut uestis sit animal.

Aliquid quod est album non est animal necessario,

Accidit autem ut omnis uestis sit alba,

Accidit igitur, ut aliqua uestis non sit animal.

Idem fiet, si propositio quæ dicit de parte ex uerbo contingit constet, & ex necessario negans in totum assumptio. Refelletur enim hoc modo, si quod argumentum huius generis firmum esse uideatur,

Accidit ut aliquid quod album est sit animal,

Nulla autem pix necessario alba est,

Accidit igitur ut nulla pix sit animal.

Erit etiã uitiosa tractatio, quoties tam propositio quam assumptio aliqua ex parte negabit, aut de parte dicet. Vitiosa est enim hæc argumentatio,

Aliquid quod nigrum est necessario est animal,

Accidit ut quod animo caret, sit nigrum,

Accidit igitur ut quod animo caret animal sit.

Iisdem quoque uerbis refelli possunt cætera quæ uitiosa sunt huius generis argumenta. Si qua autem secundæ formæ ratiocinatio ex his duobus conficiatur, semper sequetur ex uerbo contingit conclusio, quoties quatuor modorum huius formæ ea siue propositio, siue assumptio quæ negat, ex necessario constabit. Quod si ei quæ ait quid adiungatur, uitiosa erit conclusio. Exempla eadem harum erunt quæ superiorum.

In tertia deniq; formæ dispositionis argumentorum,

si aientes modos tractemus, ut necessaria ex uerbo cōtingit cōclusio sequatur, satus erit si alterutri necessariū, aut uerbū cōtingit adiunxerimus. Itēq; si eos qui negant nobis proponamus, erit satis si alterutri adiungamus. Alię etiam cōclusiones hic necessaria sequuntur, sed his contenti esse debemus. Vitiosę autem sunt hoc loco omnes, quarum assumptiones & propositiones de parte dicunt, aut negant, etiam si necessarium utrilibet adiungatur. Vitiosa enim hæc est,

Aliquid quod album est, necessario est animal,

Accidit ut aliquid quod album est sit lapis,

Accidit igitur ut lapis sit animal.

Itēque hæc non est necessaria,

Accidit ut aliquid quod laudabile est non sit homo,

Laudabilis autem uirtus est necessario,

Accidit igitur ut uirtus homo non sit.

Ac omnes quidem ratiocinationes quę ex uarijs uerbis concretę sunt, quam potui breuissime exposui. Intelligendum est autem alia etiam esse genera, quę his & alijs uerbis uariari distinguīq; possunt, quę ab Aristotele prætermissa esse miror. Nam cū enunciationes quę ex eo quod fieri potest, & ex eo quod fieri non potest, quod ἀδυνάτου uocat, enumeret in libro de interpretatione, easque aliud atque superiores declarare uelit, mihi quidem certe uidetur quę ex his ratiocinationes confici possint, docere debuisse, præsertim cum enunciatio ad ratiocinationem aut argumentationem omnis, ut ad

*finem referri debeat. Exempla ponam eorum, ut omnes
quid uelim intelligant,*

Fieri potest ut omne animal ex morbo conualescat,

Omnis autem homo est animal,

Fieri igitur potest ut omnis homo ex morbo cōualescat.

*In altero genere explicando impossibile aut absurdum
cogor dicere,*

Impossibile est omne animal esse lapidem,

Omnis homo est animal,

Impossibile igitur est omnem hominem lapidem esse.

*Ea etiam quæ fieri possunt simplicia & sola possunt
esse in ratiocinatione, hoc modo,*

Omne quod nauigat, mori in mari potest,

Omnis homo nauigare potest,

*Omnis igitur homo mori in mari potest. Ex eo autem
quod absurdum est, non sequitur necessaria conclusio
eiusdem generis,*

Fieri non potest, ut omnis homo sit expers rationis,

Fieri etiam non potest, ut omnis bos sit homo,

Fieri igitur non potest ut omnis bos sit rationis expers.

Absurdum est omnē hominem expertem esse rationis,

Absurdum est etiā nullū bouem esse expertē rationis,

Absurdum est igitur nullum bouem esse hominem.

*In tertia etiam forma dispositionis uitiosum est eiusdem
generis argumentum.*

Absurdum est omnem uirtutem esse uitium,

Absurdum etiā est omnem uirtutē esse intemperantiā,

*Absurdum est igitur aliquā intemperatiam esse uitii.
Hæc etiam cum necessario & uerbo contingit misceri
possunt, ut necessaria sequatur conclusio.*

Fieri potest ut omne animal ægrotet,

Omnis autem homo necessario est animal,

Fieri igitur potest ut omnis homo ægrotet.

Fieri non potest ut nulla uirtus sit habitus,

Omnis autem iustitia uirtus est necessario,

Fieri igitur non potest ut nulla iustitia sit habitus.

*Quæ autē sequuntur, ex uerbo contingit concretæ sunt,
ita ut una admixtum habeat uerbum potest, & non
potest aliter,*

Accidit ut omne quod ægrotet, ex morbo conualescat,

Omnis autem homo ægrotare potest.

Accidit igitur, ut omnis homo ex morbo conualescat.

*Quod autē fieri nō potest, et quod cōtingit misceri inter
se nequeunt. Neq; enim hæc necessariae sunt cōclusiones.*

Bar. Accidit ut omnis homo nauiget,

b₃ Fieri non potest ut omnis lapis sit homo,

ra. Accidit igitur ut omnis lapis nauiget.

Ce. Accidit ut nullus homo in mari moriatur,

la. Fieri autem non potest ut omnis lapis sit homo.

rent. Accidit igitur ut omnis lapis moriatur in mari.

*Quod si in his quæ de toto genere dicunt, aut negant, nō
est firmum argumentum, multò minùs erit in ijs quas
ille complexu suo continent, quæ uulgo Darij & Ferio
uocantur. Quod si quis contendat firmum fore argu-*

mentum, si propositioni uerbum non potest adiungatur,
is uehementer errat. Neque enim hæ conclusiones sunt
necessariæ,

Fieri non potest ut omnis lapis sit homo,

Accidit ut omne quod album est sit lapis,

Fieri igitur non potest ut omne quod album est, homo sit.

Fieri non potest ut nihil quod ambulat moueatur,

Accidit ut omnis homo ambulet,

Fieri igitur non potest, ut nihil quod mouetur sit homo.

Idem fiet si uerbum contingit adiungatur conclusioni.

Exempla erunt eiusmodi,

Fieri non potest ut omnis homo sit lapis,

Accidit ut omne quod nauigat sit homo,

Accidit igitur, ut omne quod nauigat sit lapis.

Fieri non potest ut nullus homo sit animal,

Accidit ut omne quod nauigat sit homo,

Accidit igitur ut nihil quod nauigat homo sit.

Exempla tantum posui modorum primæ dispositionis.
Quòd si mihi esset propositum hæc omnia ad artem re-
digere, facile id possem. Si quis autem id obseruare ac
notare uelit, non est dubium, quin præcepta possit tra-
dere. Quapropter ad propositum reuertamur. Hoc au-
tè intelligendum est, quemadmodum exposuimus tribus
argumentorum disponendorum generibus, quæ per ra-
tiocinationes tractarentur, eas in quibus uerbum sub-
stantiuum, aut adiectiuum quod uocant, reperiretur, o-
mnes argumentorum locos, qui à nobis superiore libra

explicati sunt, per illa tria genera tractari posse docuit: sic posse me docere eosdem tam ad simplices ex necessario, quam ad eas quæ concretæ ex eo sunt, & uerbo simplici posse accommodari. Sed quoniam quæstiones huius generis rarò incidunt in disputationem, longumq; esset si agere uellè de singulis, hoc tantum dicam, si quâdo eiusmodi quæstiones et sermones inferantur, locos communes aliter explicandos esse, atq; eos quos superiore libro tradidi. Nam illic omnino dicebatur, exempli causa, Cui forma conuenit, ei etiâ genus conuenire: propterea quòd ea solum uerba adhibebantur in argumentis, quæ solum conuenire, seu inesse significabant. Hic autem, quoniam uerba alia adiunguntur, ut necesse esse, accidere, posse, non posse, habenda est eorum ratio in exponendis iisdem locis communibus. Quod quò facilius intelligatur, ponamus exemplum. Si queratur, Sit ne iustitia necessario habitus? Quæstio est generis. eaque à genere confirmabitur hoc modo,

Omnis uirtus necessario est habitus,

Omnis iustitia est uirtus,

Omnis igitur iustitia habitus est necessario.

Locus est communis, Quod toti generi necessario conuenit, id formæ cuilibet eius generis necessario conuenire.

Rursus queratur, Sit ne id omne quod natum est, necessario interiturum: id probabitur hoc modo,

Quicquid ex igne, aëre, aqua, & terra concretum est, id necessario interibit,

Omne autem quod natum est, concretum est ex his quatuor,

Omne igitur quod natum est, intereat necesse est.

Quæstio est accidentis : ea confirmatur loco consequentium. Locus communis, Quicquid toti consequenti necessario conuenit, id necesse est antecedenti conuenire.

Quod enim concretum est ex quatuor elementis & iniitijs, consequens est eius quod natum est, aut certè eius est antecedens. Exempla etiam ponamus aliorum. fingamus hanc quæstionem poni, fieri ne possit ut audacia sit fortitudo? Ea refelletur à genere hoc modo,

Fieri non potest ut uitium sit fortitudo,

Omnis autem audacia est uitium,

Fieri igitur non potest, ut audacia sit fortitudo.

Quæstio est generis, quæ loco generis refellitur. Locus communis, Quod generi non potest conuenire, nec formæ potest: fortitudo enim uitio quod genus est audaciæ non potest conuenire, ex eoque formæ eius non posse cõuenire concluditur.

Quæstiones autem ex uerbo contingit, aut nullæ aut ea tantummodo quas nō naturales primo libro uocauimus, incidere uidebuntur. Naturales enim in superiores locos incurrere posse non uidebuntur, propterea quòd ijs locis ita aliquid conuenire aut nō conuenire alicui docetur, ut aliter fieri non possit. Vt autem non naturales incidere interdum concedamus, non tamen loci illi per ratiocinationes quæ ex uerbo contingit aut solo, aut coniuncto cū

altero constant, tractari possunt. Sed tamen loci illi ad naturales quaestiones accommodari possunt. Vt si quaeratur, An usuueniat, ut omnis homo in mari moriatur? Et id probetur, hoc modo,

Accidit ut omne animal in mari moriatur,

Omnis autem homo est animal,

Accidit igitur, ut omnis homo moriatur in mari.

Quaestio est accidentis, eaque naturalis, Et in eam generis locus adhibetur. Locus communis, Quod accidit ut toti generi conueniat, accidere etiam ut formae generi conueniat. quod enim accidit ut in mari mori toti generi animalium conueniat, ex eo accidere ut hominibus conueniat, concluditur. Nec uerò id uerum est tantum in ijs ratiocinationibus in quibus uerbum contingit Et substantiuum uel adiectiuum miscentur, sed in ijs etiam quae eodem uerbo Et necessario distinguuntur. Vt si idem quaeratur, quod supra, hoc modo concludi licebit,

Accidit ut omne animal in mari moriatur,

Omnis autem homo necessario est animal,

Accidit igitur ut omnis homo moriatur in mari.

Qua cum ita sint, iam perspicuum esse arbitror, per huius etiam generis ratiocinationes, locos omnes quos secundo libro exposuimus, posse tractari. Illud etiam perspicuum est, non modo locos hic communes ad naturam uerbi aut uerborum ex quibus ratiocinationes nominantur, esse accommodandos, sed quemadmodum etiam sint accommodandi. Itaque cuiusque loci quinque communes

nnius ordinis esse possunt. Nam, ut de genere potissimum
 dicam, primus illius hic erit, Quod toti generi conuenit,
 id illius formæ conuenire. Secundus, Quod toti generi
 necessario conuenit, id eius formæ necessario conuenire.
 Tertius, Quod toti generi potest conuenire, id eius etiam
 formæ conuenire potest. Quartus, Quod accidit, ut cadat
 in totum genus, accidere ut in eius formam cadat. Quin-
 tus, Quod toti generi non potest conuenire, id nec eius
 formæ potest. Ita fit, ut generibus enunciationum sim-
 plicium, ratiocinationum etiam simplicium genera respon-
 deant. Sunt enim ut eius generis enunciationum quinque
 genera, sic etiam ratiocinationum, ut ratiocinationem ex
 cōclusionē nominemus. Ex quo illud etiam perspicuum
 est, nos totidem questionum genera posse numerare. Ve-
 rum unum genus dicamus id quo omnino queritur, an res
 nec ne conueniat: alterum quo queritur, possit ne conue-
 nire: tertium, an nō possit: quartum, an accadat ut conue-
 niat: extremum, an necessario? Quod si quis ea teneat,
 omnia quæ de illis enunciationum generibus in pri-
 mo libro tradidi, multo facilius et omnia hæc ratioci-
 nationum genera conficere, et per ea omnes locos tra-
 ctare poterit. Sed tempus est, ut ad copulatas et cō-
 positas ratiocinationes quas greci σύνθεσις uocant,
 ueniamus. Copulata autem ratiocinatio est, quæ ex con-
 nexis tribus constat: aut ea cuius propositio duas enun-
 ciationes simplices complectitur, quarum una sumpta aut
 negata, altera sequitur aut tollitur. Primi generis tale

Exemplum est, Si dies est, nox non est, Si nox non est, sol lu-
cet, Si igitur dies est, sol lucet. Secundi generis eiusmodi;
Aut dies est, aut nox, Dies autem est, Non igitur nox.
Eius sunt tria genera quibus Cicero utitur, unum ex
connexis, alterum ex disunctione, tertium ex conian-
ctionum negantia. Primi generis exemplum est huiusmodi;
Si virtus est laudabilis, virtus est expetenda, Est autem
laudabilis, Expetenda igitur est. Secundi tale, Aut
dormit, aut uigilat, Dormit autem, Non igitur uigilat.
Tertij hoc, Non est iustitia virtus est, et non est ex-
petenda iustitia, Est autem iustitia virtus, Expetenda
igitur. De his tribus generibus pauca dicenda sunt eo
quem proposui ordine. Primum quidem genus in duas
partes distributum est. Prioris partis exemplum est eius-
modi, Si omnis virtus est laudabilis, expetenda est, Omnis
autem virtus est laudabilis, Omnis igitur virtus est ex-
petenda. Alterius, ut, Si virtus est laudabilis, est expe-
tenda, Si expetenda, bonum, Si igitur virtus est laudabi-
lis, virtus est bonum. Vtriusque autem generis rursus
partes multe sunt, de quibus singillatim dicendum est.
Posterius quidem genus à grecis δι' ὅλης ἢ περὶ πλὴν,
id est, ex toto connexum dicitur, quod tam propositio,
quam assumptio, et conclusio connexum complectitur.
Prius autem εἰς δι' ὅλης ἢ περὶ πλὴν, id est, non ex toto
connexum, quod sola propositio sit connexum. De po-
steriore genere primum dicam, propterea quod ad sim-
plicitatem ratiocinationum similitudinem, quemadmodum

docebimus, proximè accedit. Huius quidè generis tres sunt, ut Boëthius tradit, collocationes & dispositiones. Prima est cum enunciatio cōnexi, quæ secunda est, proponitur, uel aiens, uel negans. Prima uel aiens, uel negās assumitur. ut, Si iustitia est uirtus, iustitia est habitus. Si iustitia est habitus, iustitia est qualitas, Si igitur iustitia est uirtus, iustitia est qualitas. Secunda est cū ea enunciatio quæ antecedit in propositione, prima quidem assumitur. sed ita, ut si primo loco aiat, in secundo neget: & contrā, si neget, aiat. ut si est homo, est rationis particeps: & si non est homo, est rationis expers. Si igitur non est homo, est rationis expers. Tertia est cum enunciatio quæ in propositione consequitur, secunda etiam assumitur. ut, Si animal est, sentiens est: Si uacat sensu, sentiens non est: Si igitur animal est, sensu non uacat. Ac prima quidem forma dispositionis ex enunciationibus constat eiusdem modi: reliquæ autē duæ ex diuersi modi enunciationibus. Enunciationes autē eiusdem modi, quas Boëthius æquimodas uocat, eæ sunt, quarū in utraque idem uerbum uel ait, uel negat. ut in hac ratiocinatione, Si homo est, animal est: & si homo est, nō est expers rationis: Si igitur homo est, non est rationis expers. in hac inquam ratiocinatione, hoc uerbum homo semper ait. Non sunt autem eiusdem modi eæ, quarum in utraque idem uerbum non eodem modo enunciat, sed in una ait, et negat in altera. ut in hac ratiocinatione, Si dies est, sol collucet: & si dies non est, nox est: Si igitur

tur sol collucet, nox non est: in hac inquā aliās dies ait,
aliās negat. Tres autē hę dispositiones octo modis ua-
riari distinguq; possunt. Hęc autē uarietas & distin-
ctio ex propositionis, assumptionisq; commutatione spe-
ctatur. Hęc enim duę, exēpli causa, Si uigilat, sensibus
utitur: Si sensibus utitur, non stertit, octo modis commu-
tari possunt. Primo, si enūciationes quatuor aiunt: secū-
do si tres primę aiunt, & neget extrema: tertio, si pri-
ma & postrema aiāt, & medię negent: quarto, si sola
prima aiat, & negent ceterę: quinto, si contrā prima
neget, & reliquę aiunt: sexto, si prima & extrema ne-
gent, & medię aiunt: septimo, si primę tres negent, &
aiat extrema: octauo, si negent omnes. Atq; hi quidem
modi octo à propositionis & assumptionis, ut dixi,
uarietate ducuntur. Sit ergo primus primę dispositionis
modus cum quatuor enunciationes aiunt, ut sumpta pri-
ma, extrema ponatur. Exemplum erit huiusmodi,

Si iustitia est, uirtus est,

Et si uirtus est, laudabilis est,

Si igitur iustitia est, est laudabilis.

Cum autē primę tres aiunt, & negat extrema, ut sum-
pto primo extremum tollatur, tum secundus appellatur
concludendi modus,

Si nox est, sol est infra terram: si sol est infra terram, nō
est dies: si igitur nox est, non est dies.

Tertius autem est, cum prima & extrema aiunt, &
medię negant, sumptaque prima, extrema ponitur.

Exemplum est huiusmodi,

Si dies est, non est sol sub terra, & Si sol non est sub terra, est supra terrā, Si igitur est dies, sol supra terrā est. Cū autē prima ait, et tres reliquæ negant, sumptāq; prima, extrema tollitur: quintus est modus cōclusionis, ut, Si dies est, sol non est sub terra, Si sol non est sub terra nox non est, Si igitur dies est, nox non est.

Sextus est cū prima et postrema enūciatio negat, media autem aiunt, sublatāq; prima, postrema etiā tollitur, ut, Si non est dies, nox est, Si nox est, sol non est supra terram, Si igitur non est dies, sol supra terram non est.

Septimus est cum tres primæ negātes sunt, & aliens extrema, sublatāque prima, relinquitur extrema, ut, Si non ualet, non est firma corporis affectione, Si non est firma corporis affectione, est infirma, Si igitur non ualet, est infirma affectione corporis.

Octauus est cum tam antecedentia quā consequentia negant, primoque eo quod antecedit, negato, negatur etiam extremum consequens.

Si non est infirma constitutione corporis, non agrotat, Si non agrotat, febre non iactatur, Si igitur non est infirma constitutione corporis, febre non iactatur.

Atque hi quidem sunt octo primæ dispositionis modi, qui directò concludunt. Octo autem sunt etiam alij, qui iisdem manentibus tam propositione quā assumptione, non ex prima extremam efficiunt, sed contrā, confir-

mutata aut sublata posrema, primam interdum tollunt,
interdum probant. Ego ne longior sum, superiorum ma-
dorum propositiones & assumptiones non repetam, sed
uniuscuiusque tantummodo commutabo conclusionem.
Primi quidem hæc conclusio est, Si igitur iustitia est, ea
est laudabilis. Conuertere ordinem effatorum, & ex aie-
tibus ea fac negantia, hoc modo,

Si igitur non est laudabilis, nec iustitia est: tum primum
modum habebis eorum qui conuerso ordine cōcludunt.
Secundi hæc conclusio est,

Si igitur nox est, non est dies, conuertere eam ut supe-
riorem hoc modo,

Si igitur est dies, non est nox, secundus erit conuerso
ordine cōcludendi modus. Quod in ceteris etiam eodem
modo faciundum est. Eadem breuitate modos secundæ
collocationis explicemus. Primus quidē modus est, cum
tertia enuntiatio negat, & aiunt cetera, secundaque
sublata, quarta confirmatur, hoc modo,

Si agrotat, in morbo est, Si non agrotat, ualet,
Si igitur non est in morbo, ualet.

Secundus est, cum due primæ aiunt, & reliquæ negāt,
sublatāq; secunda tertia ponitur, ut si sol lucet dies est,
Si sol non lucet, sol non est supra terram, Si igitur non
est dies, sol non est supra terram.

Tertius est, cum aientes sunt prima & posrema, &
negantes mediæ, confirmatāque secunda, etiam confir-
matur extrema, hoc modo, Si dies est nox non est,

Si dies non est, sol nobis oblitescit,

Si igitur nox est, sol nobis occultatur & oblitescit.

Cum autem prima ait, & sequentes negant, confirmataque secunda quarta tollitur, quartus est secunda collocationis modus. Exemplum erit huiusmodi,

Si uigilat, non dormit:

Si non uigilat, non utitur sensibus:

Si igitur dormit, sensibus non utitur.

Quintus autem est, cum prima negat, & cetera aiunt,

& secunda negata, quarta confirmatur, hoc modo,

Si non dormit, uigilat,

Si dormit, sensuum munere caret,

Si igitur non uigilat, sensuum caret munere.

Sextus est, cum prima & extrema negant, & media

aiunt: negataque secunda, postrema etiam negatur, & tollitur.

Si non ualet, aegrotat,

Si ualet, non laborat è capite,

Si igitur non aegrotat, è capite non laborat.

Septimus est, cum duæ primæ negant & reliquæ aiunt,

confirmataque secunda, extrema quoque confirmatur.

Si non uigilat, non utitur sensibus,

Si uigilat, uiuit,

Si igitur utitur sensibus, uiuit.

Octauus est, cum tertia ait, & reliquæ negant, & se-

cunda sumpta, quarta tollitur.

Si nox non est, sol nobis non oblitescit,

Si nox est, dies non est,

Si igitur sol nobis oblitescit, dies non est.

Extrema siue tertia reliqua est forma dispositionis.

Eius etiam octo sunt conclusionis modi. Primus est, cum tres primæ aiunt enunciationes, & negat extrema, ut sumpta prima, tertia tollatur, hoc modo,

Si dies est, sol collucet. Si est nox, sol non collucet,

Si igitur dies est, nox non est.

Secundus est, cum duæ primæ aiunt, & reliqua negat, sumptæque prima, tertia confirmatur, Exemplum erit huiusmodi,

Si est dies, sol lucet,

Si sol non est supra terram, sol non lucet,

Si igitur est dies, sol est supra terram.

Cum autem prima & postrema negant, aiunt autem mediæ, primæque negatur, ut etiam negetur tertia, tertius est concludendi modus. Cuius talis est tractatio.

Si non est infirma corporis constitutione, ualet,

Et si ægrotat non ualet,

Si igitur infirma corporis constitutione non est, non ægrotat.

Quartus uerò est, cum secunda ait, & negant cæteræ, & ex prima negata, tertia aiens concluditur, hoc modo,

Si dies non est, sol nobis oblitescit,

Si autem non est nox, sol nobis non oblitescit,

Si igitur dies non est, nox est.

Quintus est, cōtrā cum secunda negat quid, & reliquæ aiunt, sumptāque prima, tertia negatur. Eius tale erit exemplum,

Si uigilat, sensuum munere non priuatur,

Si autem dormit, sensuum munere priuatur,

Si igitur uigilat, non dormit.

Sextus tertio contrarius est, cum prima & postrema aiunt, & reliquæ negant, sumptāque prima, tertia tollitur, hoc modo,

Si dies est, sol non lucet, Si non est nox, sol lucet,

Si igitur dies est, non est nox.

Septimus est, cum duæ primæ negāt, & aiunt reliquæ, sumptāque prima, tertia tollitur, ut,

Si dies non est, sol non lucet,

Si sol nobis apparet, sol lucet,

Si igitur non est dies, sol nobis non apparet.

Octauus est cum postrema ait, & reliquæ negant, sumptāque prima, tollitur tertia, hoc modo,

Si non uigilat, non utitur sensibus,

Si non dormit, sensibus utitur,

Si igitur non uigilat, dormit.

Atque hi sunt omnes concludendi modi secunda & tertia dispositionis, quoties directo aliquid concluditur, Cum autem eorum omnium conclusiones ita conuertantur, ut dixi in primo genere collocationis, id est cum manentibus iisdem propositionibus siue assumptionibus, ita ex tertia prima concluditur, ut quæ prius aiebat,

ea iam neget, & contra, cum in utraque, octo alie nascuntur conclusiones. Nam si exempli causa, superioris modi hæc conclusio, Si igitur non vigilat, dormit conuertatur hoc modo,

Si igitur non dormit, vigilat,
necessaria ex superioribus conclusio sequetur. Hæc enim necessaria est,

Si non vigilat, non utitur sensibus,

Si non dormit, utitur sensibus,

Si igitur dormit, non vigilat,

Quod eodem modo de reliquis iudicandum est. Ex quo perspicuum est, harum trium dispositionum octo & quadraginta esse concludendi modos. Quod si quis putet tum recto ordine, tum conuerso plures posse confici, is uehementer errat. facile enim refelletur, in eoque perficiendo, superiora exempla valebunt plurimum.

Ac Boethius quidē hunc dispositionum ordinem tradidit. Ego autem malim eam quam tertiam posuit, dici secundam: quoniam si, id quod faciendum esse dixi, ad simplices formas treis reuocentur, ea quam tertiam ponit, secunda erit, & secunda tertia. Quod facile doceri potest. Nam si hic octauus tertia disposuionis modus eorum, qui directò concludunt,

Si non vigilat, non utitur sensibus,

Si non dormit, sensibus utitur,

Si igitur non dormit, vigilat: ita tractetur,

Nihil quod non vigilat, sensibus utitur,

Omne autem animal quod nō dormit, uirtur sensibus,
 Nihil igitur quod non dormit, uigilat:
 si inquā modus ille hoc modo tractetur, nō est dubiū,
 quin ad primum modum secunda dispositionis simpli-
 cis reuocetur. Eadem est ratio eius quam secundam
 posuit. Nam si exempli causa, hic octauus secunda dis-
 positionis modus eorum, qui non directō concludunt,
 Si nox non est, sol nobis non oblitescit,
 Si nox est, dies non est,
 Si igitur dies est, sol nobis non oblitescit,
 ita tractetur, ut id quod in assumptione antecedit, ne-
 get, & id aiat quod consequitur, ad secundum tertie
 simplicis modum pertinere intelligetur,
 Nunquam cum nox non est sol nobis oblitescit,
 Quotiescunque autem nox non est, dies est
 Quando igitur dies est, sol nobis non oblitescit.
 Ex quo perspicuum est, eos modos quorum non dire-
 ctam conclusionem esse dixi, directō si ad fontes re-
 ferantur, concludere. Prima autem huius generis faci-
 le ad primam dispositionem earū quæ simplices dicū-
 tur, reuocari potest, si ex propositione fiat assumptio.
 Nam si exempli causa hic primus modus,
 Si est particeps rationis, est homo,
 Si est homo, est animal,
 Si igitur est particeps rationis, est animal: tractetur
 hoc modo,
Omnis homo est animal,

Aliquis qui est particeps rationis, est homo

Aliquis igitur qui est rationis particeps, animal est: si inquam hoc modo tractetur, non est dubium quin ad tertium modum primæ dispositionis simplicis pertineat. Ex quo illud etiam perspicuum est, eam quā quartam simplicis dispositionis formam nonnulli, ut Aristotelem refellant, qui tres tantum statuit, inducunt, facile ad primā posse reuocari. Reuocari autem dico cū Cicerone quod Aristoteles ἀνὴρ λόγος, alij verbum è verbo reduci dicunt, pro quo malim redigi (quod etiā verbum pro verbo redditur) dici. Est enim idem verbum Ciceronis, qui in primo de Oratore libro ait, ea quæ quondam dissipata erant, ad artem redacta esse hominum industria. Sed ad rem reuertiamur. Atque illud quidem pro Aristotele respondere possumus, quod an satis sit, ignoro. Nam reliquæ duæ dispositiones simplices faciliè ad primam reuocari possunt. Ita preter primā nulla necessaria est, aut si duæ reliquæ sunt, hæc etiam quarta eadem ratione erit. Mihi quidem ita videtur, cum præsertim superior ratio refelli non possit. Quoniam autem modò de reuocandis reliquis ad quatuor primæ dispositionis modos, aliquid diximus, idquemadmodū fiat commodè hoc loco doceri poterit. A secunda igitur dispositione ordiamur. Eius quidem quatuor modos esse diximus, quorum primus ad secundū primæ dispositionis sola propositionis conuersione: secundus ad eundem, primū propositionis

in assumptionem mutatione, deinde & propositionis
 quæ prius assumptio erat, & conclusionis quæ in totis
 negat conuersione reuocatur. Tertius autem ad quar-
 tum primæ, sola etiam propositionis conuersione. At-
 que primus et tertius ita faciles sunt, ut probatione nõ
 egeant. Secundus autem quoniam plura complectitur,
 obscurior est. Itaque eius reuocandi rationem decla-
 rabimus. Constituamus has duas ratiocinationes, qua-
 rum prior ad primæ dispositionis secundum modum,
 posterior ad secunde secundum pertinet,

Ce Nulla virtus vitium est
 la Omnis iniustitia est virtus,
 vent Nulla igitur iniustitia est vitium.

Ca Omnis iniustitia est virtus
 mes Nullum vitium virtus est
 tres Nullum igitur vitium est iniustitia:

Posteriorisque assumptionem primo loco ponamus, eamque
 conuertamus hoc modo, Nullum vitium virtus est,
 Nulla virtus vitium est, iam has duas habebimus,

Ce Nulla virtus est vitium,
 la Omnis autem iniustitia est virtus

Tum conclusionem hanc, Nullum igitur vitium est
 iniustitia conuertamus hoc modo,
 vent. Nulla igitur iniustitia est virtus: non est dubium,
 quin eadem hæc sit quæ illa ratiocinatio.

Quartus autem modus reuocari nullo modo potest,
sed tantum eius necessaria conclusio confirmatur ea

rationatione quæ vrget incommodo aduersarios, de
qua mox differemus. Tertiæ autem dispositionis pri-
mus modus ad primæ tertium sola assumptionis qua-
dam ex parte conuersa, reuocatur hoc modo,

Da Da Omne animal sentit,

rap Omne animal viuit. Cõuertere hanc hoc modo,

ri Aliquid quod viuit est animal, Tum tertius
erit primæ dispositionis, si concluseris,

ti i Aliquid igitur quod viuit, sentit

Secundus autẽ ad quartum primæ dispositionis mo-
dũ, conuersa aliqua ex parte assumptione reuocatur.

Fe Fe Nullum vitium virtus est,

lap Omne vitium malum est, Conuertere hanc ex
parte, hoc modo,

ri Aliquid autem malum vitium est. Eadem e-
rit conclusio,

ion o. Aliquid igitur malum non est vitium.

Intertio autem renocando plus laboris suscipiendum
est. Nam cum ad tertium primæ reuocetur, & ex as-
sumptione propositio facienda est, & ex parte con-
uerienda, tam assumptio, tam conclusio.

Dis Quædam virtus iustitia est

a Omnis virtus bonum est

mis Quoddam igitur bonum est iustitia.

Da Omnis virtus bonum est

ri Iustitia est virtus

i. Iustitia igitur bonum est

Quartus ad eundem tertium primæ dispositionis reuocatur sola assumptione ex parte conuersa.

Da Da Omnis habitus est qualitas,

is Aliquis habitus est virtus, Conuerte ex parte assumptionem hoc modo,

ri Aliqua virtus est habitus, Tertius erit quem dixi, hoc concluso,

i. i Aliqua igitur virtus est qualitas.

Quintus non reuocatur, sed ea ratiocinatione, quæ aduersarium vrget incommodo, per primum primæ dispositionis modum tractata confirmatur. Sextus autem ad quartum primæ reuocatur, sola ex parte conuersa assumptione. hoc modo,

Fe Fe Nulla virtus fugienda est,

ris. Quædā virtus est iustitia. Hanc conuerte hoc modo

ri Quædam iustitia est uirtus: Eum quem dixi modum habebis, si hoc concludas,

on. o Quædam igitur iustitia fugienda non est,

Quinque autem reliqui primæ collocationis, ad quatuor primos facile reuocantur, uniuscuiusque cōclusionē aptē ad eum modum conuersa ad cuius similitudinem proximē accedit. Vt is modus qui Baralipson uulgo dicitur ad primum, itēque ceteri. Sed ad id unde egressi sumus, reuertamur: Ea igitur ratiocinationes quæ ex tribus cōnexis cōstant, ita, ut dixi, ad tres dispositionis simplicis formas reuocanda sunt. Non est autem dubium quin per has connexorum formas tres

loci ij, quos superiore libro exposuimus tractari explicarique possint. Sed illud notandum est, ex tot modis per paucos esse, qui ad confirmandum valeant. Nunc restat ut de eo genere in quo sola propositio est connexum, differamus. Eius genera sunt duo: unum, quo id quod primum est in connexo assumitur, ut id quod annexum est concludatur, alterum, quo id assumitur quod in connexo consequitur. Exemplum prioris generis est huiusmodi,

*Si vigilat non dormit, Vigilat autem,
Non dormit igitur.*

Posterioris, ut hoc, *Si vigilat, non dormi, Non dormit autem, Vigilat igitur.* Vtriusque generis quatuor modi sunt. Primi generis primus modus est, cum utraque connexi enūciatio ait, & priore sumpta posterior ponitur, hoc modo,

*Si omnis virtus expetenda est, iustitia est expetenda,
Omnis autē virtus expetenda est, Iustitia igitur est.* Secundus modus est, cum connexi prior pars ait, negat posterior, sumptaque priore, posterior concluditur hoc modo,

Si dies est, nox nō est: atqui dies est: nox igitur non est. Tertius est, cum id quod primum est in connexo negat & ait id quod annexum est, primoque sumpto, id quod relinquitur tollendum est.

Si virtus non est fugienda, virtus expetenda est. Virtus autem non est fugienda, Expetenda igitur.

Quartus est, cum tam primum quàm id quod ei annexum est negaris, & primum sumpseris, ut secundum concludas,

Si virtus non est fugienda, vitium non est expetendū,
Virtus autem fugienda non est.

Non est igitur expetendum vitium,

Ac primi quidem generis quatuor modos exposuimus. Secundi autem primus modus est, cum utrunque connexi membrum ait, negatōque eo quod consequitur, id etiam quod antecedit, negatur, hoc modo;

Si homo est, animal est,

Animal autem non est, Nec homo igitur.

Secundus autem est, cum id quod primum est in connexo ait, & negat id quod annexū est, sumptoq; eius quod annexum est contrario, contrarium eius quod antecedeat, continetur.

Si valet, non agrotat,

Aegrotat autem, Nō igitur valet. Hic autem modus nisi in repugnantibus & ijs contrarijs quæ medium non habent, non valet. Tertius est, cum prius connexi membrum negat, & ait alterum, quo negato, confirmatur id quod relinquitur. In ijsdem rebus quibus superior hic quoque firmus est,

Si dies non est, nox est

Non est autem nox, Dies igitur.

Cum autem utrunque connexi membrum negaris, sumptōque consequentis contrario, eius quod antece-

dit contrarium concluderis, appellatur quartus concludendi modus. Valet autem in consequentibus tantum & antecedentibus, cum consequentia primo loco, antecedentia secundo collocantur.

Si non est virtus, non est iustitia,

Iustitia autem est, virtus igitur.

Atque hi sunt octo utriusque generis modi. Hæc autem duo genera dispositionis nomine recte appellare possumus. Reuocari autem facile possunt ad simplices formas, si ita tractentur, ut vnumquodque connexi membrum tribus ex vocabulis constet, sed tertia adiungenda propositio est, ut hæc conclusio, Si omnis virtus est expetenda, & iustitia: reuocatur ad tertium primæ dispositionis modum interposita hac assumptione, Iustitia est virtus, hoc modo

Omnis virtus est expetenda,

Iustitia est virtus, Iustitia igitur expetenda est.

Si autem hoc modo enuncies, Si omnis virtus expetenda est, omnis etiam iustitia est, ad primum modum reuocabitur, adiuncta hac assumptione, Omnis iustitia virtus est. Ac primus quidem modus prioris dispositionis huius generis ad primum & tertium primæ collocationis simplicis eo quem dixi modo, reuocandus est: quartus autem eodem modo adiecta assumptione ad secundum & quartum eiusdem modum reuocari potest, ut hæc, Si nulla virtus fugienda est, nulla iustitia

A

est, adiuncta hac assumptione perfici poterit,
 Omnis autem iustitia virtus est, hoc modo,

Nulla virtus fugienda est:

Omnis autem iustitia est virtus

Nulla igitur est iustitia fugienda.

Primus autem secundae dispositionis modus propositione aut etiam assumptione adiuncta, ad secundum & tertium mediae collocationis simplicis reuocatur, ut hoc argumentum,

Si virtus est, habitus est,

Habitus autem non est, nec virtus igitur, reuocabitur hoc modo,

Ca Omnis virtus est habitus,

mes Nulla autem perturbatio est habitus,

tres Nulla igitur perturbatio virtus est.

Reliqui etiā eodem modo ad alios facile reuocabuntur, Sequitur ut qui loci per haec duo genera tractari possint, doceamus. Quanquā enim locos omnes cum inuentionem eorum exponerē, per ea tractaui, tamen quia tum nec cuius generis essent, nec cuius modi, nec qui loci ad quēque modum accommodati essent, dixi, de eo aliquid dicendum est. Loci quidem definitionis, enumerationis partium, coniugatorum, generis, formae, antecedentium, consequentium, rerum efficientium, rerum effectuarum, minoris, & parisi per primum primi generis dispositionis modum in confirmatione tractā-

tur. Definitionis hoc modo, Si reddere suum cuique in rebus expetendus est, iustitia expetenda est:

Reddere autem suum cuique in rebus est expetendis, Iustitia igitur est expetenda. Ab enumeratione

partium, hoc modo, Si aut dignitatem, aut voluptatem, aut utilitatem affert iustitia, expetenda est:

Iustitia autem aut dignitatem &c. affert,

Est igitur expetenda. A coniugatis, ut

Si iuste facere expetendum est, iustitia expetenda est:

Iuste autem facere expetendum est, Iustitia igitur expetenda est. Reliquos etiam locos eodem modo ex-

plicarem, nisi & hoc facile esset, & iam factum esset à nobis libro superiore: ut hoc unum admonere satis

sit, omnium horum locorum tractationem ad hunc primum modum pertinere. Quemadmodum autem per

primum modum in confirmatione tractantur, sic per quartum in refutatione excepta forma quæ infirmam

habet, ut dixi, generis refutatione, exceptis etiam antecedentibus. Reliquorum locorum aliqua exempla

ponam, ac primum generis,

Si animus non est qualitas, animus numerus non est:

Animus autem non est qualitas,

Animus igitur non est numerus.

Antecedentium autem talis erit tractatio,

Si perturbatio non est habitus, perturbatio virtus

A ij

non est,

Non est autem perturbatio habitus,

Non est igitur virtus.

Eadem est ratio ceterorum. Repugnantia autem, & ea contraria quæ medium nihil habent, & negantia, per tertium eiusdem primæ dispositionis modum explicantur. Repugnantia hoc modo,

Si dies est, nox non est,

Est autem dies, nox igitur non est.

Si rectè accepit, inuitus reddere non potest

Rectè autem accepit, non igitur inuitus potest reddere,

Eadem erit aliorum tractatio. Quartus etiam modus adhiberi potest, hoc modo,

Si non ualet, ægrotat,

Non ualet autem, ægrotat igitur.

Secundus etiam ac tertius secundæ dispositionis modus accommodati sunt ad eorundem locorum tractationem. Secundus hoc modo,

Si ualet, non ægrotat,

Non autem ægrotat, ualet igitur. Tertius est talis,

Si non ualet, ægrotat,

Non autem ægrotat, ualet igitur.

Consequentium autem locus & generis secundo etiam modo secundæ dispositionis refellitur hoc modo,

Si uerecundia est uirtus, uerecundia habitus est,

Non est autē habitus uerecundia, Non igitur uirtus est.

Antecedētium uerò & forma loci per quartum eiusdem collocationis modum commodè tractatur.

Si non est animal, non est homo,

Est autem homo, animal igitur.

His autem duobus collocandorum argumētorum generibus finitima duo sunt alia quæ sunt ex disiunctionibus. Prioris generis exemplum est,

Aut dies est, aut nox,

Est autem dies, nox igitur non est, Posterioris est huiusmodi,

Aut dies est, aut nox,

Est autem nox, non igitur dies.

Primum quidem genus est, ut intelligi potuit, cum id quod primum est in disiunctione, etiam sumitur. Secundum autem, cum id quod secundū est, assumitur. Hoc autem fieri potest in utraque dispositione quatuor modis, ut utriusque modos quatuor, quemadmodum superiorum esse dicamus. Ac primi quidem generis primus modus est huiusmodi,

Aut hoc, aut illud,

Hoc autem, non igitur illud. Secundus talis,

Aut hoc aut illud,

Non autem hoc, illud igitur, Tertius,

Aut non hoc, aut non illud,

Hoc autem, non illud igitur. Quartus,

Aut non hoc, aut non illud,

Non hoc autem, illud igitur.

Posterioris autem generis primus est talis,

Aut uigilat, aut dormit,

Dormit autem, non igitur uigilat. Secundus,

Aut uigilat, aut dormit,

Non autem dormit, uigilat igitur. Tertius,

Aut non uigilat, aut non dormit,

Dormit autem, non igitur uigilat. Quartus,

Aut non uigilat, aut non dormit,

Non autem dormit, uigilat igitur.

Quanquam autem & tot genera sunt dispositionis earum ratiocinationum quæ sunt ex disiunctionibus, & totidem singulorum generum modi, quot eorum esse dixi, quæ ex uno connexo constarent: tamen non tam late patet harum quam illarum usus & tractatio. Valent enim tam in repugnantibus, & contrarijs quæ medium nihil habent. Idque ex ijs exemplis quibus sum usus perspicui potuit. Eadem est ratio earum ratiocinationum quæ sunt ex coniunctionum negantia. In quo repugnantium genera, quæ in libro de inuentione superiore tradidi, cognita habere plurimum potest. Duo sunt genera dispositionis: unum quo id quod primum, alterum quo id quod secundum est in coniunctione, sumitur.

Primi exemplum est eiusmodi,

Non & ægrotat & ualet,

Ægrotat autem, non igitur ualet. Secundi tale est,

Non & ualet & agrotat,
 Agrotat autem, non igitur ualet.
 Primi generis quatuor modi sunt: Primus quidem
 est talis,

Non & agrotat & ualet:
 Agrotat autem, non igitur ualet. Secundus,

Non & agrotat & ualet,
 Non autem agrotat, ualet igitur. Terminus,

Non & ambulat & non mouetur,
 Ambulat autem: Mouetur igitur, Quartus

Non & mouetur, & non quiescit,
 Mouetur autem: Non igitur, quiescit.
 Tres autem sunt tantum secundi generis, qui facile tra-
 ctari possunt exemplo superiorum. Nam tertio supe-
 riori nullus respondet. Neque enim hæc conclusio est
 necessaria,

Non & ambulat & non mouetur.
 Non autem mouetur, ambulat igitur. Aut hæc,
 Mouetur autem, non igitur ambulat.

Omnes hi modi ad vnum repugnantium locum acco-
 modati sunt, excepto tertio, qui ad antecedentium, &
 formæ locum aptus est, itemque ad generis locum, si
 modo in totum & omnino dicatur. Exemplum erit
 huiusmodi,

Nō & omnis virtus expetenda est, & iustitia nō est,
 Omnis autē virtus expetenda est, iustitia igitur est etiā.

A iij

Restant iam nobis eæ ratiocinationes, quæ sunt ex connexi negantia, cuiusmodi est hæc,

Non si animal est, idcirco homo est

Animal autem est, non igitur homo.

Huius autem genera duo sunt ut superiorū . unum cū prius connexi membrum, alterum, cum posterius sumitur. Vtriusque generis tot sunt partes, quot eorum esse dixi, quæ non ex toto connexa dicuntur, quorum hæc ipsa sunt contraria . Itaque hæc contra quàm illa tractanda sunt.

Vt enim illic necessaria est conclusio,

Si homo est, animal est,

Est autem homo, igitur animal;

ita hicerit si contra explicetur,

Non si animal est equus, homo est,

Animal autem est, non igitur homo.

Tale est illud Ciceronis in secundo de finibus, ut alio loco docui. Non enim si malū dolor est, carere eo malo satis est ad benè uiuendū. Sumere enim & concludere licet hoc modo, Malum autem est dolor, Nō igitur carere eo malo satis est ad bene uiuendum. Sed ad hunc locum magis erit accommodatum argumentum, si tractetur hoc modo,

Non si dolor malū est, idcirco summū est malū dolor,

Dolor autem malum est, non igitur summum malum.

Sed alias partes persequamur. Sit igitur superius ex-

emplum primæ parvis forma quedam. Secundi autem modi exemplum est huiusmodi,

Non si mouetur, ambulat,

Non autem mouetur, Nec igitur ambulat,

Tertius est huiusmodi,

Non si non uidet catulus, idcirco cæcus est.

Nō uidet autē ante nonam diē, Nō igitur tū cæcus est.

Quartus est cum omnia effata connexi sunt negantia, cuiusmodi est illud Quintiliani,

Nec si quid discere satis non est, ideo necesse non est.

Sumi enim hæc possunt, Discere autem aliquid satis non est, Id igitur necesse est discere. Eiusdē generis est illud Ciceronis in quarto de finibus libro,

Non enim si omnia non sequebatur, idcirco non erat ortus illinc. Sumi enim hæc licet,

Non autem omnia sequebatur: Erat igitur ortus illinc.

Loquitur de Zenone, qui cum multa decreta peripateticorum sequeretur, disciplinæ tamen nomen mutauerat: & negabatur ortus esse ab illis, quòd eorum non sequeretur omnia. Secūdi generis totidem sunt modi, quos superiorum similitudine facile tractari licebit.

Quoniam autem omnia tractandorum argumentorum genera, singulorumque generum partes & modos exposuimus, quique loci & quemadmodū per eos tractari possent, ut necessaria conclusiones sequerentur, docuimus: nūc de quibusdam argumentationū generibus di-

cendum est, alijsq; nonnullis rebus, quæ ne cursum orationis nostræ impedirent, commodè adhuc à nobis tractari minimè potuerunt. Intelligendum est igitur ratiocinationes & argumentationes alias directò ad fidem spectare, alias non directò. Diriguntur eæ omnes de quibus adhuc diximus. Dirigi enim ad fidem aperte argumentatio dicitur, cum aliquid primum proponitur, deinde aliquid sumitur, ut ex ijs ad extremum id de quo agitur, concludendum sit, in quo uno superiores omnes uersantur. Nam cum eas tractaremus, ad eā quæ sionem, quæ incidebat, uel probandam uel refellendam, tum propositionem adhibuimus, tum assumptionem. Eæ autè non directò ad fidem pertinet, quæ non aperte & directò, id quod agitur efficit: sed primum incommodo urget, ut cum id aduersarij intellexerint, desinant esse perimaces in disputando, eaque concedant nobis uel ma'o coacti, quod nec rationi dabant nec ueritati. Superius genus δ' ἀπὸ τοῦ, quod rem ostēdat & probet, nōcatur. Posterius autem δ' κατ' ἀδυνάτοιν, quod ad rē quæ absurda sit, compellat aduersarios. Illud autem incommodo urgere dicitur, quod ex contradicente enunciatione eius quæ negatur aut conceditur, & altera cōcessa, aut cōcedenda, aliquid quod absurdum est efficit. Duobus enim modis incommodo aduersarios urgere possumus: uno, initio disputationis, cum id nobis conceditur quod falsum est, aut quod uerum negatur: altero,

cum cœpta est disputatio, & argumentatio ea uitiosa, quæ uera est: aut uera, quæ uitiosa esse dicitur. Primi generis exemplum erit eiusmodi: Si initio disputationis hoc queratur, siue omnis iustitia expetenda, id quod; negetur, primum eius contradicentem quæ datur nobis accipiemus, Aliqua iustitia non est expetenda, tum propositio quæ concedenda est, adhibeatur hæc, Omnis uirtus expetenda est: ad extremum id concludendum est, quod fieri non potest, Aliqua igitur iustitia non est uirtus. Cuius argumenti hæc forma erit,

Omnis uirtus est expetenda,

Aliqua iustitia expetenda non est,

Aliqua igitur iustitia non est uirtus.

Posterioris generis tale erit exemplum, Primum fingamus hanc ratiocinationem quæ ad secundam dispositionem pertinet, negari ab aduersario,

Omnis iustitia uirtus est,

Aliquid quod fugiendum est, non est uirtus,

Aliquid igitur quod fugiendum est, iustitia non est.

Si negetur, ob eam causam erit, quia concessis ijs quæ sumpta sunt, non sequitur conclusio. Contradicentem igitur illius sumamus hanc, Omne quod fugiendum est, iustitia est: & illam propositionem quæ concessa est, Omnis iustitia uirtus est, tum tractemus argumentum hoc modo,

Omnis iustitia uirtus est,

Omne quod est fugiendum, est iustitia,
 Omne igitur quod fugiendum est, uirtus est. quod fieri non potest, quoniam iam illa concessa est, Aliquid quod fugiendum est, non est uirtus, aut certè duæ contradicētes ueræ erunt. Hoc exemplum eò libentius posui, quòd paulò antè cum de reuocandis duarum postremarum collocationum modis disputarem, quartum secundæ dispositionis primæ si firmus esse negaretur, primo modo primæ probādum esse dixi. Quod eodem modo iudicandum est de eo quem sextū posui, tertiæ collocationis. Nec uero est, quòd doceā & quinq; extremos primæ dispositionis, & ceteros reliquarum duarum si negentur, quatuor omnium primis ita confirmari posse, ut incommodum aduersarij suscipere cogātur. Nam & hoc longum esset, & satis erit intelligi, qui quēque hoc modo cōfirmare possint. Primus quidem secundæ dispositionis si negetur, quarto primæ, secundus tertio, tertius secundo, quartus, ut dixi, primo confirmabitur. Tertiæ autem dispositionis primi duo quos posui, idem genus probationis à secundo eiusdem primæ petunt, tertius à secundo, quartus à quarto, quintus à primo, & sextus à tertio. Si quis autem uel per se uel cum alio disputans, hoc ipsum experiri & obseruare uelit, exemplū unum atq; alterum posui eiusmodi, quorum similitudinem in cæteris tractandis facillè imitabitur. Quòd si quatuor omnium primi negentur, primus à quarto secundæ collo-

etationis, secundus à tertio, tertius à secundo, quartus à primo & secundo fidem petent. Ita fit, ut argumenta quæ ex locis quos exposuimus in superiore libro, sumuntur, si firma esse negentur, hoc genere argumentorum confirmari possint. Si enim exempli causa, hoc argumentum quod à genere ducitur, negetur,

Bar Omnis uirtus eum in quo est, bene constituit,

ba Omnis autem iustitia uirtus est,

ra Omnis igitur iustitia eum in quo est, bene constituit.

Is qui negauerit, refelletur hoc modo,

Ba Omnis uirtus eum in quo est, bene afficit. Est enim concessa,

ro Aliqua iustitia eum in quo est non bene afficit.

Est enim contradicens negatæ conclusionis,

co Aliqua igitur iustitia non est uirtus.

Hæc autem conclusio est contradicens assumptionis superioris argumentationis, Omnis iustitia est uirtus.

Ita duæ contradicentes simul ueræ sunt, quod fieri non potest. Quo quidem incommodo suscepto & secuto,

perspicuum est, superiore firmam esse argumentationem.

Eodem modo refelli poterit, si quis neget argumentum quod à genere in refutatione ducitur, ut si neget hoc argumentum,

Nullum uitium est uirtus,

Omnis intemperantia uitium est,

Nulla igitur intemperantia uirtus est: reprehendetur

hoc modo,

Nullum uitium est uirtus. Concessa est.

Aliqua intemperantia uirtus est. Contraria siue contradicens est negata conclusionis.

Aliqua igitur intemperantia non est uitium.

atque. Omnis intemperantia uitium est, ut concessum fuit, Dua igitur simul uere erunt contradicentes. quod fieri non potest. Eadem est ratio cæterorum argumentorum. Neque enim ullum firmum negari potest, quin incommodo aduersarius facile urgeatur. Hoc autem genus pars quædam eius esse dicitur, quod Aristoteles ἐκδοθετικὸν appellat, nos ex cōcessione possumus nominare. Errant enim qui putant Aristotelem hoc uerbo intellexisse ratiocinationes, quas copulatas supra uocauimus. Quod hinc sciri potest, quia non modo nō alibi, sed ne eo quidē loco, in quo hoc genus tractat, exemplū ponit copulata & cōpositæ ratiocinationis, sed solum simplicis. Multis quidem locis totam simplicem argumentationem uno cōnexo complectitur, hoc modo, Si omnis uirtus expetenda, & omnis iustitia uirtus est, profecto omnis iustitia expetenda sit necesse est. Sed hoc aliud genus est, atque superiora connexa, nec à simplicibus differre ullo modo uidetur. Argumentationis autē eius quæ ex concessione appellatur, pars altera est, cum ex cōcessis ad id quod propositū est peruenitur, ut si queratur, An contrariorū sit eadem disciplina? & ante in-

stitutam disputationem inter eos qui una disputant cō-
ueniat, Aduersorum eandem esse disciplinam, hoc po-
sito facile propositum docebitur hoc modo,
Omnis medicina in ualitudine & morbis uersatur,
Valitudo autem & morbus sunt contrarij,
Medicina igitur uersatur in contrarijs.
Rursus, Medicina uersatur in contrarijs,
Disciplina igitur eadem in contrarijs uersatur.
Huius generis usus est plurimus in disputationibus,
quibus quæ quisq; uelit defendere, scriptis assertioni-
bus, ijs qui disputaturi sunt denunciant. Sed cum multa
adhuc de argumentationibus dixerimus, nec exposue-
rimus in argumentis tractandis, sintne ueræ an false
sumptiones, aliquid de eo dicendum est. Hæc igitur duo
tenere debemus in earum ratione & scientia, si argu-
mentatio uera sit & firma ob eam causam esse, aut
quia tam sumptiones ueræ sunt, quam cōclusio, ut quia
uel altera saltē est falsa, siue propositio, siue assumptio.
Itaque hæc duo præcepta tradunt Dialectici: unum, Si
firmum sit argumētum, & antecedentia uera sunt, etiā
consequens uerū esse oportere. Alterum, Si firmum sit
argumentum, & consequentia falsa sint, uera esse non
poss: ea quibus consequantur. Hoc postērius Cicero in
quarto de finibus attigit, Docent enim nos, ut scis, dia-
lectici, si ea quæ rem aliquam consequantur, falsa sint,
falsam illam ipsam esse quam sequantur. Paulo infra,

Teneamus enim illud necesse est, cum consequens aliquod falsum sit, illud cuius id consequens sit, non posse esse uerum. In 2. de Diuinatione, Sit extremum: effectum tamen non est, Ex falsis enim, ut ab ipsis didicimus, uerum effici non potest. Iacet igitur tota conclusio.

Hoc postremum falsum est. Ex falsis enim uerum saepe efficitur, nec solum ex falsis, sed etiam ex falso uno.

Ex falsis hoc modo,

Nullus homo est animal,

Omnis autem lapis est homo,

Nullus igitur lapis est animal,

Ex altera falsa sumptione hoc modo,

Nullus lapis est animal,

Omnis autem arbor est lapis,

Nulla igitur arbor animal est.

Sed hoc interest quod si altera tantum falsa sit, & de toto genere falsum dicat, propositio esse non potest, sed sola assumptio: Sin de parte solum falsum dicat, utrauis esse potest. Hoc autem in tribus disponendorum argumentorum generibus uerum est. In eis enim & ex falsis & ex uno falso, uerum concludi & effici potest.

Cum autem dico ex falsis uerum effici, ex duobus dico. Omnis enim perfecta argumentatio ex propositione & assumptione constat. Nam quem Soritem Graeci, acervalem Cicero conclusionem uocat, ea non una est argumentatio, sed plures. Itaque omnia ea argumenta quae id

quod agitur antecedunt, προελλεγομεν δὲ Aristoteles vocat, id est cōclusionis quædam præludia, quæ uiam ad rem muniunt. Alit̃ enim res repetitur. Vt si quærat̃ur, Si u'ne omnis iustitia qualitas: id que ita confirmetur, Omnis affectio est qualitas, Omnis autem habitus est affectio, Omnis igitur habitus est qualitas: Rursus, Omnis habitus est qualitas, Oīs autē uirt̃ est habitus, Oīs igitur uirt̃ est qualitas. Rursus, Omnis uirtus est qualitas, Omnis iustitia est uirtus, Oīs igitur iustitia est qualitas: harum quidem vñū argumentationū duæ primæ sunt quasi præparatiōes, tertiā autē ea est, quā causa postulat. Captiosum hoc genus est, nisi ea quæ minutatim et quasi gradatim adduntur, sint priorum consequentia, id est nisi ea necessario sequantur, sed ita ut etiā extremum cū primo nō possit nō coherere. Vitiosa igitur sunt Stoicorum ferè argumenta, quibus minutatim sic aliquid efficiūt, ut postrema primis nō respōdeant. Cuiusmodi ille est Sorites à Cicerone in 5. Quæstionū Tusculanarū explicatus his uerbis, Etenim quicquid est quod bonū sit, id expetendū: quod autē expetendū, id certe approbādum: quod uerò approbaris, id gratum ac acceptūq; habēdum: Ergo etiā dignitas ei tribuēda est. Quod si ita est, laudabile sit necesse est: Bonū igitur omne laudabile. Ex quo efficitur, ut quod sit honestum, id sit solū bonum. Mul-

si enim interiecti sunt quasi gradus, qui nihil ad rem pertinent & præterea, non si quicquid est quod bonum sit, id expetendum: & expetendum sit honestum, idcirco quod sit honestum, id solum bonum esse necesse est. Isto enim pacto diuitias solas in bonis numerari licebit. Renocandus est ergo aduersarius ad certas leges ratiocinationum, ut ex duobus aliquid semper efficiat, dum ad propositum peruenerit. Ac de ratiocinatione quidem, eiusque generibus, tractandisque per ea argumentis satis multa diximus. Quoniam autem principio huius libri ita argumentationem diuisimus, ut aliam ratiocinationem de qua dictum est, uocaremus, aliam inductionem, de ea pauca dicenda sunt. Ac inductio quidem, quæ ἐπαγωγή græcè dicitur, quid sit dictum est. Nunc autem quid à ratiocinatione differat, & quot eius sint genera dicamus. Duobus quidem modis inter se differunt. Vno, quòd ratiocinatio ad propositiones eas adhibetur quæ non sunt perspicuæ, nec uerbo carent quod supra est ad docendum: inductio autem fere ad principia & primas enunciationes. Altero, quòd ratiocinatio primum uerbum tertio conuenire aut non conuenire docet medijs interuentu: Inductio autem tertij interuentu, uel primum medio cōiungit, uel ab eo dirimit. Itaque inductio semper à rebus singulis aut angustius patentibus ad res uniuersas & latius patentes peruenit: Ratiocinatio ferè à rebus latius patentibus ad angustiores. In-

ductionis autem eadem sunt ferè partitiones, quæ rationationis. Nam & simplex alia, alia copulata est. Itémque primi generis tres sunt, secundi duæ dispositiones. Primi generis exemplum est huiusmodi, Temperantia omnis expetenda est, itémque fortitudo, iustitia, & prudentia: Hæ autem sunt omnes uirtutes: Omnis igitur uirtus expetenda est. Secundi generis talis est tractatio, Si contrariorum, negantium, priuantium, & eorum quæ cum aliquo conferuntur eadem est disciplina, omnium cōtrariorum eadem disciplina est. Primum autem est, secundum igitur. Inductionis autem pars quædam exemplum uidetur, ut enthymema ratiocinationis. Exemplum quidem est, cum primum uerbum medio conuenire, aut non conuenire docetur ea re quæ tertio similis sit, ut,

Cum finitimis bellum gerere periculosum est,
Male enim cecit Thebanis id bellum quod cum Phocensibus gesserunt:

Bellum autē quod cū Romanis geretur, geretur cū finitimis: Bellum igitur illud graue & plenum periculi est. Exemplum quidem mihi non uidetur contentum una similitudine, ut firmum sit argumentum. Itaque quædam est imbecilla & imperfecta inductio, quæ perficietur multorum quæ similia sunt tertio, inductione. Restat enthymema, quod imperfecta quædam ratiocinatio est. de eo autem non dicerem, nisi Aristotelem

auctorem haberem. Omne autem enthymema ex duabus tantum partibus constat, ut, *Lac habet: cum uiro igitur concubuit.* Versatur autem nō in rebus omnibus, sed in uerisimilitudine tantum & signis, *Aristotelis* sententia. Cicero autem ad contrariorum locum transfert enthymemata. Itaque si eum sequamur, ratiocinationes eæ omnes quæ ex connexo uno constāt, enthymemata dicentur. Ut hoc argumentū, *Si uirtus omnis expetenda est, & iustitia.* Nam si argumentatio omnis est uel ratiocinatio, uel inductio, uel exemplum, uel enthymema, & superius argumētum nec ratiocinatio sit, nec inductio, nec exemplum, relinquitur ut sit enthymema. Perficitur autē enthymema uel propositionis uel assumptionis adiectione. Quod quemadmodum faciendum sit, in omnium argumentorum dispositione supra ostendi.

Iam ad instituti nostri finē peruenisse uideremur, nisi quædam esset ars falsa, quæ cum Dialectica sit inimicissima, eam tamen fallaciter imitatur. Nam cum Dialecticam definierimus artem probabiliter de quaque re in utranque partem differendi, hæc nihil minus proficitur, cum interim hominibus eius speciem gerere se uelit. Quod si non est satis, quæ bona sunt præcipere, nisi etiam ea quæ nocent quemadmodum uidentur, eisque occurrî possit, doceas: aliquem à nobis laborem hic quoque locus uidetur postulare. Quanquam cum locos exponerem, magna ex parte negotium hoc à me confe-

Etum est. Nam in unoquoque loco explicando, non solum argumenta quæ ex eis firma ducerentur, commemoravi, uerū etiā quæ infirma essent tradidi. Aliquid tamē præterea dicendum est, quòd simus ad omnia cautiores. Hoc igitur primum in respondendo uidendum est, quo ex genere locorum ducatur argumētum, & quam ad dispositionem pertineat. Deinde an rectē effectum sit ex ijs quæ sumpta sunt, conclusio: Si uitiose, uitium erit dicendum, & resistendum simili argumento. Si locus nominetur, quibus in rebus ualeat, docendum erit: si genus ratiocinationis opponetur, uitium contrā proferatur. Quoniam autem certa quedam sunt uitia quæ illi qui Sophistæ uocantur, sequi solent, ea breuiter exponamus. Id quidem hominum genus Aristotelis sentētia quinq; sibi in disputādo proponit. Volunt enim illi homines primum ac maximè uideri coarguere eos quibuscum disputant, deinde falsum aliquid ostendere, tum ad aliquid quod hominum mentes respuant cōpellere, tum ad solœcismum impellere, postremum omnium idem sæpe dicere. De his quinq; cum pauca dixero, tum perorabo. Genera coarguendi & reprehendendi sunt duo. Capiunt enim eos quibuscum disputant, refellentes tum uerbis, tum sententijs atque rebus. Verbis, ut homonymia, ambiguitate, adiunctione, distinctione, accentu, & forma orationis. Rebus autem, ut accidente, simplici aut quadam ex parte intelligentia, re-

prehensionis ignoratione, consequentibus principij petitione, multiplici pro una interrogatione. Dicamus primum de uerborum captionibus. Captiosum est argumentum ex homonymia, & ambiguo, cum est uerbum aliquod homonymum & ambiguum, cuius significationes distinguere non possumus. Exemplum est eiusmodi, Ex homonymia, Qui sedet, surgit: Qui autē surgit, stat: Qui igitur sedet, stat. Ex ambiguitate, ut si quærat, an quod quis uidet, id uidet? & concedatur. hoc modo Sophista soliti sunt refellere, incommodo urgentes aduersarium, Quod quis uidet, id uidet: Socrates autem lapidem uidet: lapis igitur uidet. Hoc autem differunt homonymia & ambiguitas, quòd illud in uno uerbo spectatur, hoc in uerborum collocatione. Ex coniunctione hæc sunt, Qui sedet, ambulare potest: Socrates autem sedet: Socrates igitur sedens potest ambulare. Qui nō scribit, is scribere potest: Aristoteles autem dormiens nō scribit: Aristoteles igitur dormiens potest scribere. Ex distinctione hoc modo, Quinque sunt duo & tria, duo autem & tria sunt numerus par & impar, Quinque igitur sunt numerus par & impar. Ex accentu facilia sunt omnia. Ex forma orationis est cum qualitas pro quantitate dicitur, aut rationes aliarum categoriarum immutantur, Exemplum est huiusmodi, ut si quærat, An discere sit agere aliquid in disciplina? Et concedatur, nū refelletur hoc modo, Si discere est agere ali-

quid in doctrina: Et docere est aliquid agere doctrina:
 Discere igitur docere est. Atq; hæc sunt exempla earum
 captionū quas Sophista in verbis spectare solēt.
 Nūc dicendū est quemadmodū eis possimus resistere.
 Ac cōmunis quidē explicatio captionum quæ ex verbis
 nascuntur, ratiocinationis & reprehensionis definitio
 est. Nam si quis quid confirmet, per ratiocinationē
 argumentum tractet necesse est. Ita si concessus ijs quæ
 sumpta sunt, non sequatur conclusio, vitiosum erit argumentum:
 cuius vitium quod sit exponendum est. Vitia autem eadem
 in confirmando, quæ in reprehendendo nascuntur. Quoniam igitur
 reprehensio quæ ἑλεγχος a grecis dicitur, contraria est seu contradicē-
 tis enunciationis conclusio, contradicens autem una e-
 iusdem cuius altera, & rei & nominis, & temporis,
 & modi, & eadem ex parte, quemadmodum primo libro
 exposuimus esse debet, nō est id quidem dubium, quin
 si hoc vnum dicamus, non esse reprehensionem quod
 contradicentem non concluderit, aut sumpserit, captioni
 resistamus. Ac in homonymia quidem & ambiguo, res eadem
 non est in nostra enunciatione, & in ea qua aduersarius
 utitur, ut si quis querat, An omnis canis latret?
 optimum erit distinguere, sed etiam negare possumus.
 si igitur negemus, & ille contra dicat, imò verò omnis
 canis latrat. Omnis enim domesticus latrat, perspicuum
 est eum, rem aliam ac ne-

gauerimus, probare. Dedimus enim de sydere & pisce, ille autē de cane domestico probat. Eadē est ratio formæ orationis, nisi ijs in categorijs quarū res nullæ sunt reuera, cuius generis illa est qua Sophista quidam in Diogenem vsus esse dicitur,

Quod ego sum, tu non es,

Ego autem homo sum,

Non igitur homo es.

Quod enim de rebus singulis dabatur, ad speciem transferbat. Et illa, Decem prius habebas, nunc autem novem tantum habes: Quod igitur prius habebas, & nunc non habes, amisisti. Naturæ enim ad quantitatis quæstionē transfertur. In reliquis autem tribus solum spectatur verbum aut oratio. Nam nec, si verbum unum aliàs accentu acuto, aliàs gravi pronuncietur, res mutatur, nec si cōiuncta sit, aut distincta oratio. Potest enim vera & falsa esse oratio, ijsdem rebus manentibus. Coniuncta exemplum hoc erit, ut si queratur, Verumne sit, nunc te esse natum? nunc enim adverbium ad duo referri potest. Atque hæc sex captiones, quæ ex verbo nascuntur, vno modo ita discutenda sunt. Aliero autem, cum contrarium eius ex quo nata sunt, proferretur, ut si ex distinctione orationis orta sit, dilueatur coniunctione: si ex acuti tono, gravis erit affertendus: contraque si ex gravi, in acuto erit explicatio. Atque hæc quidem de ijs captionibus, quæ in-

verbis spectatur. In rebus autem septem, ut dixi, Sophistæ sequuntur. Captio prima ex accidente attributione nascitur. Eius exemplum tale est, Si demonstrato cane, hic pater est, & tuus est. tuus igitur pater est. Accidit enim tantum ut sit canis & tuus & pater. Item hoc, si eum qui venit, ignoras, & is qui uenit est Ioannes, quem nosti eundem nosti & ignoras. Hæc ita explicabuntur, si dicatur alia atque alia esse quæ pro uno accipiuntur in accidentibus. Captio secunda est ex consequentibus, quæ alia præcepta non desiderat, atque ea quæ in consequentium loco tradidi. Tertia est, cum aliquid quod ex parte est, omnino esse dicitur, ut si quis concludat aliquem esse album & nigrum. Aethiopem enim esse nigrum, & candidos habere dentes. Refertur etiam ad locum, ad tempus, & comparisonem. Contrariorum natura hæc diluitur maxime. Neque enim repugnat duo contraria eidem ita simul conuenire, ut alterum tantum quadam ex parte conueniat. Quarta est, quæ ex reprehensionis ignoratione euenit. Quanquam hæc fusa est potius per omnes quam partem efficiat. Omnes enim ex reprehensionis ignoratione nascuntur. Quinta est, cum principium disputationis petitur & postulatur. Principium autem, Aristotelis sententia, petitur quinque modis. Primo, si quis id petat, quod probandum ipse susceperit. Altero, cum id quod singillatim demonstrari debet, totum petitur,

ut si quis probans temperantiam bene cum in quo est
 efficere, id virtutes efficere ponat. Quod enim pro-
 bare debet, id sibi ut detur postulat. Tercio, cum peti-
 tur pars eius quod totum probandum est: ut si qua
 virtus expetenda esse ponatur, cum omnis probari de-
 beat. Quarto si id quod propositum est, adhibita divi-
 sione ponatur aut petatur, ut si cui probandum sit, tem-
 perantiam versari in voluptatibus quæ ex tactu &
 gustatu percipiuntur, singulatim petat utrunque. Sex-
 to cum unum petitur eorum, quorum alterum alterius
 su consequens, ut si quis probans hominem natum es-
 se ad agendum, sibi dari postulet, Quod ad agendum
 sit natum, id esse hominem. His autem quinque gene-
 ribus notatis & cognitis, facile erit captionibus huius
 generis occurrere. Horum enim quinque unum pete-
 re captiosum est. Itaque vitium hoc statim indicandum
 est si notum sit, etiam si id quod ponatur, aut postuletur
 sit probabile. Si obscurum sit, ignorationem suam
 eius qui postulat differendi inscitia teget. Sextum ge-
 nus est, cum id pro causa ponitur, quod causa non est,
 ut si quis eloquentiam malam esse ex eo concludat,
 quod multi abutantur ea ad reip. perniciem. Hoc ge-
 nere fere omnes imprudētes utimur. Ciceronis est dis-
 putatio in tertio extremo de natura Deorum, qua docere
 conatur rationē quæ à deo data est nobis malam esse,
 quod nullum facinus sine ratione suscipitur, aut perfi-

citur. In eodem errore versantur, qui Aristoteleꝝ propterea reiiciendum censent, quòd Sophistæ, ei dantes operam, extiterunt. Hoc autem genus facile est ad explicandum. Vera enim caussa proferenda & opponenda est, ut bonas artes non esse in causa cur mali & improbi homines qui eis se dedunt, fiant, sed eorū qui præclaris rebus abutantur, improbitatem. Septimum genus id quod ex multiplici interrogatione nascitur perfacile est. Distinctione enim statim diluendum est. Quanquam interdum nihil nos adiuuabit distinctio, ut si positis duobus quorum vnum album sit & nigrū alterum, queratur eāne alba sint an nigra? Itaque nec alba nec nigra ea esse respondendum est, sed nigrum & album. Ac de captionibus quæ tum in verbis, tum in rebus spectantur, breuiter diximus. Alia autem sunt quatuor quæ captandis alijs sequuntur Sophistæ, de quibus nihil est quod dicam, præsertim cum ea his temporibus in disputationes non admodum incidant. Solæcismis enim & nugis locus nullus est. Alia autē duo incidunt illa quidem interdum, sed tamen præcepta aut nulla aut certe perpauca desiderāt. Nam cum Sophistæ falsum aliquid ostendere soleant certis quibusdam quæstionibus positis sine rerum de quibus agatur, aut personarum commemoratione, eos cogere debemus, ut rem proponant, si velint à nobis aliquam exprimere confessionem. Quòd si eo velint nos com-

*pellere & quasi trahere disputando, ubi magna eis
suppetet argumentorum copia, admonere eos debebi-
mus, ut ne à proposito aberrant: sin monitione nostra
contēpta eò nos trahant, tum id quod afferent nihil ad
rem dicemus pertinere. Ita verò nihil contra opinio-
nem omnium dicemus, eorum argumētis victi, si cum
aliquid dicent in eam sententiam, aut ita esse negabi-
mus, aut magnos auctores nos habere dicemus.*

F I N I S.

EXCVDEBAT IO. LODOI-
CVS TILETANVS.

I 5 4 4.















